


15526  
III Mag. St. Dr. P







15526


*Brandenburg 158.*

*Hist 4029.*

*V. a. 18.*

*41. 1. 149.*







S  
INST  
C



I.

S C H E M A

INSTITUTIONIS & RESTAURATIONIS,

CANONICORUM REGULARIUM

*Congregationis S. Salvatoris Lateranensis.*



SCHEMATA


INSTITUTIONIS & RESTAURATIONIS

CANONICORUM REGULARIUM



15526. III.





JOANNES  
DE NIGRA VALLE,  
ORDI PRÆMONSTRATENSIS  
S. R. E. BIBLIOTHECARIUS,

IN  
SACRI & APOSTOLICI ORDINIS  
CANONICORUM REGULARIUM  
S. AUGUSTINI  
Congregationis S. SALVATORIS Lateranensis,  
GENEALOGIAM  
Quam plurimis usq; gravissimis & quidem  
Externorum Authoritatibus,  
D I L V G I D A T V S.  
Et per Canonicos Congregationis Cracoviensis  
Vitz sanctitate, status eminentia, &  
Doctrinae soliditate insignes,  
A M P L I A T U S.  
Tum etiam  
Accommodatissimis suo assumpto & intentioni Schematicis

EXORNATUS.  
nec non  
Labore ac Studio,  
A. R. D. AQUILINI MICHAELIS GOR-  
CZYNSKI, J. G. & S. Th. D. Canonici Re-  
gularis Lateranensis,  
Luci Publicæ  
REOSTENSUS.  
Anno Domini 1707.

Sculpt: Vilna





DEPARTMENT OF THE ARMY  
 OFFICE OF THE ADJUTANT GENERAL  
 WASHINGTON, D. C.  
 1917



# OANNES de Nigra VALLE,

## ORDINIS PRÆMONSTRATENSIS,

### S.R.E. BIBLIOTHECARIUS

*in Epilogo diversar. Chronic. Cap. 18 Epil. 13.*

*hæc in commendationem CANONICORUM REGULARIUM habet.*



*Rdo Canonicus in veteri Testamento à Levitis, quorum erat cum Ephod lineo in tabernaculo & in Templo Domini jugiter assistere, & ministrare, mysticè inchoatus est: à Ioanne Baptista inter vetus & novum Testamentum in predicatione & Baptismo præstensus: in novo autem Testamento à Christo demonstratus, & à Marco Evangelista in Alexandria ordinatus: à Sanctis v. Basilio Casariensi, Augustino Hipponensi, Episcopis, illustratus: deum à Sancto Rufo Lugdunensi Episcopo reformatus: inter omnes Ecclesiasticos Ordines sive Religiones Primatum sive majoritatem obtinet antiquitate, Doctrinâ, Regimine, Nobilitate, etq; Sanctorum numerositate.*

*I. Antiquitate; siquidem ex Canonico Ordine omnium primario, cetera omnes Religiones veluti ex limpidissimo fonte quasi rivuli proflexerunt. Ex eo namq; primum Monasticus Ordo traxit originem; in enim in primitiva Ecclesia ab eis, quibus erat cor unum & anima una in Domino, multi ad Professionem illam, quâ quis se & suo Christo reliquit, assidua predicatione converterentur in seculo, qui eo quod simplices & idiota erant, nec donum scientiæ aut linguarum Spiritu S. acceperant, non erant ad prædicandum & in Divinis ministrandum apti atq; idonei: electis illis omnibus, quibus inerat scientiarum sive linguarum collata gratia ad evangelizandum, docendum, ac Ministerium obsequendum, nec non ad regimen animarum, & Sacramentorum administrationem, qui ex Apostolorum decreto Clerici seu Canonici nuncupati sunt, Angelicam vitam veluti Dei Ministri, ac dispensatores Ministeriorum Dei, in communi ducentes, atq; in sortem Domini per paupertatis, castitatis, ac Obedientiæ Professionem assumpti: & reliquos simplices ac idiotas iussit Apostolica Institutio in Canoniis intra Urbium frequentias, solitarios, sub Prelato seu Abbate degere, ac*



in humilitate & pœnitentia luctu, sua & aliena peccata plorando, frequenter pro Ecclesia statu, orare, operibus manuum & contemplationi insilire, ac operibus misericordiæ corporalibus operam dare. Hi profectò in veteri Testamento mysticam habuerunt præfigurationem à Filiis Prophetarum, qui juxta fluentia Iordanis, & in montibus solitariam vitam ducebant.

II. Et quia Prophetæ communiter ex genere Sacerdotali seu Levitico erant, sicut Moyses, Aaron, Samuel, Ieremias & alij multi, vel ex Tribu Iuda, sicut David, Salomon, Isaias, & alij plures, cujus Tribus proprium erat Filiis Israel præesse per regimen; & figurat Prælatos S. Ecclesiæ, & ambabus Tribubus scilicet Levi & Iuda designantur Clerici sive Canonici, quorum est sacrificare & animas regere; ideò Monachi dicuntur figurativè Filij Prophetarum, id est, Clericorum vel Canonico-  
rum, quia in novo Testamento cessante figurâ, & succedente veritate, ex Regularibus Clericis seu Canonicis ab Apostolis per predicationem & informationem, Originem habuerunt. Unde Bernardus in quadam Apologia ipsum Monasticum Ordinem primum esse dixit, cujus Apostoli in Clericali scilicet vel Canonico constituti, Institutores in Ecclesia fuerunt. Quare Ordo Monasticus primus est, qui in Ecclesia à Clericis Regularibus vel Canonicis Originem traxit. Monachi igitur à Clericis instituti, in Ægypto ab Antonio, in Thebaide ab Hilarione mirum in modum in Canobus & in solitudine aucti sunt. A præfato postmodum Basilio Casarea Episcopo in Gracia, licet in parvo numero aliquantulum regulati; in Occidente postmodum à B. Benedicto reformationem simul & vivendi regulam susceperunt. Et licet aliqui ex ipsis Monachis per Papalem postea dispensationem ad Clericalem assumpti ex Privilegio Ordinem, in Pontifices electi fuerint, non docendi tamen sicut Canonici, sed plangendi habentes Officium, à prædicatione, & Sacramentorum administratione, sicut oves sub Clericorum Officio, & subditi sub Canonica Prælatione abstinere jubentur. Ex ipsa namq; Canonica plantatione, quasi exemplari quodam & deliciarum Paradiso 4tuor flumina Gihon, Phison, Tygris & Euphrates, 4tuor scilicet Mendicantium Ordines Originem traxerunt: Ordo videlicet Prædicatorum, Minorum, Eremitarum & Carmelitarum, qui sub exemplo & prædicatione, universam superficiem Ecclesiæ tanquam rosea flumina irrigare dicuntur.

III. Doctrinâ verò præfatus Ordo reliquis omnibus præfulget, quia ex eo innumerabiles fermè Doctores exierunt, quorum Nomina eligendo paucos de multis inferius describemus. Isti quippe sunt, qui hominum corda ad Catholicam fidem & Christianam religionem, tanquam tonitrua magna, suis prædicationibus converterunt, qui sanctam contra hæreticos



disputando, firmaverunt Ecclesiam, & veluti splendor firmamenti, ac stellæ in perpetuas æternitates radiantcs, cum beatis exemplis atq; doctrinis in charitate fecerunt ferventem, & in sapientia illuminatam. Unde sicut ex ipso Ordine Canonico reliquæ omnes effluxerunt Religiones, ita ex ipsius Ordinis antiquis Doctoribus, quasi ex prato flores, cæterorum Doctorum documenta nascuntur.

IV. Regimine insuper præcipuus in S. Ecclesia fuit Ordo Canonicus, cum Romanam sedem per annos quingentos & sex, optimo jure obtinuerat, quinquaginta & tres summos Pontifices produxit, quos ego cum Romana Ecclesia Bibliothecarius existerem, ex magna parte ab Anastasio Cardinali, cum & ipse fungeretur officio, ex archivis usq; ad sua tempora extractos reperiens, & qui post ipsum fuere, ex eisdem archivis à Formoso & infra una cum Cardinalibus, Archiepiscopis, Abbatibus & Sanctis ex eodem Ordine, multis perlustratis Chronicis, laboriosissime collegi.

V. Neq; prætermittendum est, quod omnes ferme totius Orbis Cardinales Ecclesiæ, tam cum Archiepiscopalibus & Episcopalibus, quam cum Canonicis & Clericis, Regularium antiquitus Canoniorum erant; ex quibus nunc plurimæ extant in Hispania, in Gallia, in Germania, in Anglia, atq; aliqua in Italia, præter alia Canoniorum Canobia, Abbatias scilicet Præposituras, & Prioratus, quæ penè innumerabilia sunt. Et propterea hodie Pontifices omnes & Archiepiscopi ac Episcopi quando consecrantur, ex eo, quod efficiuntur Clerici Regulares per solennem Professionem, accipiunt Habitum Canoniorum Regularium, scilicet Camisiam Apostolicam in memoriam & signum, quod olim tota Ecclesia Catholica tam in Patriarchalibus, quàm in Archiepiscopalibus Ecclesiis & Episcopalibus, per ipsos Canonicos Regulares regeretur. Ista porro Camisia sive Collobium lineum & album, (quod proprie est essentialis Habitum Regularium Clericorum) habuit Originem in veteri Testamento à Levitis & Sacerdotibus, qui utebantur Ephod lineo. In novo Testamento postmodum à Christo Sacerdote Maximo & Apostolis, talis Habitum albus & lineus, & institutus & delatus fuit, sicut patet de ipsius Christi Veste incontutuli & deluper contexta per totum. Sic etiam de vestimentis Apostolorum Petri, Pauli, Bartholomæi, &c. quæ ex re Apostoli appellabantur à Gentibus: Homines dealbari. Unde ex eorum institutione omnes Clerici Regulares, qui Apostolorum more se & sua relinquentes, ut crucifixi mundo, & hajulantes Crucem, Christi Discipuli censebantur, talem induere Habitum jussi sunt. Nec mirum quia cum Dei Minister semper candidus & purus atq; mundus in conscientia esse debeat, & simplex ut Columba in moribus, & vestimenta alba



*Et candida, is jubetur deferre, juxta illud quod scribitur Eccl: 9. Cum tempore vestimenta tua sint candida. Et ut legitur in scripturis: Angeli semper in candidis vestimentis visi sunt, ad designandum eos, qui ex Clericali Professione albo induuntur amictu, ex sancta conversatione Angelos potius quam homines esse debere &c. &c. Habitus siquidem albus pertinet ad perfectos, & ad illos qui ita per terrenorum contemptum ad ea, quæ sursum sunt, elevati sunt, ut sint quasi in cælis per beatitudinem glorificati. Quare D. IESVS glorificatus in monte vestimenta candida dicitur habuisse sicut nix &c. Iste est Habitus convenientior his, qui in sortem ac servitium Domini assumuntur. Habitus inquam à Deo ex ore ipsius suis Ministris adinventus & ordinatus. Unde Dominus ad Moysen (Exod: 19) Indues tunicis lineis Aaron & liberos ejus.*

**VI. Nobilitate** insuper reliquos omnes Ordines præcellit præfatus Ordo, & inter eos quasi rosa inter flores præfulget, quia Imperatores, Reges, Duces, Principes, Marchiones, Comites, Equites, Doctores, & Magistri in omni facultate, insuper & Senatores, Cardinales, Episcopi & alij infiniti Prælati, relictis Imperio, Regnis, domiciliis & dignitatibus, universisq; secularibus pompis, in ipso Ordine humiliter conversati sunt. Quos & inferius, prout ex diversis antiquorum Chronicis quantuloscunq; invenire potuimus, per singulorum Nomina subnotabimus.

**VII. Sanctorum deniq; Numerositate** Religiones omnes excellit prænominata Religio, quia ut ex diversis Catalogis Sanctorum & Martyrologiis, & antiquis historiis colligere potuimus, immensus prope modum Sanctorum, tam Martyrum, quam Confessorum ex ipso Ordine numerus reperitur. Et quantum pro certo numero summari possunt, ut refert Anastasius Cardinalis & Romana Ecclesiæ Bibliothecarius, in Catalogo quem edidit ad Carolum II. Gallorum Imperatorem, reperiuntur circiter sexdecim millia centum & ultra. Testatur enim præfatus Anastasius, ubi sup. quod in Anglia, in Metropoli Cantuariensi irruentibus illuc barbaris, decem millia ejusdem Professionis Viri, qui ad Generale Capitulum venerunt, in Ecclesia Archiepiscopali S. Salvatoris pro Fide Christi martyrio ab iisdem Paganis coronati sunt, eorumq; festivitas agitur in Calendis Maij. Ex SS. Confessoribus, qui SS. Catalogo sunt adscripti, quatuor millia & quingenti reperiuntur, aliorum autem Martyrum circa mille & sexceti colliguntur. Ex quibus Omnibus SS. tot ego per singulorum Nomina, partim ex Catalogo præfati Anastasis, partim ex Bibliotheca Romana transumere conatus sum, qui pro eorum celebrandis festivitibus seu Commemorationibus dicendis per totius anni circulum



De Origine & Progressu Canoniorum Reg: Lat: 5  
lum singula quaq; die sufficiant circa quingenta. Cardinalium nume-  
rus ex eodem Ordine siue Religione 2567. Archiepiscoporum 2715, Epi-  
scoporum 20135. Abbates ex eodem Ordine baculo Pastoralis & Mitra  
utentes, centum millia & ultra: Ecclesie Cathedralis, quae adhuc restant  
in diversis Regionibus registratae sunt numero quingenta & ultra; &  
sunt tam Archiepiscopales quam Episcopales. Ecclesie vero Collegia-  
tae sunt registratae numero ducenta millia quingenta & ultra, quae sunt  
ejusdem Ordinis Canobia scilicet & Canonicae, quae pro majori parte  
sunt Praepositurae & Prioratus, inter quas circa decem millia Abbatiae  
& ultra continentur. Haec in terminis habet citatus Ioannes de ni-  
gra Valle.

viii. Firmat praeterea, pariter externum Raphaele Volaterani lib:  
21. in sua Antropologia hoc tenore testimonium. Ordo autem Canonicus  
ab Augustino non tam institutus quam renovatus. Ab Apostolis enim in monte  
Sion exordium sumpsit, qui post Ascensionem, ut ait Th. 2. 2. quest: 88. de vita ge-  
nere deliberantes, communia inter se omnia ac tria vota coram DEO statuere.  
Qui ritus a successoribus Clericisq; omnibus, diu servatus est diligentissime, fideq;  
postea defervescente desitus, nunc quoq; in Ecclesiis amplius quadraginta perseve-  
rat. Amictus ejus est linea Tunica tantum, vestis cujusq; superaddita, quam  
Iacobus Apostolus Praesul Ierosolimitanus primus, ex more Levitico veterumq; Sacer-  
dotum sibi assumpsit, post eum Marcus Alexandriae: posterius vero diversis inter se  
factis conciliabulis alij alia simul cum lineis indumenta corripuere, statutaq; condi-  
dere. Novissime vero Anno 1401. Authore Leone de Carate Cive Mediolanensi  
ejusdem Ordinis Viro, Canobium S. Mariae de Frigidonaria Lucanae Dioceseos re-  
formantes Frigidonariam nominavere, quam postea Eugenius IV. postquam pro-  
basset Lateranensem (Congregationem appellari mandavit. Nam eam Ba-  
silicam annos propè octingentos antea tenuere, ex eaq; plures Pontifices & Viri Ma-  
ximi prodierunt. Sed & S. Crucis & Mariae novae Templum diu possederunt, mosq;  
erat ut qui titulis his Cardinales praessent, ex eorum Canobiis Proficientes existerent.  
Deniq; nulla magis Religio propagata est, cujus Canobia olim in Europa ad quatuor  
millia quinquaginta quinq; in Italia septingenta fuerunt, hodie autem vix 60.

ix. Nunc Viros perquiram ex hoc Ordine praclaros imprimis autem Pontifi-  
ces 36. inter quos Gelasius I. Leo VIII. Alexander II. Paschalis II. Alexander III.  
Innocentius III. Honorius III. Cardinales amplius 300. Sancti Viri ad septem mil-  
lia & quingenti. Praeterea Frigidianus cujus Gregor: 3. Dialog: meminit. Is  
enim Ultoniae Regis in Hibernia Filius adolescens admodum, Romam venit, po-  
stremo Lucam, ubi Praesul factus Canobium excitavit, quod post obitum, Nomini  
ejus dicatum fuit. Patritius Hiberniae Praesul sub Caestino I. Prosper Praesul Re-  
ginus. Fuere ex his Dominicus & Antonius Ulisiponensis, quorum alter postea no-  
vum Praedicatorum Ordinem constituit, alter vero ad Minores migravit. Hugo  
de S. Victore Parisiensis, summus Theologus sub Honorio III. scripsit de Sacramen-  
tis & alia. Hugo de Folietto Canonicus S. Petri Cordubensis, moribus itemq; lite-  
ris clarus. Richardus de S. Victore Paduanus Patria, sub Anastasio IV. M. C. L.  
inter Cardinales vero S. Gvarinus patria Bononien. Praesul Praenestinus a Lucio III.



creatus aetate annorum 110. moriens apud Præneste sepultus est. Petrus Damianus Praesul Hostien. sub Gregorio VII. qui cum adversum suae quietis statum prospiceret, bonis ac Cardinalatus se abdicans, in Canobium S. Mariae in Foru Ravennae, unde exierat redijt, ubi & persanctè decessit anno M. C. XIX. operibus in Theologia plurimis relictis. Jacobus de Vitriaco sub Innocentio III. Praesul Tusculanus multa etiam scripsit Praefectus & Legatus contra Albigeneses haereticos. Hugo alius de S. Victore Parisiensis Tusculanus Praesul celebris Theologus anno M. C. C. CXXXI. Ivo etiam ex eodem Canobio Cardinalis magnâ Vir famâ doctrinae.

x. Hinc patet, & quantò ulterius progrediemur patebit magis, quosdam nobiscum injuriosissimè agere, qui praenominatos Praelatos Ecclesiae & Doctores in ornamentum suae Religionis trahunt, sed eò efficacius manifestissimæ falsitatis convincuntur, quia non domestica aliqua testimonia contra eos obtendimus, sed externorum Scriptorum allegamus & allegabimus toto hoc volumine documenta. Nec mihi succenseant, quòd pro veritate scribens, eorum palato minimè obtemperem, sciant se potius rem habere cum Principali Libri Authore Ioanne de Nigra Valle, qui prius vel alijs in contra scribendi, vel mihi ex alijs occasionem instillaverit Jus Nostrum vindicandi, a cujus proinde sententia discedere nè latum quidem unguem rationabile censeo.

xi. Patet deinde Institutionis Schema scilicet Canonicos Regulares suos Natales ducere ab Apostolis. Et insuper solidatur veritatis petitiâ seu à Petri successoribus, inter quos Paschalis II. in Literis ad Priorem S. Frigidiani Lucensis (quas se vidisse testatur Cæsar Franciottus Clericus Regularis S. Mariae Lucens: de Imaginib: & Reliqu: in Urbe Luca) hæc notat: *Vita regularis propositum in primitiva Ecclesia cognoscitur ab apostolis institutum, quam B. Augustinus tam gratanter amplexus est, ut eam suis Regulus informaret.* Ubi Papa non de alio vitæ proposito loquitur, præterquam de instituto Canonicorum Regularium, qui soli ab Apostolis originari probantur, & deinde à S. Doctore Augustino reformari, ab omnibus omni exceptione dignis Historicis asseruntur.

Benedictus XII. in Bulla Generalis Reformationis motu proprio edita, quæ incipit: *Ad decorem Ecclesiae* hæc habet: *Ad Religionem Canonicorum Regularium Ordinis S. Augustini ab Christi gloriosis Discipulis in primitivâ Ecclesia Sac: Institutionibus stabilitam, gerentes præcipue charitatis affectum, ac molentes quæ in eadem Religione reformanda cognovimus absq. reformationis remedio præterire &c.*

Eugenius IV. in Bulla (vigore cujus Canonicos Regulares ad Lateranensem Basilicam reinducit) quæ incipit: *Cum ad Sanctissimam.* sic ait: *Hujus Sac. Ordinis & Sancti propositi post SS. Apostolos primum in Alexandrina Ecclesia Marcus Petri discipulus fuit Institutor ac Conditor, ac gloriosus Doctor Augustinus Divinis Regulis illud decoravit; & S. Mem: Urbanus Martyr & Summus Pontifex, Generalis decreti ordine reformavit, & B. Gregorius Augustinus Anglorum Episcopo velut plantationem Sac: in commissio sibi populo præcepit inserui, ac in Occidentis finibus ampliavit.* Ubi etiam dolet casum ejectionis eorum ex Laterano, de quo copiosè pertractat Noster Gabr. Pennot in sua hist. trip. Lib. 3. Cap. 21.



## De Origine & Progressu Canonicoꝝ Reg: Cōgr: Lat: 7

xii. *Sixtus IV.* in Bulla quæ incipit: *Dudum ad universos inquit: Ad illum præ pue Canonicoꝝ Regularium Congregationis Lateranen: Ordinem S. Augustini eo libentius Nostra mentis oculos convertimus, qui Ordo in nascentis Ecclesiæ Sancta Institutione ac primorum Christianæ Religionis Clericorum normâ, traditionibusq; fundatus, & Sac: institutis ac Divinis Regulis, eloquiisq; præmunitus, existit, ab ejusq; primæva fundatione variis virtutum meritis semper resplenduit.*

*Pius IV.* in Constitutione (qua definit Causam Præcedentiæ inter Nostros Lateranenses & Benedictinos Cassinenses,) motu proprio hæc enuntiat: *Qui quidem Cardinales dictis Partibus eorumq; Procuratoribus & Advocatis pluries auditis, dubiisq; emergentibus ad plenum discussis & resolutis, comperto satis per eos ex compluribus Literis Apostolicis, diversisq; aliis documentis, rationibus & probationibus, quod ipsi Canonici fuerint & sunt de illis Clericis à Sancto Augustino, quinimo à SS. Apostolu institutis, eosdem Canonicos tam sua Institutionis hujusmodi, quàm etiam dignitatis Clericalis, quæ eos statim quod Professionem regularem emittant, insignitos esse oportet, aliarumq; qualitatium in eis existentium ratione, dictamq; illorum Congregationem Lateranensem, præfatos Monachos, & eorum Congregationem Cassinensem præcedere debere censuerunt & concluderunt. Unde Nos &c.*

*Pius V.* hoc ipsum confirmans definit in hæc verba: *Cum itaq; sicut accepimus dilecti Filij universi Canonici Regulares Congregationis Lateranen. qui ab Apostolis Originem traxerunt, quiq; ab eodem Augustino eorum Reformatore, iterum per reformationis viam mundo geniti sunt, merito prætendere possunt se omnes alias personas Ecclesiasticas tam sæculares quàm Regulares in Processionibus & alijs actibus publicè præcedere debere &c.*

xiii. Non desunt præterea quam plurimi Classici Authores & accurati Historici (non obstante quid obstrepat in contrarium:

Gens abrafa vices naturæ invertere tentans,

Cunctarumq; orbis rerum mutare figuras)

probantes in Canonicis Regularibus Institutum Apostolicum. Inter quos agmen ducit Sigibertus Gemblacensis qui in suo Chronico sub anno 1078 ita habet: *Ab hoc tempore capit reflorescere in Ecclesia B. Quintini Belvacensis Canonicus Ordo primum ab Apostolis, postea à B. Augustino Episcopo regulariter institutus, sub Magistro Ivone Venerabili ejusdem Ecclesiæ Præposito, postea Carentensium Episcopo.*

2. *Vincentius Belvacensis, quem citat & sequitur B. Antoninus Archiepisc. Florentinus in summ. Historial. tit. 15. cap. 16. his verbis: Circa annum Domini 1080. ut refert Vincentius historial. in spec. lib. 26. Cap. 51. post Sigibertum tempore Gregorij VII. Papæ & Henrici Imperatoris, capit reflorescere in Ecclesia B. Quintini Belvacen. Ordo Canonicoꝝ Regularium primum ab Apostolis, postea à S. Augustino Episcopo & Doctore eximio, regulariter institutus, sub Magistro Ivone Venerabili ejusdem Ecclesiæ Præposito, postea Carnotensi Episcopo, qui post Isidorum fecit compilationem antiquam Decretorum.*

3. *Wernerus Carthusianus in Fascic. tempor. fol. 54. ait: Ordo Canonicus cepit florere in Ecclesia Belvacen. qui primo ab Apostolis, postea ab Augustino regulariter est institutus, sub Magistro Ivone Præposito, post Episcopo Carnotensi.*

4. *Lucidus Hystor. lib. 10. de reb. gestis post Christi adv. Cap. 7. notat: Rubrica*



*brica de Ordine Religiosorum testatur communem Clericorum Ordinem à B. Petro et aliis Apostolis institutum fuisse, qui deinde ab Augustino insignem et singularem regulam accepit.*

5. Platus de bono status relig. Cap. 23. quem sequitur Emanuel Rodriguez Tom. 1. questionum Reg. qu. 3. a. 1. ubi ad quæsitum sibi objectum dicit: Respondeo dicendo quod Canonici Regulares Ordinis S. Augustini dicti Lateranenses ab Apostolis primum ut narrant historie, traxerunt Originem, prout tradit Hieronymus Plati, sed postea à B. Augustino fuit talis Congregatio regulariter ordinata.

6. Robertus Arboricensis in Opusc. de tuendo Celib. tom. 2. ubi inquit: Canonicos dicimus qui ex communi placito ac voto, Orationi ac mutua bonorum distributioni obnoxij erant. Erat autem hoc veluti elementum quoddam atq; exemplar futura Communionis in Ordine Canonicorum qui triplici voto adstricti, se Regulares appellant, quem Augustinus longo post tempore instituens, se ab Apostolico fonte hausisse profitetur. Hic ergo Ordo statim ab Orbe redempta etc.

7. Fr. Iacobus Philippus Bergomensis Ordinis Eremitarum S. Aug. in ultima edit. de anno 1507. lib. 14. hæc habet: Sunt ergo omnes isti Canonici de quibus paulo ante diximus, unius ejusdemq; Ordinis cum illis qui sub habitu lineo Regulam Augustini profitentes, primum ab Apostolis in primitiva Ecclesia sunt instituti, et per B. Augustinum regularibus Constitutionibus ad communem regularem vitam restituti, ut etiam colligitur ex prefatis sermonibus de communi vita Clericorum, et Constitutionibus et Decretis Romanorum Pontificum: Benedicti XII. Eugenij IV. Nicolai V. et Sixti IV. et alijs authenticis scriptis et approbatis testimonijs apud prefata Congregationis Lateranen. Canonicos existentibus.

8. Joannes Molanus Lib. 1. de Canonic. Cap. 6 roborat præ alijs dicens: Est autem omnium doctorum Virorum hac de re scribentium una sententia; Ordinem Canonicorum regulariter viventium primum ab Apostolis esse institutum. Hinc Pius V. concedens Canonicis Regularibus Lateranensibus peculiare Officium de insignioribus sui Ordinis Sanctis, S. Augustinum vocat primum Apostolici Ordinis Reformatorem. Et infra. Canonici verò, qui Regulares dicuntur, quia per solennia vota firmitus se Deo ad Regulæ arctioris observationem astrinxerunt, rectè & à Pontificibus Maximis & ab omnibus doctis Viris dicuntur Apostolicum Ordinem profiteri.

XIV. Concordat cum primis Ioannes Gerson Parisiensis Academiæ Cancellarius serm. de Cena Domini Alphabet. 22. lit. N. genericè de Regularibus dicens: Regularis vita originem ab ipsis Apostolis traxit. Sed dum ait de Canonicis Regularibus eos de nobiliiori fonte ipsiusmet Salvatoris, ductum traxisse Alphabet. 42. docet, dicens: Apostolos fuisse Canonicos Regulares sub Abbate Christo, et iudam à Domino triplici honore fuisse decoratum: Procuratoris, Commensalis, ac Canonici Regularis.

Raphael Volateranus cum cæteris relatis superius jam consonum alijs deposuere testimonium, reliquos inferius identidem allegabimus, signanter num. 16. & sequ. num. 42. et 48. Taceo Petrum Blesensem serm. de S. Augustino. Rudolphum Cupiers in Can. Oportebat dist. 79. Raymundū Fragum de Relig. pag. 104. Valenzuola Consilior. num. 46. qui eidem subscribunt sententiæ. Imò & ipsū Augustinum hæc eadē pertractantē tribus sermonibus de communi vita Clericor. Ut tetigit modò dictus Philipp. Bergomen. & D. Possi.



De Origine & Progressu Canonicoꝝ Reg: Cōgr: Lat: 9

Possidonium in *vit. S. Aug.* velut domestica testimonia prætermitto. Insuper & eos (ne videar nimium affectatè excurrere in laudes meæ Religionis) apud Nostꝛum Gabrielem Pennotum in *hist. tripart. lib. 2. Cap. 2.* prætereo, qui Canonicum Ordinem derivant à Nazaræis & Levitis veteris Testamenti, non obstante quod eorum augeat catervam, Joannes Melegarus in *Apolog. advers. Collotium & Cacialupus* relatus à Michæele Francez de *Cathedr. Ecclesijs* (Cap. 14. num. 63. pro quibus omnibus unus ad præsens sufficit Petrus Damianus Cardinalis in *Proem. Constit.* qui sic ait: *Clericorum Ordinem in Ecclesia Tribus Leviticæ locum tenere, et Apostolicæ dignitatis iura servare, et Officia gerere, nemo sanè sapiens dubitavit. Unde certum est eos Levitarum et Apostolorum regulas et vitas imitari debere, quorum noscuntur locum tenere, dignitatem habere, et Officia gerere; quæ enim lex Levitis, et quæ à Domino regula datur Apostolis, hæc eisdem Catholicis pariter Clericis, usq; in finem mundi vices eorum suppleantibus, indicta nequaquam ambigitur.*

xv. Ut autem idem Schema quò ad Restorationis punctum innotescat evidentiùs, & quantam curam in reformando ejusmodi Ordine Summi Pontifices habuerint, observandum est cum Nostꝛo Gabriele Pennoto *cit. lib. 2. cap. 42.* Ubi pro prima Reformatione Generali Canonicoꝝ Regularium, allegat Urbanum I. qui A. D. 204. peculiari decreto in *Cap. Scimus. et Cap. Dilectissimis 12. qu. 1.* vitam sine proprietate communem, et sub obligatione voti, inter Clericos, ad observantiam redintegrari intendit.

2da. Generalis Reformatio facta fuit juxta *cit. Pennot. IV. sæculo* in Ecclesia Romana per *S. Sylvestrum* Papam, qui in Sacrosancta Lateranensi Basilica à M. Constantino fundata Clericos regularitèr viventes secundum normam Apostolicam instituit &c. In Ecclesia Vercellensi per *B. Eusebium*, in Novariensi per *S. Gaudentium*, in Mediolanensi per *Ambrosium*, in Gallicanis Pictaviensi & Turonensi per SS. Episcopos *Hilarium & Martinum*, in Ecclesia Orientali per *M. Basilium & S. Athanasium*, ac demum in Africa per SS. Patrem & Patriarcham Nostꝛum inclitum *Augustinum*.

3ta Generalis Reformatio facta est V. sæculo sub Leone I. Pontifice Max. sub quo non solum *B. Gelasius* Valerij filius & *S. Augustini* Discipulus, Augustinianam Reformationem Romam ex Africa invectam in Lateranensi Basilica plantavit. Authore Onuphr. in *addit. ad Platin. in Leone I. & lib. de 7ptem Urbis Eccl. in Eccl. Lateran.* Verum etiam in Generali Concilio Chalcedonen. *Cap. Quidam Monachor. 18. qu. 2.* & in Arelatensi III. sub eodem Pontifice statutum legimus: *Providendum est unicuiq; Episcopo, qualiter Canonici vivere debeant, nec non & Monachi secundum Ordinem Canonicum seu Regularem vivere studeant, ut ait Apostolus: Unusquisq; in qua vocatione vocatus est, in ea vivere studeat.*

4ta Generalis Reformatio facta est VI. sæculo per *S. Gregorium M.* cujus duo extant Canones, in quorum altero mandat Augustino Anglorum Episcopo, ut in Ecclesia Anglicana Clericos regularitèr viventes reformaret ad normam Clericoꝝ primitivæ Ecclesiæ: in altero verò præcipit, ut Episcopi, Sacerdotes omnes Diaconos & cæteros



Clericos illorum visitationi subjectos, Canonicè id est regularitèr vivere compellant, ut patet ex *Cap. Quia tua fraternitas, & Cap. Quoniam velim. 12. qu. 1.* Quantum autem præstiterit Ecclesiæ hic Pontifex? indigitat Joannes Diaconus *lib. 2. Cap. 12.* sic loquens: *Videbantur passim cum eruditissimis Clericis adherere Pontifici, Religiosissimi Monachi, & in diversis Professionibus habebatur vita communis, ita ut talis esset tunc sub Gregorio penes Urbem Romanam, Ecclesia, qualis sub Apostolis à Luca, & apud Alexandriam à Philone, commemoratur.*

Tandem alia Reformatio Generalis facta est, per diversa, in diversis locis, Concilia, ubi plurima saluberrima pro conservando hoc Ordine constituta sunt. Et imprimis in Concilio Arelatensi IV. sub anno 813. & Turonensi III. Eodem anno habita est Synodus Moguntina & Remensis in Gallia. Anno verò 818. habita est Synodus Aquigrani. Et Romæ circa annum 824. *Eugenius II.* ex Canonico Regulari & Archipresbytero S. Sabinæ ad Pontificatus apicem evehctus, congregato Concilio 63. Episcoporum, decrevit, Clericos in communi vivere debere, ut patet ex *Cap. Necessaria 12. qu. 1.* & librum in eodem Concilio edidit, quem Canonicum quinque Capitulorum intitulum omnibus Canonicis observandum mandavit, ex quo Noster *IVO* Carnotensis & Gratianus plures Canones suis decretis inserendos curarunt.

Ultima Generalis Reformatio facta est per *Benedictum XII.* Papam in Bulla: *Ad decorem Ecclesiæ*, cui tantum hæc Religio debet, quantum nulli Pontificum, licet non tot, quin plures de ea particularem vigilantiam exercuerint, prout *Nicolaus II.* in Lateranensi Concilio de anno 1059. & *Alexander II.* teste Eremitani Ordinis Onuphrio Panuino *lib. de septem Urb. Ecclesiis in Ecclesia S. Crucis in Jerusalem*, qui sic ait: *Canonicorum Ordinem dilabentem Laterani juxta B. Augustini regulam, post multa tempora primus omnium reformavit Alexander Papa II. qui ante Pontificatum Clericus Regularis fuerat, & in amplissimam dignitatem vitæq. splendorem restituit, ita ut Monachus Casinensibus magno tunc sanctitatis & pietatis nomine florentibus & celeberrimis nulla in re cederent. Quare ea deinceps Congregatio ingentem maximorum Virorum proventum tulit; ex eo namq. Monasterio prodierunt Honorius II. Innocentius II. Lucius II. Alexander III. & Honorius III. Romani Pontifices.*

Qui autem Reformationis ejusmodi modum, progressum & successum felicem (quem dictus Alexander II. per Canonicos Regulares S. Frigidiani Lucensis in Laterano perfecerat) nosse percuperet, videat Fr. Jacobum Philippum Bergemensem Ordinis Eremitarum S. Aug. qui licet in prioribus editionibus suorum librorum de Congregatione Lucensi multa falsò imò & contumeliosè scripserit, & in secunda editione anno 1502. alios errores addiderit, tamen in ultima recognitione quam *Supplementum Supplementi* appellavit, impressa Venetijs anno 1506. de veritate certior factus, quæ antea scripsit, expost, lib. 14. retractavit.

xvi. Ex hæcenus dictis manifeste constat Originis antiquitas, dignitas, & præcellentia Sac. Canonico Apostolici Ordinis, & quanto



De Origine & Progressu Canonicoꝝ Reg: Cōgr: Lat: II  
in amore semper illum habuerint Summi Pontifices, quanta in obser-  
vantia custodierint numerosa Concilia, quantā vigilantia Magni &  
Sancti Viri incoluerint. Nam (ut Nostri Joannis Mauburni Abbatis  
in *Reseto Spirituali* verbis loquar) de antiquitate non ex incertis authoribus re-  
perimus, quod Ordo Canonicoꝝ Regularium sub SS. Apostolo est institutus, à B.  
Marco apud Alexandriam est dilatatus, à B. Jacobo Ierosolymitano, & Cle-  
mente Pontifice Romano, & ceteris Apostolicis Viris observatus, ab Urbano Papa  
& insigni Martyre, decreto reformatus, à sequacibus ut puta Sylvestro, Cypri-  
ano, et aliis in reformatione zelose servatus, Divi Hieronymi Epistolis informatus, à  
Patre Augustino restauratus, regula decoratus, et ordinatus ab eo, ac sub eodem  
conservatus, et valde promotus. Iussu Gregorij M. in Occidentis Partibus am-  
pliatum, per Magnos et Sanctos Viros dilatatum, conservatum, collaudatum, reformatum,  
et in presens usq. sub disciplina satū vigente deductus.

xvii. Quare autem Canonici Claustrales hoc addito: *Regulares*  
in communi appellatione notari non erubescant, ut in quadam Epistola  
ad Canonicos Regulares illudens eisdem obtrudit Petrus Abaelardus &  
Ludovicus Vives &c. cum Ly Regulares idem Latine sonet quod Græ-  
cè Ly Canonici? Respondet Principalis hujus operis Author IOANNES de  
nigra VALLE citatus: Sciendum est etiam quod deficiente fervore Chari-  
tatis inter Christi Ministros, quidam Clerici sive Canonici defecerunt  
in vita perfectione, & relicta Professione solenni, scilicet Paupertatis, ca-  
perunt cum dispensatione Ecclesie velle proprium habere, & absq. Apo-  
stolica paupertate vivere in seculo, quorum postmodum numerus per in-  
crementa temporum infinitus fuit, & maxime in Ecclesiis Cathedrali-  
bus, quæ à regulari observantia deviaverunt. Unde Summi Pontifi-  
ces in Sac. Conciliis ordinaverunt, ut ad differentiam istorum, illi Clerici,  
qui sub Apostolica Professione regularem vitam servaverunt, non Ca-  
nonici simpliciter, sive Clerici, sed Regulares Canonici appellarentur, ab  
Apostolica Regule professione & observantia.

Consonat Panormitanus Abbas in Cap. *Deus qui. de vit. & honest.*  
Cleric. qui ait: Cum in multis Clericorum status sit relaxatus, & sub illa distri-  
ctione, sub qua erant Apostoli, & Apostolici Viri nollent vivere, facta est distinctio  
Secularium à Regularibus Clericis, quorum observantia successive viget in Regulari-  
bus Canonici, qui & Clerici Regulares sunt; nam alij seculares dicti sunt, quia vo-  
luerunt habere proprium, et se exhibere ad ritum secularium hominum, prout  
exemplificat Trithemius Abbas in Hirsaugiensi Chronica ad annum  
975. hunc in modum: sub Theodorico Archiepiscopo Trevirensi Canonici Ma-  
joris Ecclesie, ibidem abjecta vita regulari, quam hucusq. in eadem Ecclesia Ma-  
jores eorum continuaverunt, desierunt esse Regulares, et facti sunt nomine et conver-  
satione seculares. Quorum exemplo malo Canonici quoq. S. Paulini Trevirenses, S.  
Castoris in Confluentia, Moguntinenses, Wormatienses, Spirenses, et complurium ali-  
arum Ecclesiarum, diversis quidem temporibus, sed uno impietatis spiritu, Regularis  
vita communitatem abiecerunt.

Nec desunt hac de re magnorum Theologorum & aliorum Ca-  
noni-



nonistarum, imò & Sac. Canonum Clarissimi & Uniformes textus, qui nobis deserviant ad eluendam ab impia impostura innocentiam, nec non ad refellendam rudem energiam, verius inscitiam adversariorum. Suarius enim *Tom. 4. de Relig. lib. 1. de variet. Relig. Cap. 9.* sic explicat: *Postea verò ipsi etiam Canonici vitam communem relinquere ceperunt, et proprias Præbendas inter se dividere, Canonorum nihilominus retento nomine, et ideo illi Canonici, qui in Religiosa et communi vita permanserunt, Canonici Regulares dicti sunt, propter necessitatem determinandi ambiguitatem vocis, Canonici.*

Ejusdem sensus est Azorius *Lib. 12. Instit. Moral. Cap. 22.* sic loquens: *Sciendum est, Clericos (qui Apostolicam vitam secuti, nil proprium habentes, communem vitam agebant, et in eadem domo simul cibum sumebant, somnumq; capiebant, et deinde in Ecclesiam conveniebant ad Ecclesiastica Officia obeunda, dictos fuisse Canonicos, hoc est, Regulares, quippe qui Canonem Apostolorum servabant. Quâ appellatione et nomine discernebantur ab aliis Clericis, qui proprium habentes in suis domibus habitabant.*

Firmat noster Hugo de S. Victore in *Cap. 1. Regule D. Aug.* dum ait: *Regula dicitur, quòd recte regat, vel quòd recte doceat; et quòd nos dicimus Regulam, Græci Canonem dicunt. Unde etiam Græco Nomine Canonici, id est, Regulares sunt vocati, ij, qui in Monasteriis constituti juxta regularia instituta SS. Patrum, Canonicè atq; Apostolicè vivunt.*

xviii. Sed præ cæteris solidius Didacus Covarruvias Episc. Segonien. in *Clement. Si furiosus. de homie. part. 1.* sic differit: *Canon, Græcè, Latine Regula nuncupatur. Unde Canonici olim primùm hi nuncupati sunt, qui in communi vitam agentes intra domum publicam, aut Ecclesiam, Collegium Ecclesiasticum Divini cultus gratiâ constituebant, communem habentes Mensam, Regulamq; D. Aug. exactissimè servantes; hic etenim usus adhuc in aliquot Ecclesiis sedem habentibus Episcopalem obtinetur: In aliis verò Ecclesiis communem vitam omittentes, nomen simplex Canonorum retinent, atq; ideo lure Pontificio, ut ab his priores distinguantur, dicuntur illi Canonici Regulares. Cap. Quod Dei timorem. Cap. In singulis §. hoc ipsum. de stat. Monachor. et Canon. Reg. Quo rationis discrimine minimè perpenso Ludovicus Vives in *Annotat. ad D. Aug. lib. 3. de Civ. Dei. Cap. 15.* Canonicos Regulares, Nominis ambitiosi accusare videtur, quasi his hoc gaudeant vocari nomine, ne non semel putentur Regulares, cum idem Regulares, et Canonici significant. sed tamen hæc notâ omninò liberi existimandi sunt; nam Ius ipsum Pontificium nomina hæc distinctè induxit. Hinc patet Canonicos Regulares non sumpsisse sibi hanc reduplicationem, ut præ cæteris delirans magis, somniat Coriolanus in *Defensorio part. 1. Cap. 5.* qui nugacitatis, & nescio qualis superstitionis condemnat Canonicos Regulares ob geminam, verius explicatam Græcæ per Latinam dictionis, nomenclaturam, nescius & ignorans quòd Concilia & Pontifices id nominis eis tribuere. in *Cap. nullus. et Cap. Mandamus 19. qu. 3. et in rubr. de stat. Monachor. et Canon. Reg. et d. Cap. Quod Dei timorem.* Nec Canonicos Regulares esse battologos; nam ut dicit Noster Navarrus: non omnis verbi geminatio seu repetitio est battologia, sed tantum inutilis & superflua, quæ nil operatur. Non enim battologus Christus Marci 14. dicens: *Abba Pater.* Nec Paulus *1. Cor. 8.* dum dicit: *In**



quo clamamus Abba Pater. Et Galat. 4. Accepimus spiritum clamantem Abba Pater. Nec succinens Poeta: Ab Corydon Corydon quæ te dementia caput.

XIX. Quod etiam Canonici Regulares veniant in communi appellatione Nomine Clericorum, Presbyterorum &c. imò & Monachorum? Resolvit citatus IOANNES de nigra VALLE. Clericorum Nomine multis in scripturis & locis signantur ipsi Regulares Canonici, qui fuerunt primi inter Ecclesiasticas personas, quibus tale Nomen impositum fuit ab Apostolis in primitiva Ecclesia, eò, quòd ob terrenorum renuntiationem in sortem Domini fuerint assumpti. quod patet in regula ipsorum, quæ intitulatur de communi vita Clericorum. Ideò ipsi Canonici Regulares, dicuntur Clerici primitivè, Clerici verò vel Canonici seculares, dicuntur Clerici derivativè; Monachi verò & alij Religiosi dicuntur Clerici dispensativè. Presbyteri quoq; appellantur ipsi Canonici Regulares à vulgo sæpissimè, & à Chronicis tribus rationibus. Primò: quia originaliter in eis & principaliter viguit Ordo Presbyteralis à Christo & Apostolis institutus; sicut & Roma propriè & principaliter dicitur Urbs, licet & alie Civitates improprie & 2dario Urbes appellentur. 2dò à digniori vocabulo. Quare cùm universaliter Canonici Regulares ad Presbyterium destinentur, & cùm communiter ipsi sint Presbyteri & Sacerdotes, quod non est in aliis Religiosis, propterea Presbyteri multis in historiis & locis appellantur à digniori Nomine; sicut & Beda licet fuerit Monachus, tamen appellatur Presbyter à digniori Nomine Officij, quòd Sacerdos esset. 3tio dicuntur ab Officio Predicationis, quod communissimè habent ad differentiam Monachorum, quia & Predicatio post Episcopos pertinet ad Presbyteros & Sacerdotes. Monachi etiam dicuntur improprie ipsi Canonici Regulares, multis in scripturis & locis. Primò: propterea quòd Monasteria habeant, in communi & unitate viventes. Unde sicut Monasterium ab unitate dicitur, sic & Canonici sæpè Monachi appellantur, quasi per communem vitam simul uniti, & propterea etiam Religiosi Monasteria inhabitantes Monachi appellantur, licet propriè non sint Monachi. Monachi etiam dicuntur sæpe-numerò ipsi Canonici à vita solitaria, quam extra Vrbes multoties eligunt, sicut de multis Canobis Canonicoꝝ patet, quæ extra Civitates & hominum frequentias sita sunt &c.

XX. Nec mirari quispiam debet, aut Protei inanes formas in Canonici Regularibus suspicari, quòd tot imò pluribus cognominentur intitulationibus, prout nemo miratur unum idemq; subjectum, nunc hoc nunc illo vocitari nomine, pro ratione Officij, vel status exigentia. Imprimis enim in primitiva Ecclesia vocabantur appellatione Fratrum, accepto nomine cum discipulatu saltem mediata à Christo, juxta illud Matth. 23. Omnes vos Fratres estis. cùm enim in sortem



*Domini fuerint assumpti, & Dominus pars eorum & hereditas fieret in æternum; jure merito Fratrum Nomine nuncupari poterant, qui unum Patrem in cælis & unam Matrem Ecclesiam haberent in terris, ut scitè observat Tertulianus in Apologetico, dicens: Fratres sumus jure nature, at quânto dignius Fratres et habentur et dicuntur, qui unum Patrem Deum agnoverunt, qui unum spiritum biberunt sanctitatis, qui de uno utero ignorantie ejusdem ad unam lucem expiraverunt veritatis.* Et Joannes Molanus citatus: *Quantùm distemus à priscis illis Canonicis! quibus hoc nomen à Regula sumptum etsi ejus essent observantissimi, ferè ignotum fuit; malebant enim humilioribus vocibus Clerici et Fratres dici, quàm à Canonica Regula observatione Canonici appellari.* Successu temporis cùm nimirum cresceret multitudo credentium ad distinctionem à Laicis fortiti sunt aliud Nomen, & dicti Clerici Collegiati, quo etiam discreti sunt à Parochis seorsum habitantibus, ut notat Noster Basilius Sirenus in Præfat. Privileg. Tandem cum per dispensationem Ecclesiæ Monachi Sac. Ordinibus initiari cæperunt, qui & ipsi Fratres dicebantur & Collegiati, utpote adunati degentes in Monasterijs, proinde ne confundatur Clericatus per privilegium & per se Canonico Regularium, quibus ut observat D. Th. 2. 2. qu. 189. a. 8. ad 7. *Per se competit quòd sint Clerici Religiosi, sed ad Ordinem Monachorum non per se competit, quòd sint Clerici, ut habetur in Decretis 16. qu. 1.* tunc inquam Clerici Religiosi ad discrimen à Monachis, voluerunt appellari Clerici Canonici ab Apostolorum Canone, quod est Regula, non ab annuo, quod est Præbenda, ut quidam autumant; alioqui tales, non Canonici sed Canonicarij appellari merentur Cassiodoro apud Joannem Molanum Lib. 1. de Canonicis Cap. 5. Cùm verò hi pro humanæ fragilitatis inconstantia retento Canonico Nomine relaxari viderentur, tunc observantiores Canonici, qui in regulari disciplina perstiterunt, à laxioris vitæ Canonicis distingui cupientes, congeminato vocabulo etiam Regulares ab Augustini Regula nominandos sese sanxerunt; quasi per Ly Canonici Apostolicam Institutionem, per Ly Regulares Augustini disciplinam & reformationem præferentes.

Quòd etiam Canonici Regulares appellentur à Jure, Monachorum nomine in favorabilibus tantùm, patet ex subsequentibus casibus, in quibus non comprehenduntur. Primus est, quando particulares fines & Officia Ordinum considerantur, ut patet ex Cap. Alia. Cap. Leg. 16. qu. 1. ubi dicitur aliud esse officium Monachi, aliud Clerici. Et Cap. Placuit. Cap. Pervenit. Cap. Interdicimus. Cap. iuxta dist. eadem; interdicitur Monachis Prædicatio, Sacramentorum administratio, & Parochiarum gubernatio, quæ Canonicis Regularibus committuntur. Cap. Quod Dei timorem. de statu Monachor. 2dus est, quando Nomen Monachi sumitur, ut contradistinctum Clerico, ut in dicto Cap. Alia. Cap. Monachus. Cap. Legi. & alijs multis; cùm enim Canonici Regulares sint per essentiam Clerici, ut constat ex citato D. Thoma, sub nomine Monachorum non possunt comprehendi. 3tius dum agitur de loco Præcedentiæ in functionibus publicis v.g. Processionibus &c. si enim non vocantur expresso Nomine Canonici Regulares, non poterunt angari-

zari



De Origine & Progressu Canonicoꝝ Reg: Cōgr: Lat: 15  
zari sub nomine Monachorum, ut communiter practicatur in Curia  
Romana. Atus cum Canones continent prohibitionem, vel præce-  
ptum poenale, ut patet ex *Clementina. Ne in agro &. Quia verò. de statu Mo-  
nachor.* ubi prohibentur Monachi tenere arma sine licentia Superioris,  
idq; sub poena Excommunicationis latæ sententiæ, quæ poena non  
extenditur ad Canonicos Regulares, ut notat Glossa & Navarrus in  
*Manual. Cap. 27. num. 139.* quia regulariter in odiosis & poenalibus de-  
bet esse strictissima interpretatio, nec transire licet de casu in casum,  
multò minùs de Ordine ad Ordinem, ut exponit Abbas communi-  
ter receptus in *Cap. Quod Dei timorem. de statu Monachor.* & luculenter  
probat datâ operâ etiam solvendo in contrarium allatas rationes No-  
ster Navarr. in *Comment. 3. de Regularib. qu. 12. num. 40. & seq.* quòd Ca-  
nonici Regulares in odiosis non comprehendantur nomine Mona-  
chorum.

XXI. Pro Appendice hujus Schematis addo,  
quod ultimò affert citatus IOANNES de nigra VALLE absoluto Catalogo  
Virorum Illustrium Ordinis Canonico-Apostolici de præcedentia ejus-  
dem, discurrens: *Sciendum quoq; quòd Canonici Regulares cedunt Ca-  
nonicis Sæcularibus & Clericis quandoq; in locis publicis, non ratione  
dignitatis seu antiquitatis, sed ratione Capitis eorum dignioris, quod est  
Episcopus, & ratione dignitatis Ecclesiæ ipsorum, si est Ecclesia Cathe-  
dralis: reliqui verò Clerici sive Canonici Ecclesiarum Collegiatarum  
vel Parochialium, cedunt ipsis Canonicis Regularibus in omnibus locis  
publicis ratione antiquitatis. Quia ipsi sæculares Clerici à Regularibus  
originem habuerunt. Et hoc patet Cæsaraugustæ in Hispanijs, ubi Cano-  
nici Regulares S. Mariæ Majoris, sive de Columna, vulgò de Pilari ex an-  
tiquissima consuetudine (roborata cum tempore amplissimo diploma-  
te in Generalibus Regni Aragoniorum Comitijis de anno 1605. quod  
refert Noster Gabriel Pennot. Lib. 2. Cap. 30.) omnes Canonicos &  
Clericos sæculares totius Regni Aragoniorum, exceptis Metropolita-  
nis Ecclesiæ Cæsaraugustanæ, præcedunt, & cum ipsis Metropolita-  
nis pares incedunt; similiter in alijs Civitatibus Regulares Canonici  
sæculares præcedere consueverunt. Unde Pius V. dum in Bulla, quæ  
incipit: *Cum ex Ordinum.* motu proprio adjudicat præcedentiam No-  
stris Canonicis Lateranensibus, hæc enuntiat: *Merito pretendere possunt  
se omnes alias Personas Ecclesiasticas, tam sæculares, quam Regulares, in Processi-  
onibus & alijs actibus publicis præcedere debere, præsertim, quia parificantur  
cum primis Clericis identitate Nominis, Habitûs, Professionis, & id  
genus similibus, prout deducit clarissimè & solidissimè Ioannes Baptista  
Cicada Cardinalis Tit. S. Clementis in Relatione sua ad Pium IV. Pa-  
pam registrata in Lib. Privilegior. pag. 514. in hæc verba: Sanctissime  
, Pater. In causa præcedentiæ inter Canonicos Regulares & Mona-  
, chos Sancti Benedicti inprimis fuit dubitatum: An dicti Canonici  
, censeantur esse de illis, quos B. Augustinus instituit? Et conclusum**



fuit pro parte affirmativa, præsupponendo inprimis, quòd tẽpore  
 , Primitivæ Ecclesiæ Apostoli constituerunt Clericos & Presbyteros,  
 , ut habetur in *Cap. 1. in fin. 12. dist. & tradit latè Augustinus de An-*  
 , *cona in Tr. de potest. Eccl. qu. 104. arg. 1. Vers. Respondeo.* Et post Apo-  
 , stolos B. Marcus illos primus instituit in Civitate Alexandrina, ut  
 , refert Cassia *Lib. de Instit. Monachor.* Postea succedente tempore cùm  
 , B. Augustinus videret disciplinam Clericalem relaxari, ut retinere-  
 , tur Symbolum vitæ Apostolicæ, & Clericorum antiquorum, insti-  
 , tuit Collegium Clericorum Regularium, prout de hoc sunt multa  
 , Jura in Decreto 12. *quest. 1. & refert B. Thomas 2. 2. quest. 189. a. 8.*  
 , Ex illis Clericis Regularibus, propagatus est Ordo Canonici-  
 , Regularium, prout tenet S. Thomas citatus. Vincentius in *Spec.*  
 , *hist. lib. 16. Cap. fin.* dum inquit: *Augustinus factus Sacerdos Monasterium*  
 , *Clericorum instituit, & capit vivere secundum Regulam, sub Sanctis Apostolis*  
 , *constitutam.* B. Antoninus in 2. part. *sue Chron. Tit. 15. Cap. 16. §. 7.*  
 , Volateranus (& alij jam à Nobis adducti *sub num. XIII.*) Item fa-  
 , tentur Pontifices: Benedictus XII. in sua Extravag. quæ reperitur  
 , inter Constitutiones Canonici-regularium, Item Eugenius  
 , IV. in Bulla producta, quæ iudicio meo fidem optimam facit.  
 , Nam cùm materia posset dici dubia, standum est in dubijs determi-  
 , nationi Papæ *Cap. in Literis. de rest. spol. 10. Andreas in Cap. Dilecto. de*  
 , *Præb.* Et S. Thomas 2. 2. a. 12. *qu. 21.* dicit quòd in decisionibus  
 , causarum, magis est standum authoritati Papæ, quàm cuiusvis alte-  
 , rius, etiam S. Doctoris. Hac dictus Cardinalis & alia quàm plurima.

Ex his omnibus abundè constat Religionem  
 Canonici-regularium, Congregationis S.  
 Salvatoris Lateranensis esse antiquissimam, &  
 ipse fundavit eam Altissimus super fundamentum Apostolorum & Pro-  
 phetarum, ipso summo lapide angulari Christo IESU. adeoq; ex  
 sensu B. Pij V. citati iure merito prætendere potest se omnes alias Per-  
 sonas tam sæculares quàm Regulares in Processionibus & aliis actibus  
 publicis præcedere debere.





II.

S C H E M A  
SUMMORUM PONTIFICUM,  
Ex Ord: CANONICORUM REGULARIUM,  
CONGREGATIONIS LATERANENSIS.

*Iuxta praecept. IOANNEM de nigra VALLE.*



II.

SCHM A

SUMMORUM PONTIFICUM

EX ORDINE CANONICORUM REGULANTUR

CONGREGATIONIS LATERANENSIS

IN NOMINE DOMINI AMEN



XXII. Quos Schema repræsentat Summos Pontifices ex Ordine Apostolico Canonorum Regularium juxta præcit. JOANNEM de nigra VALLE, eosdem ipsissimos recenset Petrus de Crescentijs in *Præsid. Rom. lib. 2. Narrat. 1.* agglomerando eis alios 17decim, qui post tempora præfati JOANNIS de nigra VALLE accesserunt, & sunt: Paulus I. Adrianus I. Sergius II. S. Leo IV. Benedictus IV. Alexander II. Urbanus II. Paschalis II. Honorius II. Innocentius II. Cælestinus II. Adrianus IV. Lucius III. Urbanus II. Clemens III. Honorius II. Cælestinus IV. adeoq; juxta hunc Historiographum numerantur 70. Summi Pontifices ex Ordine Canonorum Religiosorum, quod nulli mirum vel fabulosum videri debet; cum in primitiva Ecclesia omnes Clerici (qui nunc Clerici Canonici sive Regulares dicuntur) regulariter vixerint, & soli usq; ad tempora S. Sylvestri Papæ, clavum Ecclesiæ tenuerint, tandem primam Orbis & Urbis Lateranensem Basilicam (quæ Sedes Summorum Pontificum erat) circiter octingentos annos juxta Volateranum citat. *sub num. VII.* ipsi gubernaverint, adeoq; primos honores semper in manibus habuerint, ut ex professo probat, sæpius à Nobis allegatus Gabr. Pennotus in *hist. trip. part. 3. Cap. 52.*

Nec iniquum si non augment numerum Summorum Pontificum ex eodem Ordine, Anastasius Cardinalis & Bibliothecarius S. R. E. *lib. de Vit. Romanor. Pontif.* Alphonius Ciaconius similiter *Lib. de Vit. Rom. Pont.* Lacitius Cherub *in Bullario.* Joannes Bapt. de Cavallerijs *Lib. de Imaginib. Pont.* Sigonius *de Regn. Ital.* Raphael Volateranus & Onuphrius Panvinus citati, quanquam quoad aliqua subjecta paucissima tamen disconvenient. Omisissis alijs incipiendo à Clemente I. Romano, qui seipsum Canonicum Regularem fuisse profitetur *sub Schemate 7. num. 48.*) eorum tantummodo resuscito memoriam, qui tempora B. Leonis I. Papæ præcesserunt, sub quo Lateranensis Basilica secundum D. Augustini Regulam per S. Gelasium fuit reformata; hunc & sequentes volunt esse ex Canonicis Regularibus dictus Anastasius & Ciaconius, qui ait: *Fuit autem Honorius Canonicus Regularis prout & Leo I. cognomento Magnus & Gelasius I. Felix III. &c.* De Benedicto II. hæc habet: *Benedictus 2. Junior dictus Joannis filius, Romanus, ex Canonico Regulari S. R. E. Presbyter Cardinalis &c.* Et de Leone II. *Leo 2. Junior dictus in Cedella territoria Vallis Siciliana in Provincia ulterioris Aprucij Patre Paulo Mancio Medico, ex Canonico Regulari S. R. E. Presbyter Cardinalis, 13. Papa Regnicola, &c.* Nec latent memoriam Anastasij & Ciaconij, Sergius I. Gregorius II. Zacharias I. Stephanus II. Paulus I. Leo II. quem Ciaconius in *Paulo 2.* ex Canonico Regulari Monachum S. Benedicti fuisse scribit. Item Paschalis I. Eugenius II. Sergius II. Leo IV. Benedictus III. Formosus. Benedictus IV. Lando &c. Insuper S. Zachariam, S. Sergium, S. Benedictum II. S. Gregoriū II. S. Leonē I. II. & IV. ex Ordine Canonico Apostolico fuisse probant Officia Canonorum Regularium Lateranen. & Annotationes ad eadē Officia appositæ; ad quæ Scrutatores veritatis remitto.

XXI. Insuper de S. Gelasio toto Capite 10. Lib. I. de Canonicis



differit in hæc verba Joannes Molanus: *Accedat Fulgentio* (intelligit Ruspensis Ecclesiæ Episcopū. quem pariter D. Augustini discipulū, adeoq; Canonicum Regularem fuisse probat Cap. 8. prout & JOANNES de nigra VALLE & Prospero duobus Clarissimis D. Aug. Discipulis, & tertius, quem ego ē reliquorum numero Gelasium seligo Romanum Pontificem, eo, quod is non tantum Canonis & Regula D. Aug. Præceptoris sui observantissimus fuerit, sed & Canoncum Ordinem in Italia restauraverit. Qua de causa Canonici Lateranenses in Natali ejus die, Collectam orant: DEUS, qui per B. Gelasium Confessorem tuum, atq; Pontificem Canonicum in Italia Ordinem restaurare dignatus es, fac nos semper quæsumus ejus digna imitari conversationis insignia. Per Christum Dominum Nostrum. Hujus itaq; Sanctissimi Pontificis hæc est in eadem Lateranensi Ecclesia de Canonico Ordine Historia series: Lect. 4. & 5. Invalescente post obitum Beatissimi Patris Nostri Augustini sub Genserico Wandalorum Rege Arianae Sectæ perfidiâ; cum is Univerſam jam Africam suo subjugasset imperio, post cruentam nimis Clericorum & Catholicorum stragem, plurimi D. P. Augustini Discipuli & Alumni, per varias propagati Ecclesias, (inter quos Gelasius Patre Valeriano natus) Divina revelatione primū Neapolim, deinde Romam pervenerunt. Qui omnes perbenignè à Leone I. excepti, atq; in Ecclesia Lateranensi collocati, Canonicum ibi Ordinem juxta D. P. Nostri Augustini Regulam, & saluberrima instituta instaurare ceperunt. Ubi diutissime postea floruerunt & per octingentos annos ibidem perſiterunt, plurimiq; ex ipsis ad summum Pontificatum, aliosq; inferiores Episcopatus, ob præclara eorum merita sunt assumpti, licet ejecti postea, denuo restituti; adhuc ejecti, nomen tamen & titulum, & omnia illi Ecclesiæ concessa Privilegia, Apostolica concessione retineant. Gelasius itaq; cum quam plurimos ibi annos, mirā sanctitatis ac eruditionis opinionone vitam egisset, mortuo Felice III. ad summum Pontificatus apicem est electus. Qui Pontifex factus, Clerum quāmaximè amavit & auxit, Ordinemq; præcipuè ipsum Lateranensem, locus & Privilegiis ampliavit, atq; decoravit. Pauperum curam tantam habuit, ut nedum presentium, sed è longè positorum Domina scripta haberet, eisq; omnibus quāmaxima poterat liberalitate subveniret. Præterea Urbem Romanam à multis periculis liberavit, maximè verò à rerum inopia & fame. Inito Pontificio munere Manichæos, quos in Urbe reperit, in exilium misit, & Libros eorum apud Basilicam S. Mariæ publicè comburi jussit. Insuper Libros SS. Patrum authenticos ab apocryphis sequestravit, ut habetur dist. 15. Cap. Sancta Romana. Ipse Hymnos composuit ad imitationem S. Ambrosij. Item Gradualia, Tractus cum Præfationibus ad Missam Ordinavit. Claruit usq; ad annum 496. quo statutum mortis implevit, cum sedisset in Pontificatu annis 4 tuor. Hæc S. Antonin. Flor. part. 2. hist. tit. 11. Cap. 1. & 7. Platin. in Gelasio l. Joan. Trithem. cit.



## De Summis Pontificibus Ordinis Canonico-Apostolici. 19

xxiv. *Leo VIII.* Romanus quem JOANNES de nigra VALLE erroneè putat esse Nonum. Fuit Prothoscriniarius Sedis Apostolicæ, Vir Venerabilis (ut ait Noster Joannes Trullus lib. 1. Cap. 4. de Ord. Canonico. Reg.) pulso Joanne XII. à Clero Populoq; Romano, Pontifex creatur. Nam cum Joannes minus debite viveret, Leo subrogatur, & Otthonis Imperatoris vi & armis defenditur in Sede Petri; in ea tamen non diu vixit, anno uno tantummodo, & Mense 4to moritur. Domini autem anno 964. Ex S. Antonin. Florent. 2. part. hist. tit. 16. Cap. 1. §. 26. Platina in Leone 8. & Raph: Volater. cit.

*Stephanus X.* quem Onuphrius Nonum vocat, antea Fridericus Gozelonis Lotaringiæ Ducis Filius, primum S. Lamberti Leodien. (quam Ecclesiam tunc regularem fuisse lib. 2. Cap. 38. hist. trip. probat Noster Pennotus) Canonicus Regularis ex Giaconio in vita ejus postea S. R. E. Archidiaconus & Cardinalis, cum ex quadam occasione Henrici II. Imperatoris invidiam incurrisset ad illam declinandam resignans Cardinalitiæ Præminentia Monachus Cassinen, sub Abbate Richerio est effectus, cui paulò post in munere successit, teste Baronio sub anno 1054. num. 41. & sub anno 1057. num. 1. Imperatore vitâ functo timore solutus, & iterum Cardinalitia dignitate à Victore II. decoratus, tandem Pontifex Romanus renuntiatur. de quo citatus Ciacon. Joan. Molanus in Natalib. Sanctor. Belgij sub die 29. Martij, qui illum Belgam inter Beatos Leodien. Ecclesiæ nominat.

*Alexander II.* Mediolanensis ex Nobili Familia de Badagijs vulgò Bagijs nuncupata Canonicus Regularis, deinde Episcopus Lucensis, tandem mortuo Nicolao II. ob humilitatem, benignitatem & doctrinam, absens etiam, in Summum Pontificem assumitur. Hic labentem in Lateranensi Basilica disciplinam regularem, accitis illuc S. Frigidiani Canonicis, magnâ tunc sanctitatis famâ conspicuis, restituendam curavit. ut tactum sub Num. XV. ex Onuphr. Lib. de 7ptem. Urb. Eccl. & lib. 2. de Eccl. Lateranen. Cap. 3. & lib. de Rom. Pontificib. Raph. Volat. lib. 21. cit. Ciacon. in Alex. 2. Laert. Cherub. in Bullar. Ioan. Bapt. de Cavalierijs Lib. de Imaginib. Pontif. Ioann. Molan. cit. lib. 1. Cap. 23. Moritur Pontificatus anno 11. Mense 6to. & in Basilica Lateranen. sepelitur, nullo genere honoris, quod impendi Summo Pontifici potest, non adhibito, à Clero populoq; Romano. Ex S. Antonino Florentino 2. part. tit. 16. Cap. 1. §. 20. Platina in Alex. 2.

*Urbanus II.* Patria Rhemensis ex Canonico Regulari Lateranen. (vel ut alij volunt Rhemensis, quæ juxta Nostrium Gabr. Pennot. cit. lib. 2. Cap. 33. Regularis Ecclesia erat) Monachus Cluniacen. teste Onuphr. in Urbano 2. Laert. Cherub. in Bullario. Ioan. Bapt. de Cavall. citat. Nec non ex Iureconsultis, Ostiensis in Cap. Intelleximus de etate & qualitat. pers. sic dicit: De mente illius Canonu esse, quod Canonicus Regularis nunquam possit fieri Monachus, nisi in casu, qui tangitur, in Cap. Ex literis. de Iurepatr. & hoc statuisse Urbanum II. scribentem ad Abbatem S. Rufi, quia ipse Urbanus fuit Canonicus Regularis. Consentit Panormitanus Abbas, & Antonius de Butrio in eodem Cap. Intelleximus in fin.



xxv. *Paschalis II.* Italus, antea D. Raynerius, Crescentij & Alphacix filius, ex Blera Tusciæ Oppido Canonicus Regularis Lateranensis, ex post Monachus Cluniacensis factus, tandem à Gregorio VII. ob virtutem & doctrinam Presbyter Cardinalis Tit. S. Clementis creatus est. Raph. Volat. cit. Onuphr. in *Gregor. 7. & Paschali 2. & lib. 2. de Eccl. Lateranen. Cap. 3.* Ciacon. in *Gregor. 7. & Paschali 2.* Laert. Cherub. in *Bullar. Joan. Bapt. de Cavall. lib. de imag. Pont.* Hic post mortem Urbani II. vitâ privatâ contentus, nolens, & latitans, eò quòd humeros suos tanto oneri impares diceret, nihilominus expetente populo, eligente Clero, collaudante Cardinalium Senatu, invitus licet & reluctans Pontificium munus suscepit, maximè cum ter acclamatum esset: *S. Petrus Raynerum Virum optimum Pontificem elegit.* Hic etiam Lateranensis Canonix reformationem ab Alexandro II. cæptam, ad perfectum deduxit. Mortuus est 15. Calendas Februarij, Pōtificatūs sui anno 18. Mense 6. & die 7. sepultus honorificentissimâ pompâ in Basilica Constantiniana. Ex S. Antonin. *Flor. 2. part. hist. tit. 16. Cap. 1. §. 2.* Platina in *Paschali 2.* Raph. Volat. cit.

Honorius II. antea D. Lambertus de Fagnano, Patriâ Bononiensis, Canonicus Reg. Later. postea Bononiensis Ecclesiæ Archidiaconus, deinde Presbyter Cardinalis à Paschali II. creatus. Onuphr. in *Paschali 2. & Honorio 2. & lib. 2. de Eccl. Lateranen. Cap. 3. & lib. de 7ptem Urb. Eccl. in Lateranensi.* Ciacon. in *Paschali 2. & Honorio 2.* Sigonius *lib. 10. de Reg. Ital. & lib. 2. de Episc. Bononien.* Laert. Cherub in *Bullar. Joan. Bapt. de Cavall. lib. de imag. Pontif.*

Innocentius II. antea D. Gregorius ex Familia de Paparesys TransTyberina (nunc de Matthæis vocatur) Canonicus Regularis Lateranen. ab Urbano II. in numerum Cardinalium cooptatus, & anno 1130. Pontifex renunciatus. Onuphr. in *Urbano 2. & Innoc. 2. & lib. 1. de Eccl. Lateranen. Cap. 7. & lib. 2. Cap. 3. & lib. de 7ptem Urb. Eccl.* Sigonius de *Regn. Ital. lib. 11.* sub anno immediate citato. Ciacon in *Urb. 2. & Innoc. 2.* Laert. Cherub in *Bullar. Joan. Bapt. de Cavaller. lib. de imagin. Pont.* non obstante quidquid in contra dicat Baronius, contra manifestissima documenta Nostri Gabr. Pennoti citati *lib. 3. Cap. 52. §. 4.*

xxvi. *Lucius II.* Patriâ Bononiensis ex Nobili Familia de Cacicamicis, Gerardus antea nuncupatus, ex Canonico Regulari Congregationis S. Frigidiani Lucensis, Presbyter Cardinalis S. Crucis in Jerusalem ab Honorio II. creatus, tandem post obitum Cælestini II. Pontificatum iniit. Raph. Volat. cit. Joan. Bapt. de Cavall. citat. Baronius *Tom. 12. sub anno 1144.* Ciacon. in *Celestino 2. & Lucio. 2.* Onuphr. in *Chron. & in Honorio 2. Lucio 2. Innoc. 2. & lib. 2. de Eccl. Lateran. Cap. 3. & sequen. & lib. 3. Cap. 15. & lib. de 7ptem Urb. Eccl.* Sigonius de *Regn. Ital. sub anno 1144.* Hic Pontifex nihil prætermisit quod ad expeditionem contra Turcarum potentiam pertinebat, miro excitus desiderio repetendæ Jerusalem, eo, quod cum esset Presbyter Cardinalis Tit. S. Crucis in Jerusalem, ad Pontificatum fuerit evectus, Ut addit Ioan. Trullus *Lib. 1. de Vir. is. Illustr. Can. Ord. Cap. 4.* Hæc dum practicans cogitat, interim moritur Pontificatūs sui Mense 11. die 4ta. sepultus in Basilica Lateran. Ex S. Anton. *Flor. part. 2. hist. tit. 17. Cap. 1. §. 6.* Platina in *Lucio 2.*



III.

S C H E M A

IMPERATORVM, REGVM, DVCVM,

ALIORUMq; DYNASTARUM,

In Ordine CANONICORUM REGULARIUM Apostolico.

P R O F E S S O R U M.

*Iuxta praeit. IOANNEM de nigra VALLE.*



III.

SCHENK

IMPERATORVM REGVM DVORVM

ALIORVM DYNASTARVM

In Ordine CANONICORVM REGVLARIVM APOSTOLICA

P R O F E S S O R E M

lecturæ prædictæ Johanne de regibus &c.



## De Sūmis Pontificibus Ordinis Canonico-Apostolici. 21

*Anastasius IV.* Romanus Benedicti filius de Suburra, antea Conradus, ex Canonico Regulari & Abbate S. Rufi apud Valentiam (rectius apud Avenionem) primū Presbyter Cardinalis Tit. S. Potentianæ, deinde Episcopus Sabinus ab Honorio II. creatus, demum anno 1153. Summus Pontifex renuntiatus est. Onuphr. in *Honorio 2.* & *Anastasio 4.* & *lib. 1. de Eccl. Lateranen. Cap. 7.* Sigonius *lib. 12. de Regn. Ital.* sub immediate dicto anno. Giacom. in *Honorio 2.* & *Anast. 4.* Laert. Cherub. in *Bullar.* Massonius in *vita ejusdem Pontif.* Ioan. Bapt. de Cavall. cit. & Chron. Congr. S. Rufi.

*Adrianus IV.* Natione Anglus, antea Nicolaus Hastifragus dictus, primū Clericus in Ecclesia S. iacobi de Maglorio Magalonensis Diocesis in Gallijs, postea Canonicus Regularis S. Rufi, ab Eugenio III. Cardinalis Episcopus Albanus creatus est. Onuphr. in *Eugenio 4.* & *Adriano 4.* S. Antonin. Flor. 2. p. *hist. tit. 17. Cap. 1. & 2.* ex Ioan. Salisberg. ejusdem Adriani familiari. Sigonius *lib. 12. de Regn. Ital.* sub anno 1154. Giacom. in *Eugenio 3.* & *Adriano 4.* Ioan. Pitsius *lib. de Scriptor. Angl.* Ioan. Bapt. de Cavallerijs cit. unde habes ut dicit Noster Gabr. Pennot. cit. Cap. 52. quo Trithemij & aliorum corrigas errorem, vel aviditatem retundas, qui hunc Pontificem inter D. Benedicti Monachos recensent, vel Ordini Cisterciensi adscribunt, cum certò constet S. Rufi Ecclesiam licet ex Urbe Avenionensi Valentiam, translata, nunquam usq; in hanc diem Canonicum Institutum deseruisse.

xxvii. *Alexander III.* antea D. Rolandus Paparo seu de Bendinellis Patria Senonensis ex Canonico Regulari Lateranen. S. R. E. Bibliothecarius & Cancellarius Diaconus Cardinalis, postea Presbyter Cardinalis ab Eugenio III. creatus. Onuphr. de *Rom. Pontificib. in Eugenio 3.* & *Alex. 3.* & *lib. de Eccl. Lateran. Cap. 3.* & *lib. de 7 ptem Urb. Eccl.* Raph. Volat. cit. Sigon. cit. *lib. 13. sub anno 1159.* Giacom. in *Eugen. 3.* & *Alex. 3.* Laert. Cherub. in *Bullar.* Ioan. Bapt. de Cavall. cit. Hic post mortē Adriani III. ad Pontificatū assumptus est, & schismate 4 tuor Anti Paparū extincto, solus regnavit ab omnibus acceptatus. Initio Pontificatu Turonis in Gallia Conciliū Generale celebravit. & SS. Catalogo B. Bernardum Abbatem Claræ Vallis adscripsit. Similiter D. Th. Cantuarien. Archiepiscopum, in Sanctorū numerum retulit, quasi gratas vices reponens, quòd illum aliquando vivens inviserit. Edidit plurimas Constitutiones tam ex Concilio Turonensi, quàm Romano, in Laterano celebrato, & alias multas Decretales divulgavit, quæ sub diversis Titulis continentur. Anno primo Pontificatus sui Bullam Antecessorum suorum super incorporatione Cardinalatus S. Mariæ Novæ. Canonicis Nostri confirmavit. Insuper ne alius extra eosdem Canonicos Regulares (qui pro illo tempore Basilicam S. Crucis in Ierusalem regulabant) Cardinalis Presbyter in illa Canoniam haberetur, Pontificatus sui anno 7 pto benignè primus indulgit. Ticinum Urbem supra Taurum amnem ædificavit, & alteram in Lōgobardia superiori inter Alpium radices, quam Alexandriam a suo nomine appellari voluit. Multa scripsit ad utilitatem Ecclesiæ de ejus potestate. Ejus etiam tempore claruit Noster Petrus Lombardus Episcopus.



scopus Parisiensis, Magister sententiarum. Tandem post longos & assiduos labores Pontificatus sui anno 21. cessit à vita 1181. Hæc D. Antonin. Flor. 2. part. hist. tit. 17. Cap. 1. §. 10. Platina in Alex. 3. Ioan. Trithem.

Innocentius III. Nazione Campanus, Patria Anagninus antea dictus Lotharius ex clarissima Familia de Comitibus Signiæ, Patre Trasimundo natus, ab ineunte ætate factus est Canonicus Later. Tandem à Cælestino III. Diaconus Cardinalis SS. Sergij & Bacchi creatus, quo mortuo omnium consensu ad Pontificatus apicem evectus est. Onuphr. lib. de Rom. Pont. in Cælestino 3. & Innoc. 3. & lib. 2. de Eccl. Lateranen. Cap. 3. & lib. de septem Urb. Eccl. Raph. Volat. cit. Sigonius cit. lib. 15. sub anno 1198. Ciacon. in Innoc. 3. Laert. Cherub. & Ioan. Bapt. de Cavall. citat. Istius Pontificis operâ & impensa insigne illud Hospitale S. Spiritus Romæ pro ægrotis & expositis conditum & dotatum est magnis proventibus. Ille Ordinem Sanctissimæ Trinitatis de redemptione captivorum approbavit, & vestem candidam cum bicolore Cruce ad normam apparentis sibi Angeli in Festo S. Agnetis 2do Laterani intra Missarum solennia gestandam designavit, et Ecclesiam S. Thoma de Formis Roma in monte Calio. S. Joanni de Matha cum multis redditibus & possessionibus donavit. In Laterano etiam Concilium Generale celebravit Anno 1215 & in eo plurimas Constitutiones probavit, ut pro majori parte Decretalium Liber ex Innocentij III. Constitutionibus & Decretalibus Epistolis constare videatur. Præfuit Ecclesiæ Annis 18. Mensibus 3bus diebus 23. Hæc D. Antonin. Flor. part. 3. Tit. 19. Cap. 1. Platina in Innocentio 3. Ioan. Trithem.

xxviii. Honorius III. Romanus antea dictus Centius ex Nobilissima Familia de Sabellis Aymerici filius, à teneris annis Lateranensi Monasterio oblatus, ibiq; educatus & Canonicus factus, tandem à Cælestino III. Diaconus Cardinalis S. Lucie in Orpheæ & Camerarius creatus, & ab Innocentio III. Presbyter Cardinalis SS. Joannis & Pauli, ad extrem. in Summum Pontificem electus est. Onuphr. lib. de Rom. Pont. in Cælest. 3. Innoc. 3. Honorio 3. & lib. 2. de Eccl. Lateranen. Cap. 2. & seq. Raph. Volat. Laert. Cherub. & Ioan. Bapt. de Cavall. citati. Hic Pontifex Ordinem S. Dominici sub Regula S. Augustini confirmavit, & Federicum II. anathemate notatum Imperiali dignitate privavit. Ab eodem Joannes Rex Jerosolymitanus cum Romam venisset perbenigne susceptus, & magnis donatus est muneribus, cui etiam Filia Federici in Matrimonium data, Jus illud dotis nomine donavit, quod sibi in Regno Neapolitano competeat. hinc est, quod omnes Sicilia Neapolitaniq; Reges, titulum Jerosolymitani Regni sibi vendicant. Præterea Decretales Epistolas compilavit, Ordinem B. Francisci (quem biennio post Gregorius IX. in SS. numerum retulit) approbavit. Tandem anno Pontificatus sui 10. Mense 7. die 13. Vitam clausit, sepultus in Basilica S. Mariæ ad Præsepe. Hæc S. Antonin. Flor. 3. part. hist. tit. 19. Cap. 3. Platina in Honorio 3.

De Urbano III. favet sententiæ allegari Petri de Crescentijs Joannes Mauburnus Abb. lib. 2. Venatorij. Cap. 14. quem censet fuisse Canonicum Regularem, ex Severino Calco in quadam Epist. ad D. Joan. Cribellum S. Petri de Ulmo Reg. Præpositum hæc scribente: Tu honoris Canonorum Regularium magnanimum semper & invictissimum te defensorem prestisti, qua in re Urbani III. Pontificis maximi imitatore filiumq; esse præfers, qui de Cribellorum antiquissima & nobilissima stirpe traxit originem. Is pro sui Ordinis Canonorum devotione & observantia, multa apud Mediolanum erexisse Monasteria dicitur, in quo illud præstantissimum est, in quo nunc Rector præsidet.

Eidem Petro de Crescentijs adstipulantur Acta Tiphernatensis Ecclesiæ S. Floridi, quæ Cælestinum II. indicant fuisse Canonicum Regularem. Hunc ex Summis Pontificibus primum invenio in Lib. Privilegiorum, qui speciali Bulla statuit, ut Cardinalis Diaconus S. Mariæ Novæ, nonnisi de gremio Congregationis S. Frigidiani haberetur, intendens per hoc Institutum Canonicum in illa Canonica perpetuo perennare. Quod Privilegium postea a Lucio II. Eugenio III. & Alexandro III. confirmatum est.



De Imperatoribus &c. in Ordine Canonico. Apost: 23

xxix. Huc spectare videtur, quod refert Noster Gabr. Pennotus in hist. trip. lib. 3. Cap. 24. de Friderico III. Imperatore, qui cum venisset Romam pro coronatione anno 1451. voluit à Nostri, in Canonicum Lateranensem investiri, de quo tale ibidem extat Literarum documentum Prioris Lateranen. ad Priores Vincentinum, Patavinam & Venetiarum S. Mariæ Charitatis. *Venerandi in Christo Patres. salutem.*

*Vigesima secunda Marty D. Imperator Fridericus III. cum maximo triumpho à Domino Nostro Papa fuit coronatus, & post coronationem venit cum Senatoribus Caporionibus & Populo Rom. ac Principibus suis ornatus, & exercitu suo ad Ecclesiam Lateranen. quibus omnes parati 50. numero, cum crucibus & baldachinis ante Xenodochium Salvatoris obviamus, & Nobis precedentibus cantando, ad tres inferiores Ecclesie portas eos deduximus, & ante portam majorem descendens de equo Imperator, de manibus meis osculatus est Crucem Nostram Crystallinam, resistentibus Nobis Canonici antiquis, & paratis ad eum vestiendum Cotteis & Almutis & creandum eum Canonicum Lateran. Quibus ex parte D. Pontificis præcepti, quatenus non impedirent se in ceremoniis, sed illis nolentibus obedire mandatis D. Nostri Papa, sed violentiam facere volentibus, Nobis, Senator major cum Conservatoribus & aliis Officialibus Romanis eos expulerunt, & unum audaciorem alium, percusserunt pugnis & calcibus, & nos pacifice duxerunt, tenentes in medio Nostrum Imperatorem, usq. ad Altare majus Caput Apostolorum. Et ipsum Imperatorem genuflectentem ante Altare feci Canonicum Lateranensem. imponendo ei Cotteam seu Superpelliceum & Byrretum, dando ei unum ducatum pro parte distributionis & oblationum, eum tangentium, qui alacri vultu eum recepit & dedit eum Secretario suo dicens: Serva, serva hunc ducatum mihi. Deinde à Dispensatore suo recepi duodecim ducatos, quos sponte obtulit in Altari. Post hac duximus eum ad sedem paratam in Tribunali ante Altare cantando: Da pacem Domine. Et Orationibus finitis ipso surgente & stante in Cathedra, omnes nos recepimus eum in Fratrem & Canonicum ad osculum pacis, osculando ei manum & faciem. Hoc facto, duximus eum cum Baronibus suis ad Refectorium à Ministris D. Papa præparatum & ornatum, & sedentibus omnibus in Refectorio, Claustris, & Curis, & per totam Canonicam circa tria milia hominum, duodecim materies ciborum comederunt, adstantibus in Refectorio coram Imperatore Baronibus, & Fratre suo, ac Rege parvo Vngariae, ac tribus Episcopis cum eo comedentibus, sonantibus Organis parvis à D. Desiderio Nostro & cantantibus. Completo autem prandio tertia hora noctis, surgentibus omnibus equos ascenderunt, Nobis tangentibus & osculantibus manum, Imperatore ipso dicente: Statevi con Dio, e gran mercede della cortesia mie havete fatta. Et sic vale fecerunt Nobis, & Nos remansimus in pace. Quare cum pertransierit per Civitates vestras, visitate eum tanquam Canonicum Nostrum, & petite privilegia si indigeris, significando quod estis Canonici Lateranenses. Scio namq. quod perbenigne suscipiet Vos. Valete. D. Aurelius Prior Lateranensis. Ex Canonica Lateranensi Die 23. Maji 1452.*

xxx. Nè verò existimet aliquis exaratos in Schemate Dynastas esse tantum adscriptitios Canonicos, Canonicis Regularibus, prout Fridericus III. (& ferme quilibet Imperator, qui censetur esse ad S. Petrum in Vaticano Canonicus; sicut Rex Galliarum ad S. Joannem in Laterano, & Monarcha Hispaniarum ad S. Mariam Majorem) propterea in adductis Literis recte dicitur Fridericus fuisse Canonicus Lateranensis, non verò Regularis, ad discrimen cæterorum Principum, qui in hoc Ordine per Professionem Religiosam vota emisserunt, & tales sunt annotati in Schemate juxta JOANNEM de nigra VALLÈ & Anastasium Gard. in suis Catalogis de Viris illustr. Insuper S. Frigidianus Episcopus Confessor Hultachij Regis Hultovix Filius, cujus Professio Regularis patebit inferius sub Schemate Episcoporum. Num. Lt. Item S. Rumoldus Episcopus Martyr, Regis Scotorum Davidis Nomine, Filius, quem Noster Pennotus in hist. trip. lib. 2. Cap. 34. §. 3. probat fuisse



Canonicum Professum, & ostendunt Officia Canonicoꝝ Regularium Later. in Annotationibus ad diem 3. Julij. Item *S. Maurilius* Episcopus Martyr, Theobaldi Regis Filius, ex mente JOANNIS de nigra VALLE, & *S. Isidorus* Episcopus Hispalensis Confessor, Severiani Ducis Carthaginen. Filius, de cujus Professione Canonica constat pariter ex Annotationibus ad diem 4. Aprilis. & JOANNE de nigra VALLE, qui cum refert inter Doctores Nostri Ordinis. *Fridericum* etiam Gozelonis Lotharingiæ Ducis Filium, exposit Stephanum X. Papam superius sub Num. XXV. Canonicum Regularem Professum probavimus.

xxxix. Nec hic prætermittendi erunt & alij Dynastæ (quanquam nec adscriptitij nec Professores Canonici) qui tantopere affecti, & tam rara familiaritate devoti fuerunt ad ejusmodi Ordinem, ut non tantummodò sua & seipsos illi devovere, Habitum Canonicum gestare, sed & Officia Ecclesiastica publicè cum Canonicis Regularibus, velut quidam è Ministris Ecclesiæ, personare, non verecundarentur. Talis erat *Luitprandus* Longobardorum Rex piissimus, qui Ecclesiam S. Petri in Carolo aureo Papiæ, pro Canonicis Regularibus extrui fecit, ut evidentissimè probat toties allegatus à Nobis Gabr. Pennot. in hist. trip. lib. 1. Cap. 58. & Corpus D. P. Augustini à Saracenis Sardiniam Insulam depopulantibus, pretio redemptum illuc advehi curavit. Bona verò, quæ piissimus Rex *Luitprandus* Ecclesiæ B. Petri donavit, tam in prædiis & possessionibus, quàm in vasis aureis & argenteis, & vestibus ad Dei cultum pertinentibus, excedunt omnium priorum & Catholicorum opinionem, ut dicit *Oldradus* Episcopus Mediolanen. in Epist. ad Carolum M. Existimabat enim Rex ille se tantum non posse donare Ministris, qui custodiebant Corpus B. Patris, quod opinioni & voluntati suæ penitus satisfacere. Ex tanto gaudio ob S. illud Corpus receptum replebatur, ut die ac nocte in hymnis & Canticis, cum Clericis & Sacerdotibus in Ecclesia pernoctaret, & tanquam unus de Ministris, in Canticis & Psalmis seipsum exerceret. Quod certe de Canonicis Regularibus dictum esse constat, ex Ly. cum Clericis & Sacerdotibus, quibus hæc appellatio propriè competit, non Monachis: de alijs etiam Clericis non est hic quaestio, quod præfuerint aliquando illi Ecclesiæ.

xxxix. Nihilominus amplioris adhuc affectus documenta præstitit *Alphonsus I.* Portugaliæ Rex in Canonicos Regulares S. Crucis Conimbricen. de quo illud memoriæ proditum est tabulis illius Canonici, quod in consuetudine haberet, dum Canobium ingrederetur; gladium ad ostium ponere, & superpelliceam Canonicum induere, & semper donec Monasterio egrederetur gestare, quod etiam dum prælium ingrederetur super thoracem ferreum induebat, & in eo tanquam unus de numero Canonicoꝝ, ibidem sepeliri voluit à Lusitanis pro Beato reputatus, & quæ talis usq; modò colitur. Quanta verò iste Monarcha Collegio illi bona contulerit, vix ad præsens insinuare, non enarrare sufficimus; & ad hunc effectum gratam memoriam B. Theotonij primi Prioris illius Canonici cum suo Capitulo in hæc verba allegamus: *Authoritate Domini Nostri JESU Christi hujus Ordinis Capituli, & B. Petri Apostolorum Principis, & istorum Fratrum Nostrorum, qui in præsentiarum habentur D. Joannis Archiepiscopi Bracara, & Petri Portugaliæ Episcopi, decrevimus, & decretum scripto posteris mandavimus, quod nunquam postmodum ab ullo poterit infringi, ut à modo & usq; in sempiternum, quamdiu hæc Domus & ejus Congregatio extiterit, centum pauperes intus in Refectorio ad Mensas Seniorum Pane, Vino, & carne, seu piscibus, unoquoq; anno saturentur pro ejus anima (scilicet Regis Alphonsi) & cum Scyphis & Scutellis Seniorum eis serviatur. In Festis verò principalibus id est Natalis Domini, Cane Domini, S. Crucis, Pentecostes & S. Augustini Patris Nostri, uni pauperi tantum detur, quantum uni Seniorum in Refectorio sumendum datur. Cum verò ejus anima in pace pausaverit, festivitas illa 100. pauperum in ejus anniversario unoquoq; anno celebretur, & in Refectorio unus pauperis per 30. dierum spatium seu in Divinis obsequiis sicut unicuiq; Nostrum. Nec illas principales suas pauper perdat festivitates, siquidem quot substantiarum habemus, ab eo habemus, & ab eo defensamur, magnum cisi hoc munusculum, & in vita & in morte pro eo agendum statuamus.*



IV.

S C H E M A

S. R. E. C A R D I N A L I U M

Ex Ord: CANONICORUM REGULARIUM Apostol:

CONGREGATIONIS LATERANENSIS.

*Iuxta eundem IOANNEM de nigra VALLE.*



7.  
S. C. H. E. M.  
S. R. E. C. T. D. I. N. A. L. I. M.  
F. O. E. C. A. N. O. T. O. R. I. M. R. E. G. I. S. T. R. A. T. I. O.  
C. O. N. S. E. C. A. T. I. O. N. I. S. L. A. T. E. R. A. N. T. I. S.  
P. R. I. N. T. I. S. I. N. L. O. N. D. O. N. I. S.



## XXXIII. Mirum forsan alicui ne dicam fabulo-

sum videbitur, fuisse multò plures ex Ordine Canonico Regularium Cardinales, quàm qui specificentur à JOANNE de nigra VALLE. Sed si perpenderit benè quod affert Joan. Bapt. Signius lib. 2. Cap. 8. qui dicit: *Sexdecim Canonicos de Rheno ipso ad Cardinalatùs honorem fuisse assumptos, mirari sanè non poterit, maximè cum ipsa Lateranensis Ecclesia, & omnes Ecclesie Titulares Cardinalium regerentur per eos tunc Canonicos.* Tum quia Canonici Regulares duos Titulos Cardinalitios continuò possederunt, ita ut nulli extra ipsos licuerit ad Cardinalatùs eminentiam in illis Ecclesijs ascendere, ut patet ex alio externo testimonio Zachariæ Ferrerij lib. de Habitu Canonico Regulari ad Leonem X. approbat. 2. ad fin. ubi dicit: *De Ecclesijs vero Principalibus Cardinalium Titulorum certissimum est, quòd nulla fuit instituta à sui exordio sub Monachis, seu alijs Religiosis, sed benè sub Canonico Regularibus, sicut Ecclesia S. Crucis in Ierusalem, quæ à sui primordio fuit Canonico Regularium, ut patet per Literas Apostolicas Alexandri III. directas Ubaldo Cardinali Presbytero S. Crucis in Ierusalem, & ejus Canonicis ibidem regularem vitam professis; & incipiunt: Quoties illud à Nobis postulatur, quibus decernit ne quisquam eligatur in eo Titulo S. Crucis Cardinalis, nisi de gremio Canonico Regularium S. Crucis &c.* Item Ecclesia S. Mariæ novæ, quæ est Titulus Cardinalis, solis Canonico Regularibus ab Innocentio II. Papa. (ut habet Noster Gabr. Pennot. cit. lib. 2. Cap. 16.) concessus, ad instantiam Aymerici Galii, Diaconi Cardinalis pariter Canonici quondam Regularis, de quo saepèfatus Pennotus lib. 3. Cap. 53. (ubi etiam plures alios ex Ordine Canonico Regularium Cardinales enumerat, illis exceptis, qui ad Pontificatùs Romani apicem ascenderunt) hæc habet: *D. Aymericus Burgundus illustri genere ortus, ex Canonico Regulari Diaconus Cardinalis S. Mariæ Novæ, creatus à Calisto II. Onuphr. in Cælestino 2. & lib. 3. de Ecclesia Laterana. Cap. 15.* Hic sui Tituli Canoniam restauravit, & ut inibi nonnisi de gremio Congregationis S. Frigidiani, Cardinalis sumeretur, ab eo ipso Papa, impetravit. Quod Privilegium alij Pontifices Romani, ut jam dictum sub Num. XXVIII. confirmarunt.

XXXIV. *D. Petrus juxta Onuphr. in Leone 9. & Alex. 2. Bibliothecarius & Cancellarius S. R. E. Cardinalis Diaconus, cujus meminit B. Petrus Damiani, in Epist. quam refert Baronius Tom. 2. sub anno 1065. num. 6. ita eum appellans: Porro autem quia Sacri Conventus (ubi est sermo de Lateranen. Basilica) Rector constitutus es, noli dissimulare culpam &c.*

*D. Ottho de Castellione Rhemenfis Diocesis, Gallus, ex Canonico Regulari Monachus Cluniacen. Cardinalis Episcopus Ostien. Onuphr. in Greg. 7. & Urb. 2. de Rom. Pont.*

*D. Cuno Germanus à Trunciberenger, prius Eremita, postea Canonico Regularis, & unus de Fundatoribus Congregationis de Aroasia in Gallobelgica, Cardinalis Episcopus Prænестinus à Paschali II. creatus. Onuphr. in Paschali 2. Sigibertus Gemblacen. in Chron. sub anno 1114. Baronius Tom. 12. sub anno 1112. & 1114. & 1118. qui licet dicant illum fu-*



isse Eremitam, fatentur etiam fuisse unum ex primis Fundatoribus Congregationis Aroasiensis, quam extra dubium fuisse Canonico Regularium non Eremitarum probant munimenta Monasteriorum, quæ supersunt ex unitis.

*D. Anselmus* ex Canonico Regulari Monasterij S. Petri in Cælo aureo Papiæ, Cardinalis Presbyter Tit. S. Laurentij in Lucina creatus ab Honorio II. Onuphr. in *Honorio 2.* Ciacon. in *Honorio 2.* Ejusdem meminit Baronius *Tom. 12. sub anno 1130.* cum alijs tribus Cardinalibus Canonicis Regularibus, scilicet *Conrado* Episcopo Sabinen. *Gerardo* Presbytero S. Crucis, & *Aymerico* Diacono S. Mariæ novæ, pro Innocentio II. tanquam legitimo Pontifice Romano, contra PseudoPapam Anacletum strenuè decertantibus.

*D. Theodericus* Germanus ex Canonico Regulari Cardinalis Episcopus Portuensis, creatus ab Innocentio II. Onuphr. in *Innoc. 2.* ubi licet ejus Professionem Canonicam omiserit, habetur nihilominus in Calendario Rhenano, attestante Joan. Bapt. Signio lib. 2. Cap. 8.

*D. Thomas* Mediolanen. ex Canonico Regulari S. Mariæ de Crescentiaco propè Mediolanum, Cardinalis Presbyter Tit. SS. Vitalis & Vestinæ creatus ab Innocentio II. Onuphr. & Ciacon in *Innoc. 2.* & munimenta Congregationis S. Mariæ de Crescentiaco.

*D. Ioannes* ex Canonico Regulari Congregationis S. Frigidiani, Cardinalis Diaconus S. Mariæ novæ, creatus à Cælestino II. Onuphr. in *Cælestino 2.*

*D. Ubaldus* Bononiensis ex Canonico Regulari Congregationis S. Frigidiani, Presbyter S. Crucis in Jerusalem, creatus à Lucio II. Onuphr. in *Lucio 2.* & Calendar. Rhenanum. Hic eundem Cardinalitium Titulum pro Canonicis sui Ordinis ab Alexandro Papa III. impetravit, ut paulò ante probavimus.

Magister *D. Guido* Bononien. ex Canonico Regulari S. Mariæ de Rheno ad Bononiam, Cardinalis Presbyter Tit. S. Pudencianæ, creatus à Lucio II. Onuphr. in *Luc. 2.* & Calendar. Rhenanum.

xxxv. *S. Guarinus* de Fuscarijs, vel ut verbis Onuphrij in *Lucio 2.* loquar: *D. Guarinus Fuscarius* Bononien. ex Clerico Bononien. Ecclesia Canonicus Regularis Monasterij S. Crucis de Mortario, Congregationis S. Frigidiani Lucensis, Episcopus Cardinalis Prænestinus, à Lucio II. creatus: Concordat Ciacon in *Lucio 2.* Raph. Volater. cit. JOANNES de nigra VALLE, qui eum inter Episcopos recenset, & Nicolaus Crusenius in suo Monastico part. 2. Cap. 23. in hæc verba: Circa annum M.C.XLVIII ingentibus miraculis claruit Christi Confessor S. Guarinus, qui Canonicus Regularis S. Augustini in loco de Mortaria ingenti spiritus fervore, & Divinis desideriis plurimum profecit, ita ut brevi tempore ad regimen Monasterij S. Frigidiani, ac non multo post ad Papiensis Ecclesie Insulam, raperetur, quamvis invitus à Lucio II. Hic Guarinus etiam in Episcopatu vigilijs, precibus, & jeunijs, nocte dieq. incumbens pussimè obdormire in Domino. In cujus transitu clarissima lux totum conclave, ubi jacebat, implevit, plurimq. alia miracula hujus sanctitatem Viri contestata sunt, imò nonnulli post obitum diebus, solo contactu sepulchri plures possessi ab immundijs spiritibus liberati fuere.



## De Cardinalibus ex Ordine Canonico Regulari: 27

*D. Ildebrandus* Crassus Bononien. ex Canonico Regulari S. Mariæ de Rheno, ut vult Joan. Bapt. Signius cit. in Calend. Rhenano antiquo, Cardinalis Diaconus Tit. S. Eustachij creatus ab Eugenio III. Onuphr. in *Eugenio* 3.

*D. Boso* Anglus ex Canonico Regulari & Papæ Scriptore, Cardinalis Diaconus SS. Cosmæ & Damiani, & Camerarius creatus ab Adriano IV. Calend. Rhen. & Onuphr. in *Adriano* 4. ubi tamen Canonice Professionis ejus non meminit.

*D. Ioannes* Pizutus alias Phizutus Neapolitanus Canonicus Regularis S. Victoris Parisien. Cardinalis Diaconus S. Mariæ in porticu. creatus ab Adriano IV. Onuphr. & Ciacon. in *Adriano* 4.

xxxvi. *D. Bernardus* Canonicus Regularis & Prior Monasterij Lateranen. dicit Onuphr. lib. 2. de Eccl. Lateranen. Cap. 1. in hæc Verba: *Innocentium* quoq. donasse inveni Basilicæ Lateranensi 100. libras monete Lucensis, quibus agri emeritur ad Canonicoꝝ in ea residentium sustentationem, ex quibus *Bernardus* tunc Prior Lateranen. postea Episcopus Cardinalis Portuensis, aliquot possessiones emir, non longè ab Urbe, propè Ecclesiam S. Helena. Ibidem Cap. 3. ait: Multi præterea magni Nominis Cardinales ex eo Monasterio prodierunt, ex quibus præcipuus fuit *Bernardus*, qui multis annis Prior Monasterij Lateranensis fuerat, sub *Innocentio* Papa II. & ab *Eugenio* III. ex Lateranensi Priore Presbyter Cardinalis primum Tit. S. Clementis, deinde Episcopus Cardinalis Portuensis, Tit. S. Rufinæ & Secunda ab *Adriano* IV. factus est. Idem tamen Onuphr. lib. de Rom. Pont. in *Eugen.* 3. & *Adriano* 4. illius Canonice Professionis, & Prioratus Lateranensis non meminit, ubi solum promotionem ad Cardinalatum, diversorum, recenset.

*D. Hieronymus* Lucensis ex Canonico Regulari S. Frigidiani Cardinalis Diaconus S. Mariæ novæ, creatus ab *Alexandro* III. Onuphr. & Ciacon. in *Alex.* 3.

*D. Arduinus* ex Canonico Regulari Congregationis S. Frigidiani, Cardinalis Presbyter S. Crucis in Jerusalem, ab *Alexandro* III. creatus Onuphr. & Ciacon. in *Alex.* 3.

*D. Matthæus* Lucensis Canon. Reg. S. Frigidiani, Cardinalis Diaconus S. Mariæ novæ ab *Alexandro* III. creatus Onuphr. & Ciacon. in *Alex.* 3.

*D. Petrus Bonus* Veronensis ex Canonico Regulari Cardinalis Presbyter Tit. S. Susannæ, creatus ab *Alexandro* III. Onuphr. in *Alex.* 3. & Calendar. Rhenanum.

Magister *D. Albinus* Canonicus Regularis S. Mariæ de Crescentiaco Cardinalis Diaconus, a *Lucio* III. creatus Onuphr. & Ciacon. in *Luc.* 3.

*D. Bernardus* Canonicus Regularis Cong. S. Frigidiani, Cardinalis Diaconus S. Mariæ novæ, creatus a *Lucio* III. Onuphr. Ciacon. in *Lucio* 3.

*D. Leo* de Brancalonibus Romanus, Canonicus Regularis Congr. S. Frigidiani, Cardinalis Diaconus S. Lucie in Septisolio, creatus ab *Innocentio* III. Onuphr. & Ciacon. in *Innoc.* 3.

*D. Gregorius* Crescentius Romanus, ex Canonico Regulari Cardinalis Diaconus S. Theodori, creatus ab eodem *Innocentio* III. Onuphr. in *Innocentio* 3. & Calendar. Rhen.

*D. Jacobus* Gualla de Bicherijs Vercellensis, ex Canonico Regulari Monasterij S. Petri in Calo aureo Papie, Cardinalis Diaconus S. Mariæ in Porticu, creatus ab eodem *Innocentio* III. Onuphr. & Ciacon. in *Innocentio* 3.



*Fr. Anglicus* sive *Angelicus Grimaldi* de Brisaco Mimatenfis Diocesis, ex Canon. Reg. Congr. S. Rufi, Cardinalis S. Petri ad vincula, creatus ab Urbano V. cujus erat nepos, & secundum nonnullos Frater. Onuphr. & Ciacon. *in Urb. s.* & Chron. Congr. S. Rufi.

*D. Joannes* Canonicus S. Crucis Conimbricen. Episcopus Sabinen. S.R.E. Cardinalis & Legatus Apostolicus in Regno Lusitaniæ. Ex tabulis Consecr. Eccl. S. Crucis Conimbr.

*D. Ludovicus* Alamannus Gallus, Canonicus Regularis, & J. U. D. celebris, ex Episcopo Maclovien. Archiepiscopus Arelatensis, postea ViceCamerarius & ProNuntius Bonon. Cardinalis Presbyter S. Cæciliæ, à Martino V. creatus. Onuphr. & Ciacon. *in Martino s.*

*D. Nicolaus* de Cusa ex Canonico Regulari & Præposito Monasterij Vartobergen. Archidiaconus Leodiensis, ex post Cardinalis Presbyter S. Petri ad vincula, creatus à Nicolao V. Onuphr. & Ciacon. *in Nicolao s.*

xxxvii. Ciaconius etiam refert inter Cardinales ab Innocentio II. creatos Magistrum *Hugonem* de S. Victore, quem JOANNES de nigra VALLE, Joannes Molanus, & Raph. Volat. citati, inter Canonicos Doctores reponunt. Hic licet fuerit Natione Saxo, ita tamen dictus est à loco Professionis suæ, prout & Richardus à S. Victore & ceteri. Et quamvis Eminentia ipsius alij Scriptores præsertim verò Onuphrius Panuinus, (qui cum fuerit solertissimus indagator & connotatista gestorum Summorum Pontificum, & munimenta Lateranensis Archivi non segniter ex Officio peruestigaverit, ideoq; sapius à Nobis allegatus) nullam mentionem sub hoc Pontificatu fecerit, fortè inde est, quòd citius à mortis fato præventus fuerit, quàm Cardinalatus insignia acceptaret, eò enim anno quo creatus est Cardinalis, juxta Ciaconum 1138. naturæ legem exolvit. Multum autem probabile est, quòd Ecclesia voluerit coronare tanti Doctoris religionem, dotes, & labores hujusmodi præminentiam, quem Thomas Cantipratanus ob excellentiam scientiæ alterum Augustinum vocat, & Canonica Parisiensis glorioso Epithaphio celebrat:

Conditur hoc tumulo Doctor celeberrimus Hugo:

Quàm brevis eximium continet Urna Virum!

Dogmate præcipuus nulliq; secundus in Orbe,

Claruit ingenio, moribus, ore, stylo.

Hunc Doctorem Vincent. Belvacen. & S. Antonin. Flor. Tit. 18. hist. & alij passim, hæc sanctâ magnificent memoriâ: Cum graviter stomacho laboraret Hugo, & morti proximus esset, ut sibi SS. Eucharistiæ Sacramentum Fratres afferrent, efflagitaret, illi inito Consilio, at minùs sano, quòd præ debilitate stomachi nullum teneret cibum, hostiam non consecratam ei obtulerunt; at ille revelante Deo cognita fraude, eos increpavit, & ut ferrent verum Christi Corpus abire iussit; quo allato cum cerneret se illud sine periculo ejectionis sumere non posse, in hunc modum dixisse fertur: *Ascendat Filius ad Patrem, & servus ad Dominum*, quo dicto species disparuerunt, & ille eodem momento Deo spiritum reddidit. hinc illum toties citatus Gabr. Pennotus lib. 2. hist. trip. Cap. 33 §. 16. inter Beatos asserere non hæsitat.

xxxviii. Præterea Volat. cit. in Antrop. sua Cap. 21. §. *Juonem* Canonic. Reg. S. Victoris Parisien. inter Cardinales memorat his verbis: *Ivo etiam ex eodem Canobio Cardinalis, magnâ Vir famâ doctrine*, & illius procul dubio meminit Onuphr. *in Innoc. 2.* vocans eum *Magistrum Iwonem Gallum*. Adstipulatur his, præcit. JOANNES de nigra VALLE, quem inter Doctores recenset, Joannes Molanus Lib. 1. de Can. Cap. 23. & Joannes Trullus lib. 1. de Ord. Can. Reg. Cap. 5. dicens: *Ivo Episcopus Carnotensis & Cardinalis ex Præposito S. Quintini Belvacen. Ordinis Canon. Reg. D. P. Augustini, Vir in Divinis Scripturis exercitatus, & Canonum SS. Patrum ac Generalium Conciliorum acutissimus interpres, nec minùs sanctitate ac scientia reverendus, Ordinem suum diu collectum magnificè reformavit. Scripsit post Burcardum Formation. Episcopum ex Canonibus Sac. Etorum compendiosum decretum, quo ante Gratiani tempora utebantur Jurista, quòd prænotavit Panormitanus. Epistolas ad diversos & quadam alia. Claruit sub Henrico IV. anno D. 1090.*

Extra hos plures alios refert ex Canonicis Regularibus inter Cardinales Joan. Bapt. Signius lib. de Canonicis Cap. 9. quorum quia memoriam non habet Ciaconius & alij, qui Romanorum Pontificum gesta scripsere, fortè inde est, quia illorum tempora vel opera sunt subsecuti,



V.

S C H E M A  
P A T R I A R C H A R U M

Ex Ordine CANONICORUM REGULARIUM

C O N G R E G A T I O N I S

S. SALVATORIS LATERANENSIS.

*luxta præcit. IOANNEM de nigra VALLE.*



V.

SCHEMATA

PATRISTICA

BY THE CANONICAL REGULATION

CONGREGATION

OF THE LITURGICAL

OF THE LITURGICAL



XXXIX. Cum certum sit ex antiquis Scripto-  
ribus Ecclesiam Alexandrinam fuisse à prima Institutione sui Regu-  
larem, legitime sequitur non tantum Divum Anianum qui D. Marco  
Evangelistæ immediate successit, ut communiter cum alijs sentit Jo-  
annes Molanus citatus, sed etiam D. Abilium qui Aniano, & S. Cerdonem  
aliosq; subsequentes, qui Abilio successerunt, Patriarchis Alexandrinis  
annumerari debere, ut deducit Proprium Canon. Reg. Lat. suis An-  
notationibus die 23. Februarij. Eisdem annumerandum censeo S.  
Petrum Alexandrinum qui Sanctissimo Theona successerat, prout habet modo  
allegatum Proprium Lateranensium sub die 26. Aprilis. licet Joannes de  
Migra VALLER, prout & Annotationes super idem Proprium Ordinis,  
illum Episcopum non Patriarcham esse velint, quæ etiam legentes  
informant, quâ animositate innocuum cervicem mucroni subjecerit,  
& à summo deorsum usq; confissam Christi Vestem (quæ est Ecclesia) ab Ario-  
commemorant, ex revelatione duodennis parvuli, eidem S. Martyri  
Eadem Annotationes insinuant cælestis ejus doctrinæ specimina, dum  
eum connotasse affirmant Canones Pœnitentiales, & Librum de Divi-  
nitate elucubrasse. Ultra hos sæpè fatus Noster Gabr. Pennotus in sua  
hist. trip. lib. 3. Cap. 54. numerat inter Patriarchas Antiochenos ex  
munimentis Canonice Lucensis D. Raynerium de Castro veteri Prio-  
rem S. Frigidiani Lucen. ab Honorio I. anno 1220. creatum. Huc  
etiam spectat S. Laurentius Iustinianus Proto Patriarcha Venetus, attenta  
Canon. Reg. nomenclatione, sed quia ejusmodi Canonici S. Georgij  
Venetiarum in Alega, prout & aliæ Congr. Canon. Reg. quas recen-  
set modo cit. Pennotus lib. 2. Cap. 70. non sunt de primis Canonicis  
à SS. Apostolis, vel D. Augustino institutis, licet ipsius profiteantur,  
& observent Regulam, idcirco non appetentes ditescere sortis alienæ  
reliquijs, extinctæ Congregationi singulare suum decus relinquimus.

XL. Nec refert si quis dicat quod differentissimos & diversissimos moribus & vestibus  
Canonicos Regulares Congregationi Lateranensi, tanquam membra corpori aptare & ag-  
gregare contendamus (ut demonstrative probat P. C. Molinet Chan. Regul. de la Congreg.  
de France Libro intitulo: *Figures Des Differents Habits Des Chanoines Regulars*, vbi 25.  
Iconibus repræsentat diversitatem Habituum Canonico Regularium, & lex differentias  
Monialium, adeoq; etiam dictos Canonicos Nostris Lateranensibus sociare possimus; 2. enim  
imprimis non esse substantiale discrimen inter hos omnes, quoad rationem vivendi, licet  
diversis Constitutionibus planè omnes regulentur, quia omnes tria voca essentialia emittunt,  
& omnes sub una Regula D. Augustini militant, nec notabiliter diversum habitum interio-  
rem portant (quidquid sit de exteriori & ejus colore vel forma) exceptis solis dictis Cano-  
nicis S. Georgij Venetiarum in Alega, qui nullum signum lineum extra Divina Officia-  
gestare consueverant, sive per modum Rocheti, sive ad formam superpellicei cum mani-  
gis, vel sine illis, sive per modum halte (de quo videndus citatus Pennotus lib. 2. Cap. 69.  
& Petrus Clara in Collect. super statuta Canonico Regularium Cap. 16.) quod est  
illorum Habituum essentialis, ut clarè ostendit allegatus à Nobis Author supplementi Jacobus  
Philippus Bergomen. Augustinianus lib. 14. fol. 363. ubi hæc adjungit: *Et licet in diversis locis  
diversi habitus reperiantur Canonici, tamen ut colligitur per Doctores in Cap. Deus qui de  
vita & honest. Clericor. diversitas ista non diversificat ipsum Ordinem in Specie, penes Ha-  
bitum superiorem, sive in forma, sive in colore, cum habitus superior non sit de substantia  
professionis; sed habitus interior, scilicet Tunica lineæ quæ est proprius habitus & legitimus  
Canonico Regularium, & in eo proprie profitentur: ita enim pulchrè notatur ex glossa*  
Joan.



*Joannis Andrea, in verbe Habitus, in Clement. de elect. & electi potest. Cap. 1. ubi hæc habet: Omnes Regulares Canonici, qui profitentur Regulam S. Augustini, licet varient in colore, quia aliqui habent colorem nigrum, alij album, alij griseum, alij mixtum, habent tamen communem habitum, Togam lineam, quam sub Cappa deportant. Et tali Toga visuntur induci Apostoli in Tribuna Lateranensis & TransTyberianæ Basilicarum, Romæ, Mosaico opere effigiati, & similiter in Tribuna Ecclesiæ SS. Cosmæ & Damiani, prout & in alijs locis observari potest. Et ideo à Machumeto apud Nicolaum de Lyra in Cap. 6. Apoc. SS. Apostoli dicebantur Viri dealbati. Per quod roboratur magis Nostri sententia asserens Canonicos Regulares, institutos fuisse à SS. Apostolis; si enim universaliter Talitas Habitus probat talitatem Ordinis, ut inductione patebit, maximè cùm Habitus ex D. Thoma 2. 2. q. 185. a. 2. sit signum externum Professionis talis vel talis. à pari: Toga Apostolica probabit Viros Apostolicos, utinam nitore conscientie, ac candida veste lineâ Canonici Regularium.*

*XLII. Ipse Dominus Apostolicus, qui arcem Petri tenet non alio vestium apparatu utitur quàm lineo, & veste talari alba, per hoc Apostolicum indumentum exprimens, & quasi vivam Apostolicè vivendi imaginem Canonicis Regularibus in se representans, ut rem exemplo deducit Noster Basilii Sirenius in Prefat. Indultor, sub Lit. Y. prout se audivisse allerit à D. Marco Antonio de Rovatis Canonico Regulari è Familia Lateranensi Proto-Notario Apostolico & Concionatore: Fortè (dixit ille) hospitabatur aliquando fel. rec. Paulus III. Farnesius in Canonica hac Nostri Portuensi, dumq. apud nos moraretur, quoties per occupationes liceret, Patres jubebat accersiri, Studentesq. potissimum, quorum literariis concertationibus plurimum se levare existimabat. Quadam autem die circumstante Canonici corona, eorum quempiam conspicuus: Eja (inquit Pontifex) ex quo lineum geris Rochetum, quali Nos ipsi utimur, albamq. subtus consimiliter Togam Almutiamq. ac Byretum, eisdem colore, figurâ tamen haud absimiles videntur, qui putas priores adinvenimus, aut Viri dederunt receperuntvè? Ad quem ille: Sancte Pater Vos ejus vicem geritis, in quo vivimus, movemur, & sumus; ideo omnia Nostri Vestra sunt, cunctaq. Sac. Sed accepta ferimus, quare & vestes, & domicilium, & agnomen. Tum Pontifex: Nequaquam sed falleris; nisi enim coarcti Nostri Clerici primitivi, habitu Nobis indidrecto usi fuissent, nullus Prædecessorum Nostrorum subditis indulisset, ut tantopere Romano assimilarentur Prasuli; illaq. Nos ipsi eatenus Vos gestare sinimus, quod Nobis compertum est, Vos ab illis originaliter proficisci, eorumq. successores esse & heredes, qui utinam fervorem imitemini priscorum, quorum deducitis normam & instituta. Et addit: Talia fatum Pontificem jurejurando contestatus est bonus senex.*

*Hinc minus rectè conclusisse videtur alioqui eruditus Noster Canonicus, Nicolaus Desnos, qui cùm esset in opposita sententia lib. 3. de Canonicis Regularibus Cap. 2. dicit, Summos Pontifices allegatos sub Num. xi. pro origine Canonici Regularium ab Apostolis, locutos fuisse opinativè magis quàm decisivè. Magis desipiunt illi, qui Canonicos Regulares novum quoddam fingunt inventum, non de illis ab Augustino creatis vel reformatis, quam injuriam nè quidem ipsi Nostri adversarii pari nos sinunt, licet invadeant Nobis D. P. Augustinum contra probatissima, Nostri Pennori toto lib. 1. documenta, quem cum pluribus Sanctis ex Canonici Ordine, sibi appropriant. Inter quos Nicolaus Crusenius Doctor in Monastico Augustiniano part. 2. Cap. 6. sic vindicat calumniam: In Hispania extant antiquissima Ecclesia Canonici Regularium S. Augustini, præcipuè S. Maria Casar Augusta, S. Maria Osma, ubi constat de sæculo in sæculum, ibidem substituisse Canonicos Regulares S. Augustini. In Gallia pari antiquitate sunt Monasteria Aroasiense & S. Victoris, in quo Richardus ille sub Regula S. Augustini in eandem scripsit commentaria circa annum 1000, & scitur quod illum plures, pluribus annis præcesserint. Miram in Prologo Originum Regularium inquit S. Fulgentium, Prosperum Aquitanum Regij Episcopum, Magistrum sui Augustini exemplum amulatos, in Ecclesiis Cathedralibus Canonicos Regulares instituisse, idq. de alijs Episcopis scribunt alij, ita ut mirum sit criticos aliquos inveniri, qui ita novitiam velint hanc Regulam, & ita recens faciunt hoc Institutum, contra omnium Historicorum mentem. En unius extranei in tam atroci injuria, super Nos vindiciæ.*



VI.

S C H E M A

A R C H I E P I S C O P O R V M

ExOrd: CANONICORUM REGULARIUM Apostolico

*Iuxta praeit. IOANNEM de nigra VALLE.*



VI.

SCHEMATA

ARCHIEPISCOPI

EXORDIUM

IN NOMINE DOMINI AMEN



## XLII. Ultra memoratos à JOANNE de nigra VALLE

Archiepiscopos ex Ordine Canonico, quorum computum ad 2715 collegerat. plures alios annumerat Pennotus in sua trip. hist. sparsim, per totum; præsertim part. 3. Cap. 55. Verum quia ad præsens tanquam unius ex domesticis causam non suscipimus, potius robur Principali hujus Operis Authori, quoad aliquos Sanctos, de quibus quæstio major, inter Scriptores, num fuerint Canonici Regulares? adjicimus. Et imprimis de S. Alberto Martyre Archiepiscopo Gnesnensi (quem præcitatus JOANNES de nigra VALLE, Pragensem dicit Episcopum) annotatur in Fastis Abbatiae Tremesnensis, & in Bulla Benedicti XII. §. 19. quæ incipit: *Ad decorem*. Ubi patet Ecclesiam Gnesnensem tunc regularem fuisse. Et ego cum essem Samboræ in Nigra Russia, tempore irruptionis Sueticæ in Poloniam, anno 1702. adverti in Collegio Soc. JESU Imaginem ejusdem S. Antistitis, in Habitu Canonico, scilicet talari veste albi coloris, cum Rocheto & Mozetta nigra, desuper Pluviale & Mitra Pontificia super Caput ejus; cumq; interrogarem Patres (quorum duo mihi astiterunt) quid de istius Sancti Instituto sentirent? responderunt illum constare fuisse Canonicum Regularem. Hoc eodem tempore iidem Patres mihi retulerunt. Collegium Leopoliense Soc. JESU exposuisse disputationi publicæ Philosophicas Theses cum Icone Divi Joannis Nepomuceni Martyris, indigitante illum Habitu & Titulo expresso, Canonicum Regularem; quod ipsum egomet observavi in Officiolo Polonico, de eodem S. Martyre impresso Typis Schedelianis Cracoviæ, initio cujus visa erat ipsius effigies in Rocheto, & desuper Mozetta pellicea, quod vestimentum & insigne, est proprium Canonico Regularium in Germania.

D. Thomam Cantuarien. Habitum & Institutum Canonico Regularium in Monasterio S. Mariæ de Maretonia propè Londinum suscepisse, & ibi Professionem emisisse, testis est oculatus, Eduardus ejusdem D. Thomæ Clericus, qui ejus vitam scripsit, quiq; pro eo tuendo utpotè præsens S. Antistitis martyrio, in brachio vulnus accepit; nec non Gervasius Dorobernensis concivis & synchronos S. Martyris Lib. intit. *Quadriologus* Cap. 4. Raphael Holinscendus pag. 407. Polydorus Virgilius apud Holinscend. pag. 447. Matthæus Parisius sub anno 1107. pag. 84. edit. Londin. Petrus Skarga Polonus Soc. JESU in vit. ejus, Martyrolog. Scoticum apud Gilbertum Brunum Abbatem Dulcicordij pag. 78. & alij quam plurimi apud Nicolaum Desnos, qui toto Cap. 33. lib. 3. de *Canonicis Reg.* multis argumentis deducit illius Canonicam Professionem. Hunc S. Martyrem etiam Cistercienses suæ Religioni adscribunt, fortè ex occasione diuturni, in Pontiniaco Monasterio cum eis, domicilij.

XLIII. Eisdem placuit appropriare sibi S. Malachiam; vel ex eo, quia dum adam profectionem pararet Romam, pro antiqua amicitia divertit ad S. Bernardum, ibiq; febribus correptus, decessit in Monasterio Claræ Vallis; vel quia in prima profectione 4tuor suos Socios in



eodem Monasterio Monasticis institutis imbuendos reliquit, per quos postea Ordinem Monasticum inter illas Gentes, quæ (ut idem Bernardus ait in vita S. Malachiae) *Monachorum quidem nomen audierunt ab antiquo tempore, sed Monachos nondum viderunt*, propagaret; sed omnibus his præponderat autoritas Divi Bernardi citati, ubi Malachiam semper Clericum vocat, nunquam Monachum. Et deinde de illius alumnis verba faciens ait: *Malachias factus Dunensis Episcopus, confestim more suo curavit addiscere ad solatium sibi de filiis suis Conventum Regularium Clericorum &c.*

De S. Dunstano recordor me aliquando audivisse à quodam Nostro Concionatore (sed ex quo Authore non quæsi, quia nunquam supposui id subservire posse ad meum intentum) illum fuisse Canonicum Regularem (quod ipsum sentit JOANNES de nigra VALLE, & Proprium Ordinis) & quidem tantopere alienæ salutis cupidum, ut suam beatitudinem propter lucrum animarum distulerit; cum enim quadam vice pro Concione se pararet, ex qua fructum Auditori sperabat, immediata die ante Concionem audivit vocem: *Dunstane veni ad Calum*, reposuit ille: *Non ibo*, & ad interrogationem *Quare?* respondit: *Cras enim Concionaturus sum*.

XLIV. S. Remigius I. ArchiEpiscopus Rhemensis (quem inter Doctores Nostri Ordinis collocat JOANNES de nigra VALLE citatus, eò fortè ductus motivo, quòd Commentarios super novum & vetus Testamentum elucubraverit) *Clodoveo Francorum Rege Sacro fonte expiato, prout habet Proprium Canonicor. Reg. Lateran. die 1. 8bris. primus omnium doctrinâ & miraculis, Francos ad Christi Domini fidem perduxit. Unde non immerito Francorum Apostolus dictus est &c.* Claruit circa annum 470. Idem & ibidem JOANNES de nigra VALLE meminit alterius S. Remigij Antisiodoren. Episcopi similiter ex Canon. Reg. qui super Michæam Prophetam scripsit Librum unum, & super Epistolas Pauli alterum. Porro quantus fuerit in Rhemensi Ecclesia Reg. observantiæ rigor, vel ex illo casu, quem refert Thomas Cantimpran<sup>9</sup> Lib. 2. Apum Cap. 39, colligere licet: *Decanum Rhemensem Canonicos ita viriliter pro excessibus correxisse, ut etiam Henrico, ex Regali Genere orto, Archidiacono Rhemensi & Electo, Præsuli Catalaunensi disciplinam dederit, quòd Exequiis Alberti Leodiensis Episcopi, injustissime non minùs ac dolosissime à militibus Henrici Imperatoris, propè Rhemensem Urbem, occisi, sine veste nuptiali (linea, scilicet) interfuisset cum multa turba Nobilium; nam cadavere inhumato, (Molanus citatus lib. 1. Cap. 22. post sepulturam factum putat) Decanus omnes Canonicos ad Capitulum vocavit, & dixit Electo: nondum ut puto Archidiaconatum aut Canoniam resignastis? cui Electus: nondum inquit. Ex quo intelligens Decanus ipsum adhuc esse sibi subditum, ait: Surgite ergo & desum ad disciplinam coram Fratribus præparare, eò quòd sine veste nuptiali Chorum cum Canonicis contra Regulam introistis. Acceptâ ergo de manu Decani validâ disciplinâ Electus coram omnibus dixit: Gratias ago Deo & Patrionæ Rhemensis Ecclesie, ejus piissimæ Genitrici, quòd te talem in hoc regimine derelinquo; hinc magis locum istum diligam, & in Sede ista dignam severitatis memoriam venerabor. Hicq; dicens Archidiaconatum & Canoniatum resignavit. & in se verificavit vulgare illud proverbium: Quanto Caput altius, tantò collum mollius.*

Etiam de S. Petro, cognomento Chrisologo mentionem faciens, methodum principalis Authoris hujus Operis JOANNIS de nigra VALLE transcendendo, qui paritèr inter Doctores Nostri Ordinis ei locum assignat, eò quòd Epistolas ad diversos, & Homilias super Evangelia, miro ingenij acumine conscripserit; verùm Ravennatis ArchiEpiscopatus præ eminentia, in altiori ordine collocare illum contendit, prout & ArchiEpiscopos Dublinenses, scilicet: S. Rumoldum Martyrem, de quo jam superius mentionem fecimus sub Schemate III. Num. XXX. & S. Laurentium Confessorem, quem ex Martyrologio Monastico Arnoldi, vindicat Proprium Canonicorum Regularium Lateranen. in suis Annotationibus ad diem 14. 9bris. & vitæ Apostolicæ ad exemplum Beatissimi Patris Augustini restituit.



VII.

S C H E M A

E P I S C O P O R U M

Ex Ordine CANONICORUM REGULARIUM Apost:

CONGREGATIONIS LATERANENSIS

*luxta praeit. IOANNEM de nigra VALLE.*



VII.

SCHEMATA

EPISCOPORUM

EX ORDINE CANONICORUM REGULARIUM APOSTOLICI

CONGREGATIONIS LATERANENSIS

JOHANNES PAVLUS. JOHANNES DE VALLIS

stun  
por  
fco  
lun  
pro  
Ub  
ex  
ipsu  
gust  
perj  
res,  
cles  
lis  
fia  
rig  
qu  
ver  
cui  
qu  
co,  
co  
Sa  
co  
M  
V  
ro  
di  
co  
C  
D  
lo  
m  
m  
m  
c  
Ed  
co  
A  
L  
P  
I  
D  
S



stum externa testimonia habere non vacat auget numerum Episcoporum ex Ordine Canonico-Apostolico *S. Martinus* Turonensis Episcopus, quem Gabriel Pennotus in hist. trip. lib. 2. Cap. 24. non solum Professore Canonici Instituti, sed etiam Propagatorem in Gallijs probat. ex Cardinali Baronio Tom. 3. Annal. sub anno 328. num. 22. Ubi de Monastico Clericorum Vercellensium Instituto, à B. Eusebio ex Orientali Ecclesia in Occidentalem advecto, differens, subdit: *Quod ipsum præstantissimum vitæ genus S. Martinus transvexit in Gallias, & S. Augustinus in Africam, qui admirabili connexione duo hæc, ut dictum est, omnium perfectissima vitæ genera, Clericorum & Monachorum in unum pariter conjugentes, tanquam lucidissimis astris, ut olim Martyres persecutionis tempore, Christi Ecclesiam exornaverunt.* Attende qualis fuerit *S. Martini* Monachatus, talis prorsus qualis *Augustini* in Africa, & *Eusebij* in Vercellensi Ecclesia. Apponit colophonem id, quod circa annum Domini 1003. contigisse sub Roberto Francorum Rege narrat D. du Chesne pag. 28. quodq; hausit ex Glabro Rudolpho hist. lib. 3. de innovat. Eccl. his verbis: *Eo quoq; tempore inter cætera B. Martini Turonensis Monasterium emicuit à Ven-Viro Herveo ejusdem loci Archiclaro, opere mirifico reedificatum, qui quidem suscepta licet coactus Ecclesiæ illius cura, vesteq; alba reclus, more Canonico, mentem tamen & vitam possedit Monasticam.* Unde habes argumentum contra eos, qui à Monasterio vel ex Ly vitæ Monastica, quam plurimis Sanctis ex Ordine Canonico, Monachatum appingunt, & inter suos computant, siquidem in præsentī D. Martini Canonici nuncupatur Monasterium, & Clericale institutum à Divo Ambrosio Epist. 82. ad Vercellen. & serm. 69. in Natali B. Eusebij vocatur Monasticum. Baronius quoq; communiter omnes Regulares cum Monachis confundit, & plerumq; Canonicos Regulares sub nomine Monachorum comprehendit, quod Monachis speciosum colorem præbet Nostros Canonicos sibi aggregandi.

XLVI. Ejusdem Instituti fuit *S. Patritius* Hiberniensium Apostolus D. Martini Turonen. ex sororis filia, nepos, magnus Operator miraculorum. Nam ut habet Proprium Canonico: Reg. sub die 17. Martij mortuos 60. fertur adhuc vivens resuscitasse, & flumina signo Crucis stare fecisse, monstra placasse, serpentes & omne genus Venenatorum, tandemq; catervas demonum, visibiliter ex Hibernia propulsavisse. & quod maximum miraculum est, Gentes illas duræ cervicis, divina opitulante gratia, tum verbo, tum sanctæ conversationis exemplo, & aliis multis editis miraculis, sic tandem domuisse, ut tota illa Insula, suavi iugo Christi colla submitteret, edificatis in ea 365. Ecclesiis, totidemq; Episcopis ad illas regendas, ordinatis, in quibus Ecclesiis Clericos communiter secundum D. Augustini Regulam viventes, illum constituisse, constans illius gentis est traditio. Et præterea ultra JOANNEM de nigra VALLE, Raph. Volat. citatos, Joan. Trullum lib. 1. de Viris illustr. Canonico: Reg. Cap. 5. Augustinum Ticinen. Gabr. Pennot. probat Vincentius Belvacens. in spec. hist. lib. 20. Cap. 23. & seq. S. Antonin. in Chron. part. 2. tit. 11. Cap. 18. §. 2. & in Summa Theologica



part. 4. tit. 14. Cap. 10. §. 8. Petrus Equilinus Episc. lib. 3. Cap. 205. Stahur-  
tus in vit. S. Patritij. Cogitosus in vit. B. Brigidæ. Robert. Richardinus  
in Reg. D. Aug. Et insuper adijcit robur illud, quod affert Mat-  
thæus Parisius in hist. Anglic. sub Stephano Rege anno 1153. pag. 116.  
edit Londinen. de Purgatorio S. Patritij, dicens: De hoc quoq. Purga-  
torio & ejus origine, quod sequitur tradunt veteres historia Hibernienses. Ma-  
gnus Patricius, dum in Hibernia Verbum DEI predicaret, & multis miraculo-  
rum signis coruscaret, bestiales illius Patria homines, terrore infernalium tormento-  
rum, ac Paradisi amore gaudiorum à mortuis studuit revocare; sed illi plano ser-  
mone affirmabant se non convertendos iri ad Christum, nisi oculata fide prius con-  
spicerent, quæ promissæ. Unde dum D. Patritius pro salute populi in vigiliis  
& orationibus positus, Dominum precaretur propensius, pius DEI Filius apparens  
ei, duxit eum in locum desertum, & ostendit illi speluncam rotundam & obscu-  
ram intrinsecus, & dixit: Quisquis veraciter pœnitens, & in fide constans, hanc  
speluncam ingressus fuerit, spatio unius diei ac noctis, ab omnibus in ea purgabi-  
tur peccatis, quibus in tota vita sua Deum offendit, atq. eam ingrediens non solum  
tormenta malorum, sed si in dilectione DEI constanter perseveraverit, videbit &  
gaudia Beatorum. Sic Domino disponente; B. Patritius tam pro Domini appa-  
ritione, quam pro speluncæ ostensione letus, sperabat miserum Hiberniæ populum,  
se ad fidem Catholicam conversurum, & in loco illo confestim Oratorium constru-  
ens, speluncam quæ in Camerio est ante frontem Ecclesiæ, circumdedit, & ja-  
nuam cum seris apposuit, ne quis eam sine ejus licentia introiret. Canonicos Re-  
gulares loco illo introduxit, & Priori Ecclesiæ clavem custodiendam commisit, sta-  
tuens ut quicumq. Purgatorium ingredi voluerit, ab Episcopo loci licentiam habeat,  
& cum literis Episcopi accedat ad Priorem, & ab eo instructus Purgatorium  
intret. Multi autem in diebus Patritij Purgatorium introjerunt, qui reversi te-  
stati sunt se tormenta gravia pertulisse, & gaudia magna ibidem & inenarrabilia  
conspexisse. Quod si hæc fortè videantur, aliquib. ambigua, legant Diony-  
sium Carthusianum de 4tuor Novissimis art. 48. & sequentibus, ubi  
omnia revelationibus comprobantur.

XLVII. De S. Eusebio Martyre Vercellensium, & S. Gaudenzio Nova-  
riensium, Episcopis, quòd fuerint ex Ordine Canonico-Apostolico  
patet ultra JOANNEM de nigra VALLE cit. ex Carolo Mediolanensi Archi-  
Episcopo, part. 7. in Epist. de Translat. S. Simpliciani, & Carolo à Ba-  
silica Petri Novariæ Episcopo, in hist. Novaria nuncupata, ubi sic ait:  
S. Gaudentius discipulus fuit S. Eusebij Episcopi Vercellensis, Lectoris Officio in  
ea Ecclesia functus. Eo duce & Magistro vel suscepit vel jam susceptam  
perfectius coluit Canonice vite disciplinam. Hoc ei tribuitur sac. literis quibus  
Ecclesia Novariensis, ejus laudes canit & celebrat; hæc in antiquis membranis  
habentur; hæc in ore Novariensium adhuc sonant; Postius in juventute B. Gau-  
dentius studiosè rectam secutus est normam Canonice vite. Boni Sacerdotes,  
veteres, sequentes Verbum Domini, renuntiabant ijs quæ possidebant, abnegabant  
semetipsos, quod quidem præcipuum est. Non omnes tamen Canonici quibusdam  
se se devinciebant institutis, ijs inquam institutis, quæ perfectæ & ab Apostolis in-  
stituto perfectæ vite Canone continentur. Hoc S. Ambrosius Epist. 82. appellat  
Officia Monachorum cum Clericorum institutis conjungere, cujus rei Authorem in  
Occi-



## De Episcopis ex Ord: Canonico. Reg: Apostolico. 35

*Occidente facit S. Eusebium Vercellen. Episcopum, Gaudentij Nostri Magistrum. Præclarum sanè testimonium & valde observandum, ex quo fatendum est perfectiorem Clericorum disciplinam & Monasteria Clericalia in Occidentalibus Ecclesiis ab eo profecta esse, & ipsum Augustinum ejus disciplina Sanctissimum præcipuumq; cultorem, una cum Evangelio in hac Regione eam didicisse. Et hoc ipsum validius roborat Proprium Canonico. Reg. Lateranen. cum suis Annotationibus ad diem 22. Januarij, & 15. Iobris. Ubi Eusebij familiaritas cum Angelis, & alia mirabilia describuntur, nimirum: quòd Portas Ecclesiæ clausas ab Arianis ne in Episcopum consecraretur, oratione referaverit; quòd navigium ex altera parte cujusdam fluminis existens, solo nutu ad se attraxerit; & pariter sine remige cum socijs flumen trajecerit; quòd Dionysium Mediolanen. Episcopum, qui damnationi S. Athanasij Episcopi, ad mandatum Constantij Imperatoris Ariani, subscripserat, sanctâ astutiâ ab infami censura & nota liberaverit; qualiter in Occiduis Partibus Ordinem Canonico-Apostolicum restauraverit. & Augustino M. hac in parte Præcursor extiterit &c. &c.*

De eodem S. Eusebio & Basilio M. qui pariter juxta Joannem de nigra Valle fuit Canonicus Regularis, patet ex Joanne Molano lib. I. de Canonicis Cap. 7. sic loquente: *Memini quidem Ambrosium scribere ad Vercellenses, Eusebium eorum Episcopum in Occidentis partibus primum Clericis Monachorum instituta conjunxisse, ut quamvis communi sententia dicatur Augustinus primus Clericali vitæ Monasticam adjecisse, non tamen absq; anteriori exemplo, (quod ei cum Mediolani cum Ambrosio versaretur, innotuisse credo) hoc fecisse videatur. Neq; verò hac de causa vulgata sententia velut erronea perstringenda est; nam cum Eusebius Vercellis uno in loco Clericos effecerit Monachos, hoc idem S. Augustinus addita regula ita fecit in Clero suo Hipponensi, ut ad eandem pietatem multorum aliorum locorum Clerum attraxerit; ut cum Eusebius sui Vercellensis Cleri fuerit Reformator, Diviq; Augustini in ea re præcursor, hic tamen paulo post præcursoris vestigia secutus, iam copiosum multorum locorum Clerum, ad Monasticæ vitæ exercitia attraxerit, & nihilominus in Officio Clericali permanere voluerit, ut merito primus non hujus aut illius Cleri, sed ipsius Canonici Ordinis Reformator in Occidente, ut Basilius M. in Oriente habeatur.*

XLVIII. Hinc tamen trahi non potest recta consequentia in comprobationem alicujus falsæ sententiæ, dùm aliqui in Gallijs à S. Ruffo, alij à B. Arnulpho Archiepiscopo Lugdunensi; alij à S. Augustino, alij à Concilio Aquisgranensi, alij à S. Athanasio in Oriente, ab Eusebio Vercellensi in Occidente &c. Canonicos Regulares ortum cepisse comminiscuntur; jam enim ante hos omnes ipse Eusebius lib. 6. Cap. 16. Hieron. Epist. ad Rustic. & Nepot. Philo dist. 93. Cap. Diaconi institutos in Alexandrina Ecclesia, Canonicos Regulares per B. Marcum Evangelistam fatetur, tales perhibens Marci Clericos extitisse, quales Lucas describit discipulos Apostolorum, & quales sua ætate Monachi esse videbantur. Eosdem in Patriarchali Jerosolymitana Ecclesia ad Christi Sepulchrum institutos per B. Jacobum minorem: jam verò per majorem Jacobum in Cæsaraugustana in Hispanijs, nuncupata S. Mariæ



Majoris, sive de Columna, vulgò de Pilari. Angelicis manibus elaborata, probat Noster Gabr. Pennot, cit. lib. 2, Cap. 30. & 41. Et præter dicta sub Schemate 1. per tot. firmat Urbanus I. Papa Martyr in Cap. Sci-  
mus inquit: Vos non ignorare quod hætenus vita communis viguit, & maxime inter eos, qui in sortem Domini sunt electi, prout sunt Clerici Canonici. Et patentius Clemens Romanus Pontifex D. Petri successor. in Epist. ad Iacobum Fratrem Domini, inserta, in Cap. Dilectissimis 12. qu. 1. Communis vita omnibus necessaria est, maxime his, qui DEO irreprehensibiliter militare cupiunt, & vitam Apostolorum imitari volunt. Unde Consilium dantes Vestram prudentiam hortamur, ut ab Apostolicis Regulis non discedatis, sed communem vitam ducentes, quæ benè novistis, adimplere satagatis. Et seipsum declarans ejusdem esse Instituti dicit: Istius consuetudinis more retento, etiam Apostoli, eorumque discipuli, una Nobiscum & Vobiscum communem vitam duxerunt. Ad idem conducit quod affert Zacharias Ferrerius Vincen-  
tinus, Theologus & Iureconsultus in sua allegatione pro Canonicis Regularibus ad Leonem X. num. 25. de S. Ruso: Rusus, ut tradunt histo-  
rie, fuit discipulus Apostolorum, & Clericus Regularis, primusque Episcopus Avenionen-  
sis; unde & dictam Ecclesiam Avenionen. Metropolitanam, per Canonicos Regula-  
res gubernandam instituit. Instituit et Canonicam in Delphinatu sub Abbate ex-  
tra muros Valentia, in qua et corpus ejus nunc requiescit, appellaturque Abbatia S.  
Rusi, et est dignissima, habens sub se innumeras pene Abbantias, Preposituras, Ar-  
chiPresbyteratus et Ecclesias Collegiatas et Parochiales in tota Gallia. Per quæ  
magis apparet Institutum Canonicum viguisse tempore Apostolorum.

XLIX. S. Papinianus Episcopus Vticen. & Martyr quem JOANNES de nigra VALLE cit. Pipinum appellat, Petrus de Natalibus Episcopus Equi-  
linus Papyrium, fuit unus eorum, qui vitâ functo D. P. Augustino circa annum 431. Vandalis in Africam irruentibus, ob Arianæ impi-  
etatis detestationem martyrium subiêre. Inter quos ex Episcopis nu-  
merantur S. Valerianus Episcopus Abensis, Urbanus Episcopus Girben-  
sis, Crescens Aquitanæ Ecclesiæ, Eustachius Episcopus Suseranus, Cresconius  
Episcopus Eensis, Crescentianus Episcopus Tripolitanus, Felix Episcopus  
Adrumentinus, Hortulanus Episcopus Tripolitanus, Florentianus Episco-  
pus Vicessebatanus. Item S. QuotVultDeus Episcopus Carthaginensis,  
S. HabetDeus Episcopus Tamallumensis, Gaudiosus Episcopus Bitinensis,  
Latus Episcopus Leptinensis, Mansuetus Episcopus Wicitanus, Armaga-  
stus, Archimimus, Satyrus, Domitianus, Præsidius, Germanus, Flosculus. Quibus  
etiam adjungendus videtur S. Veramundus Hipponi Regij Episcopus &  
Confessor.

S. Emirtius Episcopus Aurelianensis, de quo præter JOANNEM de nigra  
VALLE cit. Ioannes Philippus Novariensis, qui Gallicarum Ecclesiarum  
multa tabularia perlustravit, hæc lib. 4. suæ Chron. Cap. 14. scribit:  
Emirtius Sanctissimus Aurelianensium Episcopus, et Canonicus Regularis dignissi-  
mus, filius fuit cujusdam Nobilissimi Viri, Romani, qui in pueritia in timore Domi-  
ni educatus, cum ad adolescentiam pervenisset, liberalibus disciplinis operam dedit,  
quibus solerter insistens, brevi quod concupierat affectus est. Cum verò ad juve-  
nilem pervenisset aetatem, Spiritus S. Unctione præventus, sæculo mundana relin-  
quens



## De Episcopis ex Ord: Canonico: Reg: Apostolico. 37

quens, Parentibusq; vale faciens, in Monasterio Lateranensi Canonicus Regularis efficitur, ubi tanta humilitate et virtute emicuit, jejuniis, contemplationibus, et abstinentiis insistens, quod mirum omnibus videatur. Contigit illis diebus in Gallis Episcopum Civitatis Aurelianensis emori, quare Cives amisso Pastore inconsolabiliter lachrymas fundebant, peractoque exequiarum Officio unâ conveniunt et Legatos Romam mittunt ad Pontificem rogantes, quatenus sibi Pastorem deligere dignaretur. Venientes autem Legati Romam, ad Pontificis pedes prostrati dari sibi Episcopum instanter postulabant, quos Pontifex benigne suscipiens, jussit bono animo esse, et exacto triduo ad se redire. Interim convocato Clero, jubet Orationibus insistere omnes, ut Dominus Civitati Aurelianensi de Pastore Sancto providere dignaretur. Elapso triduo, jussit Pontifex Legatos ad Ecclesiam Lateranensem accedere, et super quem viderent columbam de Celo descendentem, ipsum ad se adducerent, at illi velocius jussa complentes ad Ecclesiam Later. accedunt, atq; ibidem Missarum Solennis insistentes, viderunt super Emirtium Subdiaconum columbam descendentem, cum de more Epistolam decantaret. Quod illi videntes letitiâ replebantur, et Missarum Solennis expletis, ipsum Emirtium de voluntate Patris Monasterij, Pontifici presentaverunt, qui gratias DEO agens ipsum Episcopum consecravat, et ita lati cum Episcopo Emirtio in Gallias reversi sunt, ubi per multos annos B. Emirtius Sanctissime vixit, tandem bona senectute obdormivit in Domino. 7. Idus 7bris. Hæc omnia probat Proprium Canonico: Regularium Lateranensium in Lectionibus 2. Noctur.

L. S. Ildephonsus, alijs Ildefonsus, vel ut alij volunt Alphonsus B. Eugenij Toletani Archiepiscopi nepos, & in Archiepiscopali munere Successor, nec non Divi Isidori Hispalen. Episcopi pariter quondam Canonici Regularis discipulus fuit, & Professus in Agalonensi Monasterio, quod Canonico: Regularium fuisse constat, (præter JOANNEM de nigra VALLE, Fr. Alphonsum Orozco in Chron. B. Aug. et suorum Eremitæ, & Joannem Philippum Novarien. in Chron. lib. 4. Cap. 13. &c.) ex resolutione Doctoris Francisci de Pisa lib. 2. hist. Tolet. ubi sic ait: Non minor est difficultas in verificando cujusnam Ordinis Regularis ex tunc approbatus, fuerit Monasterium Agalense, cujus fuit Monachus S. Ildefonsus et etiam Abbas, et sub qua regula, et instituto illi Monachi viverent, cum certum et constans sit per ea tempora nullam aliam Regulam in Occidente, præter Augustini et D. Benedicti servari solitam. Multi affirmant Monasterium Ordinis D. Benedicti extitisse, cujus sententia sunt Trithemius, Petrus de Alcozor et Marieto de Sanctis Hispaniarum et Michael Carranza in vita istius Sancti, quæ cum libro ejusdem de Virginitate B. Dei Genitricis MARIE habetur. Eidem Fr. Prudentius de Sandoval, adheret, secutus cujusdam opinionem, qui chartas nonnullas in Librarij domo solutas invenit. Primum hujus sententia fundamentum est Nomen Monachi, et Abbatis, quo nomine illi utuntur, qui S. Ildefonsi historiam scribunt, quod Professorum Ordinis D. Benedicti proprium videtur. Verum Breviarium Toletanum, quod per multos annos Ecclesia prædicta in usu habuit, nimirum ab Urbe recuperata, usq; ad reformationem Pij V. clarè dicit et repetit in octava Lectione, illud fuisse Canonico: Regularium. Idem ait Liber ille vetustus de Viris SS. Isidori et Ildefonsi, ex Bibliotheca S. Ecclesie scilicet Toletanæ, alias allegata. Idem etiam habebant Libri: Flos Sanctorum nuncupati, qui vulgari idiomate cir-



transferebantur, ante editum librum à Magistro Villegas, quorum unus à quodam Fratre S. Hieronymi, alij ab aliis longè ante fuerunt editi. Idipsum Ioannes Trullus Prior S. Christine lib. i. de Ord. Canonicor. Reg. Cap. 6. scribit, nixus Auctoritati Fr. Alphonsi de Orozco in Chron. Ord. S. Aug. Nec mirum, quod Fratres Augustiniani et Monachi Benedictinenses, hunc Sanctum adeo illustrem, quiq; in numero suorum habere velant; quemadmodum de stirpe Homeri post illius obitum, multe Urbes decertaverunt. Viraq; Opinio probabilis videtur, nec in tanta controversia ludicem volo, agere; eligat quisq; quod magis probaverit. Hoc solum adverte in nomine Abbatis, quod hujus Monasterij Praefecto tribuitur, parum momenti constitui, quandoquidem ante Institutum Ordinem D. Benedicti, ante eos, qui eremum colebant, jam in usu erat; sed nec ipse D. Ildephonsus in suo libro de Viris illustribus Canobij Praefectum, Abbatem vocat, sed Rectorem. Multò minus vim facit Nomen Monachi, quod omnibus communem vitam simul ducentibus commune est, à Græco Nomine Monos derivatum quod significat unum, et est illorum omnium proprium, qui in communi viuentes, plures unum sunt, habentes scilicet cor unum et animam unam, sicut in Actis Apostolorum legimus. Ita etiam eleganter Augustinus in Ps. 132. ostendit se et suos in Congregatione secum, jure et propriè Monachos vocari potuisse: Quare inquit Nos non appelleremus Monachos? cum dicat Psalmus: Ecce quam bonum, et quam jucundum habitare Fratres in unum etc.

LI. An ergò acquiescendum Trithemio Benedictinensi Abbati, qui cum suis sequacibus pro ornamento suæ Congregationis, detraxit tertiam partem stellarum Nostri Ordinis, ut Petrū Damiani, Gregoriū Ultrajecten. Herculanium, Ludgerum, Floridum, Dunstanū, Wilelmum, Trudonem, & alios cōplures Sanctos contra manifestissima Gabr. Pennoti, in hist. trip. documenta, & annotationes in Proprium Canonicor. Reg. An approbatae per sæcula in Breviario Toletanæ Ecclesiæ veritati? quisq; sanè judicet. Hæc nihilominus sola autoritas, præponderare deberet universo agmini Benedictinen. Scriptorum, utpote pro Domo sua perorantium, quibus opponere valentiozem accrvum liceret, si domesticorum Authorum documentis decertare luberet, alioqui contento, non interessata recognitione externorum Chronistarum. Iudicet inquam, qui non est interessatus aliquo respectu Benedictinensium Ordini, vel livore non æstuat in Regulares Canonicos, quam speciosum nactus sit argumentum Trithemius arrogandi Monachis Canonicos. ex Ly Abbas, & ex Ly Monachus, quasi nescius etiam Canonicorum Præsides vocitari Abbates, & Canonicos Monachos appellari, & quidem à multis sæculis ut ostendit quoad Primum Concilium Turonen. III. sub Ludovico Pio anno 813. celebratum, quod Cap. 14. sic habet: Simili modo et Abbates Monasteriorum, in quibus Canonica Vita antiquitus fuit, vel nunc videtur esse, sollicitè suis provideant Canonici, ut habeant claustra et dormitoria, in quibus simul dormiant etc. Et antiquius Concilium apud Vernas celebratum anno 755. sub Carolo M. Cap. 18. hæc dicit: ut nullus Clericus ad ludicia laicorum publice conveniat sine iussione Episcopi sui, vel Abbatis. Et his antiquior Ven. Beda, qui fuit circa annum 700. lib. 4. hist. Anglic. Cap. 4. de Monasterio in Iugeto, verba faciens hæc notat: Ad exemplum inquit Venerabilium Fratrum sub Regula



*Abbate Canonico in magna continentia et paupertate proprio labore manuum vivunt.* 2dum patet ex ipso Trithemio lib. de Scriptoribus Ecclesiasticis, & ex Cardinali Bellarmino similiter de Scriptoribus Ecclesiasticis, JOANNE de nigra VALLE cit. & alijs, qui Hugonem, Richardum Victorinum, & ceteros Canonicos, vocant Monachos Ordinis Canonico-  
rum Regularium. Sic etiam nuncupatos reperio ab Anastasio S. R. E. Bibliothecario in Gregorio IV. ubi ait: *illum in Ecclesia B. Marie Trans-Tyberim, Roma, Monachos Canonicos aggregasse, qui ibi officium facerent, et Omnipotenti Deo grates et laudes redderent.* Divus quoq; Bernardus Epistolam scripsit Odoni Abbati Regularium Clericorum, alias Abbati Trecenti Canonico-  
rum Clericorum; & Nos paulò superius sub Num. XLV. & XX. plura ex diversis annotavimus. Specialitèr autem præter dicta de Monasterijs Canonico-  
rum, addit sæpè citatus Molanus Lib. 1. Cap. 12. dicens: *Hujus rei nonnulli adeò sunt imperiti, ut dum alicubi incidunt in locum quempiam apud superiorum ætatum Scriptores, in quo Canonico-  
rum Collegium vocatur Monasterium, aut errorem esse, aut Monasticum Ordinem, antequam Canonici essent, in eo viguisse putent, non alia ratione moti, quam quod videant Monasterij nomen illi aliquando tributum esse.* Quorum quàm sit infirma illa ex  
nomenclatura desumpta ratiocinatio ignorare non possunt, qui animadvertunt ex u-  
sitata quorundam locutione, omnia Canonica Collegia, olim dicta esse Monasteria.  
En futile fundamentum ex Nomine Abbatis, vel Monasterij, vel Mo-  
nachi reddere Nostros Nobis adjudicat.

LII. S. Frigidianus Lucensis Episcopus, Patriâ Hibernus sive Sco-  
tus, Hultachij Regis Ultoniæ Filius, à Pelagio I. inter Canonicos in  
Lateranensi Basilica tunc regulariter viventes, constitutus, ex post Lu-  
cam secessit, ubi constructo Monasterio, remotè à populi frequentia,  
in vicinia Camaldulensis Familiæ (ob quod Camaldulenses illum sibi  
arrogant, contra sensum JOANNIS de nigra VALLE, Raph. Volater. citator,  
& contra Nicolaum Crusenium citandum) vitæ normam quam in  
Laterano didicerat, instituit. Tandem ob famam illius sanctitatis  
à Lucensibus postulatus Episcopus, circa annum 556. ab eodem  
Summo Pontifice consecratus est; ibiq; adeò feliciter Institutionem  
Canonicam radicavit, ut brevi illa Ecclesia in amplissimam Congre-  
gationem excreverit, & multorum Monasteriorum Caput & Parens  
extiterit; & quod majus est ipsiusmet Lateranensis Basilicæ, sub Ale-  
xandro II. quondam Canonico Regulari S. Frigidiani & Episcopo Lu-  
censi, Restauratrix, ut de illa verificari possit illud Poetæ:

Mater me genuit, eadem Mater gignitur ex me.

prout fusissimè describit Author supplementi Jacobus Philippus Ber-  
gomenis Augustinianus cit. lib. 14. fol. 363. quanquam postea La-  
teranensis Congregatio, Frigidionariæ, gratas vices rependerit, cum e-  
am (abeuntibus in diversa studia S. Frigidiani, Canonicis & propter  
hoc multis amissis Monasterijs) in suum, cum decem remanentibus  
Prioratibus, admisit consortium, & in unum Corpus circa annum  
1317. sub Leone X. aggregavit. Ut notat Noster Gabr. Pennot. sæpius  
cit. lib. 2. Cap. 45.



*S. Bennonem* Episcopum Misnensem dispensatum à Monachatu per Leonem IX. ad instantiam Henrici III. Imperatoris, ex fine reformatæ Congregationis Goslatien. Canonorum Regularium, deducunt Annotationes *super Officia Canonorum Regularium Lateranensium ad diem 16. Iunii.* Ubi etiam Noster Gabriel Pennotus asserit se vidisse Romæ imagines Divi Bennonis, typis æneis cufas, cum Habitu Canonorum Regularium, Germanorum, scilicet cum Rocheto sine manicis. Joannes verò Kwiatkiewicz Soc. JESU Polonus, in supplemento Baronij meminit, Canonizationis ipsius, ab Adriano VI. anno 1523. de qua cum obaudisset (inquit ille) Lutherus, scripsisse fertur Librum, apposito illi in fronte Titulo: *Adversus novum Idolum, et antiquum diabolum, qui Misna exaltandus est.* Idem eundem *S. Antistitem* scribit habuisse peculiare dominium super aquas; nam dicit illum aquam in Vinum velut in Cana Gahlææ, vertisse, flumina sicco vestigio calcasse, fontes uberimos de terra sitiienti produxisse. Insuper addit hoc mirabile, quòd dum Comitem Misnensem Vindicando libertates Ecclesiæ excōmunicasset, & propter hoc in exilium pulsus fuisset, claves suæ Ecclesiæ in profluentem aquam projecit, quas postea redux, ex alvo piscis capiti & exenterati, recuperavit.

*S. Gregorius* Episcopus Trajectensis seu Ultrajecten. Canonicus Regularis, Professus in Ecclesia Trajectensi Cathedrali *S. Martini*, quæ tunc fuit cum altera Ecclesia *S. Salvatoris* Canonorum Regularium ut patet ex Annotat. Officiorum SS. Aquilini, Ludgeri, Odulphi & Marcellini, & ex vita B. Bonifacij Episcopi & Martyris, quæ habetur apud Surium Tom. 3. die 6. Julij. Ubi de eo sic legitur: *Volens cultum Divinum ampliare, condidit Monasterium S. Salvatoris juxta Oratorium S. Crucis, Trajecti, et illic ex S. Martino 40. Canonicos Canobitales transferens (erant enim 80.) et ipse Canonicè cum eis vixit.*

*S. Albinus* in Provincia Venetorum ortus, juvenis adhuc, ingressus est Monasterium Ordinis Canonorum Regularium; postea verò suis id poscentibus meritis, Abbas ejusdem Monasterij creatur, & tandem Episcopus Urbis de Anges in Gallia effectus, miraculis clarus in Domino obdormivit. Ita Fr. Alphonsus Orozco in Chron. B. Aug. & suorum Eremit. JOANNES de nigra VALLE, & Proprium Canonorum Reg. Lateranen. ubi cum ipso facta, & per ipsum patrata miracula, annotantur. E quibus unum duntaxat ut est impressum recito: *Nam profectus extra Monasterium in obsequium sui Abbatis, cum imber vehementissimus omnes qui cum Albino erant madefecisset, illesus mansit, ut ne gutta quidem aqua illum ausa fuisset attingere. Præterea duos mortuos adhuc vivens resuscitavit; et cæcis visum contulit; et demones ab obsessis corporibus fugavit. &c. &c.*

*S. Ansoinus* Cæmerini Episcopus, quòd aliquando fuerit Canon. Reg. constans est illius Civitatis traditio, & id ipsum probant antiqua Numismata, in quibus videre est ex una parte ejus effigiem, ex altera inscriptionē cum expressa mētionē Canonice Professionis ejus. Et tale numisma Noster Pennot<sup>9</sup> loco immediatè citato, se vidisse & servasse testatur.

LIII. *S. Aldobrandus* Natione Flaminus, Patria Cæsennas, ex Canonico



## De Episcopis ex Ord: Canonico: Reg: Apostolico. 41

nico Monasterij Portuensis, Præpositus Ariminensis, postea Episcopus Forosempronien. ut referunt tabulæ Ecclesiæ Ariminen. & Forosempronien. quarum exemplar ex Cancellaria Forosempronien. sibi transmissum de Canonica illius Professione recognoscit Noster Pennotus in hist. trip. lib. 3. Cap. 50. ad fin. & Hieronymus Rabeus in hist. Ravennaten. lib. 5. sub anno 1119. de S. Damiano loquens ait: *Proximo anno qui fuit à partu Virginis 1119. Petrus Peccator, (tali namq; cognomento etiam Sanctus Dei & magnus Ecclesiæ Prælati Petrus Damiani in literis utebatur) Senex obiit 4. Cal. April. Ravenna in Portuensi à se extructo Canobio, ibiq; ad lavam ingredientibus templum, juxta sac. turrim sepultus est. Ab eo plurimum is propagatus est Ordo, qui nunc Canonicoꝝ Lateranensium vocatur, egregium certè bonorum hominum ac Doctoꝝ Seminarium. Illius leges à Rhenensibus Bononiæ, Nicosiensibus in Pisano, à multisq; præterea acceptæ & servatæ sunt, cum interea confluerent undiq; complures ad Portuense Canobium, in disciplinamq; sese ejus Canonicis traderet. In ijs fuisse Aldobrandus legitur, qui in Oppido Sorbetulo è Bobio seu Galliata, propè Cesennam natus, & in Grammatica eruditus, in Portuense Canobium, ut majores in literis & pietate progressus faceret, se contulit. Cum autem Ariminenses Canonici Præposito destituti, peterent (ut fieri ab illis consueverat) ex eorum Conventu aliquem ipsis idoneum præfici, qui virtute præstaret, Aldobrandum obtinuerunt, qui deinde Forosemproniensium Episcopatum adeptus, Calendas Mai. decedens, in Divorum numerum relatus est.*

S. Ubaldo Episcopus Eugubinus Professione Canonicus Regularis fuit in Canobio Portuensi, unde regularis vitæ instituta accepit, & ad restaurandam Eugubinæ Ecclesiæ disciplinam regularem, transtulit, ut notat Joannes Molanus cit. lib. 1. Cap. 23. Fr. Alphonsus Orozco citatus & B. Theobaldus primus illius in sede Episcopali Successor & coætaneus, qui ejus vitâ scripsit; dicēs: *Postmodum vero ad Ecclesiā B. Mariæ in Portu Ravennæ Canonicoꝝ Regularium Lateranensium perrexit, ubi satis honestè Apostolica servabatur regula institutionis, & splendor in omnibus fulgebat totius sanctitatis: ibi ergo tribus Mensibus sub disciplina Canonicoꝝ illorum regulariter vixit, quatenus discipulus veritatis factus, sine errore postea doceret, quod primum visu & auditu veraciter didicisset. Scriptam itaq; Canonici Ordinis Regulam, rediens attulit, eamq; Canonicis omnibus proponens, Divino comitatus adjutorio, servandam injunxit, factumq; ut ex illo tempore cuncti regulariter viverent, & Canonicum Ordinem omnes devote custodirent. Successit ad mentem intentum Ubaldo, prout eventus re ipsa, & DEUS miraculo, probavit; nam cum ad propria ubi erat Prior in Cathedrali Eugubina ad SS. Marianum & Jacobum, à Portuensibus Canonicis repedasset, & Constitutiones minùs cautè in nemore subsistens, reliquisset, & immediatè post, imber & Nubibus cecidisset, recordatus Ubaldo damni, non minori anxietate quàm festinatione retrò contendit, & librum secus viam in terra circumcirca madefacta, prorsus illæsum & intactum invenit.*

LIV. Hos & alios Sanctos Episcopos, prout in Schemate, ex Ordine Canonicoꝝ Regularium memorat JOANNES de nigra VALLE citatus usq; ad 20135. & addit ad cumulum subsequentes, Proprium Ca-

noni.



nonicorum Regularium Lateranensium, probans Professionem illorum Canonicam, Annotationibus appositis (quæ mihi sunt pro maximo argumento ad materiam assumptam, ideòq; sæpius à me allegatæ, quia plerumq; ultra JOANNEM de nigra VALLE infarcinatæ manent Externorum Scriptorum, quibus innituntur & infundantur testimonijs) addit inquam *S. Melaniam* Episcopum Rodonensem, cujus JOANNES de nigra VALLE meminit, & alterius, ejusdē Nominis Episcopi Rotomagensis. Confessorum, *S. Inventium* Episcopum Ticinen. Confessorem, *S. Vedastum* Episcopum Attrebatensem Confessorem, *S. Leandrum* Episcopum Hispalensem Confessorem, *S. Herculanum* Episcopum Perusinum Martyrem, *S. Ollegarium* Confessorem, Episcopum Barchininen. & Archiepiscopum Tarraconen. *S. Ludgerum* Episc. Monasteriensem Confess. *S. Guillelmum* Episcopum Pictavien Confess. *S. Isidorum* Episc. Hispalen. Confess. *S. Possidonium* Episcopum Calaminæ Confessorem *S. Raymundum* Episcopum Barbastensem Confessorem, *S. Alipium* Episc. Tagasten. Confess. *S. Firminum* Episc. Ambianen. Martyrem, *S. Thomam* Episcopum Heresfordiensem Confessorem *S. Cerbonium* Episcopum Populoni Confessorem, *S. Gaudentium* Episcopum Ariminensem Martyrem, & alterum Novariensem Episcopum Confessorem, de quo sub Num. 47. *S. Fulcum* Episcopum Papiensem Confessorem, *S. Guirandum* Episc. Bitterensem Confess. *S. Floridum* Episc. Tudertinum Confess. *S. Eucherium* Episc. Lugdunensem Confessorem, aliosq; complures quorum deducentes Professionem Canonicam paulò ante commemoravimus.

Ultra hos omnes, Noster Gabr. Pennotus in sua trip. hist. lib. 2. & 3. sparsim, potissimū Cap. 14. & sequ. de Nomine & cognomine recenset alios supra mille, quales ex præcipuis solius Conventus Cremonensis sunt, de quibus ait lib. 3. Cap. 19. in hæc verba: Obijt ano 1524. quo tempore supremam Præfecturam Congregationis gerebat D. Sixtus de Rhenis Cremonen. sac. Concilij Trid. Prædicator & Theologus, Divinarum Scripturarum eruditione singularis, postea Episcopus Carinulæ, qui cum gregem sibi commissum aliquot annis optimè rexisset, non sine magna sanctitatis fama, ex hoc fragili ergastulo ad Cælestem Patriam commigravit. Item D. *Mattheus* Brumanus Serenissimi Ducis Mantuani, apud Sedem Apostolicam Orator, primum Nicomedien. dein de Melphitanus Episcopus, obijt anno 1596. Item D. *Archangelus* de Rubeis Theologus eruditissimus, prout illius Commentaria in 4 tuor Libros Sententiarum, nuper edita testantur, à Paulo V. Episcopus Carinulæ designatus, obijt anno 1618.





VIII.

S C H E M A

A B B A T U M

Ex Ordine CANONICORUM REGULARIUM

S. SALVATORIS LATERANENSIS

*Iuxta praeit. IOANNEM de nigra VALLE.*



VIII.

SCHENK

A B A T U M

Ex Ordine CANONICORUM REGULARIUM

S. SALVATORIS LATEINENSIS

JOHANNES JOHANNES DE VALLA



## LV. P Rincipalis hujus Operis Author IOAN-

NES de nigra VALLE ingentem planè exercitum Abbatum ex hoc Ordine suis temporibus annotavit, scilicet 100567. Plures adhuc sparsim enumerat Noster Pennotus in hist. trip. per tot. multò plures humilitatis amor, abdicatà liberè hujusmodi excellentià, cum simplicibus Superioribus, magnos licet, meritis & scientià Prælatos, cœquavit, prout devenio ex quodam Brevi Sixti Papæ IV. quod subnecto: *Dilecti Filij salutem & Apostolicam benedictionem. Intelleximus à dilecto Filio Celso Rectore Generali Vestro, nonnullos populos moleste ferre & conqueri, quosdam Abbatiales Titulos, qui apud eos honoris loco habebantur, ad Vestram instantiam, autoritate Apostolica fuisse immutatos. Nos igitur memoratorum populorum consolationi consulere volentes, omnes Abbatiales Titulos, qui quoquo modo in locis per Vos susceptis immutati extincti sunt, instauramus, ac denuò erigimus, ad pristinum statum ac dignitatem Abbatialem reducimus. Concedimus insuper & plenam damus Vestris duntaxat Prælati facultatem, benedicendi paramenia pluvialia, planetas, casulas, albas tunicas, tunicellas, robalcas & ceteras vestes, tam Sacerdotibus, quam Altari congruas, Vestris tantummodo usibus in Divino honore deputandas & c. Datum Romæ apud S. Petrum sub annulo Piscatoris, die 30. Martij 1480. Pontificatus Nostri anno nono.*

Porro ex Abbatibus quos Proprium Canonico Regularium pro Sanctis celebrat; est S. Wilhelmus, S. Gualterus, S. Theodoricus, S. Berregisus & S. Ioannes Nazione Anglus S. Mariæ de Bridlingtona Eboracensis Ecclesiæ Canonicus, & ejusdem Monasterij Prior, vel ut alijs placet Præpositus sive Abbas, omnibus enim istis appellationibus, à Scriptoribus notatum invenio. Hunc dicit JOANNES de nigra VALLE tres mortuos resuscitasse. S. Gualteri Abbatis vel ut alij volunt Præpositi Sturpensis, ultra Proprium Canonico Reg. Lateranensium sub die 17. Mai vel illud Professionem Canonicam probat, quod scribit Noster lvo Carnotensis Epist. 202. ad eundem S. Abbatem: *Ideo Canonici (quidam Codices addunt Ly Regulares) appellati estis, quod Canonicas Regulas, Vos velle observare ceteris arctius devovistis. Fuit & alter Gualterus Canonicus Insulensis, ex post Magalonensis in Francia Episcopus, qui non minùs eleganter etiam de seipso annotavit: Si Canonici vocamur, & Canonicam vitam professi sumus, Canones à Romana Ecclesia Matre Nostra, Nobis datos (à quibus etiam vocabulum sumpsimus) amplecti in omnibus, & imitari debemus. Huc & illud dogma Werchneri Carthusiani Colonienfis spectat: Canonicus id est Regularis. Unde qui non vult regi, aut dirigi, non est Canonicus.*

LVI. Ultra recensitos Abbates, non desunt alij Sancti Prælati, præsertim Canonicæ vitæ & disciplinæ, in diversis locis & temporibus Restauratores, quos idcirco non immeritò Proprium Canonico Regularium Lateranensium annuâ celebritate recolit, & in Annotationibus ad Officia, Canonicam eorum Professionem deducit. Tales erant S. Gilbertus & S. Trudo, quibus meritos honores non denegamus infra, sub Schemate XI. S. Theotonius cujus memoriam fecimus



supra Num. XXXII. *S. Gaucherius, S. Raymundus, S. Petrus Piperacensis*, qui æmulando cum primis, manufacta Monasteria instaurare nitebantur *urvis de lapidibus*. Alij Superiores, qui ad hanc Classẽ referuntur, infiniti erunt, scilicet Præpositi Insulati, & non Insulati, Rectores, Priores, Decani &c. & quorum computum facere qui vellet, *numerare stellas* contra posse, attentaret; ut ex ipsis Canonis colligere licet, quarum acervum in Europa 4055. in Italia 700. idq; in principio nascentis Ecclesiæ numerat extitisse Raphael Volateranus lib. 21. suæ Antropologiæ, præter alias plerasq; quas absumpserat barbaries & inexplẽbile schisma ab Ecclesiâ; quarum occasum præsertim in Oriente, dolet Noster Pennotus part. 2. Cap. 41. in hæc verba: DEUS justus Judex, qui dedit cultoribus suis regiones Gentium & labores populorum in possessionem, *Ut custodiant justificationes ejus, & legem ejus requirant, peccatis nostris exigentibus, posuit terram in saluginem à malitia inhabitantium in ea*: Ut ita Isaïæ Vaticinium impleret: *Pastores non requiescent ibi, sed requiescent ibi bestię, & replebuntur domus eorum draconibus, habitabunt ibi struthiones, & pilosi saltabunt ibi, & respondebunt ibi Ululæ in domibus ejus, & Syrenes in delubris voluptatis.*





IX.

S C H E M A

D O C T O R U M



SCRIPTORUM ECCLESIASTICORUM

Ex Ordine CANONICORUM REGULARIUM Apostolico

*luxta praeit. IOANNEM de nigra VALLE.*



IX.

SCHEMATA  
D O C T O R U M

SCRIPTORIUM ECCLESIASTICORUM

Ex Ordine CANONICORUM REGULARIUM AGOSTINENSIS

Scripta per Joannem de Viterbo

I  
die  
fes  
diry  
&  
in  
Sac  
&  
gra  
It  
Serr  
Don  
min  
De  
nes  
Cru  
bis  
1. in  
sing  
Hun  
Scr  
3. 1  
but  
ex  
Psa  
Oby  
Se  
spa  
ne  
in  
qui  
infi  
du  
Al  
od  
fi  
tur  
te  
es  
ris  
for  
cto  
nig



## LVII. S. Leo 1. Etruscus, de quo in Brev. Rom.

die 11. Aprilis ex Canonico Regulari Summus Ecclesiæ Præsul & Præses, ut ostensum est sub Schemate II. Num. 22. Vir in Divinis Scripturis eruditissimus, ut notat Trithemius Abbas Lib. de Scriptoribus Ecclesiast. & in declamandis homiliis ad populum adeo celebris & facundus, ut superiorem in Ecclesia Romana habuerit neminem. Fuit enim Ecclesiastica dictionis Tullius, Sac. Theologiae Homerus, rationum fidei Aristoteles, authoritatis Apostolicæ Petrus, & in Christiano pulpito Paulus &c. Scripsit Epistolas ad diversos de rebus gravissimis nonaginta octo, quæ habentur in primo volumine Conciliorum. Item Concilium Nicenum. Item de Incarnatione Domini contra Eutychen. Sermones de Eleemosyna 5. De Ieiunio 8. De Epiphania 8. De Nativitate Domini 10. De Passione Domini 14. De Transfiguratione 2. De Resurrectione Domini 21. De Ascensione 3. De Pentecoste 4. De Apostolis 3. De S. Laurentio 1. De Machabæis 1. De omnibus Sanctis 1. Quadragesimales 8. Insuper alios sermones de Ieiunio 12. In anniversario Summi Pontificis 3. Claruit circa annum 440.

S. Prosser Natione Aquitanus ex Raphaele Volaterano, Nicolao Crusenio, JOANNE de nigra VALLE citatis, in Ecclesia Lateranensi, (ut verbis Joannis Molani cit. lib. 1. Cap. 9. utar.) Canonicus Regularis fuit, Leonemq; 1. in conscribendis Epistolis adjuvit; à quo propter vitæ sanctitatem, eruditionemq; singularem, Regij in Flaminia (Æmiliam alij volunt) Episcopus est constitutus. Hunc Gelasius dum ejus opuscula probaret, Virum religiosissimum appellavit. Scripsit autem Prosser de prædicationibus libros 3. De vita contemplativa libros 3. De Viris illustribus. De Romana captivitate librum 1. De Gratia & libero arbitrio librum 1. Contra opuscula Cassiani libros 3. In Poesi librum 1. Sententiarum ex D. Aug. excerptarum librum 1. Historiam à mundi exordio. Commentaria in Psalmos. Epigrammata. Epistolas ad diversos. Responsiones ad Capitula Gallorum. Objectiones Vincentianas & Genuensium &c. Claruit circa annum 460.

S. Isidorus Hispalensis Episc. ex Gothorum stirpe progenitus, Filius fuit Severiani Ducis Carthaginensis, & Frater illius Magni Episcopi Hispalensis S. Leandri, Vir in Divinis Scripturis eruditissimus. Ut docet Joannes Trithemius Abbas Spanhemensis de Scriptoribus Ecclesiasticis & in secularibus literis nulli suo tempore secundus, ingenio subtilis, sensu clarus, eloquio compositus, carmine excellens & prosa, non minus sanctitate, quam doctrinâ insignis &c. De quo etiam illud non minus mirandum ac memorandum annotavit Lucas Tudensis Episc. in vita ejusdem S. quod de sub Altari honori ejus consecrato frequentes manarent aquarum rivuli, per octo continuos dies, post mortem Alphonsi Arragoniæ Regis religiosissimi; quo portento perterritus populus, Dominum Cæli precabatur, quatenus sibi revelare dignaretur, quid per illud factum notificare vellet; qui tandem Divinâ revelatione responsum accepit, octo dies esse ex quo Alphonsus vitâ cessit, ideoq; in signum planctus Doctoris Hispaniarum Isidori, lapides pavimenti stillare aquarum profluvia, fortè ex eo, quòd sua Religio perdiderit munificentissimum Benefactorem, & singularissimum in necessitatibus Protectorem. prout regimus superius sub Schemate III. Num. XXXII. Constituit etiam iste



Sanctus, pro Regnis Hispaniarum Missam Gothicam, vel à Gothis tunc dominantibus illis Regionibus, sic dictam, vel quia ipse fuit ex Gothorum progenie; cujus usus ad hæc usq; tempora servatur inibi in aliquibus locis, ob gratiam miraculorum, quæ circa ejusmodi Missam evenerunt. Scripsit autem Isidorus *super Moysi Pentateuchon*. Item *Librum Decretorum*. *Historiam à principio mundi*. *Allegoriarum libros 3.* *De summo Bono libros 3.* *De Natura Deorum librum unum*. *De viris illustribus librum unum*. *De Officiis librum unum*. *De differentiis librum unum*. *De Astronomia librum unum*. *De Vocabulis Grammaticis librum unum*. *Cosmographia librum unum*. Obijt anno 636. Idem JOANNES de nigra VALLE, & ibidem, meminit alterius S. Isidori Patriarchæ Constantinopolitani, prout repræsentat *Schema V.*

LVIII. Richardus de S. Victore Paduanus Patria, sub Anastasio IV. circa annum 1150. Monachus S. Victoris Parisiensis, Ordinis Canoniarum Regularium S. Aug. factus est, non solum juxta principalem Operis Nostri Authorem JOANNEM de nigra VALLE, sed etiam juxta Joannem Trithemium citatum sub Num. LI. Raphaelem Volateranum, Nicolaum Crusenium, Joannem Molanum *Lib. 1. de Canonicis Capite 23.* Joannem Trullum, qui sic ait; *Lib. 1. de Ordine Canoniarum Regularium Capite 5.* *Vir in Divinis Scripturis eruditissimus fuit, & in seculari Philosophia nobiliter doctus, ingenio præstans, eloquio scholasticus, moribus & conversatione præcipuus.* Hunc miris laudibus effert S. Antonin. *Flor. 3. part. tit. 18. Cap. 3.* eo præsertim, quod 7 ptem. libros de Trinitate conscripserit, quibus (judicio suo) cunctos, qui ante ipsum de hac materia Tractatus multiplices ediderunt, probabili rationum inductione, simul & dulcedine quadam ac vetustate sermonis, excessit. Item scripsit *de potestate ligandi atq; solvendi*. *De spiritu blasphemia.* *De statu interioris hominis.* *De exterminio mali.* *De Templo Salomonis.* *De Templo Ezechielis.* *De Tabernaculo Fæderis.* *De pœna peccati mortalis & venialis.* *De verbis Apostoli.* *De verbis Isaie.* *De Actibus Apostolorum.* *De Potestate Iudiciaria.* *De 12. Patriarchis.* *De profectu Monachorum.* *De instructione Novitiorum.* *De 42. mansionibus.* *De 4. ventis.* *Epitome Bibliorum.* *Expositionem super Cantica, et super Danielem libros 3.* et in Apocalypsim. Sermones diversos et multa alia.

S. Gelasius I. Papa, hic quâ Doctor inferitur, licet alioqui ob præclara merita inter Pontifices Romanos recensitus fuerit sub Num. XXIII. Scripsit testibus Anastasio, & Gennadio Massiliensi contra Nestorium et Eutychetem libros 5. quos perijisse Viri comprimis docti, & inter illos Cardinales Baronius & Bellarminus, suspicantur. Item contra Arrium duos. Contra Pelagianos unum. De vinculo anathematis unum. Orationes habuit elegantes et graves. Epistolas ad amicos et fidei domesticos, non minus graves, quàm doctas contexuit; quæ habentur in 2do volumine Conciliorum, & Hymnos ad imitationem S. Ambrosij composuit. Ita S. Antonin. *Flor. part. 2. hist. tit. 11. Cap. 1. §. 7.* Platina in Gelasio 1. & Joann. Trithem. cit.

LIX. Similis honor debetur Innocentio III. qui cum multæ pietatis & doctrinæ, nec minoris prudentiæ ac providentiæ in Ecclesia Dei fuisset



fuisse, digna tanto Pontifice encomia inter Summos Pontifices obtinuit *sub Num. XXVII.* Quia verò multa egregia sublimis sapientiæ suæ monumenta reliquit, inter Doctores à plerisq; celebratur. Hujus autem Pontificis opera in duos Tomos collecta sunt. In 1. Tomo extant sermones de Tempore & Sanctis. Item de consecratione Summi Pontificis sermones 4. uor. Item Conciones Paræneticæ ad Concilium Lateranense, & Acta ejusdem Concilij. Item de miseria conditionis humanæ. De eleemosyna liber unus. De laude charitatis unus. De contemptu mundi libri tres. Precationum de Christi Passione libri tres. De Musica unus. De Baptismi Sacramento unus. In 7. psalmos Pœnitentiales unus. Encomia Christi & Divæ Matris ejus; nec non Hymni de eisdem. In 2do Tomo Epistolarum libri duo. Constitutionum Decretalium libri 5q.

Hugo de Folietto Vir literaturæ admodum insignis, fuit Canonicus Regularis S. Petri Cordubensis, ut vult Vincentius Belvacensis in *spec. historial. lib. 28. Cap. 18.* S. Antonin. in 3. part. *hist. Tit. 18. Cap. 2.* & part. 2. *Cap. 16. §. 7. ad fin.* JOANNES de nigra VALLE, Raphael Volat. citati. At verò Joannes Trithemius eum Monachum Corbejensem, Ordinis S. Benedicti asserit, *cujus opinione neglecta*, ut ait Joannes Trullus *Lib. 1. Cap. 5. de Vir. Illustr. Canonico. Reg. major fides citatis Authoribus, alijsq; Viris adhibenda est; consuevit enim Trithemius nonnullos præclaros Canonicos Regulares, Ordini Benedictinen. adscribere, ut de S. Petro Damiano inferius dicturi sumus, ea fortè occasione quòd Nomen Monachi, ob vitam communem & trium votorum professionem, à Canonicis emissam, ipsis Canonicis quandoq; tribuitur.* Hunc Hugonem Onuphr. in *Eugenio 3. dicit creatum Cardinalem ab eodem Papa, Ciaconus verò ab Innocentio II.* Claruit hic Doctor temporibus Henrici IV. circa annum 1120. Scripsit autem de *Claustro Animæ Libros 4. uor. De Disciplina Monachorum Librum unum. De 12. abusionibus Claustri, librum unum. De 12. Patriarchis librum unum.*

LX. S. Petrus Damiani ex Canonico Reg. juxta dicta *sub Num. LIII. in S. Aldobrando, JOANNEM de nigra VALLE, Raphael Volater. Onuphr. citatos, & Joannem Molanum Lib. 1. de Canonicis Cap. 23. S. R. E. Cardinalis Episcopus Ostiensis, Vir Sanctus, ut dicit Noster Augustinus Ticinen. part. 4. Cap. 23. & clara ex Familia de Honestis Ravennæ natus, apud Auelane eremiticam vitam duxit. Qui deinde tempore Schismatis inter Catolum Episcopum Parmensem & Alexandrum II. pileo à se spontè abdicato, ad Canonicam præfatam (Ravennæ) se transtulit, ubi post multa præclara librorum edita opuscula, & magnificè gesta, ejusdem loci Prior, sanctè pieq; in Domino quievit. Extant usq; ad præsens Constitutiones ab eo editæ, de communi vita Canonico Regularium, Paschalis II. autoritate confirmatæ. Cum autem à Summo Pontifice ut addit Noster Joannes Trullus citatus *Cap. 5. argueretur, quòd Episcopatum utpotè Vir utilis & idoneus, dimisisset, amore salutis privatæ, ad tres sibi succedentes Nicolaum II. Alexandrum II. Gregorium VII. Romanos Pontifices, apologeticos edidit, in quibus autoritate, ratione, & exemplo, factum suum excusans, animos eorum placavit.* Scripsit pro diversis festivitatibus*



*tibus sermones multos. Item de fuga mundi. Item ut addit Trithemius de incontinentia Sacerdotum. De regula solitariorum. De miraculis sui temporis. De Naturis quorundam animalium. De terrore & meditatione mortis. De profectu Monachorum. Exhortatorium ad Monachos. Contra Episcopos Simoniacos &c.*

Magister D. Iacobus de Vitriaco ex Oppido Argontolio Diœcesis Parisiensis, Canonicus Regularis de Ognies, primò Episcopus Aconensis in Palæstina, postea Cardinalis Episcopus Tusculanus, creatus à Gregorio IX. juxta Onuphr. & Ciacon. in Gregorio 9. Raph. Volater. & JOANNEM de nigra VALLE citatos, Ioannem Trullum Lib. 1. de Ordine Canonicorum Regularium Cap. 5. qui sic ait: *Vir in Divinis literis eruditus, et sæcularium literarum non ignarus, moribus et vita spectabilis, in declamandis sermonibus ad populum excellentis ingenij fuit, et Crucem contra Albigeneses hæreticos gloriose prædicans, multos fideles Apostolica autoritate signavit, profectus et legatus contra eos. Edidit non spernendæ lectionis opuscula, videlicet: Historiam Orientalem contra Saracenos. Epistolas ad diversos. Claruit sub Federico Imperatore II. circa annum 1220. Hujus autem Prælati pro regulari observantia notatur zelus exinde, dum Cap. 30. histor. Occidentalis ait: Multi autem temporibus istis reperiuntur, Canonici vero nomine sæculares, qui cum regulariter non vivant, falso sibi Canonici Nomen usurpant, umbram Nominis retinentes, virtutem autem ejus abnegantes; sicut enim homo pictus non est homo, et denarius falsus non est denarius, ita qui hujusmodi sunt Canonici sæculares, non sunt Canonici. Quo enim pacto Canonici id est regulares censentur, quorum Regula est irregulariter vivere, quorum lex est sine lege moveri, propriæ voluntati absq. ulla contradictione passim frenâ laxare? Similem zelum expressit immediatè dictus Cardinalis Petrus Damiani; Lib. 5. Epist. 9. ad Clericos Fanenses scribens: Sanè quo pacto quis valeat dici Canonicus, nisi sit Regularis? quomodo Monachus, nisi juxta vim sui Nominis sit etiam singularis? Voluit siquidem Canonicum id est regulare Nomen habere, sed non regulariter vivere; ambiunt communia Ecclesiæ bona dividere, aspernantur autem ea apud Ecclesiam communiter habere. Enimverò non est hæc primitivæ Ecclesiæ forma, satisq. exorbitat ab Apostolicæ institutionis disciplina.*

LXI. Non desunt & alij & quidem multò plures ex antiquioribus, Ecclesiastici Scriptores & Doctores, apud eundem JOANNEM de nigra VALLE, & sunt sequentes: S. Quadratus Atheniensis Episcopus Apostolorum discipulus, edidit librum egregium de Fide Catholica contra Paganos.

S. Papias Herbipoli in Phrygia Episcopus, S. Ioannis Senioris Auditor, S. Polycarpi discipulus & sodalis fuit. Cum autem esset in omni genere scientiarum versatissimus scripsit, libros 5q. explanando vitam Christi & alia nonnulla. Qui tandem sanctitate celebris optimo fine quievit, circa annum 118. Ex Martyrolog. Rom. die 22. Februarij. Euseb. libr. 3. Cap. 33. Baron. tom. 2. sub anno 118.

Iustinus Palæstinus scripsit contra Gentiles volumen magnum. De Monarchia Dei, librum unum. De Psalterio unum. Contra Tryphonem Iudæum, librum unum. contra Martionem & omnes Hæreses, libros plures.



De Doctoribus &c. ex Ord: Canonico-Apostolico. 49

S. Miletus Episcopus Sardiensis, scripsit de prophetia Christi, librum unum: de vita Prophetarum librum unum: de Paschate libros tres: de Generatione Christi unum: de Ecclesia universali unum: de Baptismate unum: de Veritate unum: de Apocalypsi unum: de diabolo unum. Eglogarum libros sex.

S. Theophilus Patriarcha Antiochenus, scripsit contra Martionem Hereticum librum unum. contra Haresim Hermogenis librum unum: contra Helolum libros tres: super quatuor Evangelia Commentum: & super Proverbia Salomonis.

S. Dionysius Episcopus, scripsit Epistolarum volumen pulchrum, ad Lacedaemonas, ad Athenienses, ad Nicomedienses, ad Cretenses, ad Ecclesias Ponticas et ad Romanos.

S. Philippus Episcopus Cretensis, scripsit adversus Martionem Hereticum librum unum.

S. Serapion Patriarcha Antiochenus, scripsit volumen Epistolarum egregium.

S. Petrus Canonicus Emisensis, scripsit libros plures de varijs causis, & Psalmorum librum metro composuit.

Philon Alexandrinus: ex Iudeo Canonicus, scripsit de adventu Christi librum unum. Item supra Sapientie librum confecit Commentum.

S. Theophilus Caesaræ Palestine Episcopus, scripsit librum unum de Paschate.

Clemens Alexandrinus Presbyter Cardinalis, scripsit libros octo de Stromatibus. adversus gentes librum unum: de jejunio librum unum: de disputatione librum unum: de obrectatione librum unum: de Canonicis Ecclesiis librum unum: adversus Iudeorum errores librum unum. Epistolarum volumen egregium. de Paedagogis libros tres: de difficili divinum salute librum unum.

S. Ireneus Episcopus Lugdunensis, scripsit adversus Hareses libros quinque: contra gentes librum unum: de disciplina Christi & predicatione Apostolorum librum unum. de Monarchia librum unum: de questionibus Pasche ad Victorem Papam librum unum.

S. Dionysius Alexandrinus Patriarcha, scripsit Epistolarum volumen egregium: adversus Nepotem Episcopum libros duos: ad Origenem de Martyrio librum unum: ad Dionysium de Ordine delictorum libros quatuordecem.

LXII. S. Cyprianus Episcopus Carthaginensis, scripsit de duodecem abusibus seculi librum unum: de peste Egypti unum: de bono patientia librum unum: de Ordine Dominico librum unum: de opere & Eleemosynis librum unum: de Zelo & Livore librum unum: de aleatoribus librum unum: ad Fortunatum de Sacramentis librum unum: ad Demetrium librum unum: ad Antonianum & Quirinum librum unum: ad Iulianum amicum suum librum unum: ad Cecilium librum unum: ad Donatum de gratia Dei librum unum: de lapsis librum unum: de unitate Ecclesie librum unum. Epistolarum volumen egregium.

Pontianus Carthaginensis Episcopus, scripsit de vita & moribus Cypriani Episcopi Carthaginensis volumen egregium.

S. Anatholius Laodicensis Episcopus, scripsit de Paschate librum unum: de Mathematicis libros decem: super vetus & novum Testamentum, commentum: contra Manichaorum Haresim librum unum.

Marcion Antiochenus Prebyter Cardinalis, scripsit contra Paulum Episcopum Samoensem Hereticum, Dialogos peritiles. Tractatum de Symbolo et Synodo ad Dionysium Papam.



**S. Victorinus Episcopus Pictaviensis**, scripsit super Genesim librum unum: super Exodum librum unum, super Leviticum librum unum, super Esaiam librum unum, super Ezechielem librum unum, super Habacuc librum unum, super Ecclesiastem librum unum, super Cantica Canticorum sermones centum viginti, super Apocalipsim librum unum.

**S. Methodius Archiepiscopus Olimperiade**, scripsit dum esset in carcere apud Nigropontem, libros quindecim de creatione, eidem per Divinam inspirationem in carcere ostensos.

**S. Pamphilius Græcus, Presbyter Cardinalis**, scripsit in defensionem religionis Origenis, libros tres: de Trinitate libros decem, de Christi adventu libros duos, de Fide Catholica libros quinque.

**S. Jacobus cognomento Sapiens Nisibonensis Episcopus**, scripsit de fide contra hæreses librum unum; de charitate generali librum unum, de jejuniis librum unum, de sensu animæ librum unum, de oratione librum unum, de dilectione proximi librum unum, de resurrectione mortuorum librum unum, de vita post mortem librum unum, de pœnitentia librum unum, de humilitate librum unum, de satisfactione librum unum, de virginitate librum unum, de Circumcisione librum unum, de azimo librum unum, de benedictione librum unum, de castitate librum unum, de constructione tabernaculi librum unum, de gentium conversione librum unum, de regno Persarum librum unum, de persecutione Christianorum librum unum.

**S. Lucianus Nicomediensis Presbyter Cardinalis**, scripsit de sacrarum literarum studio, librum unum: de fide libros duodecim. Epistolarum volumen egregium.

**S. Juvencus Hispanus Presbyter Cardinalis primus, & Postea egregius**, scripsit quatuor Evangelia metro eleganti, Item librum de Sacramentis perpulebrum eodem metro heroico.

**S. Hilarius Pictaviensis Episcopus**, scripsit de Trinitate libros duodecim: de Synodo librum unum. Historiam à principio mundi usq; ad Christum: adversus Arianos libros plures: de blasphemia Auxontæ librum unum. Hymnos Ecclesiasticos plures.

**S. Eustachius Episcopus Birichiensis**, scripsit adversus Arianos libros quinque: de anima adversus Origenem Epistolas.

**S. Didymus Alexandrinus Canonicus**, scripsit contra Arianos libros duos: de Spiritu Sancto librum unum: super Esaiam libros decem & novem, super Oseam libros tres, super Zachariam libros quinque, super Psalmos, super Iob commentarios dignissimos, super Evangelia Matthæi & Ioannis: in Dialectica librum unum: in libris Scripturarum libros plures.

**LXIII. S. Athanasius Patriarcha Alexandrinus**, scripsit de Trinitate libros duodecim: de Synodo librum unum: adversus gentes libros duos, contra Valentem & Ursacium librum unum: de exhortatione Monachorum: de persecutione Arianorum libros plures: & Symbolum: Quicumq; vult salvus esse &c.

**Eusebius alius, Episcopus Emisenus**, scripsit contra Iudeos libros decem: adversus gentes libros octo: super Evangelia Homilias: super Epistolam Pauli ad Galatas libros decem.

**Trifilius Episcopus Cypri**, scripsit super Cantica commentarios.

**Serapion Canonicus Scholasticus**, scripsit adversus Manichaum librum unum: de titulis Psalmorum plures tractatus.

**S. Eusebius tertius Episcopus Vercellensis**, scripsit super Psalterium Eusebii Casariensis, quod ex Græco in Latinum traduxerat.

S. Epi-



## De Doctoribus &c. ex Ord: Canonico-Apostolico. 51

S. Epiphanius Episcopus Salaminensis, scripsit adversus omnes hareses libros decem: & Sermones diversarum solennitatum plures.

S. Optatus Millevitanus Episcopus, scripsit adversus Donatistas libros sex.

Philippus Syrus Presbyter Cardinalis, scripsit super Iob commentarios: & Epistolarum volumen egregium.

S. Joannes Chrysostomus Patriarcha Constantinopolitanus, scripsit super Mattheum libros duos: super Iohannem Homilias Septuaginta octo: super librum Machabeorum librum unum: de compunctione unum: de reparatione lapsi unum: de militia spirituali unum: de dignitate sacerdotali libros sex: de eo quod nemo leditur nisi a seipso, unum: de laudibus Pauli, Homilias sex: Sermones de Sanctis plures: Epistolarum volumen insigne, & alia propemodum infinita, quae haberi non potuerunt.

S. Paulinus Nolanus Episcopus, scripsit ad Casum de morte, libellum consolatorium: ad Theodosium juniorem Panegyricum: ad Sororem de Sacramentis librum unum: de laudibus Martyrum unum: Epistolarum metro, & prosa librum dignissimum. De Pœnitentia librum unum.

Deoporius Africanus Canonicus, scripsit de emendatione lapsi, librum unum.

Fastidius Archiepiscopus Cantuariensis, scripsit de vita Christi librum unum: de viduitate servanda unum: de Paradiso unum.

LXIV. S. Augustinus Episcopus Hipponensis, & Reformator Clericorum si-  
ve Canonorum, cui ad præsens pro maximo, quo dignus ex filiali af-  
fectu, encomio, ad minus Tabellam affigere cum sequentia Missæ ju-  
stissimum arbitror:

Clericalis Vitæ formam

Conquadravit, juxta normam

Cetus Apostolici.

Sui quippe nil habebant.

Tanquam suum, sed vivebant,

In communi Clerici.

Scripsit de Trinitate libros quindecim, de Civitate Dei libros viginti duos, Confes-  
sionum libros tredecim, de gratia & libero arbitrio librum unum, de predestinati-  
one unum: de beata vita unum: Soliloquiorum unum: Manuale unum: de na-  
tura boni unum: de spiritu & anima unum: de natura et gratia unum: de Di-  
alectica unum: de questionibus diluvij unum: de vera innocentia unum: de Ma-  
gistro ad Deodatum unum: de Musica libros septem: de natura et origine anima li-  
bros quatuor: de concordia Evangeliorum libros quatuor: de Sermonem Dei in mon-  
te librum unum: de quatuor feriis unum: de collatione preceptorum unum: de no-  
naginta Hæresibus unum: de Cantico novo unum: de contritione et gratia unum: de  
duabus animabus unum: de quantitate anime unum: de vera religione unum: de  
quatuor virtutibus Cardinalibus unum: de peccato originali unum: de divina præ-  
destinatione unum: de patientia libros duos: de pœnitentia unum: de immortalitate anime unum: de præscientia Dei libros duos: de natura rerum unum: Enchi-  
ridion unum: de videndo Deo unum: de vita Christiana unum: de agone Christi-  
ano unum: de fide ad Petrum libros tres: de fide rerum invisibilium unum: de  
fide & operibus unum: de fide in Symbolo unum: de utilitate credendi unum: de  
Corpore Christi unum: de eleemosyna unum: de pastoribus unum: de ovibus unum:



de gratia novi Testamenti unum: de eo quod scriptum est, Qui totam legem servaverit, librum unum: super Genesim libros duodecim: super novum & vetus Testamentum unum: de mirabilibus Sacra Scriptura: de decem chordis unum: de cura habenda pro mortuis unum: de mendacio unum: contra mendacium unum: de conflictu vitiorum unum: de duodecim gradibus abusionum unum: de divinatione Daemonum librum unum: de Cathéchismo unum: de communi vita Clericorum sermones tres: & alia innumerabilia, quae brevitatis causâ omittimus.

Eutropius Hipponensis Canonicus, scripsit Romanam Historiam ab urbe condita: de pudicitia & religionis amore libros duos.

Horosius Hispanus Canonicus, scripsit adversus gentes libros septem. Item Chronicam ab exordio mundi.

Sylvanus Marsiliensis Presbyter Cardinalis, scripsit de virginitatis bono libros tres: de avaritia libros quatuor: de presenti iudicio libros sex: Epistolarum volumen pernobile: super Genesim librum unum: Homilias quàm plures.

S. Maximus Episcopus Tarsensis, scripsit de laudibus Apostolorum librum unum: de S. Ioanne Baptista unum: de laudibus Cypriani Episcopi unum: de Eusebio Vercellensi Episcopo unum: de Baptismi gratia unum: de avaritia & hospitalitate unum: de Eleemosynis unum: de luna defectu unum: de jejuniis unum: de Passione Christi unum: de Iuda proditore unum: de Cruce Domini unum: de sepulchro ejusdem unum: de accusatione Domini ad Pilatum unum: de resurrectione Domini unum: de gratiis post cibum agendis unum: de Ninivitarum penitentia unum: Sermones & Homilias plurimas.

LXV. S. Nitiscus Marsiliensis Presbyter Cardinalis, scripsit de Sacramentis librum unum. Item Homilias multas. Item ex Sacris Scripturis Lectiones totius anni, Festivis ac Dominicis diebus aptas, in divino Officio ordinavit. Et Responsoria, Psalmos, Epistolas, & versiculos coaptavit, quod à Romanis Pontificibus fuit approbatum.

Theodorus Syrus Presbyter Cardinalis, scripsit de concordantia novi ac veteris Testamenti, librum unum.

S. Fulgentius Episcopus Ruspensis, scripsit de remissione peccatorum libros tres: de fide ad Donatum librum unum: de mysterio mediatoris libros duos: contra Torismundum Regem Arianum, librum unum: de continentia Conjugatorum servanda, unum: de Oratione unum: de charitate habenda unum: de penitentia & indulgentia unum: Sermones quàm plures in diversis Festivitatibus.

Genadius Episcopus Marsiliensis, scripsit de dogmatibus Christianis: de Viris illustribus librum unum, & multa ex Græco in Latinum transtulit.

Arator Romana Ecclesia Diaconus Cardinalis & Poeta, scripsit Apostolorum Actus Versu Hexametro.

S. Theodorus Archiepiscopus Cantuariensis, scripsit librum unum, quod penitentia unumquodq; peccatum dilui debeat: & Commentum super novum ac vetus Testamentum.

Alcunus Gallus Canonicus & Abbas Turonensis, Fundator studij Parisiensis, scripsit de Trinitate libros sex: de Trinitate quæstiones multas: Speculum parvulorum: de ratione animæ librum unum: de Ecclesiasticis dogmatibus unum: Sententiarum unum: super Ecclesiasten unum: Dialogorum unum: super Genesim unum: super Cantica unum: super Ioannem unum: super Epistolas Pauli unum



De Doctoribus &c. ex Ord: Canonico-Apostolico. 53

unum: de proprietatibus nominum Deo convenientium unum. Epistolas plures.

Joannes Scotus antiquus Canonicus, scripsit de natura divisione librum unum: de Eucharistia unum: & Dionysium Hierarchianum ex Græco transtulit in Latinum.

Anastasius Romane Ecclesie Bibliothecarius Cardinalis, descripsit septimam Synodum universalem. Item Catalogum Sanctorum egregium.

S. Aimo Canonicus Cantuariensis, scripsit Sermones elegantes de Christi nativitate. De Sanctis summam copiosam. De vitiis & virtutibus.

LXVI. Petrus Lombardus ex Canonica Sanctæ Genovefæ Episcopus Parisiensis, scripsit quatuor sententiarum libros: glossavit totum Psalterium: scripsit super Epistolas: Item Sermones insignes edidit.

Petrus Comestor Canonicus S. Petri Dulensis, scripsit super novum & vetus Testamentum libros plurimos: Item Carmina in laudem Beatæ V. MARIE elegantissima.

S. Joannes Carnotensis Episcopus, scripsit de Curialibus & Philosophorum nugus librum unum.

Prudentianus Canonicus Terraconensis Poeta, scripsit de Martyribus librum unum: Hymnorum unum: de Origine peccatorum unum: super vetus & novum Testamentum: de Trinitate libros duos: de contemptu Idolorum unum.

S. Fulbertus Carnotensis Episcopus, scripsit Sermones ad laudem Beatæ Virginis MARIE, & de Christi Incarnatione.

S. Severianus Episcopus Gabalitenensis, scripsit super Epistolam Pauli ad Galatas: de Epiphania & Baptismo librum unum. Item Sermones quàm plures.

S. Pierius Alexandrinus Canonicus scripsit super Isaïam & Oseam Prophetas. S. Petrus Episcopus Ravenas, scripsit super Evangelia Homilias plures: contra Euticen librum unum: & Sermones de Sanctis elegantes.

S. Severus cognomento Sulpitius Canonicus Aquitanus, scripsit Epistolarum volumen: de contemptu mundi: Chronicam magnam: Vitam Sancti Martini Turonensis Episcopi in tres Dialogos.

Innocentius IV. Papa, scripsit apparatus super Decretalibus. Item authenticum de jurisdictione imperij & auctoritate Pontificis: de laude S. Augustini Doctoris librum unum.

Bernardus Compostelinus Canonicus, dicti Innocentij Capellanus, scripsit super primo, secundo, & tertio Decretalium. Item rationale divinarum Officiorum.

Guido Bononiensis ex Canonica S. Victoris, Archidiaconus S. Petri Bononiensis, scripsit super totum librum Decretorum. Item super sexum Decretalium.

Ugutio de Rapho Canonicus S. Quintini, scripsit super Decretorum librum.

Lappus de Castelliano Abbas Canonice Sancti Rosati, scripsit decisiones perpulchras.

Ioannes Teutonicus, Canonicus Sancti Salvani, scripsit glossas super librum Decretorum.

Henricus ex Canonica S. Petri Lugdunensis, Cardinalis & Episcopus Hostiensis, scripsit super Decretalium libros quinque. Item in iure Canonico summam perutilem.

Ivo Episcopus Carnotensis, compilator antiquorum Decretorum, quæ postmodum Gratianus Monachus abbreviavit.



LXVII. Ultra enumeratos à præcitato JOANNE de nigra VALLE ex Ordine Canoniorum Reg. Doctores, ingentem Recentiorum multitudinem coacervat sæpèfatus Pennotus hist. trip. lib. 3. Cap. 55. ad quem Lectorem remitto. Non puto tamē omnes collegisse. cum plerūq; solos canonizaverit Italos, aliorum in alijs mundi partibus forsan non habens notitiam, quorum libri plurima eaq; diversissima eruditione refertissimi, usq; ad præsens manibus legentium teruntur. Ut: *Thomas à Kempis* Christiano Orbi clarissimi, *Joannis Mauburni* Abbatis spirituum operum suorum ferventissimi. *Joannis Rusbrochij* de quo infra sub Schemate XI. *Martini Azpiculeta Navarræ* Canonistæ celeberrimi. *Ioannis Buschij*. *Rutgeri Venray* Teutonici, ut alios quàm plurimos præcream, quos videre est apud Ioannem Trullum lib. 1. de Ord. Canoniorum Reg. Cap. 6. Prætermitto alterius Classis re & nomine Doctores, quia Verbi D. Præcones, vocibus & Scriptis per Universum, Clarissimos; quos luculenter satis quanquam brevi laconismo *Panigavola Minorita* panegyrit: *Feracissimus insignium Concionatorum ager Lateranensis Congregatio*. Hoc unum præterire nefas videtur, quod simile miraculo annotavit Noster Pennotus Abbas, de quadam Ordinis Nostræ Canonissa ac Theologa *Baptista Vernacia*, de qua lib. 3. Cap. 49. ad fin. sic ait: *In Civitate lanuesi sunt tria primæ Nobilitatis (Monialium de quib⁹ illic sermo) Collegia; Primum S. Mariæ Gratiarum, cujus Alumna exitit D. Baptista Vernacia Virgo devotissima & doctissima, quæ Mysticam Theologiam ut experimento probatum est, oratione non studio didicit. Nam femina cum esset de Divinis Arcanis tam multa scribit, ut doctissimos quosq; Theologos adequasse visa fuerit. Et infra Cap. 55. §. 2. enumerat illius Opera in tres Tomos distincta dicens: Primus Tomus quatuor continet Tractatus: Primus est de Unione Animæ cum Deo. 2dus de cognitione Dei. 3tius de gaudijs celestibus. 4tus appendix de modo ipsa gaudia assequendi. Secundus Tomus sex continet Tractatus. Primus est de Oratione. 2dus de Canticis Spiritualibus. 3tius de gaudio & planctu spirituali. 4tus de osculo Divino. 5tus de mirabili vita eorum qui mundo mortui sunt. 6tus de perpetua unione cum Deo. Tertius Tomus continet Tractatus quatuor. Primus est variarum contemplationum Pars 1. 2dus. variarum contemplationum Pars 2. 3tius. de vita spirituali. 4tus. est 46. dubiorum cum illorum solutionibus. Hi tres Tomi editi sunt Venetijs anno 1566. curante R. P. D. Gaspare Placentino. Postea editus est 4tus Tomus Veronæ anno 1602. post obitum prædictæ D. Baptistæ, curante R. P. D. Dionysio Placentino, Fesulano Abbate in quo alia varia ejusdem Opuscula spiritualia cum vita sua impressa sunt. Obijt anno 1581. Sabbato post Dominicam Ascensionis. Nonagenaria.*





X.

S C H E M A

M A R T Y R U M

N O N

P O N T I F I C U M

Ex. Ordine CANONICORUM REGULARIUM Apostolico

*luxta præcit. IOANNEM de nigra VALLE.*



X.

SCHEMATA

MARTYRUM

NOW

PONTIFICUM

EX ORDINE CANONICORUM REGULARIUM APOSTOLICIS

LEXUS PRÆCIT. JOHANNES DE SIGA VALL.



LXVIII. **P**AUCISSIMOS equidem principalis hujus

Operis Author JOANNES de nigra VALLE. Sanctos Martyres enumerat, respectivè ad, quos signat genericè, nimirum 11600. nihilominus facile vel ex eo evincit assertæ veritati assensum, quòd in Anglia in Metropoli Cantuariensi, irruentibus illuc barbaris, decem Millia ejusdem Professionis Viros (quorum festivitas agitur in Calendis Maij) qui ad Generale Capitulum venerant, in Archiepiscopali Ecclesia S. Salvatoris pro Christi fide Martyrio ab iisdem paganis coronatos esse commemorat. Præterea S. Satyrum & Arbagastrum cum alijs centum Canonicis pro fide Catholica interfectos ibidem insinuat. Insuper S. Archimimum, S. Adrianum & Gladentium cum alijs trecentis sub Geiserico Vandalorum Rege ob Arianæ pravitatis detestationem, passos fuisse scribit, & constat ex Annotat. in Proprium Canonico-regularium die 28. obis. Demum recrudescente persecutione in Africa, sub Hunnerico Vandalorum Rege, Ariane hæresis veneno infecto, Orthodoxæ fidei sectatores varijs supplicijs divexati sunt, inter quos viginti duos Episcopos ex eodem Ordine Apostolico martyrizatos, notat idem JOANNES de nigra VALLE cit. Quid censendum de aliorum Canonico-regularium Sancta plebe? Ultimò non desunt plurimi ex Sanctis Canonicis Regularibus ad comprobandum numerum signatorum, qui diversis temporibus, singillatim passi sunt, ex amore veritatis Christianæ, ut Ramoldus, de quo aliquid sub Schemate III. Num. XXX. insinuavimus. Ioannes Ostervicanus, Petrus de Arbuez Inquisitor Provincialis in Regno Aragoniæ, & alij plures, prout constat ex Proprio Canonico. Reg. Later. & Annotationibus super illud. Ex quibus omnibus unius S. Aquilini adducam in præsentem, à Monachali Professione vindicias, quæ habentur in allegatis modo primum Annotationibus sub die 29. Januarij, & hoc fieri decrevi, tum ex affectu peculiari in Tutelarem meum, tum ex fine demonstrandi plurima Monasteria fuisse Canonico-regularium, non Monachorum, in quibus S. Aquilinus, Herculanus, Ludgerus, Gregorius, Marcellinus, Odolphus, & alij Sancti Canonici, Institutum Regulare coluerunt.

LXVIX. Hic igitur S. Martyr Aquilinus acerrimus Propugnator honoris, Mariani, & devotissimus cultor, fuit Canonicus Coloniensis Ecclesiæ, prout vetustissimæ Tabulæ Mediolanensis Ecclesiæ, Breviarium Ambrosianum, & Scriptores quotquot de illo agunt, uniformiter attestantur: Iam autem Ecclesiam Coloniensem fuisse à prima fundatione Regularem, vetusti quique Authores scribunt, probatque datâ operâ Ioannes Mauburnus Abbas Liuriacensis lib. 2. quem Venatorium inscribit Cap. 30. tum ex Historia S. Lamiberri Coloniensis Episcopi, quæ in ea Ecclesia in Divinis Officijs olim legi consueverat, in qua hæc inter alia continentur: *Exultent cultores Ecclesiæ Coloniensis, qui Canonica ejus Institutione renitent.* tum ex alijs compluribus authenticis documentis, quibus adstipulatur Ioannes Molanus lib. 1. de Canonicis Cap. 14. affirmans Institutum vitæ Regularis in eadem Ecclesia, usque ad Philippum I. hujus Nominis, & in Ordine 44. Episcopo-



scopum Colonien. id est, usq; ad annum Christi 1168. permanisse.  
 Nec obest in contra Molanus putans Canonicos Colonienſes  
 prout & Trajectenſes, & Leodienses, cæterosq; illis temporibus in  
 Cathedralibus degentes non fuisse Regulares, cum votorum emissi-  
 one, adeoq; diversi erant à modernis Canonicis Regularibus; quod  
 etiam de Clericis cum B. Augustino communiter viventibus, con-  
 tra sensum omnium, asseverare non erubescit Erasmus in censura ad  
 Regulam ejusdem S. Doctoris. Verum istam Molani sententiam  
 pace tanti Doctoris, & de Ecclesia Catholica optimè meriti, minùs  
 veram esse, multa sunt, quæ evidentissimè convincunt. Et primò  
 quidem certum est, Canonicos Colonienſes ejusdem omnino In-  
 stituti fuisse, cujus erant Trajectenſes, Wirdunenſes, Nemetenses,  
 Spirenſes, & alij Cathedrales, præsertim Ecclesiarum Germaniæ infe-  
 rioris, ac etiam superioris, eodem Molano assentiente dicto lib. 1.  
 pluribus in locis, sed præcipuè cap. 14. ubi refert Canonicos Traje-  
 ctenses, cum sub Episcopo Godebaldo prima præbenda Decano  
 majoris Ecclesiæ dari cæpisset, statim ad Colonienſes scripsisse, ut  
 consulerent, an salva regula vitæ communis, quam profitebantur,  
 id licitè fieri posset. Quibus Colonienſes in hunc modum respon-  
 derunt. *Dominis, ac Fratribus Sanctæ Ecclesiæ Trajectensis tam majoribus, quam*  
*minoribus salutem. Ut Præpositura, Decania, vel aliqua clauſtralis obedi-*  
*entia, pro beneficio habeatur, vel beneficium nominetur, Ecclesiæ nostræ consue-*  
*tudo non patitur.* Quod responsum supponit, idem fuisse utriusque  
 Ecclesiæ Institutum, & eandem vivendi Regulam. Iam verò Ec-  
 clesiam Trajectent. nedum nomine, verum etiam professione fuis-  
 se propriè Regularem cum votorum emissionē, monstrat primò  
 ipsum Nomen Canonicorum Cœnobitalium, quo Nomine vocan-  
 tur à S. Marcellino, qui fuit unus ex ipsis Canonicis Trajectensibus,  
 in vita S. Suiberti, tum in proemio, tum infra Cap. 13. Item No-  
 men Conventus, & Monasterij, quo vocabatur illorum Domus.  
 ibidem Cap. 6. & 26. & ab ipsomet Molano in Natalibus ad diem  
 5. Junij in Athalerico l. Item Nomen Monachorum, quo voca-  
 bantur iidem Canonici Trajectenses, in privilegio illis facto per  
 Pipinum Regem, quod refert Miræus de Collegijs Canonicorum  
 Sæcularium pag. 48. quo etiam Nomine vocatos sæpè fuisse Ca-  
 nonicos aliarum Cathedralium Germaniæ, Spirenſes, Wirdunenſes,  
 Nemetenses, Trevirenſes, habemus ex Trithemio in Historia Hier-  
 saugica sub Anno 967. & 979. & ex Bruschio licet damnati nomi-  
 nis lib. 1. de Episcopis Germaniæ in Baldrico 22. Episcopo Spiren-  
 si, & Bernardo 21. Episcopo Padebornensi, & alijs. 2do hoc idem  
 evidenter convicit Institutum, quod Canonici Trajectenses profite-  
 bantur; dicit namque Marcellinus loco citato Cap. 6. quod Viri  
 illi Apostolici missi a S. Egberto, qui novellæ Trajectensis Ecclesiæ  
 prima fundamenta pefuerunt, ordinaverunt, & instituerunt inter  
 se eandem conversationem, quæ initio nascentis Ecclesiæ fuit Apo-  
 stolis & Discipulis Christi, in quibus nullus eorum ex ijs, quæ pos-  
 sidebat,



fidebat, aliquid suum esse dicebat. In vita quoque S. Odulphi, quæ est apud Surium tom. 3. die 12. Iunij legimus illum; cum regimen Ecclesiæ Ooscotana suscepisset, non diu post visum est ei, adire, summa reverentia locum Trajectum, antiquitus Wiltzburg dictum, idq; ea mente, & consilio, ut illic cum cæteris Dei famulis, Christo ibidem militantibus, quoad viveret, præpotenti Deo serviret. Memoria ergo retinens, quod Salvator ait: Qui non renuntiat omnibus, quæ possidet, &c. Sed & de S. Willeico Trajectensi Canonico scribit Marcellinus lib. 1. vitæ S. Suiberti Cap. 26. Quod spe supernæ retributionis mundum, & omnia derelinquens, Canonicus fiebat novellæ Ecclesiæ Trajectensis. Idem de S. Gregorio Episcopo Trajectensi legimus apud eundem Molanum in Natalibus. Iam verò Institutum vitæ communis cum perfectâ abdicatione omnium bonorum temporalium, quale profitebantur Clerici Apostolici in primitiva Ecclesia, fuisse Institutum Canonico-  
 rum verè Regularium, & Voventium, quale profitentur, qui nunc Regulares Canonici vocantur, solis luce clariùs liquet, & nos latè deduximus lib. 2. Generalis Hist. per multa capita: & habetur ex Eusebio Casariensi lib. 2. hist. cap. 16. & 17. Hieronymo de Scriptoribus Ecclesiasticis, in Marco & Philone, & Clemente I. Urbano I. Benedicto XII. Eugenio IV. Sixto IV. & V. quorum testimonia dicto lib. 2. cap. 4. & 5. & alibi copiosè attulimus: fatentur enim omnes supradicti Pontifices Institutum, quod modò Canonici Reg. profitentur, illud idem esse, quòd olim Clerici à SS. Apostolis instituti profitebantur.

Ibi quoque præcipuum Molani fundamentum evertimus, quo ait, Canonicos Reg. ex secularibus ortos per restrictionem: è contrario probantes Canonicos ipsos Sæculares ex Regularibus derivatos per relaxationem.

LXX. Cæterum, quod ad Ecclesiam Coloniensem spectat (de qua præcipuè nunc agimus) illud maximè faver, quod idem Molanus dicto lib. 1. Cap. 14. de Canonicis scribit de illius Ecclesiæ secularizatione facta sub Philippo Episcopo 44. quodque ante illum notaverat Ioannes Mauburnus in Venatorio dicto lib. 2. Cap. 30. nimirum nonnullos ex Canonicis dictæ Ecclesiæ ab observatione sui regularis Instituti nullatenus discedere volentes, Novesium profectos, Monasterium ibidem construxisse, & illuc se recepisse. Quod etiam testatur magnum Chronicon Belgij, & Petrus Cratæpoleo de Episcopis Coloniensibus in Abelluino Episcopo 11. Cæterum extra omnem dubitationem est, Canonicos illos Novesienses verè & propriè regulares, cum votorum emissionem semper extitisse, sicut per Dei gratiam nunc sunt. Quod si Molanus advertisset, non video, quâ ratione inficiari potuisset, ipsos Colonienses verè regulares fuisse cum votorum emissionem. Eidem quoq; veritati adstipulantur B. Patris Augustini Regula, cum constitutionibus, claustris, officinis, & alijs omnibus ad veram regularitatem, quam Molanus vocat Monasticam, spectantibus, quæ omnia olim apud Ecclesias Coloniensem, Trajectensem, cæterasq; Cathedralis, & Metropolitanas fuisse, Viri graves, & omni exceptione majores apertissimè testantur. Hi sunt, I. Iacobus de Vitriaco, S. Romanæ Ecclesiæ Cathedralis, qui vixit circa annum 1230. in Historia Occidentali cap. 30. Sic scribens. Non solum autem prædicta Regularium Congregationes multiformes supra S. Augustini regulare fundamentum sub diversis artificibus, varia construxerunt adificia: sed & Cathedralium Ecclesiarum Ministri, quos nunc Canonicos appellamus, sub eadem Regula communiter à primæva eorum institutione Domino servierunt in humilitate & paupertate. Quam rem longiùs prosequens probat, Canonicos Sæculares ex Regularibus descendere per relaxationem. 2dus est Albertus Crantius in sua Metropoli lib. 3. cap. 15. sic scribens: Exceptit illum ordine novus in Ecclesia Hildeboldus, cujus memorabile nomen inde est, quod Fratribus suis multa providens benefecerit. Admoneor hoc Nomine, quod in Annalibus ubiq; lego, per Ecclesias vixisse Fratres Ordine utique Canonico sub Regula S. Augustini. Sed ubi abjectum est hoc nomen, ut erubescant deinde dici Fratres, hoc retinentes, ut Canonici sine Regula, (cùm Canon sonet Regulam,



*gulam) & Domini dici ament. Complura idem Autor eodem lib. cap. ultimo, & lib. 4. cap. 7. quæ essent videnda. ztius est ipse Molanus dicto lib. 1. cap. 14. seu potius Ecclesia Coloniensis in Epistola, quâ Canonicis Trajectensibus rescribit, in qua post verba à Molano relata, quæ proximè reddidimus, & alia multa ad idem spectantia, sic tandem concludunt. Hæc omnia usu antiquitatis instituta antiquitus habemus, & tenemus, attendentes Sanctissimos Patres, qui cum Christo viventes, nobis in suis scriptis loquuntur, allegantes Augustinum, & alios. Ecce tibi Institutum vitæ communis secundum Regulam Sanctorum Patrum, præsertim Augustini, quod à Coloniensibus tenebatur.*

LXXI. Accedit in ejusdem veritatis corroboracionem, quòd omnes, qui de Congregationibus Canonorum Regularium, nunc vel antea existentibus, & de illarum originibus scribunt, non tam novas institutiones, quàm veteris Instituti Ecclesiarum Cathedralium, & Metropolitanarum labentes reparationes eas vocant. Certè Congregatio nostra Lateranensis nihil aliud fuit, nisi reparatio Ordinis in Ecclesia Lateranensi labentis, per Alexandrum II. Paschalem II. & alios Romanos Pontifices inchoata, & absoluta. Idem dicendum de Congregatione S. Crucis Colimbriæ in Lusitania. S. Rufi primò apud Avenionem, deinde apud Valentiam in Gallijs: de Novesiensi propè Coloniam, quod etiam Autor Chronici Coloniensis parte 2. pag. 162. notavit, & de Gilbertina in Anglia. Innocentius quoque hujus nominis I. Romanus Pontifex in decretis editis in Concilio Romano anno 1139. supponit tanquam rem notissimam, usque ad illa tempora omnes Canonicos Regulares sub D. Augustini Regula militasse. Videantur decretum 9. & 26. Demum Benedictus XII. in Bulla Generalis reformationis Ordinis Canonior. Reg. S. Augustini, quam nos reddidimus lib. 2. Generalis Historiæ Cap. 43. pro re constanti supponit, Canonic. Cathedralis Reg. & Metropolitanos cum alijs extra Cathedralis in Monasterijs, & Congregationibus degentibus, ejusdem prorsus fuisse, & esse Ordinis, & Instituti: licet inter se aliquantulum essent differentes in Habitu, tam quo ad formam, quàm quo ad colorem vestimentorum. Idem manifestè supponunt, qui dicunt, Ordinem Canonior. Reg. Later. qui nunc sunt, à B. Augustino reformatum, à SS. Apostolis, & illorum discipulis descendisse: quæ res sæpius coram Romanis Pontificibus est ventilata, & ab illis fuit definita. Clerici namq; regulariter viventes, quos B. Apostoli instituerunt, & S. August. reformavit, erant Clerici in Cathedralibus potissimum degentes, licet etiam extra Cathedralis in Collegijs, seu Monasterijs viverent. Quam veritatem semel probasse sufficiat, ad illorum scrupulos amputandos, qui Clericos in Cathedralibus regulariter viventes, vel non verè Regulares, vel non ejusdem Ordinis, qui nunc Ordo Canonior. Reg. dicitur, fuisse arbitrentur.

Sed quod in proposita materia, de qua nunc sermo est, omnem dubitationem eliminat, ad convincendum Canonicos Colonien. tempore B. Aquilini Mart. fuisse verè Regulares ejusdem professionis, & habitus, cum alijs regularibus, quos Molanus vocat Monachos, extat hodieq; Mediolani in æde vetustissima S. Laurentio Levitæ ac Martyri sacra, sacellum parvis vetustatis eidem S. Aquilino nuncupatum, in quo primùm ejus cadaver positum usque ad nostra tempora servatum est (nam ante paucos annos elevatum honorificentiori loco, ubi nunc visitur, repositum est) in fornice ejusdem Sacelli sunt imagines, seu icones circiter 24. depicti, totam B. ipsius Aquilini vitam, martyrium, sepulturam, & miracula ad ejus tumulum patrata referentes. Nec dubitari potest, ipsas imagines esse vetustissimas ante annos plus minus sexcentos, quod imagines Christi & Apostolorum in superiori absida musivo, seu tassellato opere depictæ ostendunt. Hæ imagines tum ipsum Aquilinum, tum Canonicos Colonien. tum Canonicos S. Laurentij, apud quos Mediolani vivus, & mortuus est commoratus, omnes cum eodem habitu regulari, & usuali referunt, quem hodieq; Canonici Reg. Lat. in Italia, Victorini in Gallijs, Novesienses, seu Windesimenses Colonia, & per inferiorem, & superiorem Germaniam, deferunt, cum eadem prorsus tonsura Clericali, & rasura in superiori, & inferiori parte capitis ad modum Coronæ, quam Regulares communiter ferre solent; hoc uno excepto, quòd pro tunica alba, quam nos Lateran. & Nostri Windesimenses deferimus, illi griseam ferebant: quod etiam in Gallijs, & alijs locis in Italia, ut in Monasterio S. Andree Vercellarum, S. Bernardi in Monte Iovis, S. Iacobi Cellævolana Diocesis Comacensis fieri consueverat, & notatur in dicta Bulla Benedicti XII. §. 40. qui est de Habitu Canoniorum.



XI.

S C H E M A

SANCTORVM CONFESSORVM

N O N

P O N T I F I C U M

Ex Ordine CANONICORUM REGULARIUM Apostolico.

*Iuxta praeit. IOANNEM de nigra VALLE.*



XI.

SCHEMA

SAINTORVM CONFESSORVM

NON

PONTIFICUM

EX ORDINE CANONICORUM REGULARIUM APOSTOLICO

INSTITUTO



LXXII. **DE SS. Confessoribus** (quos JOANNES de nigra VALLE in universum quatuor millia & quingentos numerat) multa ante præmisimus sub quocunq; Schemate; hic de solis Sanctis Confessoribus non Pontificibus, quod videbitur magis congruum, subjungemus. Et imprimis *S. Gilbertus* unus ex Reformatoribus Ordinis Canonici in loco Sempingamia Diocesis Lincolnensis fuit, pro ut monstrat ipsum Monasterium de Sempingamia, & totus Ordo Gilbertinorum nuncupatus, qui semper Canonicorum non Monachorum appellatur, ut videre est in Catalogo Monasteriorum existentium in Anglia, tempore defectionis Henrici VIII. collectus per Ioannem Speed, & in Catalogo Scriptorum Anglicanorum, collectus per Ioannem Pitium pag. 252. ubi expressè fatetur illum instituisse suos Alumnos sub Regula D. Augustini: quod etiam testatur Balæus Centur. 3. & Polydorus Virgil. lib. 7. Cap. 11. & firmat Epistola Alexandri Episcopi Lincolnensis ad Alexandrum III. Papam pro defensione ejusdem *S. Gilberti* & sui Ordinis scripta, quam reddidit Ioannes Picardus in notis ad Cap. 16. lib. 1. historiæ Gulielmi Neobrigen. ubi Gilbertum & suos Alumnos vocat Canonicos cum expressa insinuatione Regulæ D. Augustini. Quomodo ergò subsistere potest veritas unius Arnoldi Uuion, qui in Lib. *Lignum Vitæ* seu in Martylogio Monastico recens edito in Belgio, *S. Gilbertum* inter Cistercienses collocat? nisi fortè ideò, quòd in perficienda Canonici Ordinis reformatione *S. Bernardi* Abbatis operâ & consilio usus fuerit? & suorum Constitutiones ex Regula D. Benedicti collegerit? Idem Author scilicet Arnoldus Uuion adscribit suo Cisterciensi Ordini Nostrum *S. Odulphum* & *S. Marcellinum*; sed nullo jure, cum hi duo Sancti Canonici fuerint Professi in Monasterio *S. Salvatoris Trajectensi*: quod *sub immediate præcedenti Schemate in S. Aquilino*, Canonicorum non Monachorum fuisse probavimus. Præterea de *S. Marcellino* est, quòd in vita *S. Suiberti* semper seipsum Canonicum appellet, & Trajectensem Conventum Canonicorum Cænobitalium. Idem de *S. Odulpho* Ioannes Molanus Lib. 1. de *Canonicis* Cap. 6. notat, quem Trajectensis Ecclesiæ Canonicum vocat. Nihilominus negari non potest cum illis Canonicis Clericis, ab initio ex Anglia Trajectum profectos, nonnullos fuisse Monachos Evangelij prædicandi causâ, quod alias posterioribus temporibus factum apparet ex Cap. *Deus qui de vit. et honest. Cleric.* & exinde fortè Arnold<sup>9</sup> occasionē errandi habuit. Idem Scriptor loco citato, (cui adnuculatur Trithemius lib. 3. de *Viris illustr.*) *S. Trudonem* Nobis invidet, quem cum non posset suis Monachis, cum Benedictinensibus appropriavit, eo delusus fundamento, quòd Monasterium *S. Trudonis* ab antiquo tempore tenuerint: at non observavit B. Trudonem Metis (ubi communi omnium opinione prima Religionis rudimenta nactus est, & Presbyter factus) in Virum perfectum adolevisse, quæ Metensis Ecclesia Clericorum Regularium fuit, ut patet ex Chronica Metensi in Clemente Episcopo, ubi præter alia dicitur:



*Sub Vitalione XLII. qui in bello cecidit, Regularis Disciplinā Metis perijt. Favet ejusdem Sancti Professioni Canonice Theodoricus Monachus, qui ejus vitam scripsit, nullibi tamen eum Monachum appellavit, sed temper Clericum vel Presbyterum &c.*

LXXIII. *S. Bernardus* Natione Allobrox &c. Ut habetur in Proprio Canonico. Regular. die 15. Iunij, quorum Institutum amplexus est Prætorie Augustæ, non obstante quod illum Arnoldus in partem suorum, Molanus in ornamentum Eremitici Ordinis, nescitur quo fundamento trahant. Nam reddit ingenuè quod suum est in Augustiniano Monastico part. 2. Cap. 17. Nicolaus Crusenius Augustinianus Doctor, dum hæc ait: *Post S. Frigidianum sanctitate & miraculis celebris anno MLXXX floruit B. Bernardus in Italie finibus Augustæ Prætorie in Salassio ortus, ac in plerumq; Monasterijs Canonico Regularium educatus, sub Regula S. P. Augustini, sanctissimèq; obiit in Monasterio S. Ursi, de quo latius Philippus Ferrarius in Catalogo Sanctorum Italiae.* In eandem sententiam collimat alter Eremitici Ordinis Historicus Fr. Alphonsus Orozco in Chron. B. Augustini & suorum Eremitarum, & Carolus Episcopus Novariensis in sua Novaria Lib. 10. ubi ex professo vitam ejus describit. Præterea locus ipse hunc S. Confessorem, probat fuisse Canonicum Regularium; Ecclesia enim Augustana illis temporibus Clericorum Regularium fuit, ut constat ex Pontificali Romano, & Lib. Taxar. Apostolicar. de quibus videri potest Noster Gabriel Pennotus in hist. trip. lib. 2. Cap. 33 Num 6. De hoc S. Bernardo non, ut alij volunt, claræ Valensi (quem errorem causat identitas Nominis) illud memorabile prodigium est, quod cum in monte Iovis (nunc S. Bernardi dicitur) in finibus Allobrogum Sedunensis Diœcesis statuam Iovis, ex qua dæmon responsa dabat, futura prædicendo & dispensando sanitatem evertisset, & Incolas à miserabili servitute dæmonis, & abominabili superstitione liberasset, dæmone verò adjurato, in deserta loca & invia cum amandasset (quâ de causâ cum dæmone concatenato ad pedes à Novariensibus & Campestribus depingitur) in illo inquam monte Ecclesiam (quæ pariter S. Bernardi dicitur) & Monasterium pro Canonicis Regularibus fundavit, ubi in nigris quidem, hastati tamen lineo signo incedunt, hastam scilicet lineam per transversum super vestem nigram in signum Canonice Professionis, sicut in Gallia, Germania, alijsq; Regionibus deferentes.

LXXIV. *S. Domitius* Confessor, S. Petri Ambianensis, & S. Germanus S. Martini Ambianensis Canonici Regulares fuerunt; juxta JOANNEM de nigra VALLE, utramq; enim Ecclesiam fuisse constat Canonico Regularium ex lib. Taxar. Camera Apostolicæ. Et insuper alterius meminit Innocentius III. lib. 1. fol. 116. in Epist. ad Episcop. Ambianensem. Ubi dicit: *Authoritate tibi presentium indulgemus, ut nisi dilectus Filius Abbas, S. Martini de Gemellis, Canonicos sui Ordinis in Domo Spissi Campi, quam ejus Ecclesie Religionis obtentu ad instituendos ibidem sui Ordinis Fratres, liberalitate propria concessisti, duxerit instituendos, tu post trinam commitionem vel ejusdem vel altioris Ordinis Viros, instituendi appellatione posposita liberâ habeas facultatē.* In hac Eccle.



De Confessoribus non Pontificibus Canonicis Reg. Lat. 61  
Ecclesia extare memoriam liberalitatis S. Martini in pauperem, testis  
est Aubertus Miræus lib. de Collegijs Canonorum Regularium Cap.  
49. Ubi hæc habet: *Ante Altare notatur locus in quo S. Martinus adhuc  
Cathedra mensus & postea Turonensis Episcopus chlamydem suam scidit, et pauperi  
petenti dedit; fuit enim olim eo loci Urbis porta, qua omnia volupe Nobis  
fuit ex adjuncta inscriptione discere, cum ante annos aliquot Ambiani essimus.*

Testatur etiam Martyrologium Scotisticum apud Gilbertum Bru.  
num Abbatem Dulcicordij pag. 78. *S. Aluvinum fuisse Canonicum Re-  
gularem, & Socium S. Thomæ Cantuariensis, ex Monasterio S. Mariæ  
de Maretonia propè Londinum.*

LXXV. Ad hanc Sanctorum Classem pertinent, opinione sanctita-  
tis clarissimi, nondum tamen canonizati ejusdem Instituti Viri. In-  
ter quos primatum tenet propter dignitatis excellentiam B. Ivo Epi-  
scopus Cracoviensis, S. Victoris Parisiensis Conventus, Canonicus, ut  
memorant Acta Nostræ Mstoviensis Canonice, & Dominicus Frydry-  
chowicz S. Th. Præsentatus Ordinis Prædicatorum Lib. intit. S. Hy-  
acinthus Tit. 2. declar. 7. in Ivone, & clarè indicat insignis Professor Aca-  
demie Cracoviensis Josephus Biezanowski Lib. de vitis Archiepisco-  
porum & Episcoporum Cracoviensium in Ivone dicens: *Postquam  
Vincentius (Kadlubkovius) Episcopatu Cracoviensi spontè se abdicasset, Ivo Fi-  
lius Saulis Comitis in Konskie, Prosapia Odrovazorum, Cantor Gnesnensis, Canoni-  
cus Cracoviensis, et Cancellarius Lesconis Albi, Cracoviensis et Sendomiriensis Du-  
cis, Habitum deferens S. Victoris Parisiensis, hoc est Rochetum sub Mantello, per  
electionem Canonicam in Episcopum Cracoviensem XIX. assumptus est; ab Henrico  
Archiepiscopo Gnesnensi anno Domini 1218. consecratus.* Et clariùs adhuc  
antiquissimus Scriptor Ioannes Dlugofz Canonicus Cathedralis Cra-  
coviensis, Nominatus Archiepiscopus Leopoliensis, de illius Profes-  
sione Canonica in hæc verba differit, apud Samuelem Nakielscium in  
sua Miechovia fol. 136. *Vir valde religiosus ac Prædicator excellentissimus,  
qui dum Parisijs operam navaret literis, Habitum Canonorum Regularium S. Vi-  
ctoris assumpsit, eorumq. Ordinem fuerat professus. Cujus religionem si ho-  
mines taceant, monumentum effatur, quod est tale Cracoviæ in Ec-  
clesia Sanctissimæ Trinitatis.*

O S S A

I V O N I S de Konskie O D R O W A Z I I

D I V I H Y A C I N T H I P A T R U I,

E P I S C O P I C R A C O V I E N S I S.

Mutinâ, ad quam Anno Dñi M. C. C. XXIX. Vitâ defunctus est,  
Cracoviam à Patribus Ordinis Prædicatorum hujus Conventus.

Anno eodem

T R A N S L A T A.

Hoc sub rudi Saxo conclusa.

Cujus in Deum pietatis, in Ecclesiam & Patriam zeli & charitatis  
fuerit, testes sunt & monumenta: Tempa Deiparæ Virginis in foro  
X2 Cra-



Cracoviensi, Claræ Tumbæ, S. Spiritus Crac. Mstoviense, Dzierzaznen. Konfscen. Monasteria Sanctissimæ Trinitatis Ordinis Prædicatorum, Claræ Tumbæ Ordinis Cisterciën. Mstoviense Canonorum Regularium S. Augustini, Hospitale S. Spiritus de Saxia Crac. omnia proprijs impensis, annis XII. quibus Ecclesiæ Cracoviensi præfuit, extructa & dotata.

Ioannes Węzyk Abbas Commendatarius Claræ Tumbæ, sepulchrum hoc Monasterij, sui optimi Parentis marmore contextit. Anno 1618.

LXXVI. *Ioannes Rusbrochius* ut dicit Noster Ioannes Trullus lib. 1. de Ord. Canonico. Reg. Cap. 6. Canonicus Regularis Vallis viridis prope Bruxellas Prior, sanctitate & eruditione clarissimus, quem nonnulli alterum Dionysium Areopagitam appellant. Cum adhuc in sæculo viveret Sacerdos sæcularis, adeo sui ipsius & eorum, quæ mundi sunt fuit incurius, ut miser & despicibilis videretur. Erat enim totus quietus, taciturnus, habitu corporis despectus, sed cultus moribus. Et quia contemplationi deditissimus erat, turbas & aspectus hominum libenter declinabat. Verum posteaquam sexagesimum annum attingit, admirandâ vitæ sanctimoniâ præditus ad Viridem Vallem sese contulit. Est autem Viridis Vallis Cænobium Canonorum Regularium in sylva Zoniensi juxta Bruxellas Oppidum Brabantiae, ubi more aquilæ renovata mentis juventute, tam dilucidè cepit intelligentiæ aciem in æterni solis claritatem defigere, ut vix paucissimi extremam ejus partem nunc attingere videantur. Unde etiam usq; ad ultimum penè vitæ tempus, licet jam multo senio confectus, nunquam fertur Missæ celebrationem intermisisse, nisi vel adversa valetudine, vel alicujus negotij gravitate impeditus. Tandem cum suum præscivisset obitum, sanus mente & facie rutilus, cum ingenti gaudio spiritum Cælo dignum exhalavit 1381. die 2. iobris cum jam 88. annum ageret, & fermè 64. annis Sacerdos fuisset. Extât pulcherrima illius non pauca Opera, Germanico quidem idiomate conscripta, sed jam non ineleganter latinè reddita à Laurentio Sumo Carthusiano. Ea verò sunt quæ subijciuntur: Summa totius vitæ spiritualis. Speculum salutis æternæ. In Tabernaculum Moyfis & ad id pertinentia commentaria, ubi multa Exodi, Levitici, Numerorum Mysteria, Divino spiritu explicantur. Tractatus de præcipuis quibusdam virtutibus. De Fide & Iudicio libellus. De 4. tuor tentationibus. De 7. tem custodijs opusculum longè piissimum. De 7. tem gradibus amoris. De Nuptijs spiritualibus libri tres. De perfectione Filiorum Dei. Regnum amantium Deum. De vera contemplatione opus præclarum. Epistolæ 7. tem utilissimæ. Conciones duæ admodum spirituales. Samuel, qui alias de alta contemplatione dicitur; verius autem apologia quorundam hujus Sancti Viri dictorum sublimium inscribi posset. Oratio perbrevis, sed pia valde, ex vita ipsius, suis opusculis præfixa à quodam Canonico Regulari, ejusdem ferè temporis conscripta. Hæc ex Dionys. Carth. Tr. 2. de donis Spiritus S. art. 13. & 27. & alijs locis. Præterea Cardinalis



nalus Bellarminus Lib. de Scriptoribus Ecclesiasticis, sic eum commendat: *Ioannes Rusbrochius Natione Belga, Prior Monasterij Vallis Viridis, Vir Divinae contemplationi addictissimus, multa scripsit linguâ suâ patriâ, quæ in Latinam linguam conversa, edita sunt Colonia 1552. Sunt autem: Summa totius vitæ spiritualis. Speculum salutis æternæ &c. Tantæ autem contemplationis hic B. Vir fuisse perhibetur, ut cum in Meditatione suâ exardesceret ignis, & super se arborem succenderet, ardorem non senserit, majori flamma ignis Divini intus succensus, prout repræsentat imago ejus in Regia Nostra Basilica SS. Corporis Christi Casimiræ ad Crac. depicta in minori Choro, & Icon impressa, quam apud me conservo cum hac inscriptione: B. Ioannes Rusbrochius Canonorum Regularium in Viridi Valle propè Bruxellam primus Prior, reperitur sub arbore ardente, non comburente, in Divina contemplatione absorptus. Vixit annos 88. Obijt scriptis & miraculis clarus, anno 1381. die 2. iobris.*

LXXVII. Apud Ravennam Flaminia, nunc Romandiola Civitatem, olim præclaram in littore Adriatico, Templum est vetustissimum, Religione celeberrimum, & famâ notissimum, Virgini Dei paræ sacrum, cum Conventu Canonorum Regularium; non solum ab Incolis & finitimis in magna veneratione habitum, sed ab Historicis commendatum, ac etiam à Poetis Dante Aligero, qui vixit circa annum 1320. & Francisco Petrarcha, qui vixit anno 1350. decantatum. Expost evasit celebrius illud Collegium, dùm ex bono conversationis Religiosæ odore, excrevit in Congregationem. De cujus Congregationis Viris illustribus scribens Noster Ioan. Philippus Novariensis in Chronicis lib. 7. Cap. 11. & seq. sic dicit: *Floruerunt in hac Congregatione multi Viri sanctitate insignes, ac inprimis ipse Petrus Prior, cujus virtus in operibus pietatis spiritualibus & corporalibus, usq. ad vitæ exitum, probata potissimum emicuit. Nam quoad spiritualia attinet, ordinaverat hic beatus ac pius Pater, cum Monasterij Prioratum ageret; ut Canonici sui Psalmos Davidicos frequenter recitarent, & fructum Dño tribuendum cõmitterent. Contigit verò illis diebus quosdam peregrinos ire versus occidentem, qui dùm quâdam die per Vallem profundissimam montibus clausam ambularent, procedentes audierunt quasdam voces humanas, fortiter clamantes & dicentes: Peregrini, retrorsum revertimini, quia iter errastis, sed abite usq. ad tale bivium, & in dextra, vestra via est. Tum unus ex ipsis exclamavit: Rogo per DEUM ut dicatis Nobis qui estis? & respondentes dixerunt; Animæ sumus mortuorum, quæ habemus locum hunc pro purgatorio deputatum, sed quia revelantibus Nobis Angelis, scimus Vos de partibus Romandiola venire, rogamus ut in reditu vestro in Patriam, gratias immortales agatis nomine Nostro, P. Priori S. MARIE in Portu extra Ravennam, significantes ei, quod fructus illorum Psalmorum, qui à Canonicis illius Monasterij dicuntur, Nobis Dominus pro sua misericordia tribuit, & quotidie aliqui ex Nobis ad Cælum evolant. Illi autem ad iter suum properantes, postmodum in Patriam reversi, & euntes ad prædictum Monasterium, omnia per ordinem Priori narraverunt. Qui vocatâ Canonorum Congregatione, monuit in Psalmorum lectione ferventiùs insistendum, omnibus Domino gratias agentibus, qui tribuit unicuiq. juxta opera sua.* Simile quid notatur de illo, ex operibus



ribus misericordiae corporalibus: Cum quadam die in morbum decidisset ex quo & mortuus est; morte instante petijt sibi dari piscem, qui Lampreda Italicè dicitur, quem statim coctum Minister Patri obtulit. Dominus autem JESUS Christus veniens, ut animam servi sui in Cælum assumeret, etiam in extremis tentavit; nam dum piscis infirmo porrigitur ut comedat, illico campanula ad portam Monasterij crebris ictibus pulsatur. Quod audiens S. Pater, curre inquit Ministro velociter, & vide quid sit? Ille ad portam accurrens pauperem senem, & infirmum præ foribus inveniens; cur ait importunè strepitas? At ille: Pater miserere mei pauperis & senis & infirmi. Cui Minister: Patientiam habe, tibi eleemosyna Panis & Vini tribuetur. Verùm ille: Panem & Vinum nolo, sed oro ut detur mihi una Lampreda, alioqui moriar. Quod audiens stomachatus ad Patrem redijt. Cui Pater: Quid est? Fili, indica mihi. at ille subridens; Comede inquit Pater, postea edisseram. Nequaquam, inquit, sed magis negotium explica. At ille: Pauperem ad Portam reperi senem & infirmum, dicentem se nolle eleemosynam Panis & Vini, sed unam Lampredam. Quod audiens Pater; vide ait Fili. Dominus JESUS est, qui me usq; ad extremum vitæ probare vult. defer pauperi piscem. Cumq; Minister ivisset ut pauperi daret, pauperem non invenit, & ad Patrem rediens eum emigrasse reperit, nec dubium cum Christo, qui formam servi acceperat, eum in Cælum ascendisse. Quæ res toti Congregationi admirationi fuit, & ingens attulit gaudium.

LXXVIII. In Suefionensi Episcopatu Provinciæ Rhemenfis, propè Civitatem, est insignis Abbatia S. Ioannis de Vincis, ubi hæc contigisse narrat Noster Ioann. Philip. Novarien. lib. 7. cap. 7. *Suefionensem Civitatem in Gallia, excommunicationi, rectius interdicto subjacuisse dictius, & nonnisi sub silentio Divina Officia Clericos ministrasse. In Vigilia igitur Assumptionis B. MARIE, Dominus Ioannes Prior Canonico. Regi S. Ioannis in Vincis, extra muros ejusdem Civitatis, assumptis secum tribus Canonicis devotissimis Viris, in monte proximo Civitati, in loco ubi quondam Eremita resederat, ad celebrandam Solennitatem Virginis gloriose secesserunt. Inclinato autem die, cantatis Vesperis, Panem & aquam ore sobrio libaverunt, & Completorio dicto post Orationes devotas & longas, membra super nudam humum (desertus enim erat locus ubi quieverunt) paululum prostraverunt. Nec mora decentior, surgunt ad Matutinum, cantant simpliciter ac devote, ac ubi ante laudes, Prior nonam lectionem finivit, subito concentus mirabilis insonuit Angelorum, & responsorium; Felix namq; es &c. altissimis vocibus cantaverunt; quo peracto tantum quatuor ex illa multitudine versum & Gloria singulariter decantaverunt, multitudine semper respondente. post repetitionem verò 2dam, iteratò Felix namq; &c. juxta morem Gallicum inchoaverunt, & prosequentibus omnibus, communiter finiverunt. Prior autem inchoato Te Deum laudamus Matutinas cum suis laudibus perfecterunt. Quibus dictis quot singultus? quot lachrymas? quot suspiria? recordatione suavissimi modulaminis ab imo pectoris ediderunt, illi 4tuor beatissimi Viri, non est nostræ possibilitatis evolvere vel effari. Hæc Author qui tunc Suefione præsens erat, quo tempore ista acciderunt.*



LXXIX. Idem ibidem Cap. 14. refert de Venerab. *Iacobo de Clus-*  
*oni* Præposito S. Georgij de Brinate, propè Ticinum, in agro Mediola-  
 nensi, quòd cum esset Vir magnæ sanctitatis & liberalitatis in pau-  
 peres, quodam tempore magnæ famis & sterilitatis, omnia quæ ha-  
 bere poterat, pauperibus distribuebat. Unde cum ad eum accessisset  
 quadam die pauper rusticus, & cum lachrymis procidens ad pedes  
 illius rogasset: *Miserere mei D. Præposite, en fame morior cum filiis meis.* ius-  
 sit Procuratorem, parum frumenti, quod solum in horreo pro necessa-  
 rio victu Canoniorum servabatur, pauperi dari; & renuente Procu-  
 ratore dixit: vade, spero enim in Domino quòd triticum in horreo  
 præparatum invenies; qui dicto obediens ivit, & horreum adeò ple-  
 num invenit, ut præ quantitate frumenti ostium aperiri non potuerit.

Magnis etiam deprædicat encomijs & meritis concelebrat, Noster  
 Gabriel Pennotus lib. 3. Cap. 51. hist. trip. *B. Francischinum* in hæc ver-  
 ba: *B. Francischinus* de Casali Diaconus, licet fuerit staturæ pusillus,  
 vitæ tamen sanctimoniâ excelsus & magnus extitit. Hic ex humili-  
 tate Diaconi gradum nunquam voluit transcendere. Quàm lauda-  
 bilitè & sanctissimè in Religione usq; ad senectam vixerit, palam o-  
 mnibus est. In Monasterio Mortariensi ubi vitam egit, semper Offi-  
 cio portæ usus est. Admirabantur cuncti eò accedentes, videntes pri-  
 ma facie homunculum veneranda canitie, aspectu Angelico, sermo-  
 ne discreto, conversatione humillimum. Speculum, non solum illius  
 Monasterij erat, sed etiam totius Religionis; & quamvis per humili-  
 tatem ipse se occultaret, de eo fama circumquaq; ferebatur. Mul-  
 tos infirmos varijs languoribus detentos sua oratione sanavit, multis  
 in calamitatibus positis & penè desperatis, futuram prosperitatem præ-  
 dixit, nam prophetiæ spiritu plenus erat. Omnes in eo relucebant  
 virtutes; misericors, pius, & clemens; unde Pater pauperum appella-  
 tus est. Multoties in oratione positus, rapiebatur in extasim mentis,  
 unde fertur quòd quodam tempore in nocte D. Nostri JESU Christi  
 Nativitatis, puerulum JESUM sibi à Matre MARIA oblatum dulciter  
 amplexatus est. Obijt in ipso Monasterio (scilicet S. Crucis Mortarien.)  
 clarus miraculis usq; hodie. Inter miracula verò quæ Omnipotens ad  
 hujus S. Viri preces operari dignatus est, non reticendum, quod No-  
 ster Joan. Philippus Bergomen. in Chron. lib. 7. Cap. 13. refert his ver-  
 bis: *Narravit mihi Venerabilis P. D. Augustinus Mediolanen. de Fagnano, dum*  
*ipse esset Vicarius in Monasterio S. Crucis sub P. Andrea de Biliis de Mediolano Præ-*  
*posito accidisse miraculum, quod narro: venerandus ille Pater Francischinus Ca-*  
*nonicus Regularis, ejusdem Monasterij & Diaconus, qui dicebatur Pater pauperum;*  
*petijt à D. Præposito sibi dari pro pauperibus illud parum Vini, quod de more re-*  
*manebat in vase, de quo totus Conventus bibit. Libenter Viro D. El annuit Pater:*  
*ille autem Beatissimus, per sex Menses continuos de illo Vino pauperibus abundanter*  
*tribuit, mirantibus cunctis &c.*

LXXX. Taceo *B. Fulgentium*, de quo Catalogus Episcoporum Cre-  
 monensium bonam mentionem facit in hæc verba: *B. Fulgentius Cre-*  
*monensis, Ordinis Canoniorum Regularium clarus habetur. Obijt circa annum 1470.*



Prætermitto *Martinum* Bergomensē, qui apud Papienses pro Beato colitur: & *B. Blasium* Vincentinum, & *Andream* de Domo Ossulæ, nec non plurium aliorum, quorum sæpè dictus *Gabriel Pennotus* in diversis locis historiæ tripartitæ signanter lib. 3. Cap. 51. sanctam celebrat memoriam. Verùm non videtur mihi prætereundum, externum testimonium in approbatione libri de vita Venerab. *Alberti* de Altissimis per *Paulum Æmilium Saracenum* Canonicum Reg. editi, quod tale sequitur: *Ego Fr. Camillus de SS. Angelis à Colurno, Ordinis Prædicatorum S. P. Dominici S. Th. Magister, & ab Apostolica Sede Inquisitor Generalis, in Ecclesia Vincentina specialiter delegatus. Visa attestazione R. P. Fr. Spiriti de Mantua, Ordinis ejusdem, ac etiam S. Th. Magistri, præsens opus editum per A. R. P. D. Paulum Æmilium Saracenum, Nobilem Vincentinum, Priorem S. Victoris extra Bononiam, concedo imprimendum, in quo vita, mores, & acta continentur celeberrimi Viri D. Alberti de Altissimis, Civis Vincentini, Almi Ordinis Canonorum Lateranen. Reg. cujus vita sanctimoniam, simplicitatem, rectitudinem, continentiam, mundi & vanitatum ejus contemptum, propriae carnis neglectum, & totalem abdicationem ab omni, sæculi non tantum voluptate, sed etiam solatio, summa cum animi mei admiratione cōspexerim, dūm tanti Viri, caterorūq; Venerabilium Canonicoꝝ & Sacerdotum ejus, amabili consuetudine donatus, aspectu ejus pariter & affectu singulariter oblectarer. Cæcus mihi quidem videbatur Christi servus iste, & surdus & mutus: in omnibus, & ad omnia, præterquam in obsequium Creatoris sui, sine amore, sine desiderio, sine timore, sine gaudio, sine ira, nisi in ordine ad Summum Bonum. Nulla ei unquam videbatur inesse turbatio, nullus meror, afflictio nulla, tranquillitas insignis, eximia quies, placida semper facies; ejus jucundus aspectus, sermo compositus, brevis locutio, modica verba, sed omni pietate referta. Funeri ejus cum assisterem, vidi totius Vincentini populi fidelis & p̃ij copiam ingentem, tam Nobilium, quàm popularium personarum, Virorum pariter ac feminarum per integrum triduum concurrentium, ad exanime corpus videndum & amplectendum in loculo jacens, cui viventi locus non fuerat extra Monasterium, & qui sæculi semper consortium declinaverat in vita, à toto sæculo querebatur in morte. In quorum fidem & c. Datum Vincentiæ in Aedibus S. Officij die 9. obris. Anno 1620. Fr. Camillus de SS. Angelis Inquisitor antedictus.*

LXXXI. Nec illud silentio tegendum, quod de Monasterio Rubæ Vallis, & de Canonicis ejusdem loci R. P. Heribertus Rosuedus in Epist. liminari ad Chronicon V Vindefimense annotavit: Sanctitatis eluxere specimina in Ioanne cui à Sapientia cognomen erat, qui ita ardentes preces ad Deum fundebat, ut immensum sæpè lumen circa Caput ejus fulgere visum sit. Ioannes Getemannus puerulum gestasse à Ioanne Duije, qui ei sacra operanti ministrabat, conspectus est. Tanta quoq; pietate rem Divinam faciebat *Gulielmus Proeckius* tertius Prior, ut *Cameracensis Antistes* sæpius se *Bruxellis* subtraheret, ut in Rubæ Valle, Viri Sancti Sacrificio interesset, & à tam Sancto Fonte pietatis fluentia in suam familiam derivaret. VVinandus etiam cocus, prophetiæ gratia donatus legitur.

Auxit numerum Beatorum Congregatio S. Victoris Parisiensis, quæ sacris pignoribus *B. Hilduini* primi Abbatis dictæ Canonix gloriatur, & *B. Thomæ* Martyris ejusdem Cænobij Prioris, & alterius Pri-  
oris



## De Confessoribus non Pontificibus Canonicis Reg. Lat. 67

oris *B. Raucherii*. His annumerat Episcopos duos *B. Achardum* Abrincensem, & *B. Gaufredum* Meldensem, qui cum facultate Innocentij III. cedens Episcopatu in eadem Abbatia sanctissimo fine quievit. Et insuper adjungit *BB. Richardos* duos, unum dictum de S. Victore, quem superius *sub Schemate Doctorum Num. LVIII.* suo encomio non fraudavimus, alterum *Richardum* Scotum, & *Hugonem* de S. Victore cujus multis titulis gloriosam memoriam præmisimus *sub Schemate Cardinalium Num. XXXVII.*

Nec prætermittendi videntur illi sex beati Viri, qui seipfos VVindesimensi Congregationi fundandæ, in Belgio, lapides angulares obtulerunt, inter quos fuit Frater germanus Venerab. *Thomæ à Kempis*, *Ioannes* nomine, dignus sanè stylo & laudibus ejusdem Ven. Th. Kempensis in suis opusculis celebrari.

LXXXII. Verum enim verò inter Congregationes Canonicorum Regularium nulla mihi nobilior, nulla sanctior videtur, quæ magis exornet Ordinem Canonico-Apostolicum, ac Colimbricensis S. Crucis, in Regno Portugaliæ, ut potè Prioratû primo *S. Theotonij* (cujus diem 18. Februarij annua solennitate recolimus) dignificata; *S. Antonij* Padvani per novem annos cælesti conversatione illustrata; Beatorum *Ioannis Roberti*, *Petri Noniz*, *Alphonfi* & *Petri* nec nō SS. sq; Martyrû ad *Marochiû Gadini*, *Condisalvi*, *Sesnandi*, *Menendi*, *Laurentij* insignita; insuper Venerabilium *Anselmi*, *Urbani*, *Blasij*, *Pauli*, *Gasparis*, *Antonij à Plagis*, cæterorumq; multorum (de quibus Noster Gabriel Pennotus in allegata multoties historia trip. lib. 2. Cap. 61. ubi per unum sæculum 20. Episcopos, exceptis alijs Viris doctis ex illa Congregatione numerat) condecorata; & quasi ipsi ad meritam commendationem non sufficerent, tot sac. pignora, etiam Dynastarum & Regum Portugaliæ utriusq; sexus singulari protectione, immò & professione Regulari nobilitata est. Et quod maximum est miraculose dictorum sq; Martyrum Reliquijs honorata, qui S. Antonio Paduano ad Minoritarum Ordinem sese transferendi, occasionem dederunt. Cùm enim *Alphonfus II.* Portugaliæ Rex illorum SS. Martyrum apud Marochium pro fide Christi à Saracenis interfectorum Sac. Ossa colligeret, & ad Cathedralē Colimbricēsem deferri statueret; mirabile dictu! *Mula*, quæ hujusmodi Reliquias in capsis conditas ferebat, ad postes Cænobij S. Crucis substitit, nec ullatenus loco moveri potuit, donec aperto templo ingressa, ante Altare majus genibus flexis procumbens, non prius surrexit, quousq; sac. pignora deponerentur. Aderat tunc S. Antonius, & exinde martyrij desiderio accensus, ad Ordinem Franciscanum transijt; prout de omnibus Chronologia ipsius Regis *Alphonfi*, & Chronicæ Franciscanorum lib. 1. Cap. 19. obloquuntur. Ubi etiam Cap. 23. hoc memorabile superadditur; quod prænomina- tus Venerab. *Petrus Noniz* Urraticæ Reginæ præfati *Alphonfi* Regis, Conjugis, à Sac. Confessionibus existens, dùm nocte quadam in Ecclesia S. Crucis oraret, magnam multitudinem Fratrum D. Francisci, dictam Ecclesiam ingredi conspexit, & Matutinas cantari audivit, in medio verò eorum quendam cæteros præcedentem advertit, quem



alii quinque; alii præcellentiores sequebantur. Hæc ille cernens ac stupens, ex uno illorum quam de causa illa multitudo Fratrum, nocturno tempore Ecclesiam ingressa fuisset, quaesivit. Tunc ille: Nos, inquit, omnes quos vides Fratres Minores sumus, qui nunc in Cælis Deo fruimur: Ille quem tanta gloria circumdatum vides, est B. Franciscus Assisius, alij scilicet qui præ cæteris eminent gloria, sunt qui Marochij pro Nomine Christi passi sunt. Venimus autem huc, ut Regina Vrraticæ exequias per Matutinales horas præstaremus, quæ tantopere Nostrum Ordinem dilexit. de cujus obitu uti Confessorem ejus, te latere non volumus, cum sis timens Deum. His dictis disparuerunt.

LXXXIII. Ad hanc classem pertinet *Petrus* Polonus, nescitur casu an industriâ à Nostra Polonia sic dictus, qui multo tempore in Tremitana Insula, D. Jacobo Majori, sacra, eremiticam vitam ducens, & interim in adjacente Insula, Deiparæ Virgini, dicata, calicam vitam Canoniorum Regularium contemplans, die quadam illos accessit, & cum seipso totam Insulam (quam Romani Pontificis diplomate munitus possederat) eis obtulit, promittens se nunquam ab eorum societate velle recedere; & ut dictis fidem faceret Bullas Pontificias illorum manibus consignavit. Quod Canonici illi admirantes, & in se devotionis affectum perpendentes, eum in confratrem suum receperunt, & ad vitam communem admiserunt; qui religiosissimè cum eis vivens, non multo post, cum fama sanctitatis decessit. Porro Insulæ Tremitanæ à trino montium objectu, nomen acceperunt, antea vocabantur Trinacria, teste Virgilio lib. 3. *Æneid.* frequentius Insulæ Diomedææ à Diomedæ, *Ætolia* Rege post eversum Ilium illic cum socijs advecto, ibique sedibus positus, vitam sancto ac tumultu. Hæ sunt in mari Jonio Dauniam abluente, quæ nunc Apulia dicitur, non procul à Monte Gargano, vel à Sipontinis, de quibus idem Virgil. Ovid. Dionys. & alij. Item S. Aug. lib. 18. de Civit. Dei, de Avibus Diomedæis loquens, Insularum scopulos tenentibus, quas socios Diomedis ibidem merfos, & in volucres mutatos, ipse Diomedes apud Virgiliū sic queritur.

Hanc etiam horribili portenta sequuntur,

Et socij amissi perierunt æthera pennis,

Fluminibus vagantur aves, heu dira meorum

Supplicia, & Scopulos, lachrymosis vocibus implent.

Harum garritus veluti vox vagientis infantis, obauditur, & nisi quis earum cognitionem haberet, crederet potius pueros in cunis vagire, quam garrire aves in cavernis.

LXXXIV. Auger & claudit Catalogum nondum Canonizatorum Canoniorum B. *Meinhardus* & B. *Jutta* Vidua, Pruthena, oblatissa eorundem Canoniorum Regularium Ecclesiæ Chelmzensis, ex Illustri & antiqua Familia Sangerhausen, Patre Alberto, Matre Heduige in Oppido Paterno Bug nuncupato, medio miliari à Civitate Chelmza, orta; cujus vitam transumptam ex eadem Ecclesia Chelmzensi, nunc Cathedrali, luculentissimè & copiosè describit Martinus Baronius Jaroslaviensis Clericus, in *vita B. Stanislai Casimiriani*. Ubi etiam viginti Scanislaos Polonos, Opinione Sanctitatis celebres deducit. Exposit de B. Meinhardo in hæc verba informat: *B. Meinhardus de Zegeberg Ordinis Canoniorum Regularium S. Augustini Vir pietate & sanctimonia vite insignis, Lubeca Civitate celeberrima, cum mercatoribus conscensa Navi, in Livoniam anno partæ per Christum salutis 1200. trajcit, & conspiciens in tam insigni & prematura messe, nullos operarios extare, continuè ibi famuli convicti contentus, ætatem transigere instituit; casamque ibidem ex arbusculis, propter imbres arcendos construxit, paulatim deinde hominum familiaritatem captare, & radio superato, habita jam mutui convictus & contracta notitia cum incolis Regionis opportunitate, Religionis & rerum Divinarum eos admonere cepit, sensimque à vano idolorum cultu ad Christiana fidei observantiam adducere, auspicante Deo, & pium Viri religiosi conatum fecundante, complures Incolarum, in agnitam veritatis doctrinam consenserunt; quorum crescente numero, multorum animis ut fit, rei novitate & inusitata religionis studio flagrantibus, Basilica (in loco, quem hodie vocant Kirkolm ubi est arx præcipua Livonia, ad Ripam Duina fluminis, duobus miliaribus supra Rigam, hodie florentem Metropolim Regionis illius) summo studio instauratur, nec multo post B. Meinhardus ab Archiepiscopo Bremensi in Livonia Episcopum consecratur. Qui ut S. Adalbertus Pruthenorum, sic & ipse Livonum Apostolus factus, in Messe Christi strenuè operari munus adimplens, Christianam rem multum adauxit, & magnam gentis partem ad Christum convertit. Postea plurimis documentis & statutis sanctis Ecclesiæ à se fundata, relictis, opere bono consummato, feliciter vitam cum morte commutavit. Ibidemque in Livonia non sine multis miraculis Riga quiescit anno D. 1205. Die 10. Mai.*



XII.

SCHEMA  
CANONICORUM REGULARIUM

CONGREGATIONIS S. SALVATORIS LATERANENSIS

QUI ALIORUM ORDINES VEL FUNDAVERUNT

VEL

ILLUSTRaverunt.



XII.

SCHEMATA

CANONICORUM REGULARIUM

CONGREGATIONIS S. SALVATORIS LATRANENSIS

QUOD ALIQUANDO DIGNIS VEL FUNDAMENTIS

EST

RESTITUTUM



LXXXV. **E**X hactenus adductis autoritatibus & documentis liquet veritas JOANNIS de nigra VALLE citati sub. Num. 1. & sequ. quoad assertiones præmissas ubi dicit: *Ordo Canonicus inter omnes Ecclesiasticos Ordines, seu Religiones primatum, sive majoritatem obtinet Antiquitate, Doctrina, Nobilitate, atq; Sanctorum Numerositate. Maximè verò quoad hanc: Quia ex Canonico Ordine omnium primario, ceteræ omnes Religiones veluti ex limpidissimo fonte quasi rivuli profluxerunt; ex eo namq; primum Monasticus Ordo traxit Originem. Et infra. Ex ipsa namq; Canonica plantatione, quasi exemplari quodam, & deliciarum Paradiso, quatuor flumina Gihon, Phison, Tygris, & Euphrates, quatuor scilicet Mendicantium Ordines originem traxerunt; Ordo videlicet Predicatorum &c. quod nec ipsi negant ingenui Patres, qui beneficii memores haud vulgari gratæ mentis prodigio, fontem coronant, ex quo suum esse hausserunt, dùm Canonicos Regulares Lateranenses in Nostra Polonia, suos appellant Patruos, unum ex conCanonicis Nostris protestantes S. Dominicum, per suum Vincentium Belvacensem in specul. historial. lib. 29. Cap. 95. & seq. & per S. Antoninum Florent. part. 3. hist. tit. 23. Cap. 4. qui sic ait: In Ecclesia Cathedrali Oxomensis in Regno Castella, sub Didaco Episcopo, instituti fuerunt Canonici Regulares, è quorum numero & Canonicus & sub Prior erat, B. Dominicus. Ubi S. Antoninus prius Beatum notat, antequàm Predicatorum Ordinem institueret; pro priori enim magnis sanctitatis coruscabat indicijs. Nam toto decennio apud Canonicos mirâ constantiâ Albigensum hæresim in Concionibus exagitavit; quamlibet Quadragesimam in solo pane & aqua jejunavit. Somnus illi parcissimus fuit, in nudo ligneo strato, ne quando ad spiritualia exercitia obdormiret. Dùm quodam tempore cum præfato Episcopo Oxomensis, Didaco, Tholossam perveniret, hospitem suum ad Catholicæ fidei veritatem blanda suasionem perduxit, & alibi alios complures, quam rem gratam sibi D. DEUS testari voluit, nam cùm Albigenes libellum à S. Dominico conscriptum, continentem dogmata fidei, igne delere niterentur, 2do & 3tio flammis injectus, prodijt incombustus, hæc & aliâ similia præter Breviarium Romanum, Petrum de Natalib. Surium, Lipellou, citatus Belvacensis Cap. 94. & seq. nec non 103. & seq. sanctitatis affert documenta.*

LXXXVI. Minus præstitit Nostra Religio Carmelitis, quàm alijs Religiosis Ordinibus, dùm eis non quidem incorporavit S. Albertum Patriarcham Jerosolymitanum, quem superiùs Patriarcharum Schema è corpore Canonicorum Regularium esse demonstrat, sed aliquomodo communicavit, ut eis per Carmelum dispersis, ex operibus D. Basilij M. regulam aptaret observandam, prout deducit Fr. Petrus Th. Saracenus in Cenologio Carmelitarum (cùm ex sensu Roberti Olchot in lib. Sap. lect. 95. Divi Augustini regula, eremitis minùs quadrare videatur.) Qui tamen haud immemores beneficii in speculo Ordinis per Danjelem à Virgine MARIA edito, non spoliant Nos (ut cæteri beneficiarij consueverunt) jure Nostro, quod firmant dùm



in vita ejusdem S. Legislatoris sui, adducunt pro Nobis Ferdinandum Ughellum de Episcopis Bobien. in Ital. Sac. tom. 4. qui sic ait: *B. Albertus de Castro, Gualterij, Canonicus Regularis Mortariæq; Prepositus, hujus (Bobien) Ecclesiæ eligitur Pontifex, anno 1184. ad Vercellen. Ecclesiæ antequam in Bobiensi inaugararetur, translatus, ac deinceps factus Ierosolymitanus Patriarcha à Cælestino III. ut vult Onuphr. in Chron. sub anno 1204. per Martyrium ad Calos ascendit, cum prius Carmelitis Fratribus vivendi normam dedisset.* Eadem continet Chronica Canonice Mortariensis, quem tamen SS. Confessoribus annumerat, longè existens ab eorum opinione, qui putant in publica Processione ad S. Crucis honorem ab ipso instituta, mucrone vulneratum, & martyrio coronatum, cum hæc assertio debilissimo innitatur fundamento.

LXXXVII. Nec ingrator re & nomine candidus Præmonstratensium Ordo, qui licet nullo humanitatis officio in Nos decertaret, quòd de Nobis per S. Norbertum progenitus fuerit, anno 1120. Unus pro omnibus adæquatam satis præstitit Nobis gratitudinem JOANNES de nigra VALLE, qui & S. Nobertum in Catalogo Sanctorum Ordinis Nostri, Nobis restituit, adjutus in hac pietate ab Authore vitæ istius Sancti, Cap. 22. & Joanne Molano cit. lib. 1. Cap. 23. & non sine ingenti labore in præsentì opere Nostrium collustravit Ordinem.

Familia quoq; Carthusianorum ex eodem Ordine Canonico originem sumpsit; nam S. Bruno Canonicus fuit Rhemensis Ecclesiæ, pro tunc Regularis, ut patet ex Surio in vita istius Sancti, qui acceptis secum duobus Coadjutoribus Sancti Propositi, utroq; Stephano Dienfi & Burgenfi, ex Congregatione S. Rufi in Gallijs, Coloniam Carthusianam fundavit & solidavit, prout ex Chronicis dictæ Congregationis in Vita S. Hugonis Gratianopolitani, qui & ipse Canonicus Regularis fuit, apparet, & uberius deducit Noster Gabr. Pennotus in hist. trip. part. 2. Cap. 73.

Nec Minoritæ S. Francisci denegant Nobis juxta Raph. Volater. cit. primum decus ex Divo Antonio Patavino, antea Ferdinando de Bullohes dicto, qui postquam annis undecim in Ordine Canonico Regularium, scilicet in Canonica S. Vincentij Ulyssiponensis, & S. Crucis Colimbricensis, sanctissimè conversatus fuisset, martyrij desiderio ad Ordinem S. Francisci trāsivit, ex occasione SS. Martyrum de quib<sup>9</sup> sub Num. LXXXII. tetigimus, ibiq; publicè sac. literas interpretaturus, primus Magistralem Cathedram Assisij ascendit, & primus ex illo Ordine post S. Franciscum à Gregorio IX. in Divorum numerum relatus est.

Eremitas quoq; S. Augustini (præter alios multos quos sibi ipsi mythistorica narratione arrogant, contra evidentes evictiones externorum Scriptorum, qui amore veritatis etiam alienam injuriam ferre nequeunt) S. Nicolaus Tolentinus ex Ordine Canonico Regularium admirabili vitæ sanctitate, & quæ usq; modò patrantur ad ejus recisa brachia, miraculis, illustravit, ad hos enim *antioris vitæ* studio se trāstulerat, quàm jam antea in Canonica S. Salvatoris de Castro S. Angeli Firmanæ Diocesis, sancta conversatione exercuerat, testimonio S. Antonini Florenti.



De Fundatoribus &c. Canonicis Reg. aliorum Ordinū. 71

rentini 3. part. hist. tit. 24. in principio, ubi ait: *In juvenili igitur aetate, sancte conversatus, cujusdam Ecclesie S. Salvatoris, Canonicus efficitur Regularis.* Et licet hæc Ecclesia quoad præsens sæcularizet, antea tamen regularem fuisse, præter vetusta illius monumenta, indicat nomen ac dignitas Prioris, inter Canonicos olim retenta.

LXXXVIII. Præterea Benedictinorum Cassinensium S. Justinæ Patavij, *Ludovicus* Balbus Canonicus Regularis, *Patritius* Venetus, postea Episcopus Tarvisinus Author fuit. Cluniacensibus verò, quasi non sufficeret *Odo* Turonensis antea Canonicus, & *Guibertus* Fundatores, alter Cluniacensis, alter Gemblacensis, Monasteriorum, multos ex Canonicis Regularibus bonæ conversationis odore, ad se traxerunt, ut *Otthonem* Gallum, qui postea Urbanus II. fuit; *Azuppium* Romanum postea Leonem III. *Raynerium* postea Paschalem II. alios verò uti *Leonem* IV. Sanctos *Beruardum* & *Godehardum* Hildesimenses Episcopos, *Wolfrum* Senonen. *Wolfgangum* Ratisbonen. *Leodegarium* cæterosq; ex dicto Canonicorum cætu (ut supra jam deduximus & infra patebit magis) sibi gratis adsciverunt, imbelli quâdam antagoniâ contra manifestissima Authorum argumenta, ut supra jam multis in locis ostendimus signâter *sub Schemate VII. de Episcopis Num. L. & seq. in S. Ildefonso.*

Insuper Cistercienses S. *Thomam* Cantuarien. Episcopum, ob diuturnum in Pontiniaco Monasterio, domicilium, suum venerantur. Multò plùs exhibent prout debent S. *Malachia*, qui ex affectu in D. Bernardum Claræ Vallensem, primus in Hiberniam eorum institutum invexit, (*quæ Monachorum quidem nomen audivit ab ant. quo tempore, ut ait idem Bernardus in vita ejusdem S. Malachia; sed Monachos nondum vidit*) illudq; partim per se, partim per suos con Canonicos inibi longè latèq; propagavit.

Alij alios ex Canonico Ordine nos expropriantes Nativis decoribus, sibi pro libitu appropriant, nullo solido habito fundamento, ut revolventi & trutinanti bene, historicos, patebit; nec volunt Nos habere Patrem Augustinum, vel per hoc roborantes Nostram Originem fluxisse de altiori fonte, excisos de Petra Christo, & Progenitores habere Apostolos. Alij ex Canonicantes Nos, vix non excommunicantes de terra viventium, nè quidem Titulum Canonicorum Nobis volunt habere communem, quid de Habitu congenito Nobis? quasi nescij ipsum Supremum Monarcham Domnum Apostolicum, non offendi, vix non per omnia pari forma vestiendi, ex dictis *sub Num. 41.* his etiam, nuda, vocabula obstant.

LXXXIX. Soli Patres Venerandi Sanctissimæ Trinitatis de redemptione Captivorum, contenti regularibus institutis, pro quibus addiscendis, ab Innocentio III. ad Abbatem & Canonicos S. Victoris Parisiensis, fuerunt destinati, ut constat ex Literis ejusdem Innocentij Papæ *lib. 1. fol. 233.* rejestratis, nullum ex hac Congregatione sibi prætendentes, adoptarunt. Cæteri quiq; Ordines, quos Noster Gabriel Pennotus præallegatus toties, *in hist. trip. lib. 2. Cap. 74.* triginta sex militantes sub Regula S. P. Augustini enumerat, & alios sex Militares




Ordines adjungit, exceptis Canonicis Regularibus, quos in 24. Clases seu Congregationes (juxta varias Reformationes & eorum Capita, quas progressus temporum exigebat) distinguit, contenti sola protectione Divi Patris & Regula, illibatum & intactum Ordinem Nostrium ab iniquo raptu, reliquerunt.

Basiliani quoq; Patres præter *S. Basilium* juxta dicta sub *Schemate VII. Num. XLVII* & *S. Gregorium Nazianzenum* juxta *JOANNEM* de nigra *VALLE* cit. nil amplius à Canonico-Apostolico Ordine, mutuasse videntur.

Nihilominus Clerici Regulares *S. Pauli Decolati*, plus præ alijs Religiosis participarunt ab Ordine Canonico; nam præter Ecclesiam *S. Barnabæ* in Civitate Mediolanensi, quæ etiamnum Canonicorum Reg. fuit (unde vulgò Barnabitæ dicti sunt) auxiliante potissimum Nostro *D. Seraphino* de Firmo, Canonico Divæ Mariæ Passionis, *Jacobus* Morigias Mediolanensis, *Franciscus* Maria de Zacharijs Cremonensis, & *Bartholomæus* de Ferrarijs, Institutum ejusmodi perfecerunt.

Idem præstitit præfatus Dominus Nomine, opere, ore, & re, *Seraphinus* Firmanus (fuit enim Verbi Divini Præco fervidissimus, cujus etiam nonnulla extant Opuscula typis exarata, miram suavitatem Cælestis odoris spirantia) Clericis Boni *IESU* in Civitate Ravennæ, dum pari dexteritate alios devotos Dei cultores, in erigenda ejusmodi nova Congregatione, anno 1526. fortissimè adjuvit.

Ultra Spirituales Ordines, Sacra Divi Joannis Jerosolymitani Rhodiorum Equitum Religio, à Canonicis Regularibus in Ecclesia Jerosolymitana, ad Christi Sepulchrum excubantibus, Crucem lineam candidam, mutuavit, quasi partem eorum Rochet cum Regula *S. P. Augustini*, in protestationem & evidentiam suæ originis, vendicare sibi percipiens.





XIII.

S C H E M A

S A C R A R U M V I R G I N U M

C A N O N I S S A R U M

R E G U L A R I U M.



XIII.

JOHN F. M. A.

SACRAMENTUM VIRGINUM

CATHOLICIS ARUM

REGULATIM



LXL.

**I**am fessus calamo Nostri Ordinis Encomiastes JOANNES de nigra VALLE sistit metam, consequenter pro Virginali Canonissarum Regularium Choro celebrando, cogit Nos aliunde conquirere documenta. Et primò quidem de S. Gertrude Pipini I. Ducis Brabantiae Filia, Abbatissa Nivellensis Monasterij (fuit enim altera ejusdem Nominis Abbatissa Trebnicensis apud Treviros, cujus meminit Fr. Philippus Ferrarius in suo Martyrologio die 17. Martij) quam pro more suo Trithemius lib. 3. de Viris illustr. S. Benedicti Cap. 113. & Arnoldus Uvion in suo Martyrolog. Monast. in suae Religionis trahunt ornamentum, sed Nos etiam pro more Nostro opponimus eis externum Joannis Molani testimonium, qui in Natalibus Sanctorum Belgij sub die 17. Martij illam Canonissam, & quidem Regularem non saecularem fuisse indicat. Et superaddimus pro hac ipsa Opinione praetermissis pluribus, alios tres è Nostreis, scilicet Joannem Mauburnum Abbatem. Lib. 3. sui Venatorij Cap. 21. Nicolaum Desnos lib. 5. de Canoniss. Cap. 18. Ubi S. Gertrudem Fundatricem Nivellensis Monasterij in Brabantia & primam Abbatissam Canonissarum Regularium (licet postea in saeculares degenerarint) à S. Amato velatam & consecratam, ait. 3tium Gabrielem Pennotum in Annotationib. in Officia Sanctorum Canonorum Ordinis Nostri, ubi hæc habet: 2da refragatur Habitus; nam habitus Sanctimonialium Monacharum maxime Ordinis Divi Benedicti erat pullus & niger. Et sanè Monachorum & Monacharum habitum fuscum vel nigellum extitisse habemus ex Divi Hieronymi Epist. 4. & 15. Augustini Epist. 199. ad Ediciam. Turpini in vita Caroli M. Cap. 15. & ex usu omnium Monachorum antiquorum Orientalium & Occidentalium; E contrario verò habitum Canonico Regulari & Canonicarum album fuisse habemus ex ejusdem Hieronymi Epist. ad Nepot. Augustini in Regula ad Canonicos, quæ etiam accommodata est Canonissis in Epistola 109. ubi dicitur: *vestimenta vestra secundum arbitrium Præpositæ laventur, ne interioris animæ sordes contrahat munda vestis nimis appetitus, quæ utiq; solæ lavari consueverunt, ne connaturalem nirorem perdere videantur.* His addere possumus Turpinum loc. cit. & historiam B. Brigide de habitu candido, quam inferius allegabimus. Præterea de habitu S. Gertrudis albo, quo semper Canonici & Canonissæ ubiq; fermè utuntur (propterea alicubi Albæ Dominæ dicuntur) specialitèr constat ex hist. B. Modestæ Virginis Trevirensis, quam habet Surius Tom. 6. die 6. 9bris quòd nimirum apparuerit illi B. Gertrudis post mortem in habitu albo, qualem in vita deferre consueverat.

LXLI. 3tio refragatur historia B. Begghæ Sororis ejusdem S. Gertrudis, quæ cum apud Andanum & ipsa ad imitationem suæ Sororis ædificasset 7ptem Ecclesias & Monasterium, expetivit ex Monasterio germanæ suæ S. Gertrudis personas probatas, quas Claustro & vitæ puellarum præfecit. Fuisse verò Moniales per S. Beggham institutas professione Canonissas, & quidem Regulares notat Molanus in suo



Indiculo, quanquam quoad præsens sæcularizent, sicut & Nivellen-  
ses. Confirmat quoad hoc ultimum, Nicolaus Desnos citatus, quā-  
quam in omnibus contrarius Pennoto dicens: *Andanæ ad Mosam in di-  
tione Namurcensi extat celebre Canonissarum Collegium, quod construxit & locu-  
pletavit S. Beggha Matrōna, Soror S. Gertrudis, quæ Ansigiso Viro perempto, Romam  
adivit, unde cum benedictione Adriani Papæ & donatis insignibus Reliquijs rever-  
sa, in honorem 7ptem Ecclesiarum Romanarum, Andanæ Canobium 7ptem Eccle-  
siarum fundavit, ubi feminas sub Religione Canonica congregavit, & claustris re-  
gularibus munivit. Obijt velata 16. Calendas Ianuarij, quo die festum ejus cele-  
bratur in ditione Namurcensi.* Sed quæ olim erant Regulares, nunc vo-  
cantur *Domina Andanenses & Canonice seculares*, ait Molanus.

Hinc patet inordinatus zelus Trichemij, quem non indagandæ veritati, sed coacervan-  
dis alienis decoribus, & aggregandis suo Ordini, quasi non satis facundo Divi Benedicti  
prole, sacrificare contendit.

Patet 2. inconsequentia Molani, qui *Lib. 1. de Canonicijs. Cap. 15.* annotavit Canonicos  
Regulares ex sæcularibus processisse: hic contrarium, & quidem rectius vel ex illo assumpsit  
principio, quod Natura semper ad laxiora propendat.

Patet 3. S. Gertrudem non solum Canonissam, sed etiam Regularem non sæcularem  
fuisse, fuit enim velata & consecrata à S. Amando, exposita facta Abbatissa Monasterij &c.  
ut præter adducta videri potest in ejus vita, quæ omnia minimè conveniunt Canonissis sæ-  
cularibus. Præterea de S. Beggha ejus germana apud Mauburnum lib. 3. Venatorij Cap.  
21. habetur: *Corde & voto se obligaverunt Deo servire, usq; ad extremum vita in proposito  
regulari.* Insuper Gaspar Bruschijs de Monasterijs Germaniæ fol. 18. testatur Monasteria  
Canonissarum sæcularium in Germania, ab initio fuisse Regularia, sub Regula S. Augustini.  
Idem confirmat Mauburnus loco cit. Claudius Espenæus lib. 2. de Cælib. Cap. 12. Molanus  
in Natalib. Sanctior. sub die 17. Martij, ubi refert Joannem Nider Theologum Ordinis Præ-  
dicatorum diligentiam omnem adhibuisse, ut inveniret originem Canonissarum sæcularium,  
& nihil aliud invenire potuit, nisi quod ab initio omnes erant sub Regula Divi Augustini  
& Divi Benedicti.

LXLII. *S. Brigidam* nedum Virginem, sed sacram fuisse & quidem  
in Ordine Canoniarum Regularium, sic deducit Noster Pennotus in  
annotationibus Proprij SS. Canonicor. Ord. Nostri ex triplici funda-  
mento. Alterum est (dicit ille) sicut fuerunt semper in Ecclesia duo  
Regularium Ordines Habitu & Professione distincti, Canonicorum vi-  
delicet & Monachorum, quod in Generali Historia Ordinis Nostri  
probavimus; ita fuisse etiam ab initio nascentis Ecclesiæ duos Ordines  
Sanctimonialium, Habitu & Professione quodammodo distinctos,  
videlicet *Canonissarum*, quæ antea dicebantur Diaconissæ & Mulieres  
Clericales, juxta Philonē lib. 2. de vit. supplicum. & Euseb. lib. 2. hist. Ec-  
clesiast. Cap. 16. & seq. ut observat Noster Nicolaus Desnos lib. 5. Cap.  
3. & seq. de Ordine scribens, ubi earum originem à Levitis veteris Te-  
stamenti, prout JOANNES de nigra VALLE cum alijs citatis sub Num. XIV.  
Canonicorum Regularium deducit; & *Monacharum*, de quâ re si quis  
foran hæsitat, legat Divum Basilium M. inter cujus opera est libellus  
sub Tit. animadversionum ad Canonicos & Canonicas delinquentes.  
Item Innocentium III. in Cap. *Cum dilecta* de Majorit. & obed. ubi  
de quadam Abbatissa Canonissarum sermo habetur. Item Sigibertum  
Gemblacen. in Chronico sub anno 820. Et ne simus prolixi in re no-  
tissima



PRIMUM & ULTIMUM  
HUIUS II. PARTIS  
SCHEMA

*D E*

CANONICIS REGULARIBUS  
LATERANENSIBUS

CONGREGATIONIS CRACOVIENSIS

*Q U I N O S*

Cum fama sanctitatis præcesserunt & dormiunt  
in somno pacis.



PRIMUM & ULTIMUM  
HUIUS II PARTIS  
SCHEMATA

DE

CANONICIS REGULARIBUS  
LATERANENSIBUS

CONGREGATIONIS CRACOVENSIS

QUA NO 2

Cum sancta synodus praesentium & dominum  
in somno pacis



tissima legantur Informationes utriusq; Ordinis videlicet Canonicarum & Monacharum in Concilio Ticinensi sub Benedicto III. anno 855. in Concilio Remensi sub Eugenio II. Cap. 3. in Concilio Parisiensi sub Gregorio IV. & Ludovico I. Imp. anno 829. Cap. 46. ubi dicit: *Comperimus etiam quosdam Canonicos & Monachos, postposito Religionis sua pudore, Monasteria Sanctimonialium tam Monacharum quam Canoniarum inconsulto Episcopo imprudenter & irreverenter adire.* Et clarius in Concilio Cabilonensi sub Carolo M. quod Cap. 53. sic habet: *Libuit namq; huic sac. Conveniui quasdam admonitiunculas breviter eis sanctimonialibus scribere, quæ se Canonicas vocant, quoniam ea quæ sub Monastica forma degunt, totius vite sue Ordinem, in eadem, quam profitentur Regula, scriptum habent.* En apertam distinctionem Monialium seu Monacharum à Canonissis. Alterum est quod ad hanc veritatem dilucidandam conducit, nempe quod B. Patricius Hiberniensium Apostolus, Institutum Canoniarum sub Regula S. Augustini viventium, in Hiberniam invexerit & propagaverit, de quo extat constans traditio Hiberniensium, præter ea quæ supra ostendimus sub Schem. de Episcopis in S. Patritio Num. 46. 3tium est S. Brigidam fuisse alumnam Divi Patricij, ut habet Jocellinus in vita S. Patricij Cap. 188. & seq. & à B. Machæa seu Machilla D. Patricij discipulo, ad regularem professionem admissam fuisse, indicant Surius, Cogitosus, Vincentius, & alij omnes in hac materia scribentes: consequens est professam fuisse Institutum S. Patricij sub Reg. D. Augustini, ultra quod nullum aliud pro tunc fuit in Hibernia, ut constat ex D. Bernardo Clara Valensi cit. sup. Sed & illius Habitus candidus hoc ipsum demonstrat; nam S. Michæas quando illam ad regularem Professionem admisit, vestem candidam illam induit, cum pallio itidem albo, ut immediate citati Authores sine contradictione testantur.

XCIII. S. Aldegunda pariter velata & consecrata, ut S. Gertrudis à S. Amando, excitaverat Monasterium Canonissarum Regularium in Oppido dicto Malbodium in Haannonia, ut scribit Noster Nicolaus Desnos citatus, nunc ad sæculares spectat, ibiq; religiosis puellis præfuit Abbatisa, cujus etiam meminit Vsuardus, Aubertus Miræus, Bollandus, Triquetius Binerus, Tyrianus, Hugbaldus Monachus Elnonensis & alij. Obijt anno 673. coliturq; Malbodij festo solenni, sicut & Diva *Aldecrudis* postridie S. Marthe, & S. Madelberte 7. 7bris quæ priori in regimine succedere, prout habet Proprium Malbodiense novem lectionum, quod se vidisse affirmat Nicolaus Desnos & Molanus. Posteriorum duarum sanctarum S. Parens *Valdecrudis*, Vidua, S. Vincentij Comitris Haannoniæ Vxor, fundavit Collegium Canonissarum Regularium, quæ etiam in sæculares degenerarunt in primaria Vrbe Haannoniæ, cujus transitum ad vitam celebrari 3. Idus Aprilis scribit Molanus.

Similiter S. *Refridus* Virgo fundavit Nobile Monasterium Dononij, quæ est Vrbs sita inter Cameracum & Valentianas, pro Canonissis Regularibus, quibus præfuit, & cum laude sanctitatis obijt anno 800. die 8. 8bris. Sed & istæ cum tempore secularizare cæperunt utentes in Ecclesia calaribus Rochetis, velis in Capite, & amplo pallio nigro intus pelliceo.

S. Landrada Virgo (cujus egregias dotes describit Joannes Molanus in Indice Sanctorum Belgij, quamq; Cælesti Sponso puram animam reddidisse scribit 8. Idus Julij) erexit Canoniarum Regularium Monasterium, suadente S. Lamberto apud Monaster Gillens extra Belisiam in tractu Leodiensi, quod pariter secularizavit cū tempore. Quale Institutum licet non approbet, tolerat tamen Ecclesia ut patet ex Bonifacio VIII. Cap. *Indemnitatibus* in 6to. ubi dicit: *Sunt etiam juxta quarundam Provinciarum consuetudinem, mulieres, quæ nec proprijs renuntians, nec Professionem faciunt regularem, sed vivunt ut in secularibus Eccl.*



clesijs, seculares Canonici, quarum statum, Ordinem, seu Regulam, nolumus nec intendimus approbare. Et Clemens V. in Cap. *Attendentes*, de iisdem sic pronuntiat: *Illas quoque mulieres quae vulgò dicuntur Canonicae seculares, & ut Canonici seculares vitam ducunt, non renuntiantes proprio, nec Professionem aliquam facientes, per Locorum Ordinarios precipimus visitare; per hoc tamen non intendentes earum statum, Regulam, & Ordinem approbare.*

XCIV. Extant nihilominus plura Monasteria Canonissarum, quae non tantum regulari observantiâ, sed etiam sanctitatis famâ celebres, vivunt, quarum Catalogum in sua Generali historia sparsim per totum nectit Noster Pennotus, praesertim lib. 2. Cap. 49. qui *B. Marinam* Spoleti, *Euphrosinam* Vincentiae, *Angelam & Catharinam* Taurini, sanctâ memoriâ celebrat. Et lib. 2. Cap. 32. & 59. alias enumerat, sanctimoniâ vitæ ac generis nobilitate praestantes Canonissas, inter quas fuit *Maphalda* Regina Alphonso I. Regis Portugaliae (qui à Lusitanis pro Beato colitur) Vxor, ut patet ex libro defunctorum Canonicae S. Crucis, Colimbricen. qui sic habet: *Obijt Domina Maphalda, inclita Regina Portugaliae, Conjux D. Alphonso I. Regis Portugaliae Canonica S. Crucis. Nonis iobris.* Hæc post mortem sui Mariti cum Filia sua *Constantia* illud Collegium nobilitavit. Nec illa demeruit sanctitatis honorem, quæ se commisit professandam S. Theotonio, ut apparet ex formula Professionis ejusdem: *Ego Monia Martini filia, timens Deum & ultimi diem Judicii, irado me ipsam Deo & Colimbricensi Monasterio S. Crucis, ac vobis quoque Domino Theotonio ejusdem Monasterij Priori, & ceteris Canonici ibidem in perpetuum commorantibus, & offero mecum Villam Almasum, integram juxta fluvium Mondiu sitam, pro qua ego dedi aliam Villam, qua dicitur Terroso juxta Dorium &c.*

Viennæ in Austria sunt tria Monasteria Sanctimonialium Nostri Ordinis, scilicet S. Mariae, S. Jacobi, & S. Laurentij, in quorū primo visuntur depictæ in Choro istæ Canonissæ vestitæ lineis: *S. Raydegundis, S. Regina, S. Obortuna, S. Ireneberta, S. Gudula, S. Affacundus, S. Geneasera, S. Austerverta &c.* de quibus cujusnam sint Nationis vel Congregationis, quærere intermisi, eò, quòd non speraverim me scripturum aliquando in hac materia.

Claudit agmen aliarum plurimarum Virginum & Matronarum SS. Canonicarum, illud sanctitatis & mysticæ Theologiae prodigium *Baptista Vernacia*, quæ ob insignem sapientiam, superiorem à Nobis inter Doctores, meruit & obtinuit locum, sub Num. LXVII. hic quæ Virgo cum ceteris commemoratur.

## APPENDIX II. PARTIS AD LECTOREM.

**N**on mireris benevolè Lector adeò numerosos ex Lateranensi Familia computari Sanctos, Doctos, & Magnos Ecclesiæ DEI, Praelatos; quia si præter JOANNEM de nigra VALLE & alios non paucos Classicos, Historicos. (Raphaelem Volateranum citatum, lib. 21. sua Antropol. seu Comment. Urbanor. Joannem Bapt. Signium lib. 2. de Canonicis Cap. 8. & seq. nec non Nostrium Gabrielem Pennotum citatum sub Num. XXII. qui cum alijs etiam ad praesens multas ex Cathedralibus Ecclesiis gubernari à Canonicis Regularibus in Hispania, Gallia, Flandria, Belgio &c. asserit lib. 3. sua hist. trip. per totum), diligenter observaveris, ipse non aliter & quidem indubitatè concludes, Nosq. à propria excellentia ambitu vindicabim. Distractam equidem vidimus hanc Fratrum coronam, tum invidiarum malevolentia, tum pietate bonorum; avulsi enim S. Dominicum sacra Propaginis Prædicatorum instituenda, Patriarchali zelus, separavit S. Norbertum novæ Prolis Præmonstratensium amplificanda, amor; abstraxit S. Antonium ad Franciscanos, martyrij desiderium; allexit S. Nicolaum Tolentinatem ad Eremitas S. Augustini, ætioris vitæ studium; Segregavit S. Brunonem ad eremitica latibula, Carthusiensium plantanda colonia &c. Multò plures, quidam ex Ordinibus vel copiam sectantes, vel inopiam metuentes associare sibi, Nostra Professioni Canonicos, imbelli quadam anagonia non erubescunt, contra manifestissima omnis generis Classicorum Scriptorum testimonia, ut de eis merito usurpari possit illud D. P. Augustini: *Lucem veritate, sed franguntur veritate.* Nihilominus non invidendum virtuti, nec emulandum in malignantibus, quòd enim aliqui ademerunt zelota, miseratione Divina in Congregatione Cracoviensi multis alijs sanctitate notatis. Viris, cumulatissimè compensavit. De quibus hac II. Parte tractaturi, prius non ingrata amicorum scitu, praesertim Originem ejusdem Congregationis Cracoviensis concernentia pramitteamus.



**J**am ex subiecto Schemate apparet appretiabilitas Congregationis Cracoviensis Canonorum Regularium Lateranensium, quæ tot pignora cum gloria sanctitatis genuit & transmisit Cælo. & per hoc nulli alteri (exceptâ solâ Lateranensi Congregatione, quæ Caput est Orbis & Princeps Provinciarum) cedit in merito, sed vel superare singulas, vel adæquare contendit omnes. Hujus ut hætenus suppressam gloriam, debitis non fraudem honoribus, congenitus amor me urget, & dicendi meritorum copia, cogit surculum ejus in plures partiri ¶ ¶.

¶ I.

*De miraculosa Origine Ecclesiæ SS. Corporis Christi Canonorum Regularium Lateranensium, Casimiria ad Cracoviam.*

XCV. Casimirus II. re & nomine Magnus, parvi staturâ Regis (ideòq; vulgò dicti Lokietek) Filius, morem Craci gerens, ut magis celebre Nomen suum redderet, inter alias ingentes fabricas, quæ fieri fecit, Casimiriam Civitatem ex adverso Arcis Cracovien. trans Vistulam fluvium fundavit. Testis est præter alios Polonorum Historicos Joannes Długosz Canonicus Cathedralis Cracoviensis, Nominatus Archiepiscopus Leopoliensis. Tom. 1. in hæc verba: Cracovia per Gracum Principem Polonorum apud Stennam ad Vada fluminis Vistula, condita, & à Graco G. litera mutata in C. Cracovia appellata est. Illic enim Regum & Principum Polonia, ortus crepundia; ibi regenerationis in Christo aguntur eorum primordia. Illic totius eorum Genealogia cines, magnificis Urnis & sumptibus, reconducuntur: illic opportunitate & gratia loci præminens omnium Polonorum facile arx & Metropolis, tam Regis quàm Pontificis honorata sedes, in tres divisa Urbes Cracoviam mediam vocant, cui Arx in colle petroso & editiori à Veteribus Wawel nuncupato imminet, a Vistula ablucis, saxo in plerisq; locis abscisso superimposita, & in Corona modum, muris, Palatijs, Turribus, ceterisq; propugnaculis munita, & in ea Regia sita est Sedes, & S. Stanislai Martyris & Pontificis Cracoviensis sac. Corporis gleba, & Basilica petrâ quadratâ fabricata, ossibus & corporibus Reliquisq; veneranda plurimorum Sanctorum, clavo insuper Dominico, & B. Ioannis Mandibula, item corpore S. Floriani Martyris dotata. Altera ad meridionalem plagam Urbs Casimiria à Casimiro II. Poloniarum Rege, suum illi imponente Nomen fundata, ejusq; B. Stanislai nobilitata Martyrio, Aedium Religiosarum & Civium feracior, infrequens enim extat edificijs, templaq; superiorem aliquem tenent locum. Tertia Civitas Florentia à B. Floriano (in ea priusquam conderetur edificato Templo) denominationem accepit, & ipsa ab eodem Casimiro II. Polonorum Rege fundata.

XCVI. Porro Casimirus M. Civitatem Casimiritanam Mænibus magnificis & fortibus circumcinxit, & Vistulam fluvium, qui antea inter Urbem Cracoviam & designatam Civitatem, mediabat, circumduxit,



## 78 De Congregatione Cracovien. Canonico. Reg. Lat.

duxit, nec non ad maiorem dictæ Civitatis decantationem in Gentibus, Academiam eo loci, (ubi nunc est Judaica) initiavit; & propè consummavit, ut habet idem Joānes Długosz Lib. 9. ad annum 1361. his verbis: *Casimirus Polonia Rex volens Regnum suum Polonia, studio generali Cracoviensi, adinstar aliorum regnorum magnificare & decorare in Oppido Casimiriensi; ab eo circa Civitatem Cracoviensem in Villa Capitulari vocata Bawol, construi cepta est Schola studij generalis secus murum, in loco amplo & spatiofo ad mille & amplius passus in omnes partes, se protendente; domusq; pulcherrima, Camera, Lectoria, & prima officina, ex lapideo muro pro cohabitatione Doctorum, & Magistrorum dictæ novæ Universitatis, pulcherrimo opere adificata. Missis autem nobilibus Nuntiis & Oratoribus suis Ecclesiasticis & secularibus, in Avenionem ad Urbanum Papam V. foundationem hujusmodi à Sede Apostolica admitti obtinuit. Gnesnensis enim Archiepiscopus Iacobus II. dictus Swinka, à Summo Pontifice prefato Urbano V. jussus per speciales Literas prefatum studium Casimiriense sive Cracoviense confirmat. Quod tamen morte Regis Casimiri interveniente non fuit prosperatum, nec dotatio ipsa & fundatio fuit sortita suum effectum; siquidem à Uladislao Jagellone translata est Cracoviam Academia, anno 1400. & Judæi crebris infestationibus Studiosorum, (loca sua reliquentes Cracovia) Casimiriam pulsi anno 1492.*

XCVII. Accidit autem undecimo post designationem Civitatis Casimiriensis anno, nimirum 1346, ut habet alius Canonicus Cathedralis Cracoviensis Mathias de Miechow, in *hist. Polonorum Cap. 24.* quòd *Quidam nequam & famelici latrunculi sub Octavis Corporis Christi de Ecclesia Parochiali omnium Sanctorum in Gracovia, Delatorium Divinissimi Sacramenti vulgò Monstrantiam furati sunt, compertoq; quòd esset area, illam in paludem Mothe arbusus plenam, ad Ecclesiam S. Laurentij nunc in Casimiria extantem, projecerunt, tunc autem Ecclesiam Parochialem in Villa Bawol, ad proprietatem Capituli Cracoviensis pertinente, nec longè distante, & cum plures mortales luminaria diu noctuq; in palude relucencia viderent, ad Pontificem Cracoviensem ejusq; Ven. Capitulum, ac deinde ad Regem Casimirum rem tanquam prodigiosam pertulere. Qui Processionibus totius Urbis ordinatis, triduo prius jejuniò indicto & exacto, cum hymnis & vexillis paludem adeuntes, Delatorium cum Divinissimo Sacramento acceperunt, & illud ad Ecclesiam Omnium Sanctorum unde ablatum erat, retulerunt. Excellentissimus autem Rex Casimirus in loco inventionis tam ineffabilis Sacramenti, quamvis cenoso & paludoso, Ecclesiam in honorem & titulum Corporis Christi se fundaturum voravit. Nec mora; anno altero nobilem Chorum et Sacra-rium cocto latere initiavit et consummavit, Parochiâ quam ex antiquo Ecclesia S. Laurentij habebat, ei adjunctâ, calicibusq; et apparatus, Crucibus, ceterisq; candelis, munificentia Regiâ adornavit, et titulum Corporis Christi, quo Ecclesia S. Francisci à primæva sui fundatione, illustrata fuerat, Fratribus Minoribus pretio precibusq; contentatis, ut solidior sua fundatio permaneret, abrogari et extinguì procuravit; Villa quoq; in suam ditionem traducta. Similia affert in eadem materia alter Polonorum Historicus, Martinus Cromerus Episcopus Varmiensis lib. 12. ad annum 1346. his formalibus: Nec illud sanè silentio praterendum, quod eodem anno, apud Cracoviam accidit; nam cum conscelerati quidam homines, sacrilega cupiditate adducti, SS. Corpus Christi sub forma panis recon-*



reconditum, cum Ferculo suo (Monstratorium intelligit) e templo omnium Sanctorum memoria dicato, suffurati essent, atq; id ferculum non aureum ut crediderant, sed arcum inauratum, esse comperissent, apud Bubalum sive Barvolum pagum suburbani, qui erat in ditione Collegij Basilicæ Cracoviensis, in cenosam paludem id irreverenter abjecerunt. Mox locus crebris ignibus, atq; faculis dies noctesq; aliquot perpetes, collustratus est. Id miraculum cum ad Episcopum perlatum esset, neq; tamen causa ejus pateret, post indictum triduanum jejunium, Episcopus eo cum solenni pompa Sacerdotum, et supplicationibus profectus est, repertamq; SS. Eucharistiam, ingenti cum Veneratione eo unde ablata erat, retulit. In eo vero loco, ubi ea reperta est, Casimirus in sequenti anno augustum Templum titulo Corporis Christi, de coctis lateribus adificavit.

XCVIII. Hinc credo cepisse initium Processiones (aliud enim tempus a Quo nullibi invenio) quæ quotannis ad idem Templum usq; modo continuari solent, omnium Collegiatarum & Parochialium in pretiosissimo apparatu Ecclesiastico, assistentium Cathedrali, quæ solennissimâ pompâ cum SS. Corporis Christi Sacramento, in Octava Festi, sac. locum visitare consuevit, veluti renovans anniversariam illius primævæ Processionis memoriam, quando de loco palustri, illustre Cæli ignibus, levatum est SS. Eucharistiæ Sacramentum. Auxere cum tempore piam consuetudinem Religiosæ Familiæ, quæ sibi certos dies per Octavas Festi SS. Corporis Christi, visitandi idem Templum, vendicant, uti PP. Dominicani die Dominico de mane; PP. Augustiniani à prandijs, diversissimis hominum & Matronarum statibus, sac. Domini Corpus comitantibus, & præcedentibus cum tympanis, tubis, & organis, cum canticis, & suavesonantibus vocibus puellarum Choris. Civitas quoq; Florentia nunc vulgò dicta Clepardia, ex sua Collegiata S. Floriani, inusitato alias, in Polonia & superbissimo ritu, suam expediebat ad locum miraculi Processionem; nam præter varios hominum Ordines Eucharisticum Dominum, pedes, comitantium, insignis cavalcata equitantium cum vexillo signato effigie D. Floriani Martyris, magnificentiam & majestatem addebat sacro comitatu. Sed hæc omnia quoad nunc desierunt celebrari, ob nimiam loci distantiam, cæterasq; internas rationes, quæ tamen hucusq; non impediunt viciniore Regulares, ad continuandam piam consuetudinem, Dominicâ infra Octavas Corporis Christi, & ad assistendum Processioni Nostræ ipso Festo per circuitum Civitatis Casimirien. juxta ordinationem Radzivilianam, in visitatione Apostolica Generali, de anno 1596. & Consistoriale decretum Cracoviense de anno 1663.

XCIX. Porro Ecclesia inchoata, per annos septuaginta plus ultra, ut vult Joannes Dlugofz Lib. de Monast. Diœces. Crac. sub regimine Parochi sæcularis, mansit, usq; dum Jagello I. nomine Vladislav II. tot prodigiorum patrator. (Ille enim totam Lituaniam ad Fidem Catholicam convertit, meritò Litvanorum Apostolus, nuncupandus: Ille tot Idolorum Fanis everfis, multò plura Tempia veri Dei cultui, crexit: Almam Universitatem Cracovien. à fundamentis excitavit, mo-



# 80. De Congregatione Cracovien. Canonicoꝝ. Reg. Lat.

tus pijsſima SS. ſuæ Conſortis, B. Hedvigis intentione, quæ ut dicit Martinus Cromerus Episc. Varmien. in hiſt. Polonoꝝ. lib. 15. in fin. *Hedvigis quidquid habuit reliquum de ſupellectili, partim egenis dilargiendum, partim ad excitandam Cracovia, et conſummādam Caſimiræ Academicam, quam Caſimirus M. cujus erat neptis, Ludovici Regis Ungariæ Filia, Caſimiræ inchoaverat, legavit, nuncupatū Executoribus ultime voluntatis ſuæ, Petro Episcopo, et Ioanne Tencinio, Caſtellano Cracoviensī.* Ubi etiam illius opinionem ſanctitatis, conſuſione citati libri, taliter celebrat: *Feruntur autem ob ſanctitatem ejus miracula quedam ad tumultum ejus, fuiſſe edita*) ſingularem devotionem gerens ad Religionem S. Auguſtini Canonicoꝝ Regularium, ex Monasterio Glacensi apud Oppidum Kloczko, quod eſt in Metis Sileſiæ et Bohemiæ ſitum, Diœceſis Pragenſis, primos Fratres ad regendum Monasterium novæ erectionis, juxta obloquentiam citati Joannis Dlugosz ad annum 1405. aſportari curavit, et in craſtino Annuntiationis B. Mariæ, ſolenni ritu & verè Regiâ pompâ, per Petrum Wyſch Episcopum Cracoviensem, Virum Religioſiſſimum & Sanctiſſimum introduxit, inter primas gratias Jure Patronatûs Noſtris oblato, & ad perpetuam rei memoriam Alexandri VI. Summi Pontificis diplomate, communito, & ſic ex ſæculari, Conventualis Parochia perfecta.

C. Ut autem Matricis Noſtræ ſcilicet Conventus Glacensis, memoriam profundius veneremur, *Notandum eſt* ex Chageco Presbytero, Hiſtorico Regni Bohemiæ fol. 309. quod dum Ioannes IV. 27. & ultimus Pragenſis Episcopus, multis affectus injurijs a ſuo Metropolitano, ArchiEpiscopo Moguntino, aliquoties conqueſtus fuiſſet Sedi Apoſtolicæ, adire tandem Romam coactus eſt, ubi a Metropolitanæ Jurisdictione abſolutus, redux in Patriam, Papiam divertit, & ex Canonica D. Petri in Cælo, aureo (ubi Corpus D. Doctoris Auguſtini requieſcit) aliquot Canonicos vitâ & doctrinâ præſtantes, ſecum exportavit, collocandos & fundandos perpetuò in Oppido ſuæ Diœceſis Rudnicenſi, ad flumen Labe; quod & fecit, & larga manu dotavit Anno D. 1340. *Et hæc inquit dictus Chronologus: Prima fuit Canonica Regularis, et Mater omnium in Regno Bohemia, a qua origines ſuas ſumpſerunt,* prout & Matrix Noſtra Glacensis, fundata ad Caſtrum Glacense, a Succellore dicti Joannis Episcopi, Erneſto a Pardubicze, Primo ArchiEpiscopo Pragenſi, adſcitis Canonicis partim ex dicta Papienſi Canonica, partim ex nova Colonia Rudnicenſi ad illam Eccleſiam, quam ipſemet per ſc 22. Martij 1352. dedicavit, & diplomate Clementis VI. Papæ, communivit. | Floruit autem hæc Noſtra avita Domus Glacensis, etiam in medijs hæreticæ pravitatis flammis, uſq; ad Clementis VIII. tempora, dum occupata per quendam intruſum Prapoſitum, Ungarum, a Rudolpho Imperatore, Patribus Soc. JESU, judicet & indicet effectus, quâ viâ, quò modò, quo prætextu, ceſſent. Nam & ipſi Patres non multò poſt ab hæreticis extruſi ſunt, & Collegium cum Eccleſia everſa; præſaga diſruptione lapidis ſepulchralis S. ArchiEpiscopi Erneſti, Fundatoris, & per multos, ante, annos, deſudantis. Hinc patet Plantam Noſtræ Congregationis Cracoviensis per im-



mediatam successionem de corpore D. P. Augustini pullulasse: quod ipsum firmat, magis extēsis & communicatio omnium Privilegiorum à Reverendissimo Athanasio Clappinio Placētino, Abbate Generali Congregationis Canonorum Regularium Lateranensium, per me exportata, de data 30. Augusti, 1694. In Canonica S. Augustini Placentiæ.

## II.

*De processu & successu Conventualis Ecclesiæ SS. Corporis Christi, Canonorum Regularium Lateranen. Casimiræ ad Crac.*

CI. Præfiguraverat vel ipso Nomine Fundator Casimirus, quàm mirus futurus esset successus prædictæ Ecclesiæ cum Conventu, ac admiranda origo fuit. Nam quod excreverit in tantam molem & magnificentiam, quæ hodie cernitur, & deinde in Congregationem, merè per Nostros, non vacat prodigio. CONRADUS siquidem Alemanus J. U. D. Præpositus I. Conventus (vel exinde satis superq; commendabilis, quod Regiæ foundationi & quidem in terra aliena præfici mereretur) nactus possessionem Ecclesiæ, immediatè manum ad movit operi, & Ecclesiam in hac forma, quæ Regiâ munificentia digna conspicitur, initiavit, & multas fabricas commoditati inhabitantium Patrum, de muro erexit; ut notat Joannes Dlugosz de Monast. Diocesi. Crac. *Conradus Vir singulari devotione & Religione redolens, vita exemplaris affecutus scientiam, cum post resignationem liberam Joannis de Teczyn, ejusdem Ecclesiæ Corporis Christi ultimi & immediati Plebani, Ecclesiam ligneam offendisset* (verius tamen, ut constat ex citato Miechoviensi & traditione Seniorum Patrum, Sacristiam cocto latere muratam invenit, & minorem Chorum usq; ad fenestras, duodecim cubitorum in altum, protensum, quanquam non in hac, in qua est ad præsens forma; cætera omnia sylva lignorum fuit, superimposita muro, operâ Jaroslai I. Parochi ex piorum elemosynis; siquidem Fundator eo anno vivere desijt, quo ædificare cepit Ecclesiam) *ea demolitâ, ex latere nobilem solatio pecuniario Regis & plebis adjutus, fabricare cepit, quæ progressu dierum per Successores suos Joannem, Gregorium, Gasparum, & Iacobum, incrementabatur et absoluta est. Fabricavit et Monasterium pulchrum ex latere cocto, in loco quo erat domus quondam Plebanalis, quod etiam per ipsos Successores accipiebat amplitudinem et incrementum, in quo et stibas, et cellas, et promptuarias, et popinam, et solaria, et librarias, et infirmarias, ceterasq; canobij officinas, pulchro opere videmus excitas.* Quorum omnium cōservationi, veterum more (qui in prima radicatione Monasteriorum Tutelares Sanctos assumebant) *D. Valentinum Presbyterum Martyrem, S. Ursulam & sodales ejus, nec non Sanctam Christi Hospitam Martham* piè præsignavit, quorum idcirco anniversariam diem sub ritu duplici celebrare nobis consuetum est. Verùm minora sunt ista.

CII. Multò majorem dictus Prælatus meretur commendationem, ex observantia regulari, quam secum in Regium Conventum invenit, & ejus seipsum præbebat exemplum, tam Patribus, (quos quinq;



omninò secum attulerat) quàm Fratribus, per quos novam coloniam plantaverat. *Peractâ Prima* (prout habet Ioannes Molanus Lib. 1. de Canonicoꝝ Cap. 21.) *quotidie Conventum Capitularem celebrare consueverunt, in quo quisq̃* (supposito quòd deliquerit) *spontè culpam fatebatur, veniam postulabat, Superiori se submittebat.* Quodsi fortè majus crimen aliquis committeret, per correctionis Capitulum seriùs & severiùs contra talem procedebatur. & ita verificabatur de illis, quod de alijs annotavit citatus Molanus: *Sicut autem fervente inter Canonicos majori charitate, exactior solet esse Regula, ita si ab ea exorbitaverant longè rigidior erat pœnitentia.* Et veteres illi et venerandi Nostri Majores, longè plenius, quàm Nos, meditabantur Christianam vitam, perpetuam pœnitentiam, ut Concilium Trid. loquitur, Sess. 14. esse debere. ideo ipsi omni die sub finem Prima Horæ Canonice, ad Conventum Capitularem ire solebant, ubi primò legebatur Martyrologium, 2dò memoria defunctorum, 3tiò unum Caput Regularum. his autem peractis in Capitulari Conventu, si quæ corrigenda erant, tractabatur. Cujus rei brevis mentio est in Concilij Moguntiani Statuto IX ubi inter alia legitur: ut Canonici Clerici singulis diebus mane primò ad lectionem veniant & audiant quid eis imperetur. Victus illis Ordinarius, nec quidquam obsonij aut potus in camera servare vel sumere illis licebat. Vestitus grossus, quia de panno, & Saracia de lino ordinario, absq̃ fimbrijs coronarum, quæ omnia de communi vestiario, sine discrimine accipiebant. Post prandium exactâ horâ, silentium usq̃ ad vespas servabatur, nec cuiquam è cella egredi sine justa necessitate, permissum erat, sed tunc ad legendum vel scribendum homilias, & alios sac. libros (quorum adhuc magna extat copia in Bibliotheca & Choro) loco operis manualis, obligati erant. Pecunias, quas vel ex eleemosynis piorum, vel suorum liberalitate habebât, in communi depositorio asservabant; & inde cum licentia Superioris, quantum necessitas exigebat, exportabant. Cellas pauperrimas absq̃ ullo ornamento, exceptis aliquot imaginibus propter excitationem fervoris ad devotionem, habebant; ad quas, imò nec in dormitorium quidem, aliquem admittebant. Et dùm communiter duodecim habitarent, tredecimum Christum ad mensam sibi associabant, scilicet pauperem aliquem & senem Presbyterum, cui primam portionem ipse Præpositus eligebat & porrigebat, alteram sibi accipiebat; communi enim portione contenti erant Præpositi, ut observare licet in particularibus Conventibus. Tantæ autem charitatis in Patres & in communitatem fidelitatis fuisse perhibetur CONRADUS, ut nil sine illorum consilio aggredi solitus esset, propterea benedixit DEUS principijs ejus, ut intra sexdecim annos, quibus vixit, tot & tanta perficere potuerit. Hâc famâ cùm niteret dictus Prælatus, facilè omnium in se animos convertit, & præsertim ipsius Episcopi Petri Wyſch, qui dulci Fratrum Canonicoꝝ conversatione oblectatus, lapideam, sitam in medio plateæ penes hortum Conventûs, quam ipse inhabitare consueverat, cum area & horto, perpetuò Monasterio adscripsit; Villam quoq̃ Swoszowice nuncupatam, dictus Ioannes de Tęczyn, simul cum Ecclesia cessit Conventui; alteram Villam



Villam Liplas, Nobilis Petrus Szafraniec pro quotidiano sacrificio, dicto Ditrich, quod ex Germanico significat apertionem, scilicet devotionis, cuius usq; ad Nostra tempora janua & quasi quædam porta fuit, obtulit; ipse Conradus commodiori suorum Religiosorum sustentationi prospiciens, tertiam Villam vulgò Kámień a Nobili Petrasio & ejus consortibus, emptionis contractu acquisivit. Sic omnibus sanctè & laudabiliter dispositis Conradus, cum intelligeret *tempus resolutionis sue instare*, Sacramentis Ecclesiasticis munitus, vitam mortalem cum immortali commutavit, anno 1421. die 2.bris. ut notat magnus Encomiastes illius Stephanus Ranothowicz, citatus infra *sub Num. CXL.* cumularis per unionem spiritualem precibus & suffragijs, pro sua suorumq; Patrum salute, non modò cum Monasterijs sui Ordinis per Poloniam & Germaniam, verum etiam cum Benedictinensibus, Augustinensibus, Cisterciensibus, cæterisq; diversissimis Religiosis, juxta claram satis obloquentiam Nostri com Professi Crac. Christophori Loniowski ad calcem Regulæ S. Augustini citandi *sub Num. CXLV.*

CIII. JOANNES Austriacus S. Th. in Academia Pragensi Doctor ex Priore d.eti Conventus II. Præpositus creatus. Qui Antecessoris sui vestigia haud segniter terens, plantatam hætenus disciplinam regularem diligentissimè custodivit, & ad eam conservandam & promovendam magis, à Petro Clareta Canonico Regulari Conventus Rudnicen. in Diocesi Pragensi, Collectiones super statuta Canonorum Reg. exposulavit. Devotionem in decantandis Horis & Missis Canonicis, pariter ac Votivis Virginis Deiparæ (sub cujus protectione tota per Orbem longè latèq; diffusa degit Lateranen. Familia) auxit. hinc est quòd ubiq; Horas Canonicas ab *Ave Maria* inchoamus. Idem bonus Prælatus ad stabiliendam perpetuò possessionem hujusmodi Conventus, Confirmationem super translatione Iuris Patronatus, & Ecclesiæ in Canonicos Regulares, à Martino V. Summo Pontifice exportavit, ut patet ex tenore executionis Literarum Apostolicarum, per loannem Decanum Cracoviensem. Præterea cæptas ab Antecessore fabricas, ad perfectum deducere satagens, consumptus curis, non minùs ac senio confectus, ultimum clausit diem 12. Julij 1428. Vix septem annis tenens regiminis præfecturam.

GREGORIUS Polonus III. Præpositus & Professus sæpèfati Conventus, Nec iste à primis duobus degeneravit virtute & solitudine circa bona spiritualia, pariter ac terrena, augmentanda. Ille enim præter alia spiritualia Clenodia imaginè Beatissimæ Virginis à S. Luca depictā, ut communiter creditur, à Præposito Rudnicensi, dum Hussitarum persecutionem cum thesauro illius Canonix declinaret, acquisivit, & laminis argenteis, deauratis, contextit, lapidibus pretiosis condecoravit. & Reliquijs Magnorum SS. illustriorem magis reddidit. Hæc Imago honoris causā in thesauro Ecclesiæ inter Reliquias Sanctorum asservatur, & tantummodò in Festis solennioribus, ut plurimum per manus Prælati, cum Sacra acturus, Altare accedit, exponitur. Terribilis est demonibus propterea, si quando eos ab obsessis corporibus expelli in



# 84 De Congregatione Cracovien. Canonicoꝝ. Reg. Lat.

Nostꝛa Ecclesia contigerit, eam exponunt, coram qua millia millium fugari dæmonum, à Nobis non rarò compertum est. Idem dignissimus Præsul honorum fortunæ augmentum notabile fecit, ex quo molendinorum sortes in arenis coemit, Regium Conventum Regiæ fortunæ septimanatim reddens participem. Ille etiam magnificentissimum Infirmary de cocto latere erigi fecit, & altari consecrato reddidit sacratius, Noster verò B. Stanislaus Casimiritanus, sancta morte honorabile, & cælesti visione celebre magis effecit. Plura alia digna posterorum memoriâ & gratitudine, fecit & fecisset, nisi infestissima mors, undecimo sui Officij anno, scilicet 1439. die 21. Maij optimi conatus filum abrupisset.

CIV. *Gasspar* Polonus Professus ejusdem Canonici IV. Præpositus. In alijs par primis, ut mox patebit, in hoc superior fuit, quòd illius tempore sub anno 1431. Conventus Curosuacen. fundatus fuerit, & annexus Conventui Cracoviensi, initium Congregationi dederit. Triennio post scilicet anno 1434. Casimirus III. Poloniarum Rex, Divi Jagellonis Patris exemplum *secutus*, propter affectionem singularem in Ordinem Canonicoꝝ Regularium S. Augustini (præsertim instante Ioanne Długosz S. Principis Casimiri, Inspector, qui ut habet Author vitæ ejusdem Historici: *impetravit ab inclito Rege Poloniae Casimiro, ut liceret sibi inducere in Ecclesiam Parochialem S. Martini, abs se edificatam, in agro Clobucensi Canonicos Regulares S. Augustini, quorum sanctimonia & religio in præcipua apud omnes existimatione habetur*) ex Paræcia sæculari Conventualem Nostri Ordinis fieri fecit, assumptis Canonicis Regularibus ex sæpessato Conventu Casimirienſi ad Crac. vulgò Cracoviensi. Quibus pariter ac Pater suus Cracoviensibus Ius Patronatus donavit, & hoc ipsum per se authoritate Apostolica muniri procuravit, data Nostꝛis Cracoviensibus potestate, pro prima vice tantum, Præpositum eligendi. De cætero omnia jura & privilegia novis creaturis, ut factum erat in Cracoviensi Conventu, reservavit, cum libera dispositione singula peragendi absq; ulla in futurum dependentia ab eodem Conventu Cracoviensi, eâ tamen disciplinâ (ut habet Erectio illius Conventus) *formâ, regulâ, modo, Ordine, & observantia, quibus Monasterium Corporis Christi in Casimiriâ regulatur et regitur, et in quo pulcherrima observantia refulget, et reducet.* Eodem solitante Prælato per instantiam Sophiæ Poloniarum Reginæ, 4tæ Uxoris Uladislai Jagellonis, Templum ligneum S. Laurentij Casimiræ, quod tunc sæcularium erat (ædificatum anno 1124. à Petro Dunin Comite in Skrzywno, sic dicto à Natione, fuit enim Danus, ut notat Ioannes Długosz Tom i. ad annum immediate citatum, cujus quanquam alienigenæ, quanta sit religio & in Poloniam pietas, inter cætera ejus magna encomia hæc habet: *Eo autem thesauro, quod in Patria intuitu hæreditatis acceperat, Petrus Danus qui processu temporis M. Palatinus et Comes Piotrek appellatus est, et septuaginta septem Ecclesias, de sectis ac dolatis lapidibus ignominiam Polonia, cum tunc in ea infrequentes Ecclesiæ ex muro essent, deterfurus, fabrefecit, et Monasteria duo etc.*) Conventui Casimirienſi SS. Corporis Christi incorporatum est



est ab Eugenio IV. anno 1439. de quo extat Pontificium diploma in Archivo, & Libri Beneficiorum Conventus ejusdem attestantur, in hunc sensum: *Obijt Nicolaus de Pelzno Commensalis Noster quondam Plebanus S. Laurentij Capella, (cujus cooperatione & resignatione ipsa Capella incorporata est Ecclesie Nostrae, cum omnibus proventibus suis) anno 1448. Et: Obijt D. Ioannes de Libertow, qui pro incorporatione Capellae S. Laurentij ad Ecclesiam Nostram resignavit Nobis lus Patronatus.* ex quo quidem pago Libertow, pro ut & altero Gay nuncupato, spectant Decimae ad dictam D. Laurentij Ecclesiam, intuitu quarum à Paschate ad Festum omnium Sanctorum, tres Missae septimanatim ibidem dici solent.

CV. In hoc quoq; felicissimus fuit dictus Praesul, quod multorum Sanctorum & magnorum Virorum Pater extiterit, qui se suaq; voventes Divino famulatu, ipsius praelationi submiserunt, ut B. Stanislaus Casimiritanus, & alij, de quibus in Patrum catalogo habetur. Multum quoq; probabile est, quod illius temporibus D. Derflaus de Borzniow Archidiaconus Cracovien. cum semetipso, pecuniam pro Villa Krzyszkowice obtulerit, & Professionem in saepesato Monasterio fecerit, quod inde conijcio, quia iste Praelatus in Concilio Basiliensi (si ritè dici potest Concilium relatè saltem ad articulos receptos, & approbatos per subsequencia Concilia) confirmationem Statutorum sui Conventus obtinuit, ad quod dictus D. Derflaus legationem suscepit, nisi fortè missus fuisset à Capitulo Cathedrali Cracov. quod certius videtur, alioqui cum Derflaus in provecta ætate fuerit factus Religiosus, non poterat vivere à temporibus Gasparis ad tempora Andreæ Praepositi, sub quo fatis cessit anno 1499. die 25. 8bris. Sub hoc etiam Praesule quidam Medicus Regius, Mathias, donavit certa prata Conventui à suo nomine Matheyki dicta, quæ conterminant cum agris Villarum Zabłocie & Płaszow, ultra siliceos montes, cum hac obligatione, ut die festo S. Pantaleonis Martyris, pro sua suaq; familiae salute, dicatur unus Nocturnus Defunctorum cum Laudibus, & Collecta: *Deus ventis largitor.* adjuncta post, cantata Antiphona: *Media vita.* cum versu: *Peccavimus Domine.* & Oratione: *Deus qui culpa offenderis.* qua die D. Praepositus juxta obloquentiam Inscriptionis, solet meliorare portionem Patribus, in vim laboris, & quidem cum pipere & croco, addita perna cum allio & vino bono, sicut in die Paschatis. His & alijs præclare gestis, Gaspar obiit anno 1467. die 1. iobris, cum præfuisset Praeposituræ annis 28.

CVI. Justis de more persolutis dignissimo Praelato Gaspari, subrogatus est *Iacobus Vadorius V.* Praepositus dicti Conventus. Qui Majorum vestigia impigrè secutus, totum se dedit continuandæ Basilicæ, in qua consummanda integro decennio indefessè laboravit, ipse vicissim laboribus consumptus anno 1477. die 27. 7bris. Ultra consummationem Ecclesiæ, Sacello Lauretanæ Virginis, de latere cocto, erecto, & in ejus apice, Campanili de lignis extracto, nec non 4tuor ultimis Altaribus factis consecrari. Hujus etiam tempore Conventus Crasnien. anno 1468. fundatus est, & in eo (assumptis ex Conventu



86 De Congregatione Cracovien. Canonico. Reg. Lat.  
Cracoviensi Patribus, & primo Præposito) Colonia Lateranensis planta-  
ta. Similiter sub tempus istius Præpositi anno scilicet 1478. memo-  
ratus toties Joannes Długosz, voluit eo loci, quem olim Casimirus M.  
Gymnasio destinaverat, & Academiam fabricare cepit, Cænobium  
pro Carthusiensibus erigere, verum Casimirenses Incolæ non permi-  
serunt, qui postea Judæis pulsas Cracoviâ, eandem misericordiam præsti-  
terunt, anno 1492. quibus proinde idem Prælatus illud in sua hi-  
storia dicens: *Casimiria cum nollent suscipere Religiosos, susceperunt Iudeos. Qui*  
*à tempore transmigrationis suæ Casimiriam, solent dare Nostreis Ca-*  
*nonicis aromata, condiendis ferculis nata, velut quasdam Decimas,*  
*tribus vicibus in anno, intuitu fundi occupati, & diminuti censûs*  
*Ecclesiastici, conformiter ad Constitutiones Synodales Archidiaecesis*  
*Gnesnensis de anno 1361. sub Joanne Przerembski, & anno 1630. lib. 4.*  
*de Judæis, sub Joanne Węzyk, ubi sic habetur: Item præcipimus ut Iu-*  
*dæi Sacerdoti Parochiali intra cuius Parochia terminos manserint, pro eo quod loca,*  
*in quibus Christiani habitare deberent, occupant, juxta quantitatem damni, quod*  
*ei ex hoc inferunt, ad arbitrium Diaecesis loci, omnes proventus refundere com-*  
*pellantur. Idem Judæi Cantoribus sæpèdictæ Collegiæ Ecclesiæ SS.*  
*Corporis Christi, portaturas, quolibet anni quartuali solvere tenentur,*  
*eò quod pro quodam excessu, jussi fuerint ab Officio libros Chorales*  
*portare in Processionibus, ut annotavit Hyacinthus Pruszc de Ec-*  
*clesia Cracoviensi.*

CVII. *Andreas VI. Præpositus ejusdem Conventus SS. Corpo-*  
*ris Christi Casimiræ ad Crac. Cui cum præfuisset annis 25. multa*  
*quidem pro decore Domus Dei comparavit, & certum fundum in*  
*Villa Kamien Lipowa dictum, trans Vistulam emit, sed quoad*  
*spirituales dotes vix hanc unam peculiarem apud Connotatistas No-*  
*stros invenio, quod fortè minùs aptum præ senectute ad regimen se*  
*advertens, Præposituram resignaverit: Cui successus est Benedictus, qui*  
*tamen non numeratur inter Præpositos, eò, quod oborta certa qua-*  
*stione de reformatione regulari inter Patres, paci privatae consulens,*  
*sponetè abdicaverit Præposituram, cum esset Pontifex anni unius; insignivit*  
*nihilominus illo anno suæ Præposituræ memoriam, stagno quodam*  
*magno elaborato in Villa Krzyszkowice, quod à suo Nomine Bienek*  
*appellari voluit, hinc ego primum remissum fuisse suspicor in obser-*  
*vantia, timidum alterum. Prænuntiaverat hanc immutationem status*  
*optimi, obitus magnorum & Sanctorum Virorum, ut B. Stanislas Ca-*  
*simiritani, Venerabilium Joannis de Leoblin & Nicolai de Biecz, nec non*  
*D. Derslai de Borzniow, qui sub Andrea Præposito decesserunt: per*  
*quod intelligi datur, quod dum magni Viri moriuntur, sua morte*  
*Communitati, quam deserunt, referent sepulchrum, prout nosmetipsi*  
*altero casu sub Manieccio, de quo infra, docti sumus; sub quo Adamus*  
*Sibovius & Nicolaus de Radomsko, obierunt. Quos meritis claros signa*  
*beata probant.*

Sublato interim de terra viventium Andrea, anno 1505. die 12. Ja-  
nuarij, *Petrus* Provisor VII. Præpositus in ejus locum successit, qui 12-  
lem



Item se in Præpositura probavit, qualis in pagis degens vixerat. Et licet per patientiam Patrum nullam horum notitiam à Nostriſ Scrip- toribus habuerimus, nihilominus per commissionem Joannis Konar- ski Episcopi Crac. manifestata est ejus profusio in hospites, famulos equos &c. ideoq; parùm aberat, quin omnia dilapidasset Conventus bona, per viginti unum, quibus vixit in Præpositura annos, nisi eorum conservationi fuisset provisum per dictum Episcopum, cujus ordina- tione & imperio, reflexus in melius, *ad extremam horam veniens obdor- mori in pace anno reparate salutis 1526. die 25. Maij.*

CVIII. *Ioannes Niczkonius* J. U. D. Casimiran<sup>9</sup>, VIII. Præposit<sup>9</sup>, animad- vertens sui Conventus subjecta deficere, & longè mutatum colorem optimum, literariæ virtuti promovendæ strenuam operam applicuit, dum non tantùm suos Religiosos, sed aliorum Conventuum Cano- nicam juventutem omni humanitate excipiens, in Universitate Crac. perfectionari & perfici in studijs curavit. Scholam Parochialem ex platea lanificum, nunc ludæorum, pro majori commodo Ecclesiæ & puerorum, in cæmeterium transtulit, Bibliothecam Conventus libris cumulavit &c. hinc se vel maximè Doctorem & doctum ritè pro- bavit. Sic suis Fratribus per decem & octo annos serviens, alteri per obitum cessit anno 1544. Stante regimine hujus Præpositi Ter- tiariæ S. Francisci vulgò Kletki dictæ, juxta traditionem in manu- scriptis antiquis, sedem fixerunt Casimiræ, anno 1551. in lapidea aciali, penes hortum Conventus, versus S. Laurentium, ubi etiam foris si- gna patent quoad præsens, distinctarum camerarum per fenestrellas. Erant numero tredecim victitantes labore manuum suarum; quæ si- cut à Minoritis (antequam fundarentur in suburbio Cracoviensi Stra- domiæ) collocatæ sunt, ita de consensu loci Ordinarij anno 1593. per eosdem, translata Stradomiam.

*Stanislaus Niedziela* S. Th. Baccalaureus Casimiritanus, IX. ejusdem Canonix Præpositus, in restaurandis prædijs Villarum totus fuit, la- pideas restauravit, pomarium quoq; seu hortum Conventus muro circumduxit &c. Et cum vixisset in Præpositura annis triginta octo, supellectilem Ecclesiasticam notabiliter auxit; Sacras Reliquias the- cis argenteis inclusit. Et hoc vel maximè suum Nomen divulgare fecit, quòd dum Campanile à Vadovio extructum, cum campanis exustum esset; ipse aliud reædificari fecit, & majores campanas fie- ri curavit, quarum majori vulgò Dział, nomen suum imposuit, alte- ri vulgò Baba, Augustini Nomen dedit. Cum autem senuisset & paulò remissior fact<sup>9</sup> fuisset, duo mala permisit illius tēpore fieri Dominus; Pri- mum: Conventus Curosuacen. pulsus Nostriſ Canonicis à Nicolao de Kurozwęki Castellano Siradiensi, hæretico, hærede, abscissus est à Conventu Cracovien. & Ministris Sectariorum gubernandus tradi- tus, cum omnibus vasis & utensilibus Ecclesiæ &c. Alterum; quòd Petrus Myszkowski Episcopus Crac. Stanislaum Maniecki Diaconum, & Causarum Notarium (quem ex intentione promovendi in Coad- jutorem, ad Novitiatum commendaverat) immediatè post Professio-



nem in Coadjutorem obtrudere voluit, cui cum Patres totis quibus valebant viribus, contravenissent, diversis tandem artibus victi, consenserunt in eum, sub certis conditionibus juramento firmatis, & publico instrumento roboratis, anno 1582. die 7. 7bris. quo etiam anno Præpositus ipse *viam universæ carnis ingressus est.*

CIX. *Stantslaus Maniecki* J. U. D. ejusdem Canonice X. Præpositus. Initio suæ Prælaturæ fuit fervidissimus in Vineâ Domini operarius, & acerrimus lurium Ecclesiæ suæ propugnator. Etenim jurisdictioni suæ subjectos, sive in Civitate sive extra, potentissime ab injuriis vexis defendit. Molendinorum Regalium portionem Religiosos suos concernentem, à diripientibus illam, strenuè vindicavit, & super his lurium confirmationem, Varlaviam profectus, in Comitibus Generalibus Regni, à Rege Bathoræo obtinuit &c. Multi præterea illius autoritate, cōsilio, & opera in Cōmissionibus varijs usi sunt. Cujus activitatem & strenuum in rebus agendis laborem animadvertens Episcopus Crac. eum Vicarium in spiritualibus & Officiale Generali creavit, quo in Officio per annos quatuordecim infatigabiliter se exercuit, & tamen (quod magis cōmendat vivacitatem & solertiam) illo tēpore multas fabricas vel collabentes reparavit, vel novas excitavit. Aediculam cum campanulis & omni alio ad celebrandum apparatu in Villa Kámien extrui curavit. Fenestram grandem super postes Ecclesiæ, seu in ejus facie, cum quanto sumptu aperuit, quisq; observans machinam, & plumbi ferriq; &c. perpendens quantitatem, facile dijudicabit. per quod magnum lumen toti infudit Ecclesiæ. Et quod præstat omnibus alijs rectè factis, iste Prælatus Conventum Curosuacen. (qui ultra viginti annos in direptione hæreticorum extitit, ut paulò superius tactum) viriliter vindicavit, citatis Sectarijs ad Judicium Castrense in Vislica & in Civitate nova Corczyn. inde decreta exportavit ad Iudicium Tribunalitium Regni, quod de anno 1596. & antè, Lublini, omnia præmissa approbavit, & insuper Innocentius VIII. Papa, per specialem Commissionem confirmavit. Conventum cum omnibus agris & attinentijs restitui, & pro spolio Ecclesiæ alijsq; injurijs & violentijs 25 millia florenorum adjudicavit dari pulsos Canonicis, qui vix 500 acceperunt mediante Fracisco Krasinski, Episcopo Crac. qui parti adversæ favere videbatur interim DD. hæredes in agris Conventus ex adverso arcis, Curiam sibi erexerunt, Conventui alios angustos inter plebis portiones assignarunt, pollicitis ditiores Canonicos non facto, facientes. His & similibus præclare gestis consummatis, dictus Præsul, proh dolor! quantum à primo zelo religionis desciverit remississimus factus? ob idq; quanta detrimenta in observantia regulari, bonisq; temporalibus, quæ per suos Consanguineos Nobiles administraverat, Conventus incurrerit, charitas fraterna taciturnitatis involucrio contegere suadet. Sat est ad præsens innuere, quod qui aliorum ob summam in agendis dexteritatem & prudentiam, Commissarium egerat, ipse commissionem subire anno 1596. & alteram sequenti anno, coactus fuerit. Cætera lamento Ieremiæ (ut qui



potest capere capiat, mala gentis. Nostræ) concludere liceat: *Quomodo obscuratum est aurum? mutatus est color optimus, dispersi sunt lapides sanctuarij, & qui nutriebantur in croceis amplexati sunt stercora &c.*

CX. Tactus tandem paralyti Manieccius anno 1605. alijsq; infirmitatibus vexatus, lecto affigi debuit. interim ad Præposituram Cracovien. eadem viâ aditum sibi parabat quidam Paulus Lyckonius Præpositus Curosuacen. quâ Manieccius illam possederat, & ad hunc effectum *de mammona iniquitatis*, multos sibi procurabat amicos, Communitatis bona dissipando, per quos tantum effecit apud Loci Ordinarium Petrum Tylicki, ut illum in Coadjutorem intruderet, & propter illum multis gravaminibus Patres, quod eum acceptare noluerint, affligeret. Qui nihilominus minus proprias injurias sentientes, ex amore liberæ electionis, conservandæ, imperterriti fulminibus Loci Ordinarij, Adamum Sibovium Priorem, notæ probitatis & prudentiæ Virum, expediverunt Romam, qui, Generalis Abbatis Canoniorum Lateranen. fretus auxilio, pro cognitione causæ in Nuntiatura Apostolica, Breve Commissionis inde exportavit, cum eoq; redijt Cracoviam: quod dùm rescivisset prætenfus Coadjutor, Sanctum Virum impius ad Monasterium admittere noluit, adeoq; Cracoviæ in platea S. Joannis usq; ad causæ decisionem manere coactus est: verum antequam expectatum finem causæ obaudiret, contracto morbo ex longo, & difficili itinere (quod fertur pedes absolvisse, ex devotione an defectu debiti subsidij?) morte præventus in die SS. Innocentium, innocentem animam reddidit Cælo, quod documentaliter patebit inferius. Exposit Nuntius Apostolicus intrusum Coadjutorem sententiâ definitivâ condemnavit, se injuriosè ingessisse in administrationem Præposituræ Crac. declaravit, adeoq; illâ, factâ prius calculatione ex proventibus, cedere mandavit anno 1608. & Sanctum Viri Dei cadaver, ad locum Professionis suæ, solenni ritu scilicet processionalitèr ab omnibus Religionum Ordinibus deduci voluit. sicq; malitiosus homo, quod non potuit honori innocentis animæ obsequio, profuit odio. Audito Decreto dejectus Pater, multa alia tentavit & attentavit contra communitatem sub tuitione appellationis per suum acerrimum Promotorem Episcopum, sed nil effecit, nec multò post justissimas suæ ambitionis poenas dedit; nam anno 1610. inprimis lento morbo vexari cepit, deinde & decumbere à Festo SS. Philippi & Jacobi, tandem aggravari infirmitate, ultimò confici necesse habuit die 8. 9bris., quem anno sequenti, scilicet 1611. secutus est ad monumentum ipse coadjutus Manieccius, die 2. 10bris, exactis in Præpositura 29. annis. sic terminata est miseræ ambitionis in utroq; scena.

CXI. *Martinus Klócinski* J. U. D. XI. Præpositus dictæ Canonix. Hic non minus feliciter rexit Ecclesiam, ac mirabiliter ad ejus regimen assumptus est. Cum enim Patres vel non cerneret inter se idoneum, vel nollent in suum consentire Professum, quem in Superiorem eligerent, sponte liberâ adierunt Episcopum Crac. Petrum Tylicki, suum



90 De Congregatione Cracovien. Canonico. Reg. Lat.  
quondam adversarium, quid facto opus haberent? impetraturi Con-  
siliū. Qui tactus saniori mente interius, illatas antecederet inju-  
rias & injustas vexas, in optima forma illis compensare instituit. Qua-  
propter haud ignarus dispositionis ad vitam regularem, in Martino  
Klocinski limatissimi ingenij & integerrimæ vitæ Presbytero sæculari,  
Eminentissimorum Georgij Radzivilii & Bernardi Maciejowski Epi-  
scoporum Crac. Curia Actuario, nec non Francisci Simonetæ Nun-  
tij Apostolici Auditore, Bieensi & Choviensi Præposito, Scalmieri-  
ensi Canonico, qui jam pro tunc resignatis omnibus beneficijs Ro-  
mam pergere habuit in animo, & ibi seipsum Ordini Carmelitarum  
Discalceatorum mancipare determinavit; proposuit illis sensum suum,  
ut si fortè illis placeret adirent illum, & rogarent quatenus intenti-  
onis suæ consiliū mutare vellet, & eorum curam simul cum Præ-  
latura non dedignaretur acceptare. Inito consilio Patres in suo Ca-  
pitulo, fecerunt juxta sanum propositum Episcopi, & quia reniten-  
tem experti sunt, instarunt ad Episcopum ut se pro eis interpone-  
ret, quod & factum. Excusabat se incapacitate ad hoc munus  
bonus Prælatus planè cum lachrymis, sed simul considerans *altitu-*  
*dinem Consilij Divini super salute generis humani*, præsertim instante Epi-  
scopo, Patrum postulationi acquievit. Itaq; anno 1612. Sabbato an-  
te Dominicam Quinquagesimæ, ad Ecclesiam sæpè dictam SS. Cor-  
poris Christi solenniter introductus, postea regularem vestem indu-  
it, non tamen nisi sexto post introductionem anno, Professionem  
Canonicam fecit die 26. 9bris. Multa & magna pro decore Do-  
mus Dei, pro observantia regularis disciplinæ, pro commoditate Pa-  
trum fecit, & planè miracula excitavit. Nam imprimis collapsam  
ex parte saltem, si non ex toto, disciplinam regularem restauravit, subje-  
cta auxit, & ad eorum culturam in doctrina & spiritu, Lectores du-  
os, scilicet pro junioribus Philosophiæ, pro alijs Theologiæ mora-  
lis, instituit. Confraternitatem sq; Vulnerum Christi D. primo post in-  
troductionem suam anno, scilicet 1613. Romæ impetravit, & alteram  
SS. Corporis Christi initio Ecclesiæ introductam quidem, sed cum  
tempore, crescente ad Imaginem Beatissimæ Virginis (de qua infe-  
rius *sub Num. CXLVII.*) gratijs celebris, in Capella Literatorum de-  
votione, defervescentem excitavit, non tamen cum ea solennitate ex-  
positionum & processionum cum SS. Eucharistiæ Sacramento in Mō-  
stratorio per cæmeterium, prout alias quolibet die Jovis, fieri consue-  
verat in memoriam recitati miraculi *sub Num. XCVII.* nunc enim  
in pyxide tantummodo *recolitur memoria* Facti ejusmodi. Cum au-  
tem Orbem Polonum longè lateq; permearet fama Conventus illius,  
quoad regularem observantiam, & numerus Fratrum augetur, mul-  
ti è Proceribus Lituanis præsertim, sanctæ conversationis illorum  
famā permoti, nec non autoritate tanti Prælati (creatus enim erat  
Judex Synodalis, cui etiam statuta Synodalia Dioecesis Crac. con-  
scribenda, demandata fuerunt, & illius opera & dexteritate in consiljs  
& Commissionibus Petrus Gembicki Episcopus Crac. usus fuerat,  
cumq;



eumq; perpetuum Visitatorem diversi Ordinis Monialium creaverat, & cum illo binis vicibus præsuit Capitulo Generali Miechoviensi Canonorum Regularium SS. Sepulchri Christi, prout annotavit ex illorum Ordine Samuel Nakielski in sua Miechovia ad annum 1637. & sequ. Præterea in certis negotijs Camaldulensium in monte argenteo, nec non in causa Beatificationis Vincentij Kadlubkonij Episcopi Crac. & Joannis Cantij, Româ destinatus fuit Commissarius) multas fundationes & quidem bene provisas, ei obtulerunt, ut in *Arzemiesicâ, Bychow, Glebokie, Vilna*, de quibus suo loco legens informabitur. Multi præterea Conventus ejus tempore in Regno Poloniæ accesserunt, ut *Crasnicen. Poluranen. Suchen.* cui etiam adjuncta est Parochia *Krzeszowien.* operâ & studio Illustrissimi Fundatoris Petri Kumorowski 1623. Et sic Conventus, qui per multos casus attritus, vix non extinctus fuit, in Caput Congregationis Cracovien. assurrexit.

CXII. Multa insuper ipse & ingentia ædificia radicitus excitavit, vel excitata jam reædificavit. Et inprimis Templum D. Laurentij Levitæ, quod à prima fundatione ligneum erat. de latere cocto in hanc formam, in quâ modò cernitur, exædificavit, & cum tribus altaribus anno 1642. die 16. 9bris. incidente in Dominicam 23. post Pentecosten, ab Illustrissimo Thoma Oborski Suffraganeo Crac. consecrari curavit, illudq; muro alto, dislimitate adjacentes Judæos, discriminauit. Jam verò ipsam Conventalem Ecclesiam SS. Corporis Christi elevatâ in altum protenso muro à medio usq; ad hanc summitatem in qua est, turri, & stanneis laminis tecta, exornavit, nec non tribus porticibus muratis, & similiter stanneis laminis tectis, tres portas Ecclesiæ magnificentiores, reddidit. Vastissimum Cæmeterium non infrequens spatiente populo, & populis arborum, ac nullibi in illa Metropoli, amænissimè confitum, muro circumduxit. Sacra Pignora vulgò Reliquias D. Nostri com Professoris *Stanislai Casimiriani*, in nobiliorem & ampliorem locum, adaptato magnifico de petra cum statuis Mausolæo in majori Choro, anno 1635. transtulit. Oratorium pro decantandis Horis Canonicis, egregijs nobilitatum picturis, fornice, pavimento & contentis, in illo donavit. Sepulturam pro Præpositis, aliasq; plures fornices pro humandis cadaveribus mortuorum, extrui fecit. Majus Altare quanto sumptu erexerit, ipsa magnificentia ad oculum unicuiq; demonstrat, mutæ statuæ loquuntur, picturæ pretiosæ manu & auro, testificantur, cui etiam marmore stratum pavementum, magnum cultum addidit. Erexit præterea alia 4tuor altaria collateralia, satis magnifica in majori Choro, & alia duodecim anno 1642. die 9. 9bris consecrari curavit. Scamna augustissimæ formæ, figuris & picturis pulcherrimis cum Odeis ex utraq; parte minoris Chori insignita, excitavit. Septa Monasterij sublati ligneis structuris, de muro firmissimo circūcirca stabiliti fecit, & in superiori contignatione pro Fratribus cameras, inferius pro familia habitacula, & diversas officinas distinxit. Porticum magnam ante Refectorium vulgò Palatium dictum, concameravit, & alia multa ædifi-



92 De Congregatione Cracovien. Canonicoꝝ. Reg. Lat.  
cia extra Monasterium, tam in Civitate quàm in villis cæterisq; locis excitavit. Prædia vel collabentia restauravit, vel nova creavit, illorumq; Oeconomiam ordinatissimè disposuit, & incolas multiplicavit &c. In suburbio Crac. in Arenis nuncupato Molendinum Regium reedificavit, & domos ibidem supra flumen Rudava dictum, ubi nunc est antemurale, fieri fecit, easq; à circumfluente aqua Venetias appellari voluit. Insuper thesaurum Ecclesiæ & Monasterij, notabilissimè cumulavit & ditavit; nam infinita planè apparamenta Ecclesiastica, & quidem pretiosissima diversi coloris, nec non peristromata, tapetia magna Cairica, Persica, Divanica, plus quam ad decem cubitos protensa, ad ornandos Ecclesiæ parietes comparavit. Missalia nova diverso holoserico tecta, & laminis argenteis deauratis convestita, procuravit. Calices Ecclesiasticos auxit, & unum ex puro auro cum Patena, similiter & Delatorium vulgo Monstratorium ex puro auro confici fecit. Cimborium pro servando SS. Sacramento Eucharistiæ (sublato veteri de lapide secto, quod sola altitudine & magnificentia majoris Altaris obscurabat Majestatem) ex argento marcarum 360. comparavit. Candelabra argentea magna sex, cum Cruce majoris Altaris, & aliam Crucem altam portatilem in Processionibus pariter argenteam, erigi mandavit.

CXII. Innumerabilia sunt, quæ Prælatus iste donavit & fecit, pro hujus Conventus emolumento & ornamento, ut sit mirum, quid habuerit ante dictus Conventus? cum omnia quæ usq; ad hæc tempora nitent, & communi usui famulantur, illius opera charitatis admirentur: & tamen tantæ humilitatis fuisse perhibetur, ut dum se minus aptum ad agendum cerneret, soleas Fratribus, proprijs manibus parare consueverit; tantæ modestiæ, ut ab omni ostentatione sæculi & servorum satellitio abhorruerit; tantæ mortificationis, ut ferijs 2dis, 4tis, & 6tis, nihil prorsus gustaverit. Ultimò ne ejusmodi Conventus ad similes tricas, ut hæctenus, visum eveniret, primus sibi Coadjutorem cum futura successione ex consensu Capituli constituit; & ab Apostolica Sede confirmationem obtinuit, sicq; libertatis pretium in eligendo Superiore Generali, quam omnes Monachi & Canonici in Polonia perdiderunt, usq; modò conservatur. Quæ omnia grata mente recolendo posteritas anniversariam obitus sui diem, solenni ritu pro anima sua, in Capitulo Generali anni 1647. Sess. 3. celebrare decrevit, & inter omnes Prælatos ejus effigiem depictam in cornicis basi hæc epigraphæ condecoravit: *Plus quàm Fundator iste.* In uno latere cornicis: *Religiosas virtutes radicavit.* In altero: *Pretiosa quæq; nobis donavit.* In summitate: *Subjecta auxit.* Et insuper 4000. Ungaricorum post mortem reliquit, quæ secuta est anno 1644. die 8. Februarij; jam verò ætatis suæ anno 82. cum præfuisset Præposituræ annos 33. paralyti tactus quatuor mensibus ante, in Festo S. Michaelis Archangeli.

CXIV. Ne verò alicui alienum à fide videretur, quod annotavi de hoc Prælato, allego propterea externum testimonium Samuelis Na-  
kiel-



kielski S. Th. D. Præpositi S. Hedwigis ad Pontem Regium, qui in sua Miechovia, ferme omnia supradicta tetigit, immo complexus est, sub eo ipso anno 1644. his verbis: *Brevi post intervallo, eodem anno, die 8. Febr. qui fuit D. Romualdo Sacer, evocatus est ex hac terrestri domicilio ad sedes beatas (uti pie credi debet) A. R. D. Martinus Kłoczynski Canonicorum Regularium S. Salvatoris Lateranensis, Conventus & Ecclesie SS. Corporis Christi Præpositus. Cujus virtutis decus, mentis præstantiam, pia ac sancta opera, nemo satis ut puto depradicare posset. Nam præter strictam vitæ rationem, quam ille ex quo Religionem sanctam in se assumpsit, perpetuò coluit, 40or diebus per unamquamque septimanam, corpus suum abstinencia cibi, ac potus macerando, assidue jejunabat. Cumq; singulari juris scientia polleret, complures qui ad se confugiebant, in dirimendis sapiendusq; controversis consilio suo juvit; egenis ac calamitosus, omnibus præsidio destitutis subvenit, atq; illis frequenter plurimum solatii, immo & subsidij attulit. Consopiebat ille tumultus & dissidia Religiosorum, quæ in magnum Religionis illorum damnum erant evasura, resarcivit laceratam Civium ac Fratrum suorum concordiam, omniaq; reddidit tranquilla & pacifica. B. Stanislao Casimiriano conCanonito suo, perpetuam memoriam in Ecclesia SS. Corporis Christi (cui ut dictum est multis annis feliciter præfuit) reliquit, dum ejus sac. cineribus in apertiore locum translatis, monumentum e marmore, & lapide delato præstanti, ac sumptuosa opera, construxit. Altaria auro argenteoq; onusta, Ciboriû ad dignè conservandum Divinissimum Sacramentum, ex puro argento, ad miraculum omnium qui hoc contemplantur, aliquot millibus nummum: Exedras quoq; in minori Choro constitutas, artificioso opere constructas erexit. Delatorium Ven. Sacramenti ex puro auro, Candelabra item argentea, apparatusq; pretiosa diversi coloris ad usum ministerij Ecclesiastici, & aliam plurimam suppellectilem pretiosam, pro decenti cultu Ecclesie, comparavit. Nec commemoro (nam id longum esset recensere) in suo nobilissimo Conventu, operosa per ipsum erecta Palatia, magnis sumptibus constructas Porticus, ambulacra pilis affatè facta sustentatis, & alia pleraq; exquisito cultu, profuso sumptu, ad majorem Dei gloriam confecta, usibusq; Fratrum destinata, cum ipse ab omni luxu, fastu, ambitione, servorum strepitu, aliq; mundana ostentatione fuerit remotus. Sepultus est honorificè in sua Ecclesia magno Cleri ac plebis concursu, primo ab obitu die, videlicet feria 2da post Dominicam primam Quadragesimæ. Et superius ad annum 1346. B. Stanislai Casimiriani memoriam faciens, sic eundem commendat. Præfuit illi Monasterio cum munere Præpositi A. R. D. Kłoczynski I. V. D. Vir si quis unquam alius in exornando hoc Monasterio solertissimus, religione verò humanitate & rerum gerendarum prudentia ita cumulate ornatus, ut sue cura ac regimini, pleraq; alia diversarum Religionum Claustra, sint ab ipsis Episcopis demandata. Ex cujus Viri vitæ integritate, doctrina, & innata modestia, plurimum splendoris ac ornamenti, non tantum illi Monasterio, sed universo pene Ordini accessisse, nemo est qui non videat. Utinam reliqui Monasteriorum Præfecti, suo exemplo provocati in promovendis proprijs Ecclesijs, pari studio & facultate allaborent.*

CXV. Hyacinthus Liberius S. Th. D. Casimirianus XII. sæpè dicti Conventus Præpositus. Natus Religiosus ad honorem; nam visa capacitate ejus, Superior, immediatè post Professionem, Academiae Cracoviensis pro studio Philosophico eum consignavit, ubi in Collegio



04 De Congregatione Cracovien. Canonico. Reg. Lat.

Majori inter Viros omni scientiarum genere exultos manens, ad tantam perfectionem in hac facultate pervenit, ut mox primâ Laureâ, & deinde Magisterio insigniri meruerit. Exposit Romam missus pro studio Theologico, & ibi Doctoratu Theologiæ insignitus, in patriam remeans Mediolani substitit, ubi in spectatissimo Conventu sui Ordinis B. Mariæ Passionis nuncupato, tribus annis Philosophiam legit. Reversus domum suæ Professionis, Concionator Ordinarius & Lector Philosophiæ, nec non Magister Novitiorum creatus est, exposit à Carolo Ferdinando Principe Poloniæ, Abbate Administratore Czervencen. Canonico. Reg. Lat. postulatus, alios tres annos in lectura Philosophiæ & Prædicatione Verbi Dei, ibidem consumpsit. Tandem inde revocatus, in Coadjutorem omnium votis 1640. die 4. iobris electus est; qua dignitate suscepta haud segnior Coadjuto Successor, regularem disciplinam more Antecessoris sui egregiè promovit, omnibus affabilis & etiamnum Episcopis Cracoviensibus, Petro Gembicki, & Andrea Trzebicki admodum charus, quorum uterq; magnas dotes Prælati ponderantes, eum Generalem Visitatorem Monialium diversi Ordinis, creaverunt, & in gravioribus Ecclesiarum negotijs, Commissarium præfecerunt. Ultimus horum auxit honorem dum illum ambulatorio Officio Censoris Librorum, in sua Dicecesi perpetuò insignivit.

CXVI. Idem Prælatus etiam in alijs omnibus ne quidem latum unguem à vestigijs Prædecessoris sui recedens, multa paramenta Ecclesiastica, nec non supellectilem argenteam notabilissimè coacervavit. Capellam B. MARIE, demolita priori (cujus usus antequam consummaretur structura Ecclesiæ, antiquior erat, de quo inferius *sub Num. CXLVII.*) pro commoditate Confraternitatis Literatorum sub titulo Annuntiationis Deiparæ, ex secto lapide extrui fecit, illamq; desuper laminis æreis contexit, introrsum egregijs picturis & figuris decoravit; & alteram Capellam vulgò Ogródzic orantis Christi in horto erigi, & cancellis ferreis circumduci, curavit. Organa 25. vocum, & duo Altaria ante Consules & Scabinos, nec non scamna uniformia per totam Ecclesiam dejectis prioribus, utpote differentissimis & difformibus, fieri fecit. Et ne periret sui Prædecessoris memoria, antepagmenta portæ ad Sacrum, congruo epitaphio desuper cum ejus effigie exornavit, quod adhibito debito encomio laborum & meritorum suorum, posteritati legendum exposuit. Portam Monasterij ex lapide dolato erigi, & super portam cameram nobilem pro Priore, extrui mandavit, nec non residuum ligneorum habitationum intra septa murata ab Antecessore suo, à parte Cæmeterij dejecit, & in Cameras latere cocto distinxit. Domos, & lapideas, in Civitate & extra multiplicavit, & per hoc proventus & census augmentum fecit. Præterea per æni memoriæ sui laboris & cõmuni suorum famæ consulens, tres Tomos Concionum, scilicet unum de Salvatore, duos de Domina Nostra, typis mandavit. Tantæ autem pietatis in subditos fuit, ut eis sublevandis 15000. florenorum Poloniarum expenderit, & ne



& ne post fata aliquid molestiæ paterentur, Coadjutorem suum electum (anno 1666. die 18. Maij) multis sermonibus ad pietatē super illos obtestatus est, ipse 7<sup>to</sup> post, anno scilicet 1673. diuturno cōsumptus morbo ultimā clausit diem 23. 8bris. Hic iterum, etiam post fata reviviscit encomium. M. Prælati Martini Kloczynski in *Successore post se relicto insigni Viro*, ut prosequitur modò allegatus à Nobis Samuel Nakielski, *omni disciplinarum genere excultissimo, R. D. Hyacintho Liberio Casimirano, S. Th. D. Cujus cum jam antea vitam ac mores religiosos. Divinis mysterijs addictos, præsertim in saluberrima Cælestis doctrina ad populum functione, optimè perspexisset, videns ab ipso statim Religionis ingressu, ingenuum ac bonæ indolis adolescentem, in quo elucebat virida erectaq; ac generosa per omnia mentis indicium, primum domi apprimè literis excultum, postea ad exterarum Nationum nitidioris expoliendæ ingenij gratiâ, proprio sumptu ablegavit, qui aliquando Ordini sancto usui & ornameto esset. Demum bonis ut ajunt avibus, ab exteris in Patriam reversum, adhuc superstes, Successorem nominavit, monens & adhortans, ut dignitati & honori, omnem sollicitudinem religiosa discipline, & curæ domesticæ, rei q; familiaris conjunctam præstaret. Cujus ille votis ac monitionibus Paternis dignè per omnia respondens, in regendi facultate non aberravit à pijsimo suo Manuductore.*

CXVII. Victorinus Wereszczynski XIII. Præpositus ejusdem Canonice. Cui etiam præter Nobilitatis genus, rerum gerendarum experientiam, connaturalis speciei dignæ imperio præstantiam, & competentem scientiam, non defuere merita ad honorem Prælaturæ. Cum enim calamitates diversæ ex occasione incursionis Sueticæ de anno 1655. totam præmeret Poloniam; ipse pro innata virtute & prudentia, adversa omnia generoso pectore ferens, exulceratis rebus medelam adhibuit, & in absentia Prælati, qui se cum thesauro Ecclesiæ in Silesiam subduxerat, tam strenuè Oeconomatus officium quàm Coadjutor obivit, ut inter illud difficultatum chaos, jam altioris gradûs munus expleverit dexterrimè. Postquam autem regiminis clavum obtinuerat à Religione, cæteras virtutes excolere, & in subiecto sibi populo radicare cepit. Ille etenim per omnes Particulares Conventus Horas Canonicas, alioqui privatim ab unoquoq; dici solitas, in Oratorijs clara & distincta voce, cum pausa, ab omnibus simul, recitari præcepit, addito in fine uniuscujusq; horæ: *Sacrosanctæ &c.* Ille primus de manè quotidianum Meditationis cibum, usualem fecit. Illius etiam tempore Recollectiones seu exercitia spiritualia, per octiduum practitari ceperunt. Ille præterea à primis duobus, nec latum unguem recedens, in omnibus observantiam regularem scrupulosè tenuit. Et licet in verbis rigidus videretur, pollebat nihilominus insigni pietate in pauperes, & summa vitæ integritate. *Decorem Domus Dei diligebat, quàm abundè in omnibus providebat, pariter & Fratrum necessitatibus paternè subveniebat. Apparatum Ecclesiasticum prout & suppellectilem argenteam notabiliter auxit, & Ecclesiam vacillantem in fundamentis, lecto lapide circumcirca obduxit & firmavit. Novitiatus locum primus designavit* (prius enim Fratres promiscuè cum Pa-



96 De Congregatione Cracovien. Canonico. Reg. Lat.

tribus cameras incolebant) & pro Novitijs cellulas multiplicavit, quibus separatis à Patribus, clausuram apposuit. Pro suo suorumq; Successorum majori commodo Cameras muratas in horto, dejectis ligneis erigi fecit, & symbolis alijsq; picturis exornavit. Bibliothecam ex novis & selectis Authoribus concinnatam, quæ vulgò Prælatialis vocatur, magnis sumptibus comparavit, præsertim in Jure utpotè studiosissimus Sac. Canonum Indagator & Observator, nec non acerrimus defensor Jurium Conventus, & qui quod suum est unicuiq; reddere satagebat. Multa ædificia, in & extra Civitatem Casimirien. adauxit, plurima restauravit, *misèriam inopum, & pauperum* subditorum sublevando. Ejus temporibus Conventus Clobucen. autoritate ordinaria in visitatione immembratus est Conventui SS. Corporis Christi Casimiræ ad Crac. quem in vita sua dictus Prælatus, plus quàm annis 13. per suos Religiosos administravit, de quo paulò inferius. Tandem consumptus angoribus magis, quàm senio confectus, ut pote qui vix 66. attigit annum, obiit 1694. die 14. 9bris.

CXVIII. D. Michael Mathias Rusiecki S. Th. in Universitate Cracoviensi Doctor XIV. Præpositus ejusdem Collegij, similiter ut Antecedanei sui, ob præclara merita in Congregationem Cracovien. ad culmen honoris est evectus. Cum enim in Studio Olomucensi Sac. literis apprimè fuisset instructus, reversus ad Domum Professionis, in utraq; Cathedra dexterimè per aliquot annos laboravit. & eo ipso tempore cultum Divinum in Ecclesia DEI sollicitè promovens, Confraternitates SS. Corporis Christi, sç; Vulnerum Christi, & Annuntiatæ Virginis sub Tit. *Literatorum*, ordinatissimè restauravit, hoc præsertim unicè intendens, ut quemadmodum aliæ Religiones promovènt devotionem SS. Rosarij, Scapularis &c. sic Nostra Congregatio Crac. tutelam quasi ageret sç; Vulnerum Christi, simili obsequio. Easdem Confraternitates multa pretiosa suppellectili per varios Benefactores exornari curavit, & ad eas promovèdas devotis animis subministràs spirituale pabulum, Librū intitulatum: *Tres Fontes*, notabiliter auctū affectuosissimis preculis, edidit; nec non pro quolibet mane cantandum à populo Officiolum aliquod, vel Coronulam de sç; Christi Vulneribus, cum Primaria Missa, ipse primus disposuit. Absoluto studio Visitator Commissarius pro M. D. Lituaniæ electus, observantiam Regularem diligentissimè in vigore tenuit; tandem post triennium Præpositus Stonimen. Conventus, creatus, multa bona illi loco per novennium in ædificijs alijsq; incrementis, non minùs spiritualibus ac temporalibus, præstitit, ipse velut *Luminare majus* in illa Provincia, fama, honore, dextentate, cæteris prælucens. Promotus deinde ad Metropolitanæ Conventus Regimen Vilnæ in Antocollo, nondum consummatum muro Monasterium, in Cameras & Officinas distinxit, & ex loco veteri, Patres illuc transportari curavit. Tandem in Coadjutorem Cracovien. Præposituræ assumptus, post 13. Menses vita functo Coadjuto, Prælatiale munus suscepit, quod integris 12. annis completissimè administravit, ita ut absoluta anniversaria suæ Electionis.



etionis die quæ fuit 6. sbris. anni 1693. 7ptima occubuerit. 1706. repentino mortis ictu scilicet trium dierum febris maligna extinctus. In Prælatūra tantummodò partem Monasterij ad venustiorē formam redegit propter ingentes contributiones, & omnigenas calamitates Patriæ. Speculationi autem tantopere affectus fuit, ut velut natus ad Cathedram Doctōr usq; ad senectam & senium, 72. cum esset annorum, semper cum summo plausu domi forisvè, in publicis disputationibus decertaret.

### III.

*De Conventibus Particularibus Canonorum Regularium Lateranensium, Congregationis Cracoviensis.*

CXIX. Antiquitas Congregationis Cracovien. haud postremum est ejus excellentiæ, inter cæteras commendationes argumentum. Vix namq; erexerat Caput anno 1405. non multò post in membra coalescere cæpit; siquidem post 46. annos ab erectione principalis Ecclesiæ in Conventualem, juxta dicta sub Num. XCIX. Conventus Curosuacensis eidem Congregationi Crac. initium dedit. *Fundatus enim erat supra firmam petram* (quæ supereminet cuidam stagno vastissimo ad radicem Oppidi Kurozwęki nuncupati, ex adverso respiciens duas Aulas in planitie, muratam unam coævam Ecclesiæ, alteram ligneam, ab aliquot hinc annis extructam) à Petro de Kurozwęki Thesaurario Regni. Qui ut obloquitur Erectio illius Conventus, *Ecclesiam sub cura unius tantum Parochi secularis constitutam, volens pluribus Sacerdotibus doctrinâ & regulari observantia eximij, exornare, Canonicis Regularibus Conventus Casimiriensis regendam commisit, anno 1451.* Et licet ejusmodi locum commodè providerit, nihilominus propter vicissitudines, quas idem Conventus passus est à Sectarijs, ut tactum sub Num. CVIII. in fin. & sequ. quia non de toto restituti sunt ei fundi, & aliæ attinentiæ, idcirco his præsertim calamitosis temporibus, vix potest sustentare 7ptem Canonicos.

Tribus exposit annis Conventus Ciobuciensis fundatus est in Oppido Klobucko, pariter Dioecesis Crac. anno scilicet 1454. Qui licet novissimè de anno 1700. per sententiam Sac. Romanæ Rotæ, abscinderetur à Generali Conventu Crac. (ex quo Fundator illius, qui fuit Casimirus III. Rex Poloniarum, M. Jagellonis Fundatoris Cracoviensis Conventus, Filius, & Pater Divi Casimiri Confessoris, voluit eum esse sui juris, ac Pater suus Cracovien. Conventum) quia tamen primi Patres, ut tactum sub Num. CIV. fuerunt assumpti cum Præposito, ex sæpefato Conventu Crac. ad plantandam illam Coloniam, & cum tempore Jus visitandi in eos acquisierunt, ut liquet ex Instrumento authentico pro visitatione illius Conventus directo Hyacintho Liborio Generali Præposito, ab Illustrissimo Andrea Trzebicki Episcopo Crac. quod asservatur in Archivo Principalis Conventus: præterea multoties per Nostros Cracovienses diversis temporibus (& quidem liberè datis sibi cervicibus) administrabatur. Ultimò de anno 1679.



98 De Congregatione Cracovien. Canonico. Reg. Lat.  
reunitus eidem Cracoviensi Conventui, per decretum Loci Ordinarij in actu visitationis, viginti annis integris Jurisdictioni, Visitationi, quoad Caput electioni, quoad omnia, omnigenæ dispositioni Principalis Conventus fuerat subjectus, & de quo adhuc sub Judice lis est; meritò proinde integrare videtur Congregationem Cracovien.

CXX. *Conventus Crasinicensis* ab Oppido Krasnik dictus, similiter in Diœcesi Crac. fundatus à Joanne de Teczyn, anno 1468. assumptis primo Præposito cum Patribus ex eodem Conventu Crac., & hoc circumscripto in Ereptione, ut Conventus Crac. habeat Jus visitandi in illum Conventum, relicta illis libera electione Præpositi si haberent idoneum, juxta obloquentiam Fundatoris in dicta Ereptione. quod si non? contrarium disponitur ibidem: *Si autem inter eos idoneum pro Rectore non haberent, ex tunc ad Patres suos ad Corpus Christi, tanquam ad suum nidulum unde originem traxerunt, ipsis Virum idoneum in ipsorum Prælatum postulare debent, &c.* Factum est circa annum 1630. quòd Præpositus illius loci fuerit delatus in quibusdam ad Loci Ordinarium Crac. Martinum Szyszkowski, & quòd ille Conventus non habuerit idoneam personam ad regimen Ecclesiasticum; proinde Episcopus jussit sibi afferri Ereptionem, quâ visâ & ibidem deprehenso, quòd Prælatus Crac. habuerit potestatem visitandi illum Conventum, vocavit illum ad se, & de neglectu sui Officij monuit illum, & ut quantocys se expediret ad illum visitandum mandavit pro tunc Martino Klocinski, qui Superiorem illum uti ineptum & inhabilem dejecit, & suum Professum in Præposituram suffecit, pariter pro Concionatura in locum Minoritæ, quem alebant inter se, alterum Professum Cracoviensem substituit, & ab hinc usq; modò agglutinatus manet constanter Conventus ille, Conventui Cracoviensi.

CXXI. *Conventus Bychoviensis* primus in M. D. Lithuaniae, veriùs in Russia Alba, versus Moschoviam Diœcesis Vilnensis, accessit Congregationi Cracoviensi anno 1619. Qui in hoc quoq; primatum tenet, quòd insignem Sago & toga Fundatorem habuerit, Illustrissimũ D. Carolum Chodkiewicz Palatinum Vilnen. Supremum Ducem M. D. Lithuaniae; qui amore Orthodoxæ Fidei ex consensu Regio ademptis certis possessionibus Schismaticis Kijoviensibus, qui in suis divitijs confidentes in perniciem animarum & Patriæ illis abutebantur, Canonicos Regulares ex Conventu Generali in Fortalitium Bychow introduxit, & tamdiu protectionis suæ munimine ibidem defendit, donec auctoritate Joannis Casimiri Regis Poloniarum, inter dictos Canonicos & Disunitos, de præactis possessionibus controversia finiretur. Quæ quia aliquamdiu duravit, ingeneraverat Patribus fastidium, ita ut in disceptationem in Capitulo Generali de anno 1628. sess. 5. veniret: *Virum Bychoviense Monasterium sit retinendum?* Major pars conclusit retinendum esse; potissima verò persuasit ratio ex fine victoriæ, cujus aliqualis spes affulgebat. Nec fefellit spes; Principem namq; locum penes arcem muratam, versus Boristhenem fluvium, in illo Fortalitio possederunt, amœnissimum quidem ex Valle altissima, prospectu, sed

vacu-



vacuum decentibus structuris, quousq; cum tempore non érexit muratam Domum pro Canonicis, D. Joannes Chrisostomus Borkowski Præpositus, circa annum 1640. quàm feliciter modernus D. Præpositus post conflagrationem ab oppugnatoribus Fortalitij, quæ accidit anno 1702. cum omnibus attinentijs restauravit & primum lapidem pro Ecclesia murata, hoc ipso quo scribo, anno, posuit.

CXXII. *Conventus Cremenecensis* similiter in M. D. Lituaniæ Diocesis Vilnen. anno 1620. fundatus est ab Illustrissimo D. Nicolao Wolski Castellano Witebscensi. Locus quidem paulò remotus est ab hominum conversatione, & circumstantibus pagis, sed Nobilis residentia & dote dives, ita ut Ducatus Nomen nancisci mereretur. Ad hunc etiam Conventum assumpti sunt Patres ex Cracoviensi Colonia, cum expressa in Erectione, nota, quæ illum affiliare decernit dicto Generali Cracoviën. Conventui, & ab illo perpetuis temporibus vult dependere.

*Conventus Suchensis* à Pago Sucha, sex milliaribus à Cracovia distante, vulgò nuncupatus, alioqui à Visitatione B. MARIÆ in Hebron dictus. Fundatus est anno 1624. ab Illustrissimo D. Petro Kumorowski Comite in Liptow & Orava, Capitaneo Oswiecimen. ex occasione agnitæ gratiæ à Nostro B. Stanislao Casimiritano, quam typis mandavi in lib. *vita ejusdem Beatr. part. 2. §. 192.* & est talis: venerat hic Dominus Cracoviam quærens medelam oculo sinistro, infirmo, qui ex nativa sibi sede ita elapsus est, ut illum fascia ligare necessum fuerit. primâ nocte Cracoviæ antequam daret opem inutili membro, somniavit se vidisse B. Stanislauum Casimiritanum in habitu suæ Religionis, hæc vel similia dicentem sibi per somnium: Si vis salvus esse surge & visita sepulchrum meum, & ibi invenies perfectiorem medelam, quam tibi Medici dare non possunt. Qui illico evigilans sensit levamen in oculo, & mane facto, deferri voluit ad designatum voto locum, ubi majorem expertus est sanitatis corroborationem. Finita devotione ad *Sanctum Domini*, contulit cum Præposito pro tunc magni Nominis Martino Klocinski de Fundatione, quam extemplo incepit, & anno supradicto complevit. Porro locus ille notissimæ venustatis est, inter montes quidem altissimos, sed amænissimos, gazis rusticanis & gregibus pecudum variegatos. Fluminum impetus ab utraq; parte lætificat illam Canoniam; Gæmeterium nativa planities & latitudo exornat, & in eo 7ptem Capellæ, in honorem 7ptem Divæ Matris Dei gaudiorum, debitâ symmetriâ dispositæ, majestatem addunt Ecclesiæ. Præterea amplissimū muratum Palatiū cum tot adjacentib; ædificijs, in prospectu, amænitatem augēt Convētui, qui mediocriter pro sex Canonicis provivus est, annexâ eidē perpetuò Krzeszov. Parochia, unâ legâ distante à Monasterio, ad dicti Prælati instantiam.

CXXIII. Postero anno, hoc est 1625. Conventus Vilnensis in Antocollo (quod est Suburbij Nomen) initium sumpsit, prout indicat Polonico idiomate Inscriptio, incisa, in fundamentali ingentis magnitudinis petra Capellæ B. V. MARIÆ de Gratijs, quæ est talis: *DEO*



100 De Congregatione Cracovien. Canonicoꝝ. Reg. Lat.

in SS. Trinitate Unico, Deipara Virgini MARIE, & S. Petro & Paulo Aposto-  
 lis Tutelaribus hujus loci &c. sit laus & gloria. Hic lapis brevem exponit pe-  
 rennis memoria historiam: Tempore Paganorum fuit in hoc loco delubrum Deorum  
 (Pantheon dictum, ut notat Strykowski historiographus M. D. Litv.  
 lib. II. Cap. 4. ad fin.) quod sustulit Gastoldus Palatinus Vilnen. Nomine Pe-  
 trus, & in honorem S. Petri Apostoli, ligneam extrui fecit Ecclesiam, quæ com-  
 busta est anno 1595. hinc per annos 15. deerat Ecclesia. Tandem anno 1609. R.  
 Petrus Korkonos Vicarius ad S. Joannem Vilnen, iterum ex eleemosynis pi-  
 orum, pariter ligneam extruxit ædiculam. Post ejus decessum intraducti sunt  
 Canonici Regulares per Illustrissimum Eustachium Wollowicz Episcopum Vilnen.  
 anno 1625. Anno vero 1668. die 29. Iunij, primum lapidem pro Ecclesia SS. Petri  
 & Pauli Illustrissimus Alexander Sapieha Episcopus Vilnen. posuit, sub Clemente IX.  
 Summo Pontifice, regnante Ioanne Casimiro Rege Poloniarum, murata tota à fun-  
 damentis, impensis Illustrissimi Michaelis Pac Palatini Vilnen. Supremi Ducis Exer-  
 cituum M. D. Litv. & nova dotatione provisa. Qui transis Lector, Fundatori  
 istius Domus Dei sub limine ejus quiescenti, apud Dominum DEUM eternam  
 mercedem precare. Hæc Paræcia adeò tenuis proventus erat, ut ne qui-  
 dem duos Canonicos alere potuerit. ideoq; deferere eam voluerunt  
 (præsertim frustrati spe foundationis, per obitum præmaturum dicti  
 Episcopi Wollowicz, qui eos providere & dotare decreverat in Instru-  
 mento Consensus sui in foundationem dicti Conventus) nisi illos Ca-  
 pitulum Generale celebratum Cracoviæ de anno 1628. Sess. 5. solidas-  
 set, imponens onus Monasterijs Bychoviensi & Cremenecen. ut eos-  
 dem, quousq; non providerentur ex alto, sustentarent.

CXXIV. *Respexit tandem Dominus Petrum lachrymantem*, hoc est il-  
 lam Ecclesiam S. Petri stillicidijs patentem, & omni humano caren-  
 tem subsidio, & mirabiliter misertus est paupertatis ipsius, in tantamq;  
 exivit magnificentiam & temporalium sufficientiam, Conventumq;  
 in gentem magnam & multam fecit, ut nisi de Jure (cujus in Manu-  
 scripto volumine meo, Sac. Rom. Rotæ Processum relinquo) depen-  
 deret à Conventu Generali Cracovien. vulgò Casimiriensi ad Crac.  
 ipse posset Primas & Caput cæterorum Conventuum appellari. In-  
 crementabatur autem, & quidem mirabiliter; nam cum quadam die  
 Illustrissimus Fundator Michael Pac. intrasset illam D. Petri ligneam  
 ædiculam, & pertransiens advertisset in vestibulo, inter frustra ligno-  
 rum, truncatam Crucifixi sine naso, sine manibus & pedibus, Imagi-  
 nem, sensit illicò introrsum quendam compassionis affectum, quod  
 quæ antea passus est in corpore, nunc sustineat in sua figura. Pro-  
 xima nocte somnians in adjacente Palatio ædiculæ illi, vidit eun-  
 dem Crucifixum loquentem sibi hæc vel similia: *Non turbetur cor tu-  
 um, neq; formidet* (fuit enim tunc in tribulatione magna à tumultuante  
 Exercitu) tu me exaltaturus es, & ego te vicissim exaltabo super ini-  
 micos tuos. Aderat tunc in illa ipsa Camera dormitans alter Domi-  
 nus, familiaris suus qui ista secreta cuidam e Nostris Semiculo, (à quo  
 egomet ipse audita habeo) revelavit Christophorus Bialkozor M.  
 D. Litv. Vexillifer, & S. R. M. Colonellus, ex quo quærens supremus  
 Dux



Dux dormiretne an non? cū obaudisset non dormire, narravit illi omnia ex facto, quæ somnians vidit & audivit, & quidem 2do & 3tio. eā ipsa nocte, quā re manifestè monitus est quid illum DEUS facere velit? Ex tunc amplificandæ foundationis votum concepit, & manè facto Antocollen. Præpositum ad se accersiri jussit, illiq; pro cumulanda fabricæ materia, 70. millia florenorum Polonicalium, obtulit, obligans eundem secretò ne cuiquam diceret: Supremum Ducem Exercitūs, impensas ejusmodi facere. Sed quia tam larga elemosyna diu latere non potuit, eò præsertim, quòd omnibus notum fuerit pauperem esse illum locum (quanquam jam tunc habuerit sibi applicatum unum pagum Jakientany nuncupatum, per dispensationem Capituli Generalis Cracoviæ celebrati, de quo inferius *sub Num. CXXVIII.*) palam per se foundationem promovit, Episcopum Vilnen. pro tunc Alexandrum Sapieha, ad imponendum primum lapidem Ecclesiæ invitavit, Architectum ex Italia, quendam Frigidianum Lucensem conduxit; Stucatores duos Petrum Perti Mediolanen. & Joannem Baptistam Galli Romanum, nec non Pictorem Martinum de Alto monte, cæterosq; Opifices ad Altare majus crySTALLINUM fabrefiendum, non dubium quòd magnis impensis advehi curavit, & excellentissimum vas, (velut quoddam Templum Dianæ, Orbis Lituanici miraculum, ita ut qui Vilnam veniunt admirari omnes cogantur,) fieri fecit, quanquam invidente eum Nobis Libitina, quoad multa *decorem Domus D E I* concernentia, vitā cedens, non perfecit, ingenti mærore non dico Nobis, non dico Religiosis Ordinibus, qui omnes elemosynarij ejus erant, sed omnibus omnino Ordinib<sup>9</sup> M. D. Lituanix affectis, quæ amisit singulare suum Decus & Præsidium; imò totius Reipublicæ Polonæ, quæ perdidit optimum Civem.

CXXV. Fuit hic Dynasta de Nobilissima Familia Florentina de Pazzis, cognatus ipsis Cælitibus in Maria Magdalene de Pazzis, quam ille in memoriam suæ originis, inter omnes Imagines sui Oratorij in Palatio Antocollensi, pro Principali super Altare semper habuit, & perpetuo cultu & cælibatu venerabatur; nos verò gratæ mentis gratiā usq; modo sanctè custodimus. Multa præterea sunt quæ hunc Magnatum Principem, canonizare possent; sed ne videar indulgere adulationi, pro interim sufficiat encomium, quòd ipsi in Libro Benefactorum defunctorum in hæc verba quondam apposui: *Illustrissimus D. Casimirus Michael Pac Palatinus, Vilnensis Supremus Dux Exercituum M. D. L. pro Aris & Focis plusquam Alcides seipsum, & sua non rarò exposuit. Acerri- mus justitiæ vindex, adeo militarem licentiam composuit, ut quemlibet ex profano Christi militem judicaret. Ipsemet in vita religiosissimus, Religiosorum magnus a- mator, quos beneficā manu irremisse recreabat; ad extremum pane lachrymarum 3tia Aprilis exsatiavit 1682. Vilnæ in Litvania. Quam velut alter Ionatas plan-ctu magno replevit, ut meritò ipsi lemmiscum tale scripserit Academia Vilnensis: Plangit Litvania Patrem. Omnibus diuturnam, Nobis perennem memoriam reliquit, quando & exuvias Nobilissimi sui corporis, in pignus amoris Nobis obtulit, & velut Diana Templum super Petram Apostolicam extrui curavit. Nec illud*



102 De Congregatione Cracovien. Canonico Reg. Lat.  
videtur ineptum, quo honoravit illum appingens Imagini suæ Nostra  
Generalis Cracovien. Canonica: *Patria amorem, Hostes fortitudinem, Nos  
pietatem*, subintelligitur Ly deprædicamus. Porro Antocollensis Ba-  
silica varijs abundat raritatibus, inter quas pro principali pono Ima-  
ginem S. MARIE de Gratijs, pulcherrimam & devotissimam, quæ  
singillatim utraq; manu sagittarum manipulos comminuit, & ideo  
æmulos terret, clientulos suos fovet, & multis prosequitur favoribus,  
probatissima Præservatrix pestilentium.

CXXVI. Ibidem æstimo Sanctorum insignes Reliquias & eas  
vel maximè, quas secum attulerat Româ Confraternitas sq; vulnerum  
D. JESU, anno Jubilæi 1675. quæ sola velut unica phænix ex Ultra-  
montanis, tunc aderat ibi, ideoq; maximo cultu in Porta Urbis vul-  
gò *Del Popolo* dicta, ab ArchiConfraternitate S. Laurentij in Damaso, su-  
cepta, & rectâ ad Vaticanum conducta, deinde ad certum Palatium  
pro respiro destinata, ubi per 15. dies omnigenâ commoditate provi-  
sa, multisvè gratijs & Reliquijs ab ipso Papa donata, remeavit ad pro-  
pria. Extat hujus facti in dicta Antocollensi Ecclesia præter alia,  
monumentum, scilicet Vexillum quasi militare cum effigie D. Micha-  
elis Archangeli, in favorem illustrissimi Fundatoris comparatum Ro-  
mæ, de cujus religiosissima Aula, plures illam sanctam peregrinatio-  
nem & companiam associati decorarunt. Quantum ad locum illius  
Conventus, inter omnes Civitati Vilnensi adjacentes, amænissimus est,  
frondosos colliculos ex una, fluvium navigabilem Vilia dictum, ul-  
tra quem, planitiem distinctam raris ædificijs ex altera, in prospectu  
habens; tandem ex alia parte Civitas Vilnensis exhilarat faciem Tem-  
pli, ex alia Conventum exornat superbissima Magnatum residentia,  
cum contigua PP. Trinitariorum Ecclesia, alijsq; diversissimis domo-  
rum, collium, nemorum, aquarumve varietatibus.

CXXVII. *Conventus Voluranensis* initium sumpsit à Martino Vol-  
uram (sic dicto à Patria) Actuatio Consistorij Cracovien. Parocho Dzie-  
rzaznen. qui videns Parochiam patriam, planè derelictam præ inopia  
(cujus Possessor ultimus R. Gauda cum non haberet competentem  
subsistentiam sed tantum aliquam partem agrorum, illos quidem lo-  
cavit incolis, & ipse in affiliata Dłuzecensi Parochia habitavit, propter  
quod Oppidum Voluranen. magnam incommoditatem, & multa a-  
nimarum detrimenta subivit, quibus juvandis ut plurimum obvios  
Presbyteros cognati & noti invitabant) *misericiordiâ motus super illam*, sup-  
plicavit S. R. M. pro tunc Sigismundo III. ut Nostris Canonicis Jus-  
Patronatus donaret, quod & factum, & ipse à Loci Ordinario Craco-  
vienti, tunc Joanne Alberto Principe Poloniæ consensum incorporati-  
onis Congregationi Nostræ Crac. exposulavit & exportavit, anno  
1630. & in vim foundationis, Conventualis Domus, sexdecim millia  
florenorum Polonicalium inscripsit, in subsidium provisionale etiam  
cessione obtenta Dłuzecensis Ecclesiæ veluti Filix ex antiquo Vol-  
uranensis Parochiæ. Locus ille commodâ residentia & alijs parti-  
cularitatibus insignis est, præsertim Sanctorum Virorum memoria &  
Reli-



Reliquijs venerandus, ubi ex Ordine Nostrum inveniuntur quinque corpora incorrupta, de quibus inferius *sub Num. CXXXVIII.* Lectorem informabimus. Auxit honorem sepulturæ loci illius præter multa corpora Nobilium pijsimus Fundator cum Matre & Sorore sua, nec non alij viciniore Parochi pariter incorrupti; quem etiam extremo halitu & spiritu, clariorem reddidit magnus ille Polonus Theologus, & Prædicator S. J. Pr. Thomas Młodzianowski anno 1686. die 9. sbris.

*Conventus Slonimensis* auxit Congregationem anno 1650. per Illustrissimum Leonem Casimirum Sapieha, Pro Cancellarium M. D. L. qui Illustrissimi Parentis sui continuans piam intentionem, nobilissimum & amplissimum vas Ecclesiæ, necdum finitæ nec dotatae dotavit & perfecit in Oppido Slonim, Diocesis Vilnen. unâ legâ distante à celeberrimo Zurovicen. Unitorum Monachorum Cænobio, propter miraculosam Imaginem Deiparæ. Ejusmodi Conventui Slonimen. accesserat cum tempore Parochia Darovien. quam Nostri Canonici per viginti plures annos administrarunt, in possessione dicta Darow, ad proprietatem Slonimensis Conventus pertinente, & insuper depopulantibus Moschis ferro & igne Lituaniam, post conflagrationem tam Ecclesiam quàm Domum Parochialem, de nova radice Nostri exædificarunt, & per hoc sæcularibus appetitum exacuerunt in illam, ita ut loco gratitudinis illam Nostri ademerint.

CXXVIII. Plures aliæ Foundationes eidem Congregationi Cracov. præsertim sub felicissimo regimine præconizati sæpius Martini Klocinski Præpositi Generalis per Poloniam & M. D. Litu. offerebantur in diversis locis, quas vel noluerunt acceptare Nostri, ob exilem dotem appromissam; ut in terra Scepusiensi contermina Germaniæ ab Illustrissimo Stanislao Lubomirski Palatino Cracov. & in Oppido Tarkow à Joanne Oleſnicki: vel non permisit Loci Ordinarius, ut in Oppido Myſlenice, ubi ad promovendum majorem cultum Deiparæ diversis gratijs famosæ, quidam Parochus offerebat sexdecim millia florenorum Polonicalium pro Monasterio Canonic. Reg. Nostræ Cong. Cracov. anno 1633. Similiter in Ducatu Masoviæ Joannes Szyszkowski Capitaneus Woynicen. dispositis omnibus necessarijs, & præparata omnigena materia ad excitandum pro Nostri Monasteriū, ad Ecclesiam Parochialem in Oppido Maciejowice morte præventus, prius vitæ finem, quàm fabricæ principium imposuit. Et in M. D. Lituaniæ Districtus Polocen. Josephus Korſzak Palatinus & Capitaneus Mscislavien. accersivit duos Canonicos ex Conventu Nostro Generali Crac. quos cum fuerit senio confectus & cælebs. penes se manere fecit, & vix non totius suæ fortunæ hæredes instituit; etenim Canonicis Nostræ Congregationis pro fundatione in Oppido Głębokie inscripsit quatuordecim pagos, & unum Oppidum cum titulo Abbatiae, sed ex invidia malis artibus Aulicorum, eò tandem deductus est senex, ut fundationem illam irritam fecerit, & ut Congregatio Crac. juri suo cederet, viginti quatuor milibus florenorum Polonicalium, Villam Jakientany nuncupatam emit, & egenti sustentatione & subsidio Conventui Vilnensi in Antocollo



104 De Congregatione Cracovien. Canonico. Reg. Lat.  
anno 1642. juxta obloquentiam Instrumenti super his, perpetuò applicavit. Quæ omnia dictus Præsul Martinus Klocinski approbans libenter acceptavit, tum ob loci distantiam, magis ex alijs internis rationibus. Ibidem in M. D. Lituanix in Oppido Polonka nuncupato D. Stephanus Brzuchanski Judex terrestris Stonimensis, excitatâ ædícula lignea cum Monasteriolo, voluit Nostros Lateranenses introducere, & ad hunc effectum supplicavit Prælato Cracov. S. M. Victorino Werelzczynski, qui perspecta tenuitate foundationis, gratias egit pro affectu in Religionem, sed munus oblatum noluit acceptare, prout ipsi PP. Dominicani fatentur, qui in locum Nobis destinatum, minime spectata subtilitate subsistentiæ, subintroierunt.

#### IV.

### *De Viris Sanctitatis gloria honoratis, ex Congregatione Cracoviensi Canonicorum Regularium Lateranensium.*

CXXIX. In præsentî §. explanatur primum & ultimum hujus II. Partis Schema, pro quo dilucidando adducemus (ut alias consuevimus) externorum, quæ nancisci potuimus testimonia. Et inprimis ad favorem B. Stanislai Casimiritani satis est allegare (præter ea quæ in Libro vitæ istius Beati, Polonicè impresso Cracoviæ anno 1702. præsertim 1. Part. Cap. 21. ex varijs Scriptoribus annotavi, & post impressionem Libri sequentibus annis ad calcem unius & alterius Exemplaris ejusdem Libri, multos alios Authores eundem Sanctum encomisantes collegi) Martinum Baronium Jaroslaviensem Clericum, qui in Libro vitæ ejus pariter Cracov. impresso, anno 1609. in Typographia Basilij Skalski, sic de illo copiosissime disserit: B. STANISLAUS Polonus originem suam duxit ex Casimiria quæ est contigua Cracoviæ Civitas honestis prognatus Parentibus, pietatēq; conspicuis Patre Machia Soltijs cognominato, textoriæ artis professore Consule Casimiriensi, Matre verò Hedvige femina devotissima. Nativitatem ejus, illustrem effecit solennis apud Polonos dies Translatione Corporis S. Stanislai Episcopi & Martyris, ex Templo supra martyrium exædificato, ad augustiorem Cathedralis Arcis Aedem. In eo statim à primis incunabulis mira quedam pietatis ac religionis semina emicuerunt. Nam, quàm primum per ætatem licuit Academia Cracov. bonarum artium ad disciplinarum gratia, à suis commendatus, tantos ibidem tamq; stupendos progressus brevi temporis spatio fecit, ut omnes æquales & coætaneos suos multis post se parasangis, cum admiratione haud modica Præceptorum, dereliqueret. Pulchram autem à DEO animam natus, animadvertens haud tutò scorpionibus cohabitari, religiosum vitæ genus sub Regula S. Augustini apud Canonicos Regulares Lateranen. magna animi cum aviditate amplexatus est. paupertatem Christi, vanis ac fluxis mundi pollicitationibus prudenter anteponebat.

In consortium itaq; servorum DEI receptus, tanquam lucerna supra candelabrum posita, vitæ sanctimoniâ, abstinentiâ victûs, multaq; reliquarum virtutum luce, ita subito splendescere cepit, ut superiores virtutibus ejus impulsus sine mora illum primò in Ordinarium Verbi Divini apud Conventualem Ecclesiam suam



Præconem, paulo post quoq. sac. pagina ad Fratres suos Lectorem publicum, ac deniq. ita urgentibus maximis ejus meritis in VicePriorem Conventus Corporis Christi, unanimi consensu adoptarent. In quo dignitatis gradu constitutus, quàm uberem messem animarum tum ignitis ac zelosis concionibus, tum sancta & exemplari vita, apud concives suos collegerit, dici vix potest; nec enim ita in proclivi positum reor exactum in via numerum eorum, qui doctrina ipsius, sanctaq. conversatione ex scelerum ac flagitiorum lacunis, extracti, ad salutarem penitentiam veramq. vite emendationem traducti sunt. Ea quippe præpotentis DEI gratia super illum luculenter irradiabat, ut omnes amabili quadam ac per jucunda morum ipsius suavitatem illecti, eum tanquam communem Parentem plusquam filiali affectu prosequerentur. Hinc factum est ut quotquot essent tum vite instituto, tum morum consonantia ipsi persimiles, minime sese à calore amicitie ejus abscondere valerent, quin subito dexteris illi concederent, sanctaq. laborum ac consiliorum communionem, ipsum ad opus Evangelij instantius perurgendum fortiter instigarent. &c. &c.

CXXX. Beatus hic Stanislaus Noster supra reliquarum virtutum cumulum, mirâ insuper solertiâ ac vigilantia præditus fuit, quoq. se ab humanis laudibus occultaret facilius, noctu singulas infirmorum Fratrum cellulas adibat, & benedicens ipsis signo S. Crucis in osculo pacis, ac solatia spiritualia, sanctaq. monita ipsidem impertiens, subinde hac & similia repetens verba: Fratres charissimi, oportet Nos per multas tribulationes introire in Regnum Cælorum. Necessaria quoq. si opus erat, opportune illis ministrabat. Eandem quoq. consuetudinem in visitandis secularibus egrotantibus, haud segnius usurpabat; omnibus enim debitorem se arbitrabatur, nulli quantum ab ipso erat subtrahens viscera compassionis, & vite documenta salubria.

Nocte indutus cilicio, nuda humo incubans, somnum capiebat supposito Capiti, loco cervicalis, saxo durissimo. brevi degustato somno, iterum surgebat ad pernoctandum in Oratione sancta, DEIq. justificationibus sese exercendum instantius. Diebus quoq. solenni jejunio ab Ecclesia dictis, frequenter conspectus fuit abjecta tunica, sacco tantummodo indutus incedere. Integrâ hebdomadam bina solummodo refectione in pane hordeaceo ac aqua frigida terminare, dimensum suum quotidianum; residuum pauperibus largâ manu interim distribuens.

CXXXI. Tam rarâ vigilantia præditus fuit, ut nocturnas Fratrum Vigiliâs, unus omnium semper anticiparet, nonnunquam quinquagenos, sæpe etiam integrum ex ordine Psalterium ante Matutinas expediens. Cibus nonnisi flexis genibus, ac Oratione Dominica pro vivis & defunctis recitata, capiebat. Spiritum suum assidue scopebat meditatione sancta, statuens se in conspectu Domini & B. MARIE Virginis, cui singulari quadam devotione addictus erat. Hinc cum aliquando in Ecclesia S. Stanislai, loco, ubi Martyr Christi pro veruatis & Ecclesia DEI defensione trucidatus fuit (habebat enim hoc in more positum, ut singulis feriis sextis quoad viveret, sepulchrum Christi Martyris devotè visiteret) insolito quodam spiritus impetu correptus, preces suas ferventius perageret, meruit videre gloriosam Virginem MARIAM, puerum IESUM brachijs suis claudentem, stipatam glorioso Episcopo & Martyre Stanislao, Pontificalibus solenniter induto, concomitante insuper innumerabili Sanctorum cohorte, in hac verba eum compellantem: Gaudeo Fili Stanislac de insigni ista devotione tua, quâ me unâ cum S. Stanislao Patrono tuo indefinenter prosequeris; idcò ti-



bi dico, viriliter age, & esto robustus, te enim cum Sanctis meis merces copiosa expectat in Cælis. hisq; dictis disparuit. Ex qua die ita stricte silentium observare visus est, ut à Completorio usq; manè alterius diei, nonnisi Prima peracta, nullus unquam ex ore ipsius elicere verbum potuerit; quâ absolutâ Causarum audientia se dabat, aut si ab his vacare contingeret, usq; dùm tempus Missæ appropinquaret, eloquijs Davidicis, solitarius cum DEO confabulabatur. Quotiescunq; sacris Altaribus astitit oblationem peracturus, nunquam homini verbum locutus noscitur. Sacra Synaxi peractâ aut labori manuum se dabat, aut de scripturis sacris cum sibi charissimis Fratribus conferebat. Hisq; & similibus sanctis exercitijs deditus, nè utiquam tamen consuetum prædicandi munus intermittebat, docens, increpans, obsecrans, cum multa humilitate & patientia. Verba autem ad populum faciens hæc inter alia frequenter iterare solebat: Tu qui Missam audis & à fine recedis, nulla tibi merces datur, quia laus Divini Officij in fine probatur.

CXXXII. Deniq; multis pro Christi Nomine exantlatis laboribus tandem in gravem infirmitatem incidit, quâ ob exhaustas nimâ abstinentiâ, ac vitæ rigore vires, de die in diem magis invalescente, à Domino se ad requiem vocari, haud obscure persentiens, ingenti lachrymarum imbre effuso, Divina sese misericordie ac protectioni ferventissimis precibus commendare capit. Cui ita in Oratione posito subito apparuit Dominus & Salvator Noster, unâ cum gloriosissima Virgine MARIA ac multis Sanctis Regni præsertim Polonia Patronis, blande illum hisce verbis compellans: Surge & festina Fili mi Stanislae, hodie enim tecum eris in Paradiso. Quo exoptato nuntio percepto, subito de lectulo sese proripiens, sine mora Sacramentis Ecclesiæ præmuniri voluit, quibus rite & ex ordine summa cum devotione perceptis, convocatis Fratribus suis in Christo charissimis, pacisq; osculo salutatis erecta manu eisdem benedicens, manusq; singulis imponens in hæc verba ejusdem valedixit: Benedicat vos D. DEUS Noster, Pater, & Filius, & Spiritus S. Amen. Et det vobis suam sanctam pacem, charitatem perfectam, conversationem sanctam, & pios mores, insimul omnibus in sæcula sæculorum, Amen. Quibus dictis prostratis in terram genibus, manibusq; in formam Crucis expansis, fixis in Cælum oculis, castissimam animam DEO commendavit, ultima verba hæc emittens: Domine JESU Christe, Fili DEL vivi; In manus tuas commendo spiritum meum. sicq; animam D. DEO reddidit. 1489. 3. Maij. sepultus est cum summo honore & timore Domini, cum gaudio & letitia omnium, non sine miraculis ibidem Casimiriæ in Ecclesia SS. Corporis Christi apud suos Fratres &c. Incidit ejus obitus in tempora Leonis Papæ X. Maximiliani I. Romanorum Imperatoris, Casimiri IV. Regis Polonia, atq; Friderici S. R. E. Card. Episcopi Cracoviensis, & ArchiEpiscopi Gnesnensis ejusdem Casimiri IV. Regis Polonia Filij &c. Cujus Epitaphium in Sepulchro ipsius ex antiquo & oblitterato caractere, eâ quâ potuimus fide collegimus, & suis numeris reddidimus.

Hoc conclusa latent Divi Patris ossa sepulchro

STANISLAI, hæc Casimiriæ de gente creati.

Cujus erunt meriti, miranda eterna trophæa.

Hic sequuntur 38. beneficia seu gratiæ ad intercessionem istius Beati, populo credenti exhibita, cum Antiphona, ab eodem Authore edita, quæ sequitur:

Ave



*Ave lux vita Canonica, DEI Confessor mirifice,  
 B. Pater STANISLAE, stella refulgens Casimirae.  
 Gloria Tu Polonorum, Tu decus Canonorum.  
 Quos Regula sancta fovet, atq; Summo DEO vovet,  
 Cujus Divus Augustinus, post DEUM Author est primus.  
 Vir omni lingua laudande, toto orbe predicande,  
 Qui das lapsis relevamen, qui das infirmis juvamen.  
 Tu pro nobis intercede, ut Caelesti nos mercede  
 Ditet DEUS cum Bearis Regna sua faustitatis. Amen.*

**CXXXIII.** Qui autem plura de hoc Sancto pietatis & doctrinae documenta nosse percuperet, videat si potest Theologicas Theses meas: De Incarnatione Christi. De Divina Gratia. De Peccatis. De Poenitentia. De Jure & Justitia. imò & ex Philosophia universa; ubi sensum speculativum Conclusionum, cum sensu Morali Actionum istius Sancti, permistim internectens publicis Disputationibus in Nostra Canonica Casimirae ad Crac. exposui, & à Doctorebus diversarum Religionum ventilatas, impugnationibus, propugnavi. Praeterea videri potest Liber nuncupatus: *Respirium Viatorum in solitudine spirituali per octiduum*, ubi ad finem Libri universalem Praxim vitae Activae & Contemplativae ipsius, imprimi feci. Et insuper in Libro Polonico intitulato: *Fons 3plex devotionis de 3bus Confraternitatibus in Ecclesia Nostra*, aliqua adjeci, multò plura ex Manuscriptis ejus, & Concionibus meis, in diversis Ecclesijs habitis (si Domino Caeli placuerit) luci publicae ostensurus sanctitatis eximiae monumenta.

Vivum rectè vivendi exemplar Beatum Stanislaum Casimiritanum secuti sunt in vita & sancta morte Venerabiles Ioannes Leoblin, & Nicolaus Biecz, quorum primus (juxta Nostrum Christophorum Loniewski in vita ejusdem B. Stanislai, & Stephanum Ranathowicz, ubi haec habet) tanta morum probitate fuisse comperitur, ut in Imagine ipsius pictis coloribus expressa à Majoribus, vitae sanctitate conspicuus Nomen Beati meruerit. Qui anno salutis 1492. die 7. Februarij, vitam cum morte commutavit. Alter de Oppido Biecz oriundus, in Religione innocentia vitae praestantissimus, à majoribus sanctitate notatus, anno Incarnationis Christi 1494. e carne mortali eductus, ad immortalitatis locum, emigravit die 20. Februarij. His alios duos eodem saeculo annumerat citatus P. Christophorus Loniewski, opinione vitae sanctioris notatos, videlicet Gregorium Presbyterum Molendinorum Procuratorem, qui eodem anno 1494. die 27. Februarij terram Caelo commutavit, & Salomonem Priorem, quem P. Stephanus Ranothowicz citatus, in describendis Psalterijs in pargameno, laboriosissimum asserit usq; ad mortem, quae secuta est 26. 9bris 1585.

**CXXXIV.** Adamus Siborius prout habet Hyacinthus Pruszc, Lib. intit. Fortalitium Spirituale Regni Poloniae Boleslaviensis, Prior Conventus SS. Corporis Christi Canonorum Regularium Casimirae ad Crac. Vir laboriosissimus, in pauperes & egenos munificus, & omnibus charus. Hic à Conventu in certis negotijs missus Romam, ex itinere (quod pedester confecit) contraxit morbum, & instante morte, Sanctarum Virginum & MM. Agnetis & Catha-



pharina apparitione recreatus, plenus virtutibus ad Dominum migravit, Cracovia in platea S. Iohannis anno 1607. sepultus in dicta Ecclesia SS. Corporis Christi. Corpus ejus requiescit post cancellos in ingressu minoris Chori, ad septemtrionalem plagam. Testatur de hoc magna sanctitatis Pater Gelasius. Exorcista terribilis demonum, quod quoties voluit experiri, an verè sit aliquis energumenus, inducebat eum in locum sepulturae, ubi verè obsessus à demonibus clamare consueverat: *uric me Adamus*, hoc loco sepultus. Quod ultimum, ipsum etiam faxeum licet monumentum probat, in quo nullus energumenorum usq; modo, citra notam fastidij tutò consistere potest, imò nè quidem marginem monumenti attingere audet, præcipiti passu illud transiliens. Si autem aliquis dæmoniacorum aliquantulum ibidem subsistere coactus fuerit, magna vi sese jactans vociferatur: *majora tormenta præ infernalibus se sustinere.* Et hoc ipsum in specie deducit dictus P. Stephanus Ranothowicz in suis manuscriptis, ubi hæc habet: Anno Dñi 1660. venit ad Ecclesiam Nostram SS. Corporis Christi post vespertas quidam Nobilis cum puero ex majori Polonia, & ingressus Sacristiam petijt P. Sacristianum, quatenus cum P. Priore Conventus colloqui posset. Venit P. Prior, coram quo in Sacristia cum plurimas suas calamitates enarrasset, & maxime se esse à dæmone obsessum dixisset, P. Prior Sacristiano secretò dixit, ut quasi honoris gratia introiret cum ipso Ecclesiam, & inter colloquendum induceret ipsum in sepulchrum Ven. Adami Sibovij, & ibi subsisteret; quod cum fecisset Sacristianus mirum est; ut primum ingressus est ille Nobilis locum sepulturae, protinus ex lapide exilijt dicens: non possum hic diu stare, nam iste lapis mihi ignitus videtur. Simile huic accidisse notavit idem Pater anno 1668. subjungens: Cujusdam Civis Casimiriensis Alberti Ziętarski, Filius 12. annorum infasciatus Scholam frequentabat, huic quotiescunq; in Processionibus, vel alia occasione illum lapidem sepulchralem transire contigerat, vel illud monumentum circuibat, vel celeriter transcendebat, quæsitus à Discipulis causam, respondebat se maximum illic ardorem sentire. Unde de industria ab aliquibus tentus, & vi in locum sepulchri deductus cum maximo clamore & reluctantia, vix per tempus modicum subsistere potuit. Nec hoc videtur mihi subticendum ad majorem commendationem sanctitatis servi DEI Adami Sibovij, quod dum celebrarem in Capella B. Virginis Literatorum, postridie tactæ turris à fulmine ignito, in gratiarum actionem pro extincta scintilla, Sacrum, circa elevationem dæmones in obsessis corporibus terribiliter & amarevole cum ejulatu grandi, multis qui aderant Sacro, stupentibus, & intra se ob novitatem supernæ gratiæ collatantibus, clamabant in hac forma: *Biada nam ná to Kościelisko, keore użby też było wszytko zgorzało, gdyby nie Stanisławisko y nie Adamisko, za niego się przed Najwyższym zastawiało.* Tandem post ingeminatum sæpe sæpius vz. contra servos DEI, subticuerunt. Hujus rei extat memoria in tabula depicta ad sepulchrum B. Stanislai Casimiriani, cum effigie utriusq; Servi Dei, adjunctâ pressè historiæ ejusmodi annotatione.



**CXXXV.** *Nicolaus de Radomsko, ut scribit citatus Hyacinthus Pruszc, Presbyter Canonorum Regularium in laboribus continuo vivens, Christiana Doctrina instituta diebus Dominicis & Festis, parvulis exponere non recundabatur. Sacra loca bis in anno propter maiorem mortificationem carnis, pedes visitare consuevit. Ut plurimum pane & aqua ipse contentus, portionem suam pauperibus distribuebat. Fuit multum misericors, modestus, & omnibus virtutibus plenus. Qui correptus morbo infirmariam petijt, ubi per biduum orans, mirifice recreabatur infantulo in ulnis Deiparae Virginis depicto, cui etiam agonem suum commendabat, obsecrans, ut se ad gloriam suam susciperet. Quo facto petijt advocari Fratres, quibus valedicens Deo & Beata illos commendabat, ipse desertis verbis orans: In manus tuas Domine commendo spiritum meum, animam Deo reddidit, anno 1610. die 22. 7bris. De hoc etiam literarum monumentis compertum est, quod ex obedientia factus fuerit Sacerdos, detrectans horrenda Dei mysteria. voluntariae paupertatis fuit studiosissimus, in vigilijs & orationibus assiduus, & tamen tot virtutum cultor, ad extremam horam veniens, a circumstantibus veniam offensarum profusis lachrymis petijisse fertur. Hunc etiam praeter alias virtutum dotes, pietas in patriam, non ingrata celebrat memoriâ; etenim anno 1680: Radomenses Cives exploratam habentes compatriotae sui in se charitatem, qui se eis grassante incendio Civitatis, cum manifesta ope conspiciendum praebuit, venerunt ad Nostrum Conventum Crac. quærentes si fortè adsit aliquod Altare, vel aliud devoti Patris honorabile monumentum, ad persolvendas pro praestito beneficio gratias. Pariter me sollicitavit aliquoties Iosephus Leytner AA. LL. & Ph. D. Patritius Cracovien. pro tunc Miechoviensis Conventus Concionator, quatenus ei communicarem istius Servi Dei prototypon, ad depingendam similem imaginem, in vim grati animi pro quadam gratia agnita.*

**CXXXVI.** *Valentinus Kuczborski (ut notat citat<sup>9</sup> Hyacinthus Pruszc) Presbyter Canonorum Regularium in Conventu Bychoviensi in Alba Russia, homo magnarum virtutum & devotissima vitae, zelosus Concionator & silentij amans, utriusq; sexus personas seculares devitabat. Tanto autem vitae solitariae desiderio astuabat, ut cum licentiam à Superioribus obtinere non posset, clam in vastam solitudinem in fines Moschoviae se subduxit, & ad fluvium Boristhenem nuncupatum, confedit; verum ne à Schismaticis occideretur, quaesitus, inventus, & inde revocatus, ad preces illius assiduas in sylvam ad Monasterium spectantem vicinam villae Ozieranij, ire permissus est, ubi in solo pane arcto, persistebat, quem illi viciniore incolae subministrabant. Nihilominus propter frigoris asperitatem in illis regionibus vix tolerabilem, denuò à Superioribus revocatus, nunquam tamen hypocausto calido uti voluit, continuo sacras literas legens, obiit in Bychoviensi Conventu plenus omnibus virtutibus anno 1624. die 2. Martij, sepultus in Ecclesia Conventuali S. Casimiri. Hic ut patet etiam ex monumentis Nostrorum Patrum, velut alter Abraam exivit de cognatione sua, et de domo Patris sui, manens in remotissimis partibus; & insuper abnegavit semetipsum; nam cum esset cognatus Episcopo Posnaniensi Joanni Kuczborski, qui postea ad Episcopatum Cujaviensem ascendit, negabat se esse nobilem, ne quis*

*Mm*

*infer-*



110 De Congregatione Cracovien. Canonico. Reg. Lat.  
inferret Episcopo esse consanguineum, teste Christophoro Łoniewski  
tunc Præposito Bychoviensi.

CXXXVII. Magis humilitate & simplicitate cordis, quam dignitate Officij celebratur. *Albertus Sowinski* Tarnovius, Præpositus Suchensis, Professus Crasnicensis, prout & Nicolaus de Radomsko. De hoc etiam externum testimonium citati Hyacinthi Pruszc affert sequentia: Anno 1636. die 6. Iobris decessit de terra viventium magnarum virtutum Religiosus, Canonico Regularium *Albertus Sowinski*, qui sine intermissione perseverabat in oratione. Propter pauperes ipse parabat cibos in culina, cum esset Prior in diuersis Conuentibus. Ex amore majoris mortificationis corporis, ferream catenulam lumbos præcingebat, quam post mortem incorporatam carni inuenerunt. Ad hæc (multorum Patrum Conuentus Suchensis, prout et aliorum pro tunc ad celebrandum dedicationis Ecclesiæ Festum, congregatorum,) traditio est, quod dum alij indulgerent relaxationi mentis, ille in superiori parte domus sub tecto orans, erecto in Cælum vultu, et manibus extensis deprehensus est. Adeo quippe orationi deditus erat, ut etiam intempesta nocte exiliens e lecto, quod duriusculum & vile habebat, eidem sæpe sæpius invigilaverit. Per abjectionem in mundo soli DEO placere studens, non alia veste in vita usus est, nisi pannosa & crassa; pro refocillatione corporis non alio cibo, nisi vili, & oleribus; ad quam jejunijs austeritatem (acriter seipsum verberans) cruentam flagellationem crebrius adhibebat, quam tyrannum suum ut ille dictitabat, carnem videlicet propriam, cum vitijs & concupiscentijs crucifigebat, cum esset *Vir simplex, purus et integer*, teste Christophoro Łoniewski, cæterisque Patribus cum eo viventibus in dicto Conventu Suchensi, ubi sepultus quiescit.

*Ioannes Gelasius Zorawski* ex Oppido Turki in Polonia oriundus, integritate vite, honestate morum, modestia, pietate, gratia curationum insignis censetur in catalogo defunctorum Fratrum, & prout habet citatus Hyacinthus Pruszcza in Adamo Sibovio sub Num. CXXXIV. magna sanctitatis Pater, Exorcista terribilis demoniorum; propter quod donum, magnas eleemosynas à magnatibus habuit, quas omnes omnino pro decore Domus Dei convertibat. Dum enim in Generali Conventu Sacristianum ageret, Ecclesiam pulcherrimis picturis in minori Choro, altaribus integris in majori, exornavit; thesaurum verò Ecclesiæ auctâ notabilissimè argenteâ suppellectili, & id genus alia, pretiosiore reddidit. Exposit in Curosuacen. Monasterio residens, Ecclesiam totam de latere cocto instauravit. Primus deinde Præpositus Voluranensis creatus, Monasterium totum, minorem Chorum Ecclesiæ, & Sacristarium cum Oratorio desuper, de muro erexit; ubi etiam plenus bonorum operum exactis in Religione annis 32. ætatis suæ anno 68. Domini verò 1645. die 21. Julij, lucis usuram finivit, famâ immortalitatis, & incorruptibilitate sui corporis, usq; in præsentem diem gloriosus.

CXXXVIII. Pariter immortalis memoria censeo dignum, re & nomine, *Innocentium Ioannem Siekierski* Præpositum quondam Voluranen. qui à Majoribus Nostri in vita innocentiae laude commendatus, no-

tæ gra-



re gratiæ Divinæ monumentum reliquit, exuvias sui corporis incorruptas in loculo suæ Præposituræ. Et licet ibidem 4tuor corporum è Nostriis Canonicis soliditas, integritatem quandam vitæ commendat. nullius tamen magis præ isto; aliorum enim Capita à corruptione consumpta, separata asservantur, istius firmiter corpori annexum, ac solo naso amisso integrum, quasi pendulum in aere subsistit. Hic Venerabilis Pater ex Parocho sæculari Religiosus factus, dum ob morum præstantiam in Præpositum eligeretur, in brevi pertæsus ejusmodi officij, maximè ex eo, quod Patres ad normam ipsius, utpotè paulò rigidiorē vivere non possent, & ideò sæpius lamentarentur, resignatâ spontè Præpositurâ, tantâ observantiâ solitudinem in Conventu coluit, ut vix aliquem ex sæcularibus cubiculum suum ingredi permiserit, sed quantotius potuit, extra cameram expedit, ipse præter Ecclesiam & sub tempus refectionis communem stibam, etiam ad culinam, ex opposito cujus habitavit, aditum sibi perpetuò præcluserit. Cænam nunquam manducavit, & carnis esum aliquot annis ante mortem sibi prohibuit. Officium suum etiam in gravi ætate nunquam intermisit, quod vel inde constat, ut dum eum turnus tangeret, discedendi ad Parochiam Dłuzecensem die festo, & equo insidere non posset, curru vehi potius, quàm excipi à labore maluit. In hac vel simili austeritate vitæ exactis in Religione 36. annis, obiit 1671. die 30. Aprilis.

CXXXIX. Non desunt & alij etiam ex Martyribus Sancti Viri ejusdem Congregationis Cracovien. *quorum memoria in benedictione est apud Connotatistas Nostros, præsertim Venerabilis Ioannes Baptista Malonowski Præpositus quondam Crasnicem. consummate authoritatis et doctrine Vir,* ut ait Noster Stephanus Ranothowicz in manuscriptis, à *Cosacis Chmielnicianis Crasnicium vastantibus in odium fidei Catholice crudelissimè occisus,* usq; ad exterebrationem oculorum, canapæâ vittâ circum caput ejus velut coronâ Martyrij decoratus, die 20. 9bris 1648. Similiter *Jacobus Mrowinski Subdiaconus laureolâ Martyrij in sua imagine dignus notatur,* quod dum de anno 1655. Suecorum turba invadens Casimiriam, portam Monasterij per vim effringere tentaret, jussus fuerit per obedientiam ad eos exire (ut audiui à Rndissimo Nostro immediatè defuncto) utpotè callens linguam Germanicam, quorum quidam ferocior per postes Monasterij sclopetum ad illum direxit, & instantaneè 26. 7bris occidit. Venerabilis quoq; *Stephanus Smolenski Diaconus, Philosophiæ Baccalaureus, per naturalem, Divinæ speculationi assuetus, mentem non rarò cælesti serenavit fulgore,* qui idcirco monumentum sanctitatis *inter insignes pietate viros,* in designata sibi imagine promeruit, teste citat. Steph. Ranoth. in manuscript. ubi obitus illius 21. Maij 1619. meminit. Idem *Laurentium Kościński Presbyterum,* unâ cum imagine à Majoribus suæ memoriæ dicata, biennali morbo, continuo affixum lecto, velut alterum Jobum usq; ad ultimam diem, quæ fuit 13. 7bris. 1613. ex patientia concelebrat.

CXL. Maximam autem præ cæteris commendationem meretur



112 De Congregatione Cracovien. Canonico. Reg. Lat. I.  
& habet ex catalogo defunctorum Patrum, Venerabilis *Conradus*  
Præpositus Cracoviensis Canonice, qui multum fideliter pro bono communi  
laboravit, & prima forma rectè vivendi alijs factus, miro virtutis ful-  
gore præluxit. Nam præter gloriosa dicta de illo superius sub Num.  
Cl. & sequ. ex Joanne Diugosz, plurima ejus recenset præconia in ma-  
nuscript. cit. Noster Stephanus Ranothowicz. Et inprimis ejus præ-  
clarum Religionis zelum (dicit ille) vel ex hoc cognoscere potes,  
cum id illi potissimum curæ fuerit, Fratres eximio prosequi amore,  
eorumq; ita singularem gerere curam, ut ad necessitates illorum rele-  
vandas ex Conventus proventibus pia liberalitate necessaria erogaret.  
Regi Fundatori & Episcopis Cracoviensibus charissimus, Prælatus sæ-  
cularibus & Religiosorum Superioribus, amicissimus fuit. Suorum  
quoq; Fratrum adeò studiosus erat observator, ut absq; votis & con-  
silijs ipsorum nihil unquam perageret. Ad Novitiatum prout & ad  
Professionem Canonica, libenter, non tamen sine delectu admitte-  
bat; quàm primùm enim ille sacrum hoc Institutum regendum su-  
cepit, confestim ad illum Viri nobiles, pij & docti certatim accur-  
rere, qui abdicatione rerum secularium usu, inter alumnos Christi con-  
scribi ardentem postulabant. Pauperum, quos in porta Monasterij  
& ad mensam semper alebat, amantissimus fuit. Jurium & liberta-  
tis suæ Ecclesiæ defensor acerrimus extitit. Patres sui Ordinis, ex  
Silesia, Moravia, & Bohemia, Hussitarum persecutionem declinan-  
tes, multoties cum omni charitate collegit, & fovit. Et nè plura  
in medium afferamus, ita gessit officium suum, ut omnibus nume-  
ris absoluti boni Pastoris specimen exhiberet. Plebis, suæ curæ com-  
missæ, non minùs verbo quàm opere Magister, & ad præclaras quas-  
vis actiones, pietatis causâ suscipiendas, Dux & Author fuit. Hæc  
P. Ranothowicz, & alia plura.

CXLI. *Conradi* virtutes utpote sui Superioris ad vivum effigi-  
avit in seipso quidam P. *Augustinus*, qui primus ex Sac. Canonico-  
rum cætu, in opinione sanctitatis *Casimiræ* ad Crac. ad immortalita-  
tis gloriam evolavit, anno 1407. die 2. Julij, juxta P. *Christopho-  
rum Loniewski in vita B. Stanislai Casimiriani*. Non absimilis primo,  
cæteris re & nomine Prior, & primus Professor Cracovien. Conven-  
tus, P. *Simon* ab eodem & ibidem noscitur Historico, ultra quem  
Stephanus Ranothowicz indefatigabilem notat in scribendis libris in  
pargameno, pro decantando Divino Officio, quorum multa monu-  
menta non minùs grandia, quàm egregia extant, hucusq; sacram  
antiquitatem redolentia, quibus cum vita finem imposuit, anno 1422.  
die 27. 9bris. Idem citatus P. *Christophorus Loniewski* uno eodemq;  
sæculo tres gratias transcendisse cælos annotavit, videlicet *Ioannem*  
de Sacz, *Ioannem* cognomento *Auris*, & *Ioannem* de Nyssa Diaconum,  
qui, quàm pretiosi fuerint DEO, vitæ cum Nomine illorum probat  
conformitas. Claudit agmen *Venceslaus* Presbyter, qui pariter cum  
alijs juxta citatos historicos ad æternæ quietis portum transijt. Verum  
quidem est, quod alij alios in censu meritorum de opinione sancti-  
tatis



tatis collocent, sed quia ejusmodi Canonizationis, non video solida fundamenta. omnes ex industria transeo.

Attamen ex Conventu Vilnensi *par nobile* Patrum, ob præclara in DEUM & Congregationem merita, ad hanc classem spectare videntur. nimirum; rectissimus seniculus Pr. *Joachimus Wyssynski* gratiâ curationum, amore Magnatum & multo favore Prælatorum (ita ut ipsi Illustrissimi Episcopi Vilnenses. considerantes sanctam conversationem Religiosi Viri, cum præconizare his & similibus non dedignerentur: *Si taliter omnes viverent, in vivis maneret S. Augustinus & c.*) toti Lituano Orbi commendatissimus, ac notissimus fuit; Cathedralibus autem Vilnen. adeò charus, ut sæpius eo ad prædicandum Verbum DEI, in sua exedra usi fuerint; semper verò honoraverint eundem hoc ipso respectu pro Festo Tutelaris sui S. Joachimi, quem solenniter quotannis celebrare consueverunt. Et quod præstat his omnibus, charitate in proximos, quibus, quo potuit modo subveniebat bonus Pater, & zelo Orthodoxæ fidei sic æstuabat, ut etiam per *vicos & plateas*, imò per vias, villas, & villanas domos, rudibus & parvulis elementa fidei instillare consueverit, illud in praxi retinens: *Et cum simplicibus sermocinatio ejus*; licet alias ob suavitatem morum & sanctæ opinionis, sæpius civilibus personis immixtus esset, quibus etiam aliquid spirituale insinuare intra discursum non verecundabatur, nec reverbatur. His virtutibus cæteras amplissimas adjecit, prout: seriam devotionem, humilitatem, patientiam, & continuam mortis meditationem. Olycensis erat Patriâ in Volhinia natus, Aulicus Illustrissimi Andreæ Gembicki Episcopi Luceorien. quondam Canonici Regularis Lateranen. Professi Czervencensis. Audiui à quodam ex Nostris quod Societas Academiæ Vilnensis connotaverit vitam ipsius, utinam & luci publicæ quantotius exposuerit. Obijt Vilnæ 8. Julij 1694. expletis in Religione annis 53.

CXLII. Alter Pr. *Ubalduſ Martinuſ Leonowicz* Lituani pro honestate Canonica bis Martyr. Cujus animam etsi gladius persecutoris non abstulit, palam tamen Martyrij non amisit ex causa. Cum enim nullus Patrū metu persecutionū à Suecis, ob non exolutas cōtributiones (quas ingentes imposuerāt anno 1706. Metropoli Vilnensi, nec non Religiosis Domibus) vellet administrationem Conventūs Vilnensis suscipere; omnes namq; meditabantur fugam; ille tandem votis Patrum tentatus, libentissimè se obtulit in holocaustum, & pretium pro illa Ecclesia, & eadem ipsâ septimanâ postridie Annuntiationis B. Virginis, cum non esset solvendo summam præscriptam, pro nummis raptus à Suecis, cum alijs Religiosis tredecim diversorum Ordinum, & aliquot Consulibus ex Magistratu Vilnensi, usq; in Saxoniam abductus est, indeq; precibus an aliquo astu liberatus, terrâ mariq; in Patriam tendens, vix Regiomun- tum attigit, quinta die, maligna febris sublatuſ est, de manibus Patrum Soc. JESU 1707. Mensis Aprilis 29. Fuit hic Pater pro suo Procuratoriatus Officio, quod multis annis administravit accuratissimè, fervidissimus Jurium Conventūs propugnator, quæ diligentissimè col-



114 De Congregatione Cracovien. Canonicoꝝ. Reg. Lat.  
legit, & debite coordinavit. Ex affectu & devotione in quinque; Chri-  
sti vulnera libellum precarium, typis mandari curavit. Parcens Com-  
munitatis sumptibus, vel ex fine mortificationis liberæ, nunquam ca-  
lesceri fornacem voluit, extra infirmitatis casum, quanquam septem-  
trionali algore rigerent omnia. Frugaliter permissis ad commodita-  
tem corporis sui utens, notabilem pecuniam collegit, quam totam  
in apparatus auro textum exposuit, quo Domum Professionis suæ  
insignivit.

Justum etiam nobis visum est gratâ memoriâ concelebrare No-  
bilem *Sophiam Dabkowska* Oblatissam Nostræ Parochiæ Krzeszovien-  
sis, quæ illam Ecclesiam per multos annos gloriosâ vitâ, & post mor-  
tem beatam Corporis sui exuvijs nobilitavit. dum Paternæ Domui &  
Fortunæ renuntians, in loco humili, quia pauperibus Matronis de-  
stinato; abdito, quia inter montes altissimos, & separato à Civili  
frequentia, ruri Villanam non minus ac vilem vitam duxit; rudi,  
nè agnosceretur magis sua Conditio, tecta indumento. Cujus la-  
tentem virtutem cum non possent mortales, divulgat post mortem  
sepulchralis lapis, figurâ & formâ sequenti.

Z.

B.

Z.

S.



D.

M.

D.

D.

## TRIUMPHUS MORTIS,

In quo crudelis & implacabilis mors

Exuvias sortita est de Generosa Virgine,

## SOPHIA de Domo DOBCOVIORUM

Tam Castitate Virginali, quam Paupertate Voluntaria, celebri.

Quam Paterna Domus semel hospitam vidit,

Cum amor Sponsi, quem dilexit mente & puro corde,

*Exire de Domo & cognatione suaviter imperavit:*

Hanc Hospitale hoc, diu peregrinam excepit.

Subit legem latam in manus Sponsi reddens animam intactam,

Ut tactum mortis evaderet Virgo, & suavius post labores susceptos obdormiret,

*Ubi est ergo mors triumphus tuus?*

*Cum non sit mortua Puella sed dormit.*

Quam, si adhuc gravis somnus mæroris tenet,

Istam, Tu ô Viator ferventi ad DEUM suspirio excita.

*Obdormivit Anno D. 1663, Julij die 12. Ætatis sue 13.*



## ¶ V.

*De reliquis Canonicis Lateranensibus famâ, honore, doctrinâ illustribus,  
Congregationis Cracoviensis.*

CXLIII. Finis & meta principalis Authoris hujus voluminis JOANNIS de nigra VALLE fuit, demonstrare Congregationis Lateranensis ceu Matris Universalis, Canonicorum Regularium per Orbem, *Viros gloriosos & Parentes Nostros in generatione sua*; non alia intentio & meta mea est, quàm ultra pusillum gregem *Electorum*, Congregationis Nostræ Cracoviensis, Luci publicæ Illustres quidem Viros, sed sub modio *humilitatis Nostræ* latentes, manifestare, quod præsentì pagina (præmissis tam Nobis, quàm Nostriis, scitu dignis) absq; ullo adulationis fucò, non moror adimplere. Nihilominus antequam illos recensere aggrediar, unum necessarium præmittendum puto, quòd temporibus D. P. Augustini, S. Possidonius in vita ejus, Cap. II. annotavit, sic scribens: *Innotescente & clarescente, de die in diem, Ecclesiæ Catholicae prædicationis Veritate, Sanctorum Servorum DEI proposito, continentia, & paupertate, profunda, ex Monasterio, quod per illum regebatur, magno desiderio poscere, atq; accipere Episcopos & Clericos, pax Ecclesiæ atq; unitas & cepit primo, & postea consecuta est.* Nam ferme decem Sanctos & Venerabiles Viros continentes, & doctissimos, B. Augustinus diversis Ecclesiis, nonnullis quoq; eminentioribus rogatus, dedit: ita pariter proficiente famâ, de sanctitate, meritis, & doctrinâ Canonicorum Regularium Lateranensium, Congregationis Cracoviensis, diversos è Nostriis ad diversas Prælaturas, postulare cæperunt.

Et inprimis, ut à digniore, tametsi novissimo, incipiam, ex quo Regni Senator erat, Illustrissimus & Reverendissimus D. Nicolaus Wyzycki Episcopus Chelmensis. Qui vix juventam in Domo Professionis Casimiræ ad Crac. exegit, multis talentis à natura commendatus, ad Conventum Mstoviensem Canonicorum Regularium Lateranen. extra Congregationem Crac. existentium, in Præpositum postulatus fuit. Tandem à magno ingeniorum Censore Joanne III. Poloniarum Rege, Secretarius Regni factus, & Administratione Abbatiae Czervenecen. pariter Canonicorum Regularium Lateranen. potitus; ex post ultima Ordinatione vix non Testamento Regis, Episcopus Chelmensis nominatus est; superius non dubium ascensurus, ni fortuna sub Augusto Rege, omnia sursum deorsum vastasset; sub quo etiam ultimis Augusti 1705. vivere desijt.

CXLIV. Ad eandem Præposituram multo ante tempore assumptus est, pariter Cracoviensis Noster Professus, Nobilis Andreas Sirembos, quàm dùm 45. ânis administrasset, tantû apud Patres Mstoviē. fertur promeruisse affectum, quòd licet Cracoviæ moreretur, die 8. sbris, quo tempore ut plurimû pluviae prædominari solent, nihilomin⁹ ad locum Præposituræ per viginti legas, cum Processione, solenni curru portari dignus habit⁹ fuerit, ut ita si quid deesset in vita obsequij, emerito Prælato, à Filijs gratæ mentis compensaretur in morte, honore sepulturæ,



## 116 De Congregatione Cracovien. Canonicoꝝ. Reg. Lat.

In eadem ArchiDiœcesi Gnesnensi, haud postremæ notæ extat Canonica, in Oppido Klodowa nuncupato, à Uladislao Hermano Monarcha Poloniæ (cui propter scelus Fratris Germani Boleslai Audacis, Parricidæ Divi *Stanislai* Episcopi Crac. & Martyris, interdictum est Diadema Regale) fundata sub Titulo S. *Ægidij*, cujus precibus sterilis Hermani Uxor, masculam prolem suscepit. Quæ Canonica licet habuerit aliquando Viros dignos & doctos, ita ut postularentur ad præfecturas ab alijs Canonijs, prout *Stephanus Damalewicz S. Th. Doctor ArchiEpiscopalis eloquentissimus Prædicator à Calissiensibus &c.* Nihilominus etiam à Nostri Cracovien. Professis, petierunt & obtinuerunt *Martinum Giedierski*, qui inibi cum gloria Gentis suæ, sat longo tempore gessit principatum. Tandem 5. Januarij 1615. munere expleto, transijt ad veræ vitæ respirium.

Non minùs gloriabatur Professis Cracoviensibus quanquam remotior Torunium versus, in Lubraniec Canonica, quæ dum immediate post Professionem obtinuisset in suum Præpositum *Paulum Woleniski*, etiam post fata ejus, quæ 25. 9bris 1656. illi evenerunt, expostulavit majorem natu, *Gianoti*.

Similiter *Matthias Gaszynski* Infulatus Præpositus Stembergensis in in Moravia factus, non modicum jubar addidit Congregationi Cracoviensi ad annum 1630. quo finivit vitam, 14. Februarij.

Quid de *Georgia Giedzinski* Nobili hærede in Bolechow in Nigra Russia dicam? Qui ipso die D. Augustini anno 1646. accepto Habitu Religionis in Nostra Canonica Cracoviensi, non multo post in Præpositum Voluranen. electus, tredecim annis integris illum Conventum administravit. Tandem ex fundatione germani Fratris, consentiente tunc Reverendissimo Hyacintho Libero Generali Præposito, ad instantiam illustrissimi Nuntij Apostolici, Cancellariatum inter ArchiCathedrales Leopolienses Canonicos, cum Canonicatu adeptus est. Ultimo in Officiale Generali Leopoliensis ArchiEpiscopi assumptus, ex post ibidem Suffraganeus Episcopus, die 1. Junij incidente in Dominicam 2dam post Pentecosten, anno 1664. consecratus est, ubi etiam die 2. Junij 1690. felici fine quievit.

Eadem viâ honoris pergere cepit præserti Episcopi nepos, *Stephanus* de Giednie *Giedzinski*, qui cum esset limatissimi ingenij & ad omnem scientiam propensissimi, Romæ ad Cathedram S. Th. D. promotus, in Domo Professionis Casimiræ ad Crac. Philosophiam legit, ubi triennali cursu consummato ad ArchiCathedralem dignitatem Leopoliensem, post fata sui Patruj ascendit. Verùm non diu inter illos Canonicos vixit, invidente eum Nobis & illis fortunâ, quem comite morte necdum maturum ætate, in Aprili velut florem (fuit enim non minùs felici ingenio ac eleganti forma præditus) succidit anno 1693.

CXLV. Non defuerunt & alij in Congregatione Cracoviensi, dotibus & genere Nobilissimi Viri, velut sub Iconia aurum, sub gleba thesaurus, obscuri & ignoti, prout *Jacobus Olesnicki* Magni Episcopi Cracoviensis Sbignei, germanus frater, qui cum Patribus Nostri in Domo Profes-



Professionis Generali ad annum 1500. quo vitâ cessit, conversatus est.

Par virtute & Nobilitate *Ioannes Chrisostomus Korsak* Lituanus, Palatini Mscilaviensis cognatus, post aliquot Professionis annos, propter ingenij maturitatem, & ad omnia habitudinem, diversis Præposituris præfectus, cum tempore pro M. D. Lituaniæ Visitator electus, grassante pestifera lue Cracoviæ, anno 1652. maluit renuntiare honorifico Officio, & ministrare peste laborantibus, quàm à Fratribus sibi ministrari subjectis, quo etiam anno obiit die 2. Julij, exactis in Religione annis 40.

Eodem ipso anno 1652. mortalitatem exiit in Cremenecensi Conventu *Ioannes Kuklewicz* Casimiritanus (Primus Professus dignissimi crebra mentione Prælati, Martini Klocinski) exactis in Religione annis 38. cujus vel inde patet in agendis solertia, & perfecta Rubricalium Canonum notitia, quòd in feracissima magnorum ingeniorum Diœcesi Cracovien. per annos decem, Rubricam Divini Officij ordinare meruerit.

*Lucas Nawack* Croñensis. videbatur quidem Simpliciota ex demissione animi, cæterum tamen librorum amantissimus fuit, quorum in diversa materia haud modicam quantitatem coemit. Signanter D. Augustini opera, D. Thomæ Aquinatis, & totam Bibliothecam Patrum comparavit, & nobilissimis non minùs ac durabilibus tecturis, convestiri curavit, & insuper centum Ungaricales pro augmentandis & reparandis libris, reliquit. exuens se omnibus simul cum vita, anno 1644. die 24. Iobris.

CXLVI. Immediati Compatriota *Christophorus Koniewski* singulari zelo in Congregationem enituit, juxta dicta sub Num. CX. Vitam B. Stanislai Calimiritani, primus ex Ordine typis mandavit, ad calcem cujus, imprimi fecit Synopsim vitæ B. *Meinhardi* quondam Canonici Regularis, Patriæ de Zegeberg Episcopi Kirkolmensis, Apostoli Livonien. juxta dicta sub Num. LXXXIV. & B. *Iuthe* Oblatissæ Canonico-regularium, Ecclesiæ Chelmzensis nunc Cathedralis, ubi sanctissimè vixit, & obiit 5. Maij 1260. Ætatis suæ anno 40. Idem bonus Pater reimprimi curavit Regulam S. Augustini cum explanatione D. Petri Claretæ Canonici Regularis, adjuncta in fine collectione Confraternitatum (cum Nostis Canonici Tremesnensibus Czervecen. Mstovien. Calissien. Clodavien. Pragen. Uratislavien. Viennen. Rudnicen. Stembergen. Fulnecen. Prostanen. Olomucen. Trebonen. & alijs quàm plurimis extra Congregationem Cracoviensem existentibus; imò & cum alijs diversis Religiosis, uti Cisterciensibus Claræ Tumbæ, Cassinensibus de Calvo monte S. Crucis, Augustinensibus Eremitis Casimiræ ad Crac. Carthusiensibus de lapide Refugij &c.) ad communicanda suffragia pro defunctis Fratribus. His & alijs perfunctus laboribus pro Religione, usq. ad senectam & senium laboriosissimus homo, *quiescit ab opere*, anno 1656. die 23. Februarij.

Hoc ipso anno & Mense scilicet 14. Februarij *perijt memoria cum sonitu* magnæ expectationis Religiosi *Simonis Augustini Zegarch* S. Th. D.



118 De Congregatione Cracovien. Canonico. Reg. Lat.  
qui necdum maturus ætate, insignes in Mathesi profectus edidit, nec  
non Tractatum Trinitarium scilicet de SS. Trinitate, multoties à S.  
M. Prælo Victorino Wereszczynski, dilaudatum, in ordine ad ty-  
pum elucubravit, quem tamen morte præventus 42. ætatis suæ an-  
no, luci publicæ exponere haud potuit. Corpus ejus depositum  
*in terra aliena* nimirum Scepusiensi in Collegio Podolecen. PP. Piarum  
Scholarum quiescit, ubi in Sede Sapientiæ Romanæ lauro coronatum  
Caput posuit, sub tempus incursionis Sueticæ in Poloniam.

Paulò maturior ætate, par virtute, alter *Simon Ludovicus Fasciszewski*  
S.Th. Doctor, Concionator celeberrimus, egregium volumen (quod  
ipse vidi & legi) *laboris labiorum* suorum, ad imprimendum præpara-  
vit, sed diuturno morbo magis quàm edaci tempore consumptus  
Crasnicipj, prius quàm sua complevisset vota, migravit è vita die 26.  
Maij 1667. Professionis suæ anno 34. Mense 7ptimo.

CXLVII. Non adduco in præsentia alios insignes Theologos &  
Prædicatores, non tantùm de celeberrima Cracoviensi Canonica, sed  
de aliorum quoq; fama bene meritos, com Professores Nostros, ne  
corniculam Æsopi compilare videar, sat honoris ad gloriam repu-  
tans, quòd eorum merita vividâ hucusq; memoriâ in Orbe Lituanio-  
Polono, externa celebrent encomia, quòd illis plaris facit ad hono-  
rem, quàm quælibet honorifica mentio. Hinc est, quòd aliarum Re-  
ligionum, & quidem præclari Viri, Institutum Nostrium, usum vi-  
vendi Nostrium, conversationem Nostram, in Congregatione Nostra  
exambiverint & expetierint. Ex quibus Societas JESU tres Theolo-  
gos Nobis obtulit, scilicet: *Venceslaum Szeleganski* & *Iacobum Fulgentium*  
*Hassium* ex Hassia Germanorum ditione 4ti voti Professum, quorum  
uterq; in Conventu Cremenecensi, Canonici nati, in bona senectute  
obierunt; primus anno 1654. alter 1660. die 27. Aprilis, cum vixisset  
annos 82. Tertius *Ioannes Augustinus Biesiekierski*, similiter 4ti Voti in  
Societate Professus, factus Canonicus, in Conventu Generali Theolo-  
giam legit, & Librum in 4to de cultu Imaginum Virginis Beatissimæ  
prælo dedit, ex occasione Imaginis ejusdem Beatissimæ, quæ est in  
Capella Confraternitatis Literatorum Basilicæ Nostre Casimiriensis  
ad Crac. ubi ejus gratias enumerat, non tamen originem ejus descri-  
bit, credo propter deperditam hominum memoriam, cum præfata  
Imago antiquior sit Ecclesiâ, introducta anno 1410. in quandam Ca-  
pellam, quæ initium dedit Ecclesiæ. Obijt immediatè dictus Pater  
Crasnicipj anno 1635. cum exegisset in Congregatione Nostra annos  
tredecim.

In eodem Cremenecensi Conventu *Candidus Slaka* ex Camaldu-  
lensi Monacho, factus est Canonicus Regularis, cujus ibidem extant  
vestigia, propè Convētum, scilicet satæ arbores, in signum Professionis  
primæ, formam quasi cujusdam Eremitæ, in vastissimo & aperto campo  
referentes.

N. Gianoti major, quondam Barnabita in Italia, dùm haberet  
Patrem in Magistratu Cracovien. Consulem, & juniorem Fratrem in  
Con-



Congregatione Czervenecen. (qui ad instantiam Parentis, auctoritate Nuntij Apostolici translatus est ad Nostram Cracovien.) ipse quoq; ex Italia fortè amore sanguinis immutato Instituto, in Poloniam venit, & in Congregatione Crac. mansit, donec postulatus esset ad Præposituram in Lubraniec, ut paulò superius tactum.

Verùm enim verò minora sunt ista. Cathedralles quippe Prælati, ut *sub Num. CV.* dictum, immo integri Ordines magnorum Virorum famâ permoti, & regularis observantiæ fragrantia allekti; in Congregationis Cracovien. sinum, se insinuare, & in ejus Canonicos transfigurari, omni conatu quo poterant, studuerunt. Nam Ordo BB. Martyrum de Pænitentia, per suum Generalem Præpositum Benedictum Rysienski, Virum multis & magnis virtutibus præditum, & ex Nobilissima Familia quodammodo agnata Magno Regi Joanni III. sollicitavit sæpius Congregationis Crac. Prælatus Victorinum Wereszczynski, quatenus in eorum susceptionem consentiret, nec Habitum usumq; vivendi communem, accedente beneplacito Summi Pontificis, & consensu Loci Ordinarij (quæ ille curaturum se appromisit) illis denegaret; verùm dum res perlata est ad Capitulum, ex multis & internis rationibus Patres, propositæ quæstioni nullatenus assentiri voluerunt.

CXLVIII. Ambiunt & Nostri Tremesnenses & Czervenecenses (contenti quidem Veste Canonica) saltem cohabitationem Nobiscum in Congregatione Crac. quorum aliqui ad justum tempus prolongaverunt incolatum Nobiscum, reliqui renovantes pristinam amicitiam, novis instantijs spiritualis Unionis correspondentiam efflagitant, ut patet ex subjectis Literis Rñdissimi Abbatis Tremesnen. ad Nostrum Cracovien. Prælatum de anno 1704. *Perillustri & Reverendissime Domine D. & Frater Observandissime. Revificando antiquam praxim & consuetudinem Prædecessorum Nostrorum, circa petenda Suffragia, animabus Fratrum defunctorum, impendenda: insistendo ordinationi Literarum Unionis, inter Conventus Nostros scriptarum, denuntio Perillustri ac Reverendissime Dominationi Vestre, obitum pie defuncti Reverendi ac Religiosi Ioannis Wydzierzewski, olim Parochi Rysevien. Conventus Nostri Tremesnensis Professi, qui nuper in Conventu Nostro diem clausit ultimum. Cujus animam pijs Suffragijs Perillustri ac Reverendissime Dominationis, nec non totius Venerabilis Congregationis ex animo recomendo, meq; cum toto Conventu meo, ad exhibenda paria charitatis officia, defunctis Fratribus Conventuum jurisdictioni Perillustri ac Reverendissime Dominationis, subjectorum, obstringo & maneo. Perillustri ac Reverendissime Dominationis Vestre, intimus Frater, ac obsequentissimus servitor. Casimirus Brzechffa Abbas Tremesnensis.*

Adsunt & aliæ in eadem materia Literæ ab eodem Rñdissimo Abbate, ejusdem anni, de die 10. sbris, nec non Instantia Reverendissimi Michæelis Ancuta Congregationis Czervenecen. Generalis Prioris, Varsaviensis Præpositi, de data 17. Januarij 1705. quæ nihilominus properando ad finem intermitto.





# A B C D A R I U M N O T A B I L I O R U M.

Ne quis quærendo in *vanum* laboret, numerum collateralem observet.

## A.

**A**bbatum Canonicor. Reg. Privilegia, 55.  
Academia Casimiræ inchoata, 96.  
Alexandria in Italia, 27.  
Angeli Assumptæ Virginis festum celebrantes,  
sunt familiares canentibus Horas Canoni-  
cas 78. Ecclesiam Beatissimæ Virginis  
fabricant, 48.  
Annotationes super Officia Canonicor. Reg.  
cur sæpius allegantur, 54.  
Antiquitas Canonicor. Reg. 1. 5. 11. 14. 41. 48.  
Apostoli Viri dealbati, 5. 40.  
Apparitiones diversæ diversis, 131. &c. 134.  
Arbor ardet ex ferventi Meditatione, 76.  
Aves Diomedææ luctuosæ, 83.

## B.

Beati non vult ob lucrum animarum, 43.  
Benedicendi paramenta facultas datur, 55.  
Benefactorū grata memoria 32. 82. v. *Fundatores*.  
Boni instabiles, 109.

## C.

Canonici non Canonici 60. cur dicuntur Re-  
gulares 17. &c. cur varijs appellationibus  
intitulantur. 19. &c. non sunt battologi, 18.  
non sunt novum figmentum, 41. 48. Ab  
Apostolis instituti, 11. &c. sunt Clerici per  
naturam 19. &c. dicuntur etiam Monachi,  
20. 51. priores sæcularibus, 17. 70. Funda-  
tores aliarum Religionum, 85. &c. ferè o-  
mnes Ecclesias primarias possederunt, 5.  
22. 33. qui ad Lateranenses spectant, 39.  
&c. Cardinales perpetui, 27. 33. ex Regi-  
bus 30. iidem cum Cathedralibus 69. La-  
teranensem Basilicam quàm diu possede-  
runt. 8. 23. Unde & à quo Casimiriam  
introduciti, 99. postulati ad dignitates ex-  
traneas, 115. 143. &c. promoti ad Cathedra-  
les 143. & sequi. Sæculares ex Regularibus,  
17. 70. 91. Canonicè vivere debent, 60.  
Canones observare debent, 55. Latera-  
nensibus adscriptitij, 30.  
Canonicorum Regularium antiquitas. 1. 5. 14.  
41. 48. Habitus, 5. 8. 40. &c. 71. 73. Nu-  
merus copiosus, 7. 9. excellentia, 4. pri-  
oritas, 2. merita, 3. Præcedentia 12. 21.  
Canonix 7. &c. 56. familiaritas cum Su-  
peris, 78. 131. &c. 134. Reformatores 11.

15. &c. contradictio cum Sæcularibus in  
Laterano. 29. quot Congregationes. 89.  
Congregationis Crac. Constitutiones. 102.  
Confraternitates cum alijs Ordinibus. 146.  
Canonix quot erant in Europa 56. Rudnien.  
& Glacen. Fundatio. 100. Glacensis ruina  
præsignatur. 100. SS. Corporis Christi Ca-  
simiriæ ad Crac. successus, Patroni &c.  
101. v. *Conventus Monasterium*.  
Canonissa Regularis Theologa. 67.  
Canonissæ contradistinctæ Monialibus 92. sæ-  
culares tolerantur. 93.  
Cardinales ex Ord. Canonicor. Reg. multi &  
perpetui, quomodo? 27. 33.  
Casimirus M. parvi Regis Filius &c. 95. &c.  
Casimirix suscipiunt Judæos, cum nolint Re-  
ligiosos. 106.  
Christus JESUS pauperum formā induit. 77.  
Clerici unde dicti. 19.  
Coadjutores Conv. Crac. quādo cæperunt. 11.  
Confraternitas Crac. 54. Vulnerum Romam  
rendit. 126.  
Congregatio Colimbricen. Canonicor. Reg.  
celeberrima. 82. Lateranensis quantum  
debeat S. Frigidiano. 52.  
Congregationis Crac. antiquitas. 104. 119.  
Unito cum Romanis. 100.  
Congregationes Canonicorum Reg. quot &  
quare. 89.  
Conradi I. Præpositi Crac. merita. 101. 140.  
Conventus Vilnen. & Suchen. miraculosè ex-  
citantur, 122. &c. Vilnensis abundat Re-  
liquijs & raritatibus. 125. &c. Voluntien.  
abundat corporibus incorruptis. 127.  
Clodaviensis ex voto fundatur. 144. Cra-  
snicensis ex qua occasione Unitus Craco-  
viensi. 120. Curosuacensis initium dedit  
Congregationi Crac. 104. cedit Sectarijs.  
108. vindicatur ab iisdem. 109. v. *Canonix*.  
Conventus Casimirien. ad Crac. quoad ob-  
servantiam commendatio. 104. Origo suc-  
cessus, Statuta, Tutelares, possessiones,  
Suffragiorum communicatio. 102. Bene-  
factorum perpetua memoria. 104. Clo-  
bucensis Fundatio. 104.  
Conventum Vilnen. volunt Cracovien. dese-  
rere. 123. & Bychoviensem. 121.

Conven-



Conventus extranei postulant Cracovien.  
ad honores. 115. 143. & sequ.  
Corporum integritas servos DEI commen-  
dat. 127. 138.  
Corruptio optimi pessima. 109.  
Cracovia à Graco, Casimiria a Casimiro  
M. fundata. 95.

D.

Decimas Judæi solvere tenentur. 106.  
Decretum Gratiani quis cōpilavit? 38. 66.  
DEUS non derelinquit sperantes in se. 121.  
123. erigit & eligit quem vult. 49.  
111. tentat nos pro merito nostro. 77.  
Dæmoniacorum velut ad Lydium lapidem  
probatio. 134.

E.

Ecclesia S. Laurentij incorporata, quan-  
do. 104. & à quo muro donata. 112.  
Ecclesiæ SS. Corporis Christi initium ex  
miraculo. 97.  
Ecclesiarum. 77. Fūdator Petr⁹ Dan⁹. 104.  
Electionis liberæ zelus. 110.  
Eleemosyna benè compensatur. 79.  
Episcopi Pragenſes quādo defecerunt. 100.  
Episcoporum Habitus. 5. 41.  
Eucharistia miraculo detecta. 97.

F.

Fundator Studij Parisien. Canonicus Reg.  
65. Hospitalis S. Spiritus Romæ. 27. v.  
*Benefactor.*  
Fundatoris Vilnensis encomium. 125.  
Fundatores aliorum Ordinum Canonici  
Reg. 85. & sequ.  
Fundatorum mortem etiam lapides deplo-  
rant. 57.  
Fundatio cum Tit. Abbatia impedita. 128.  
Foundationes Religiosorum fructuosæ. 82.

H.

Habitus D. Salvatoris & Apostolorum. 5.  
40. &c. Episcopalis. 5. Canonice  
Reg. 71. 73. interior & exterior. 40.  
diversitas quæ diversificat Ordinem. 40.  
Horas Canonicas quare ab *Ave Maria* in-  
choamus. 103. canentes, juvant Ange-  
li. 78.  
Hospitalis S. Spiritus Romæ Fundator. 27.  
Hugonis de S. Victore sanctitas. 37.  
Hugones multi Canonici Reg. 9. 87.

I.

Jagello I. miraculorum instauratur. 99.  
Imago B. Virginis Crac. à S. Luca depi-  
cta. 103. altera in Capella Literatorum  
147. S. Mariæ de Gratijs Vilnæ. 125.  
Insulati ex Congregatione Crac. 143. &c.  
Inimici profunt odio plusquā obsequio. 110.  
Institutum Congregationis Crac. ambiunt  
externi. 148.

Insulæ Trithemitaræ seu Diomedææ. 83.  
Intrusi non prosperantur. 100. 110.  
Judæi pulsi Cracoviā quando? 106. decē  
mas solvere tenentur. *Ibidem.*

L.

Lachrymantes aves. 83.  
Lenitas severitate peior. 109.  
Libertatis propugnatores acerrimi. 110.

M.

Mali quandoq; profunt. 110.  
Martyres Franciscani apud Can. Reg. 82.  
Martyrum ex Ord. Canonice Reg. mul-  
titudine. 68.  
Meditatio fervens arbores accendit. 76.  
Miraculo Corpus Christi in palude dete-  
gitur. 97.  
Missæ Gothica S. Isidori. 57.  
Monachi unde dicuntur. 19.  
Monachorum origo. 2.  
Monasterium Monachum non facit. 45.  
50. v. *Canonice Conventus.*  
Monasteriorum Canonicalium multitudo.  
7. &c. 56.  
Moniales à Canonissis processerunt. 91. &c.  
Mors Magnorum quid portendat. 107.  
Mortem Fundatorum etiam lapides deplo-  
rant. 57.

O.

Observantiæ regularis rigor. 44.  
Ordo Canonice Reg. Parens cæterorum.  
1. &c. 85. SS. Dominici & Francisci, à  
quo confirmati. 28. & Patrum Trinita-  
riorum. 27. 89.  
Ordinis Canonice Reg. antiquitas. 1. 5.  
8. 11. &c. 14. 41. 48. Reformatores.  
15. curam egerunt magni Sancti. 12. 16.  
Ordines. 40. & ultra sub Regula D. Aug.  
89. duo erant initia Ecclesiæ. 50. 92.

P.

Onuphr. Panuinus cur sæpius allegatur. 37.  
Paramenta Ecclesiæ benedicere qui pos-  
sunt? 55.  
Patriam defendunt Sancti. 135.  
Pauper JESUS importunus pro Nostro  
merito. 77.  
Pauperi qui dat non perdit. 79.  
Pauperum vinum indeficiens. *Ibidem.*  
Phæbus post nubila. 111.  
Poloniæ faventiores extranei. 104.  
Pontifices Romani 70. ex Ord. Canonice  
Reg. 22. qualem gestant vestitum. 41.  
quantam curam habuerunt de hoc Or-  
dine. 15.  
Postulantur Professi Crac. ad honores ex-  
tra. 115. 143. &c.  
Prata Matheyki Conventui Crac. data. 105.  
Processio ultramontana Romæ. 126.



Processiones Crac. ad Ecclesiam Canonico-  
rum Reg. 98. quolibet die Jovis cum  
Sanctissimo. III.

Prælati infiniti in Ord. Canonico. 7. 56.

Præpositi I. Crac. Conradi merita. 101. 141.  
duo, uno anno. 107.

Præpositorum Crac. maximus meruit re-  
gnare rogatus. III.

Purgatorium S. Patricij. 46.

## R.

Reformatores Generales Ordinis Canonico-  
rum Reg. 15. &c.

Religiosi externi ambiunt Congregationem  
Crac. 147.

Rex qualis talis grex. 105. III.

Reges &c. Canonici Reg. 30. quantope-  
re affecti Ordini Apostolico. 31. &c.

Neapolitani cur dicuntur Jerosolytani. 28.  
Regum quanta devotio? 31. &c.

## S.

Salutis alienæ zelus. 43.

S. Adalbertus Mart. Canonicus Reg. 42.

S. Albertus Patriarcha Jerosolymitan. 86.

V. Albertus de Altissimis. 80.

S. Albini Professio & miracula. 52.

S. Antonius multum nobilitavit Francisca-  
nos. 87. ejus Professio, *ibidem*, deside-  
rium Martyrij. 82.

S. Augustinus à quo accepit formam re-  
formandi Canonicos. 47. ejus merita  
& labor. 64.

S. Basilij Professio. 47.

S. Bennonis Professio & miracula. 52.

S. Bernardus Canonicor. Reg. cum dæmo-  
ne pingitur. 73.

S. Bernardi Claravallen. Canonizatio. 27.

S. Dominici Professio & miracula. 85. &  
S. Francisci Ordo confirmatus. 28.

S. Dunstanus non properat vocatus ad  
Cælum. 43.

S. Emirtius miraculosè assumptus ad Epi-  
scopatum. 49.

Sac. Eucharistia inventa miraculo. 97.

S. Francisci Tertiariæ, Casimiræ ad Craco-  
viam. 108.

S. Frigidian. Reformatore Lateranensium. 52.

S. Gelasij Papæ merita. 23. 58.

S. Gertrudis sub uno nomine 2plex. 90.

B. Hedwigis Reginæ memoria. 99.

S. Ildefonsi Vindiciæ. 50.

S. Ivo primus Compiler Canonum. 38. 66.

B. Ivo ex Canonico Reg. Episcopus Cra-  
coviensis. 75.

S. Laurentius Justinianus. 39.

S. Martini Professio. 45. liberalitatis lo-  
cus. 74.

SS. Matris DEI laudes canunt Angeli. 78.  
v. *Imago*.

S. Nicolai Tolentini Professio. 87.

S. Panthaleo providet Crac. annonam. 105.

S. Patricij Purgatorium & Professio. 46.

S. Petri Damiani Professio. 60. humili-  
tate. 53.

S. Remigius & alter. 44.

S. Rufi Professio. 48.

V. Adami Sibovij vita apparitiones mors  
&c. 134. & sequ.

B. Stanislai Casimiritani vita. 129. Vigin-  
ti Stanislao celebres sanctimonia me-  
morat. 84.

S. Theotonij memoria. 31.

S. Thomæ Cantuar. Professio. 42. Cano-  
nizatio. 27.

S. Ubaldi Professio & miracula. 53.

Sancti, Canonicis Reg. amant sociari. 82.  
favent Patriæ. 135.

Sanctorum multitudo ex Ord. Canonico-  
rum Reg. 7. ex Congreg. Crac. 133. &c.

Sepulchra Servorum DEI dæmonibus for-  
midabilia. 134.

## T.

Tentatio facit proventum. 77.

Tertiariæ S. Francisci ad Ecclesiam Canonico-  
rum Reg. Crac. 108.

V. Thomas à Kemp. habuit in Ordine Ca-  
nonicorum Reg. Fratrem Joannem. 81.

## V.

Villa Jakientany qualiter accessit Conven-  
tui Vilnen. 128. Szwozowice Kamien  
& Liplas Conventui Crac. 102. Item  
Krzyżkowice. 105.

Vinum pauperum indeficiens. 79.

Virginum SS. Canonistarum Catalogus. 81. &c.

Viri Sancti ex Congregatione Crac. 129.  
& sequ.

Virorum Magnorum mors, præsagium ma-  
lorum. 107. multitudo ex Ord. Cano-  
nicor. Reg. 7. ex Congr. Crac. 143. &c.

Vita regularis in primitiva Ecclesia. 1. 5.

Ven. Joan. Rusbrochus &c. 68. &c.  
B. Stanislai Casimiritani. 129.

Vitæ Sanctorum Congr. Crac. 133. &c.

Unio Congr. Crac. cum Romanis. 100.

Volumina manuscripta in pargameno à  
Can. Reg. Crac. 102. 141.

## Z.

Zelus liberæ electionis. 110. alienæ salu-  
tis. 43.





## PARTIS I. OPERIS SUPPLEMENTUM.

**M**agnū amorem pro eximio candore, Candido Præmonstratensium Ordini debet Nostra Lateranensis Congregatio, quam per suos Scriptores JOANNEM de Nigra VALLE millies citatum, & Fr. JOANNEM Le PAIGE in Bibliotheca Ordinis Cap. 3. & sequ. Lib. 1. tantis celebrat encomijs, ac si propriæ causæ susciperet patrocinium. Ibi enim ultra dicta jam à Nobis sub Num. 1. 5. II. 14. 41. & 48. vel ex ipsa Veste lineæ (quam propriam Levitarum ac Apostolorum evidentissimis, ijsq; diversissimis Sac. Scripturæ & SS. Patrum probat documentis) deducit antiquitatem Canoniorum Regularium S. Augustini, qui nunc Lateranenses vocantur. Nec refert, quod ibi aliquantulum trahat in partem Præmonstratensium, Canonicos Regulares S. Augustini dicens, quod Præmonstratenses non abjecerint lineam Vestem in exercitijs Ecclesiasticis; quia sic etiam Monachi omnes essent Canonici Regulares S. Augustini, ex quo utuntur lineis tegumentis, ministrantes Divinis. Præterea ipsemet Author Bibliothecæ, distinguit antiquiores Canonicos Regulares S. Augustini, Tum Nomine, dum suos appellat Canonicos Præmonstratenses, vel Canonicos S. Norberti; Tum etiam Habitu, dum interiorem & essentialem Habitum (qui est signum externum Professionis internæ, juxta D. Th. 2. 2. qu. 186. à 6. ad 2. & Concil. Trid. Sess. 24. Cap. 6. de reform. & est semper in usu) Canoniorum Regularium S. Augustini probat esse *Vestem lineam*, juxta dicta superius sub Num. 5. 8. 40. & c. 71. 73. jam verò Canoniorum Præmonstratensium dicit esse *tunicam laneam & niveam cum Scapulari candido & laneo*. Ibi etiam Cap. 4. Sect. 2. asserit Canonicos Sæculares ex Regularibus processisse, & Sect. 3. 4. & 6. Originem Canoniorum Regularium S. Augustini deducit amplissimè ab Apostolis. Sect. 7. expugnat Monachatum D. Augustini, & expungit Sermones ejus ad Fratres in Eremitio. Sect. 8. Regulam S. Augustini scriptam docet pro Canonicis non Monachis. Sect. 10. tractat de universali Reformatione per Orbem Canoniorum Regularium, ejusdem S. P. Augustini, & multa alia in alijs Sectionibus subjungit, quæ minimè conveniunt Canonicis Præmonstratensibus S. Norberti, ut consideranti benè patebit, maximè quod S. Norbertus octavo sæculo post S. Augustinum, Suorum Institutum perfecit.

Firmat prædicta fermè omnia Fr. FRANCISCUS à S. Augustino MACEDO, Ordinis Minorum Observantiæ Lusitanus, Magister Conimbricensis Lector bis Jubilatus, Professor Patavinus, Civis Venetus. Qui amore D. Augustini (prout ipse fatetur in Conclusionem Libri: *Nec me pudeat fateri: Augustino nimis volo, sed hoc ipsum nimis parum mihi videtur*) multa scripsit de illo Collat. 9. Different. 4. Cap. 3. & 7. Ubi eundem à Monachatu vindicat, & Canonici Instituti Professore diversis rationibus & autoritatibus deducit. Ibidem Different. 3. Cap. 5. Regulam S. Augustini (quæ non sine fundamento à Nostro Hugone de S. Victore in octo Capita velut in octo Beatitudines distinctam canonizavit) cæteris tribus præferit. Et Collat. 8. Different. 1. Cap. 3. Sermones ad Fratres in Eremitio velut abortivum D. Doctoris partem rejicit dum dicit: *Pudeat eos illis Sermonibus habere fidem, qui à doctis & emundæ naris Viris rejiciuntur. Mihi notum est spurios & spurcos esse, Augustini Nomine prorsus indignos. Miror vehementer, quod nonnullis probentur etsi &c.* Et pro hac assertione adducit Cardinalem Bellarminum Lib. Hist. Eccl. in Verb. Augustinus in Censura Tom. 10. ubi dictus Cardinalis ejusmodi Sermones in Eremitio improbat & evergit, velut fundamenta Status Eremitici D. Augustini, & eundem Clericali restituit Ordini, dum ait: *Constat ex Possidonio Augustinum post Baptismum in Patriam redisse ad propriam domum &c.* Deinde factum Presbyterum Hipponen. Monasterium habuisse juxta ipsam Ecclesiam, ibiq; cum nonnullis vitam Apostolicam duxisse, non utiq; in Eremitio, sed intra Urbem. Deinde factum Episcopum cum Clericis suis vitam communem egisse: de qua re duo extant Sermones ejus.

Idem Collat. 9. Different. 2. Cap. 2. Antiquitatem Ordinis Canoniorum Regularium S. Augustini, multis argumentis & Summorum Pontificum Constitutionibus deducens concludit: *Quare primi ac soli Canonici Regulares initio Ecclesia vixerunt, à quorum perfectione, cum, processu temporis nonnulli recedere cepissent, Sæculares devenerunt, & frigefcente illo ardore animi, & laxante se nervo industria, vota neglexerunt, & regularem obser-*



*Observantiam deseruerunt. Qua certè Sententia tam est vera quoad Primum, de prima Regularium Canoniorum Professione, ut mirer fuisse, qui docere ausi sint Clericos Sæculares fuisse primos, & antiquiores Regularibus in Ecclesia. Nullum quippe locum habent, uti proxime vidimus in Actibus Apostolorum, nec in Epistolis Pauli, ubi pedem ponant.*

Idem ibidem Cap. 6. Ejusdem esse Instituti probat Canonicos Regulares cum eis, qui ab Apostolis sunt instituti. Et Cap. 3. unum probat, nempe quod Canonici Regulares antequam inducerentur in Lateranum, debebant ad S. Petrum in Vaticano, sub præsentia Summorum Pontificum usq; ad tempora S. Sylvestri Papæ, ubi etiam multas alias eorum Ecclesias enumerat, prout & Bibliotheca Ordinis Præmonstratensis Sect. II. Alterum improbat nempe quod ab Orientalibus per Hilarium Pictaviensem, & Eusebium Vercellensem Episcopos, hauserint vivendi Apostolicæ normam, quæ in Occidente Romæ præsertim, permanenter & sine interruptione à temporibus Apostolorum servabatur. Verum quoad Primum Authori data fide, quoad ædum facili negotio solvo scrupulum. Quod non obstante permanentiæ Vitæ Apostolicæ in Canonicis Regularibus Romæ, eam mutaverint Occidentales ab Orientalibus, non quidem quoad substantiam cum præfuerit ante, sed quoad modum, qui fuit magis exactus & commendatus, ut patet ex ipso Eusebio allegato à Nobis sub Num. 48. ad eum modum; quod licet Canonici Regulares præfuerint ante S. Gelasium in Lateranensi Basilica, nihilominus à Gelasio dicuntur ibi instituti, scilicet observantioris formæ, ut annotavit Onuphr. Lib. de 7ptem Urb. Eccl. in Lateranen. *Gelasius Papa Clericos (qui ab arctiori vitæ Instituto Canonici Regulares vocati sunt, hi Apostolorum & primitiva Ecclesiæ more, secundum Augustini Regulam in comuni vivebant) Laterani collocavit.*

Idem eodem Cap. 5. Primos Summos Pontifices scilicet S. Linum, Cletum, Clementem, Anacletum, Evaristum, Alexandrum, Sixtum, Thelesphorum, Higinum, Pium, Anicetum, Soterum, Eleuterium, Calistum, Urbanum, cæterosq; Romanos Pontifices usq; ad tempora S. Sylvestri Papæ ex Canonicis Reg. recenset. Et Cap. 4. S. Eusebium Vercellensem, S. Hilarium Pictaviensem, S. Martinum Turonensem, S. Gaudentium Ultrajectensem Episcopos. Item Collat. 8. Different. 2. Cap. 7. S. Alipium Socium D. Augustini & S. Anianum D. Marci Discipulum, Collat. 9. Different. 4. Cap. 6. §. 2. ex Ordine Canoniorum Regularium ostendit.

Ultimo S. NORBERTUM fuisse Canonicum Regularem S. Augustini manifestè demonstrat Jacobus Vitriacus Cardinalis in Orientali Historia Cap. 22. citatus in Prologo Bibliothecæ Præmonstratensis Ordinis.

F I N I S.





Re-  
fi-  
xi-

m  
nici  
ica-  
ubi  
pra-  
ila-  
sto-  
rio-  
fi-  
ntia  
ota-  
oad  
gato  
rint  
tuti,  
in-  
us-  
com-

m.,  
ligi-  
ma-  
et-  
Tu-  
at. 2.  
m.,

festè  
atus



